

《我的MK妹同桌》第二季

作者: 趕故書生

Powered by [紙言](#)

1

可以同返呀詩一齊，係我近呢一年最開心嘅事，雖然一開始好開心，好似重新表白過咁，但係都有啲無所適從。

幸福有啲來得太突然。

但其實我一路都感覺到佢心軟緊

就用百份比咁比喻啊，一開始其實呀詩係90%想拒絕，10%心軟。然後當我再講，發起攻勢嘅時候，就已經75%想拒絕，25%心軟。再嚟，就係60%想拒絕，40%心軟，最後

好啦好啦，挨係我膊頭。

所以話點解出面有咁多狗公都有飯開，因為佢呢種攻勢都會有人受落，狗公就係想撕開女仔矜持嗰一面。

只要狗公識得睇得穿個女仔有一絲動搖嘅一面，就會落足攻勢，期望攻破堡壘。個情況就好似打機咁，無人會想玩一隻明知爆唔到關嘅遊戲。

咁可能你破到70%嘅時候都爆唔到關，但至少一開始隻game都俾到種感覺你可以玩落去啊嘛，係咪？

所以唯有100%嘅堅守，先會俾唔到遊戲體驗啲狗公。

言歸正轉，我最後都係成功氹返掂呀詩，如果一開始呀詩真係好堅決話已經無可能返轉頭嘅話，我諗我就會死心。

我當初都唔識睇呀詩嘅心意，無錯，係用「睇」。

睇唔出呀詩背後嘅不捨，睇唔出呀詩眼淚底下嘅心軟，睇唔出佢嘅口是心非。

至少，依家因為了解呀詩，至少都睇得出少少。

我同佢都忽然間有啲唔知點算好，應付唔到呢種突如其來嘅轉變。

我同佢之後淨係識係度傻笑。

「嘻嘻嘻。」

「哈哈哈哈。」

「做咩啊？隔一排唔識拖我隻手啊？」呀詩迎著海風，輕輕一撥佢嘅劉海，久違嘅傻氣表露曬出來。

俾佢咁樣提一提，暗串我依家唔識拍拖？

「咩啊！點會唔識啊？」我又再次拖起呢隻熟悉嘅手。

此刻我只想沉醉係呢個喜悅入面，心入面暗暗發誓今次一定要好好咁珍惜呀詩。

我無講出口。

我只係想用行動證明。

嗰種失去嘅滋味真係唔好受，我唔想再經歷多一次。

經歷過今次之後，發現原來有啲嘢，唔輪到你唔想，要嚟嘅點都會嚟，唔會問過你同意。

而且好似有啲深埋咗係根部，一直成為我哋心入面嘅一條刺。

考完DSE，之後就係放飛嘅時間，嗰陣時個腦淨係不停咁谂，去邊度邊度玩。

距離放榜仲有一段時間，有啲人去打工，賺下錢去玩，有啲就瘋狂打機，用嚟發洩之前瘋狂操卷嘅怨恨。

呀詩就一路都返緊part time，但圍內比較熟嘅朋友仔開始傾緊去邊度grad trip。

而蕃薯仔同埋子晴竟然各自問我一條我都唔知點答嘅問題

2

「你有無諗住去grad trip啊？」蕃薯仔問完，就到子晴問我。

隔離班好多人都準備緊，我都想同呀詩去畢業旅行啊！！一定好難忘，係青春嘅感覺啊

只不過蕃薯仔同子晴真係好奇怪，兩個分別嚟問我，我以為佢哋傾好曬，有共識然後問我join唔join喫嘛。

「諗緊啊。」我兩個都咁樣回。

「咁你可唔可以幫我問下蕃薯仔去唔去啊？」子晴問我。

「咁子晴去唔去啊？」憇鳩蕃薯仔問我。

佢兩個嗌咗交啊？

「做咩唔自己問佢呢？」我統一回覆，真係唔知佢哋搞邊科。

「er我驚佢屋企人唔俾」睇完個msg，我眉頭一皺，睇你個款唔似係咁啦，我用男人心feel都feel到。

反而子晴坦白咁同我講原因：「因為我驚囉其實，我哋考DSE前有提過下嘅，但反而考完之後諗起就怕羞，啲人話去旅行就會見到對方最真實嘅一面，然後就會唔同喫啦，仲有好多人因為咁分手。」

「哦～咁樣唔係仲好咩？」我反問。

「而且，會同蕃薯仔一齊過夜，孤男寡女咁」子晴sd咗個怕醜公仔俾我，我都可以想像到平時正正經經嘅佢，臉紅紅嘅樣。

「哈哈哈！」隔住個mon都笑到我呢，原來真正怕嘅係呢樣！

「放心啦，蕃薯仔無咁嘅膽噃。」雖然咁樣恥笑佢唔係幾好，但真係好好笑。

蕃薯仔真係好命啦，不知幾撲多男仔用子晴嚟打飛機。

但我知蕃薯仔係啲喺偷食嘅人，除非子晴主動出擊，如果唔係佢係唔會有咩行動，就算情到濃時，子晴俾曬暗示都好，佢都係唔會識睇。

其實講到底，你估女仔好多暗示咩？

佢唔反抗，唔抗拒就係最好嘅暗示，唔通你要佢簽埋同意書先去馬啊？

「真係咩？」子晴半信半疑。

「佢係你男朋友，乜唔係你清楚啲咩？」

「我唔知啊就係」

心諗，唔通我知咩？咁我當然無講出口啦，但係我唔多唔少都明佢哋擔心啲咩。

只係

點解係我？

兩個同時間搵我講呢個問題，其實我咩都知道曬，變相個局好似係我設咁。

「你唔好諗咁多啦，到時候氣氛會同你講真話㗎啦。」

我見住子晴輸入中又停下咁，然後又輸入中

最後淨係覆咗個「好啦」

蕃薯仔都係差唔多，換句話講，其實佢哋兩個幾夾，我就咁睇都覺得幾好笑，另類嘅sweet。

最後我哋揀咗去台灣畢業旅行。

我哋有傾過嘅，大家最想去嘅地方就係日本，但日本真係太貴啦，然後子晴同呀詩想去韓國，但我同蕃薯仔唔想去泡菜國。

得返泰國同台灣二揀一，最後都係想平平地去台灣，又可以自由行，語言可以通。

我拉住佢哋兩條線，就咁搞咗個grad trip，呀詩當然話ok，佢都想去玩，但呢段時間要返多啲工

我有提過話不如我幫手出一啲啦，佢唔俾，佢係有種MK式嘅傲氣態度，差啲搞到嘈交添，見佢咁堅持，咁有底氣我就無再勉強落去。

考完DSE之後，最期待嘅，就係呢一個旅行，事關考完之後嘅日子，精神一陣之後，就回歸無聊。

到機場，當然我哋兩對情侶各自出發啦，但啲女仔真係好奇怪，一見到咁就好興奮，嘈到拆天，繞曬手咁。

「詩詩 ~ ~ ~ ~ 」

「晴晴 ~ ~ ~ ~ 」

「你哋好慢啊 ~ ~ 」子晴同呀詩抱怨，把聲我唔知可以點形容，但我聽完係起曬雞皮！點解女人可以咁樣相處？？？

「估唔到我哋真係可以一齊去旅行！！我期待咗好耐啊！！！」呀詩捉住子晴隻手，係度轉咗一圈。

我睇到好尷尬

我同蕃薯仔呆咗企係度

「我都係啊～～～」子晴都好興奮咁回應佢。

已經無人可以阻到佢哋兩個啦，我由佢哋，下刪三萬字算數。

但當我上機之後，開始察覺唔係幾對路。

因為變咗我同蕃薯仔坐，佢兩個一路傾得好開心，好自然就一齊坐。

唔係成個trip都係咁啊？今晚我要同蕃薯仔瞓？？喂！！！我唔想咁啊啊啊啊！！！！

「大蕃薯，你唔係諗住成程trip都係咁啊？」我用手指指住我，又指住佢。

「咩啊？」佢天真嘅眼神，令你哭笑不得。

「你想今晚我哋兩個瞓啊？」

「下？我唔介意啊，可以同自己最重要嘅人去玩，已經好開心啦！」我望住蕃薯仔，衷心地佩服佢。

聽完佢咁講，估唔到佢嘅諗法係我無諗過。因為我一直嘅出發點都係想同呀詩恩愛咁去呢次旅行，但蕃薯仔嘅出發點係想同最重要嘅人一齊去旅行，姐係好朋友同埋女朋友。

可能呀詩都係咁樣諗。

搞到我咁樣嘅諗法好自私添，淨係想同呀詩拍拖去旅行咁

我望一望個窗，忽然間諗通咗啲嘢，然後我就見到呀詩佢都係度望緊窗口。

我哋霸咗兩排兩人位嘅窗口位，佢同子晴係前，我同蕃薯仔係後。

呀詩望到我，眼仔精靈咁伸個頭過嚟，兩個窗口之間有個細小嘅空隙可以傾下偈，跟住呀詩細細聲講：「打飛機啊？」

「咩打飛機啊？」

「妖！」呀詩皺一皺眉，「我係話！架飛機郁啦，打咩飛機姐咸濕仔。」

架機開始駛出去，稍為開始快少少，佢就好興奮咁講：「啊啊啊！！郁啦郁啦。」

「你無搭過飛機咩？」

「無啊。」呀詩望住個窗，十足十一個大細路咁。

「洗唔洗咁啊？好快就落機啦喎。」望住佢咁，就覺得滿足。

「係喎！差啲唔記得要紀錄返咁重要嘅時刻添，影相先，哈哈！」呀詩對住我笑得好天真爛漫。

拎住部我之前送俾佢嘅iPhone4，如今已經推出咗iPhone5啦，其實未一齊返之前，都知呀詩仲用緊呢部手機。

但係次次見到呢部手機，就變成一個我諗返起過去嘅媒介，會諗我哋分開咗呢段時間，佢用緊呢部電話有咩感受呢？係咪會睹物思人？

内心係想呀詩係嗰段時間有曾經掛住過我。

左影右影，然後我哋偷偷地係窗口位影咗張相，快影咗幾張，好多張都好似鬼影咁，淨係見到啲殘影，成個人係唔見咁咁。

得兩張係影得我哋比較清楚。

相入面嘅我哋笑得好開心，鬼鬼祟祟咁，係我哋分手後複合第一張合照。

呀詩提議話我哋四個人影返相，跟住就俾空姐走過嚟話：「小姐，差唔多要起飛，麻煩請收起部電話佢。」

但我哋係佢講呢句嘢嘅時候，就已經影咗張相，我哋幾個俾人話仲可以笑得咁開心。

可能係其他人眼中我哋係無乜禮貌嘅死仔，但此刻，我覺得一班人咁樣好青春。

3

好快就到台灣，呀詩係未停定嘅時候已經蠢蠢欲動，呢個時期嘅我哋，無時無刻都掛住個笑臉。

落機佢就好似個好奇寶寶咁睇個不停，又周圍咁影，但呀詩嘅回眸一笑，會令我一世都難以忘記。

因為呢個笑容係失而復得嘅笑容，令我中間斷咗一年半左右嘅時間入面都魂牽夢縈，當我再次見返呢一個笑得咁燦爛嘅呀詩，我成個人雞皮都起曬。

呢一年嘅心酸唔知點解，此時此刻湧出嚟，想喊咁款。

「喂！！搞咩啊你？」呀詩用佢嘅笑容叫住我。

就算係咁，我都呆咗咁望住佢。

佢走過嚟拖住我，正想轉身行嘅時候，好似留意到我表情上嘅異常。

「做咩啊？唔開心啊？」

「唔唔係啊，好似有啲肚痛咗嘛。」我扮個肚痛樣。

「你快啲啦！子晴佢哋係出面等緊啦，頭先又唔去喎，依家我去完又話去。」

「咪又係因為等你去廁所！先咁耐咗嘛。」

我哋笑住咁打情罵俏，噃種真實感先返返嚟。

我哋都係揀台北呢個最大路嘅地點，相信無邊幾個香港人無嚟過。

我哋擺低啲行李就即刻出發，除咗以前小學啊，低from仔嗰啲學校旅行，冇成班人咁樣出去玩，會亢奮持續兩日之外，已經好耐無試過。

基本上由出發前一日開始，已經一路亢奮到依家，好似打咗啲興奮劑咁。

去台北101先，我哋落機已經晏就，去完一個地方就已經入夜，夜晚已經諗好要行夜市。

第一次可以同自己一路識開嘅朋友仔，仲要同女朋友，經歷咁多嘢嘅人，咁樣一齊去旅行，噃種開心、興奮嘅心情，仲略略帶住啲幸福感。

好幾次我咁樣諗諗下，都毛管棟。

每去一個景點，我哋都有笑料，薯仔都玩得好放，而且都好照顧子晴，呢一刻大家唔洗諗前面條路點樣行先好，唔洗面前殘酷嘅現實，好似去咗呢次旅行，就去咗一個夢幻嘅國度咁，終於有一個位可以俾我哋幾個逃避下現實。

雖然只係一刻，好短嘅日子，都足夠難忘。

甚至乎好想就咁停留係度，唔好返去，之但係，人總係會喺將來嘅時候先發覺，過去就好似一副畫咁，只會停留喺個畫面。

「蕃！薯！仔！你幾時影㗎？」子晴呆咗望住自己嘅手機，厲聲問道。

「咩啊？」佢一臉無辜，佢無辜個樣真係好似一舊蕃薯，即使佢之前暑假高大咗，靚仔咗，但都係無變到。

「你睇下啊點解會有你兩個嘅相係我手機度㗎！」

「哦，你講緊嗰張啊，哈哈哈哈！」其實係我同蕃薯仔玩嘅，嗰陣佢幫緊子晴喺101上面影緊相，我行埋去睇下佢影成點，點知佢轉咗自拍，無影到子晴，睇一睇我同蕃薯仔嘅合照，都幾正啊。

「好耐啦噃，你依家先發現啊？」蕃薯仔果然係年少輕狂，唔係幾識死。

自從我同呀詩拍拖之後，把口都收斂不少。

「下？」

下一秒，子晴隻手用迅雷不及掩耳嘅速度嚟到蕃薯仔嘅耳仔隔嚟，一切嚟得太快，已經太遲了。

「啊啊啊啊啊啊啊！！痛痛痛痛！」

「我部手機係咁俾你污染㗎？」

「唔唔係，我del，我del。」蕃薯仔求饒嘅樣，係好多港男嘅寫照。

我哋喺河岸旁搵個地方食掃街掃返嚟嘅嘅，我哋依家身處嘅地方係台北饒河街夜市，聽講呢個夜市幾大，我哋plan好最後返嚟嘅時候先再去士林夜市。

係，無錯。

係返嚟。

因為我哋唔諗住淨係留喺台北，諗住去埋墾丁！

——台灣最南部。

「算啦！」子晴鬆開蕃薯仔隻耳仔，「男仔係咁幼稚㗎啦。」

但子晴雙眼無離開過張相，睇得津津有味。

「係囉！」呀詩係我隔離講。

「我哋係增添樂趣㗎！你識咩啊。」

饒河街夜市除咗好長之外，去到中間有條路可以行出去，本來我哋諗住搵個位坐低食，但意外嚟到呢個情人橋。

情人橋下面係一條長長嘅河流，我哋就咁沿住河岸一邊行，一邊食住頭先一齊買嘅嘢食。

個河岸嘅夜景認真靚，唔係講笑，誤打誤撞搵到呢度，呢種旅行嘅驚喜真係令人好陶醉。

「你睇下佢哋兩個，平時收收埋咁，依家幾鬼痴纏，幾鬼恩愛？」呀詩撓住我隻手，等緊我餵嘢食俾佢，懶到佢。

「梗係啦，佢哋依家唔一次過爆曬出嚟咩，可能佢哋今晚忍唔住會」我做出一個雙手合十嘅動作，然後不停地快速拍掌。

啪啪啪啪啪

外加一記壞笑。

「你個腦淨係實諗埋啲嘢喎！」呀詩講就咁講，但個樣就眉開眼笑。

「我哋今晚唔可以輸㗎！！！」我用挑逗嘅眼神望住佢。

「扁你啦！邊個同你咩咩啊？」呀詩反擊，但軟弱無力，雙頰稍稍泛紅。

「係咩？」我串返佢，然後

就打我啦。

「喂！你兩個，做咩行咁慢啊？」佢兩個都行到好前，然後喺前面嗌返我哋轉頭。

如果呢個時候，有另一個鏡頭影住我哋，我哋可以望返我哋嘅話，我相信見到呢個畫面，會係一個幸福嘅畫面。

唔知配咩音樂先最啱feel呢？

反到酒店，喺㗎度，我問道：「咁一陣係去邊個間房？」

我以為以為大家咁樣出到嚟玩，會預咗大家聚下，飲下酒吹下水，又或者玩下game。

難得我嘅想法都轉變咗，適應咗，但點不知，呀詩用手肘撞一撞我，而且子晴同蕃薯仔都無咩反應。

我先明白

扁！！仆街，原來大家都明，今晚係屬於另一半嘅夜晚，而我頭先問咗啲唔應該問嘅嘢。

唉，喊出嚟，有點柒。

「啊～仲有啲餓添，想食啲先。」我兜。

「咁食完先囉，哈哈！」子晴笑笑。

各自回房休息，今晚睇嚟係一場持久戰。

4

咁我哋都要準備聽日直落墾丁嘅，因為最後先再返嚟玩轉台北。

老老實實，呢次旅行，唔期待夜晚就假嘅，呢次係復合完第一次，呢次嘅興奮同期待，不亞於人生第一次嘅時候。

但亦都有種羞澀係度，唔知點開口，同埋怕生硬，簡單講姐係未熱身啊。

最後我哋兩個攤咗係張床度，揼緊手機，嚟嚟去去都係ig同facebook，又係心理戰。

望望佢個樣，又無咩反應，無咩表情，我只好靜觀其變，噃種內心嘅爭扎，介乎於其實想要，但又唔想到太出面咁。

無幾耐，我就頂唔住寂靜，話我去沖涼先。

「好。」

正當我入去享受緊獨自一人沖涼嘅時光嗰陣，呀詩佢亦都入埋嚟。

「哇！好凍啊～做咩開到個冷氣咁大？」呀詩佢全身赤裸，一絲不掛咁走入嚟，我係有啲吃驚，反應唔嚟。

「哇你做咩啊？」

「沖涼囉。」佢一邊講，一邊整理佢嘅頭髮。

「一齊沖？」我笑出嚟，幾估佢唔到。

「呢度咁大，唔一齊沖曬咗啦，喂喂借借啦，我好凍。」

於是將個花灑拎走佢，淨係淋自己。

「扁你啊！！我好撲凍啊！」呀詩隻眼碌到好大。

我撲多佢幾轉，先將個花灑淋落佢去，專人服侍咁沖洗佢全身。

「喂！李建強你隻手啊好唔安分喎。」

「邊有，我不知幾專心咁幫你沖，你自己諗歪姐。」我隻手已經係佢全身度遊走，而且我全身都已經準備就緒。

「係咩？嗯嗯嗯啊嗯」

5

呀詩佢用力咁打我一下，臉上盡是害羞，呢一幕好似隔咗幾個世紀咁。

我依家真係精蟲上腦咁，想將呢段時間嘅所有都爆曬出嚟。

「你睇下你，猴禽到你！」呀詩反倒不慍不火咁，想慢慢炮製我。

「我忍唔住啦。」然後就錫落去。

任由花灑不停咁淋落嚟，但都熄唔到我哋兩個嘅慾火，手口不停。

一會過後，呀詩講：「一陣先啦好無？」

言下之意，想將個戰場轉移。

「好！」聽到後先冷靜落嚟，細心一想，日後嘅時間多的是，呢一年都等咁耐啦。

之後我哋雞手鴨腳咁想幫大家沖涼，但又唔係識喎，洗頭洗到啲洗頭水入曬眼，沖到私人部位又挑逗下人，我哋兩個都係仆街嚟。

我諗，真係鍾意對方，先會想咁樣服侍佢吧？

沖完出嚟，見到呀詩係個梳妝檯度吹緊頭，唔知點解，見到咁覺得呢個姿勢好撩人。

我行埋去，擺起佢個風筒。

「？」

佢一臉愕然咁望住我，呢個神情喺塊鏡度反射出嚟。

然後就一陣甜笑，笑我咁話：「咁貼心啊？」

「係邊度學識㗎！？」佢兩隻手向上伸，攬住我個頭，一啞扯落嚟，甜甜地質問我。

佢錫埋嚟。

「睇韓劇囉！」

嗰陣韓劇啲啲興起，MK台灣潮流已經退卻，running man呢個綜藝節目成埋人睇，雖然我一集都無睇過。

但呀詩同子晴就有追開難怪做到好朋友。

6

「超，扮曬嚟啦你，成日都無理正經！」呀詩話完下一秒，就尖叫起上嚟。

「啊啊啊啊！！！」佢俾我公主抱咗上床，返埋房之後大膽咗好多，得返我哋兩個嘅時候，只係想甜蜜蜜。

「依家就唔正經俾你睇！」要好好教訓佢先得。

「我個頭未乾啊」講都講得有氣無力咁。

我已經用嘴唇封住佢雙唇，佢只能夠發出支支吾吾嘅聲音，無從反抗。

然後就係最激烈嘅時候，喺晚我哋大戰好幾次，直至効到仆街先攬住一齊訓。

呢一晚真係好滿足，身心都係，根本無時間俾我哋去細想咁多，只係想佔有對方，互相有來有往，咩花式都玩齊曬。

「我哋會唔會嘈到隔離㗎？」呀詩中途嗰陣問我。

「可能佢哋都嘈緊，聽唔到我哋啦！」我仍然賣力緊係呀詩身體度竄流，鍾意睇佢受不了嘅表情。

「啊你真係呢！」

「咩啊？」我壞笑。

「好鬼衰囉！又搞到人哋咁啊」用行動嚟證明自己有幾衰。

但其實佢自己明明就鍾意呢啲。

完事後，攬住一齊，大家都効効地，好有睡意嘅時候，呀詩問咗句：「唔知蕃薯仔佢哋今晚點呢？」

「咁真係唔知啦，佢哋好難講，我淨係知我効到仆街姐。」

「扁你啦。」呀詩嘅小拳頭拍打我心口。

第二朝，我哋遲咗半個鐘起身，到子晴佢哋執好嚟，過嚟拍我哋門嘅時候，我哋先知大鑊因為我哋要趕車。

我兩個拖住疲累嘅身軀執好嚟，捱住子晴同蕃薯仔嘅面色同埋眼神，呀詩兩隻腳軟到合都合唔埋。

見到子晴佢哋咁精神，我諗琴日進展無望㗎啦，趕頭趕命咁去到高鐵站，臨5分鐘前到車站，再趕埋入閘，炆水趕到上車。

一路上子晴都無乜點講到嚟，我都心知不妙，子晴瞓咗，係咁同蕃薯仔打眼色，佢都無能為力。

「好彩趕得切咋！！！」子晴終於開口講嚟，佢講完呢句之後，個心都定啲。

「你哋琴日搞咩嚟啊？」我心諗，真唔知定假唔知

「er.....可能搭飛機太効掛？」我亂噏。

「你哋琴日唔効咩？」我見佢哋面色都有點紅潤。

「都都効㗎！哈哈。」蕃薯仔真係好易穿煲，所以佢哋先可以行到咁遠？

後來先知道，喺晚佢哋無去到最後一步，因為子晴話驚痛，蕃薯仔又唔係喺好狼死嘅人，所以有咁嘅結果都合理。

我同呀詩就真係完全唔同，可能真係年輕氣盛，有好多活力，可以做到每日三次郎。

呢程高鐵係我兩個回氣嘅時候，而且好穩，好快就進入夢鄉，亦好快就到高雄左營，再搭車入墾丁，嚟到已經晏晝。

旅行充滿住好多幻想，諗住話揸喺啲電動車，車住自己女朋友，好有電影嘅浪漫感，但實情

唔係咁易喫葉師傅。

我哋嚟到墾丁，睇天氣預報話有微雨，但點知嚟到之後陽光普照，曬到痛啊

擺低啲就去租電動車，成條街行幾步路就有得租，因為唔洗車牌，而且車速慢，好多住宿都推薦，叫你話用嚟代步好方便。

我哋換咗一身沙灘裝，呀詩話就話慢慢越嚟越無陣MK妹，但間唔時都會感覺到無消失過咁。

佢成個look好索，MM地K咁

入面係一set比堅尼，然後一件白色over size嘅衫，下半身失蹤，根本好易就見到禁地。

加上呀詩白滑嘅雙腿，配上人字拖，成個腳形出曬嚟。

唔洗問，一路上一定吸死仔，只不過我反而好enjoy呢種眼光，為溝到呀詩而自豪。

而子晴我以為佢會行開保守嘅路線，但點知一望真係嚇親我。

最估唔到嘅係，呀詩比我仲驚訝，率先開口嘅係佢。

「哇！哇哇哇！！不得了，晴晴晴你」

「咩啊？」真心問，好肯定。

「你收收埋埋？？」

「估唔到你身材咁好喎！平時校服著開啲鬆身衫，真係走漏眼，好有料喎。」

我係男仔，唔識咁仔細嘅研究，但我頭先一睇，先發現完全子晴咁大波

起碼我知佢大波

「哇，蕃薯仔你真係執到寶，前事做得好事多喎你！」

子晴怕醜到後退幾步，雙手掩胸，但佢嗰件貼身衫同埋短版牛仔褲，已經遮唔到，平時佢都著得比較中性，較難睇出有咩突變。

「邊邊有喎」

蕃薯仔又成碌木咁企係度，反而變到唔好意思嘅係我哋。

本來清純見稱嘅子晴，忽然間俾我哋感覺變得咁性感，更覺得驚喜，原來佢咁正喎？真係不得了。

果然，落街就好多男仔行過嘅時候，眼神都會不自然咁飄落子晴同呀詩身上。

搞咗一輪租到電動車，我再三問蕃薯仔識唔譜揸喫

佢話自己識揸單車，因為民宿個老細話實揸單車就得喎啦，好簡單，個個都係咁揸，所以佢話ok。

點知一上車嗰陣，先知原來唔係咁易。

佢哋兩個拎到車先，已經係側邊試緊，點知一個唔為意，蕃薯仔同子晴已經炒咗車，成㗎車側曬，受唔到力，扶唔穩，所以成個人仆咗落地。

「喂喂喂」

本來都無乜事，但蕃薯仔喺㗎車反側嘅一剎那，攬實咗子晴，搞到佢隻手落地先。

只可惜子晴都有啲皮外傷，但蕃薯仔呢下嚇親子晴同埋我哋幾個。

「你無事啊嘛？」

「你隻手點啊？」

「做乜咁傻啊？」

喺危險低下嘅下意識係呃唔到人嘅，係蕃薯仔心入面，子晴比自己更重要。

「你沒事吧？」老闆都擔心起來，佢係見到呢幕嘅人。

「你要輕一點啦，你扭的時候，裁波？」之後就一連串嘅台語，聽都聽唔明，但我估大約嘅意思都係要我哋小心啲嚟囉。

「你真係呢，你下次唔可以咁危險㗎！！知唔知啊？」子晴有啲焦急，兩個都唔想對方出事，閃到我同呀詩。

因為呀詩用力咁捉實我隻手，一言不發。

我拎到車，上車嗰陣佢捉到我膊頭實一實，心怕頭先嘅畫面再次發生咁。

蕃薯仔隻手佢話無乜事，都仲郁得，問佢係咪死頂，佢話痛到死點會死頂啊？我哋先放心啲。

但子晴係隔離驚餐飽，又話再係咁就唔要佢啊，唔要個斷手嘅做男朋友啊，蕃薯仔淨係識成碌木咁係度傻笑。

「你小心啲啊」呀詩捉實我，擔憂地說。

「知啦，最多咪死！係都我死啦，我係前面㗎。」我講笑咁講。

「唔準你咁講啊！！！」呀詩大力咁撼我。

之後我慢慢揸，一路上，我點撩佢講嘢，佢都無應我。

10

我哋向往台灣最南邊揸，揸到一半，我頂唔緊，越揸越慢，然後係一個海岸邊停低。

準備諗住氹呀詩。

因為頭先原本攬實我條腰嘅佢，鬆開咗，自己扶住後面。

此刻，我心軟曬落嚟。

落車後，轉個頭，就見到呀詩流緊眼淚嘅樣。

心好老實咁同我講，唔係啊？咁小事就喊？因為我知佢係在意頭先嘅玩笑。

「好啦好啦，我知錯啦，我頭先唔應該咁樣講」我行過去，幫佢拭淚。

我以為佢會發曬脾氣咁樣啦，點知佢抱實咗我，好彩我扶住咗，如果唔係又反車㗎啦，因為佢仲坐喺車度。

又係一句話都無講過。

淨係攬實我，勒住我，差啲無氣。

但呀詩呢個舉動，可愛到我佢都係著緊我姐。

我從後輕輕掃佢嘅頭髮，希望可以安撫佢嘅情緒。

「無事無事，我唔會有事㗎。」我呢刻先感覺到，原來呀詩人面嘅不安感係咁大。

原來我係佢心入面，係咁重要

一個在意你嘅人，係會連你嘅不經意嘅玩笑都會在意。

「我會慢慢咁揸，唔會出事㗎。」

「你出下聲好喝，如果唔係我唔知仲揸唔揸好㗎。」

佢都仲係無理我。

良久之後，佢好似攬夠啦，仲用我件衫嚟抹鼻涕。

「喂」我有氣無力咁講。

「咩啊？」佢鼻音重到，「邊個叫你講埋咁啲嘅啊？」

我笑住咁無話可說。

「快啲返子晴佢啦！！」

「又叫人唔好揸咁快？如果唔係好易」一雙凌厲嘅眼神係我隔離不停咁眨。

「快唔快啊？」

「快！」

之後一路上，呀詩佢攬住我條腰，我係倒後鏡度，可以清晰咁見到佢嘅笑容。

11

我哋揸到去鵝鑾鼻都要一段時間，原來都幾耐下，去到已經傍晚，夏風輕輕咁吹過嚟，唔知點解，係夏天嘅風先有青春嘅感覺。

去到嘅時候我同呀詩已經無乜嘢，行上去影下相，望一望個日落，就要摸黑咁返去墾丁大街。

揸到嗰度嘅時候，真係驚，痴線真係連街燈都無，我哋幾個揸得勁慢，除咗間唔中有車行過嘅車頭燈之外，係咩光都無。

不過最後都平安無事咁返到去，泊好車，行下墾丁大街嘅夜市，又掃街，買嘢食返民宿度食。

今晚就無之前咁，各有各玩，而係去蕃薯仔間房吹水食嘢，無無聊聊，傾下偈，打下機，玩下game，玩下啤牌就一晚。

第二日就去玩水game，book好咗啲水上運動，開心嘅時候好快就會變曬回憶。

「有啲驚」蕃薯仔同子晴都驚到咁乜，話驚跌落海掂唔到地，好無安全感。

但呀詩就好鬼死興奮，話點都要落水先好玩，而我就無咩所謂，所以呀詩就不停咁說服佢哋兩個，個畫面好鬼好笑。

「驚咩姐？有水泡㗎嘛！」

「唔係一場㗎到都唔試下啊嘛？」

「人一世物一世，無理由俾自己一直咁樣驚落去㗎嘛，而且仲有蕃薯仔保護你，你啊！！你唔係連自己條女都睇唔住啊？你咁驚？係咪男人㗎㗎？」

見到呀詩落足力咁嘅樣，我係一旁不停咁笑，條友真係咩都吹到出嚟。

最後佢兩公婆都妥協，上咗第一條會落水嘅香蕉船，之後嘅環節仲陸續有嚟。

12

哇，快撲到

而且啲海水打埋嚟，我眼都睜唔開，勉強開到一隻眼，而且我仲要抽到坐前面，食曬風。

無錯，我哋仲有猜包剪錐，今次就無分情侶組合，而係個人，猜贏咗揀位。

諗呢條橋嘅天才，正正係呀詩

仆你個街，我包尾。

我淨係可以揀船頭坐，因為無人想坐。

咁子晴呢就坐係我後面，呀詩坐係子晴後面，最後包尾嘅就係蕃薯仔。

一出發嗰下，子晴嚇到攬到我實一實，隔住個救生衣，都好似感受到子晴心口嘅澎湃咁，唔知係咪心理作用。

但玩緊嘅當下就無再諗太多，幾次係就嚟反艇嘅邊緣游走，因為都feel到個離心力，個師傅轉彎嗰下真係有「就反啦、就後啦」個錯覺。

最後係無心理準備嘅情況下落咗水，全部一齊跌曬落水，有個長頭髮嘅女仔係我隔離，蕃薯仔都係我隔離，我以為佢係呀詩嚟，下意識咁攬住佢。

但腰嗰個手感好似有啲唔係幾一樣

當我發現係子晴嘅時候，已經一臉尷尬。

但好彩我反應快：「喂，蕃薯仔，子晴係度啊。」

呀詩俾人拋咗老遠，我要慢慢游過去搵佢，而第一次落海，掂唔到地下嘅感覺好唔真實。

頭先講就講得大聲嘅佢，落咗海之後個樣驚青到，見到我即刻好似個樹熊咁攬住我，連隻腳都夾埋落我度。

我諗埋啲咸濕嘢，呢個位置啱啱好

「你又要驚，又要玩。」我取笑佢。

「咩喎，唔試下點得喎。」

無幾耐，師傅問我哋ok未，準備下一個。

13

好快，水上活動玩完，我哋幾個滿足，但又拖住殘留些少精神嘅身軀返上岸，頭先激得制。

「呢啲真係試一次好，落水都唔係問題，最大問題係快，我塊面食唔少海水，依家仲feel到咸咸地。」我說。

「我扶到差啲扶唔住，要飛出去咁制。」子晴成個人亂曬咁，呀詩都係。

我哋無急住去除低個救生衣，而係坐係沙灘度，抖下。

後尾坐到夠，坐到俾先提議話唔好玩住，再落水玩下。

側邊都唔少身材火辣嘅台妹，啱啱有意無意咁瞄到呀詩唔友善嘅目光。

佢扭我耳仔，帶有醋意咁講：「你唔好以為我唔知你係度隔離個大波妹啊？」

「我邊有啊！我睇緊人滑浪咋喎，嗙～～個男人幾勁。」我指一指前面個大隻滑浪男。

「你睇下人哋啲腹肌，啲肌肉。」再撼下我個小肚腩，我一排無做下運動咋嘛！

「你睇人就得」

「你！」呀詩難得地霸氣外洩，托一托我下巴，將我拉返過嚟。

「淨、係、可、以、望、我、一、個！」佢個電死人嘅眼神，無邊幾個男人受得住。

「喂啊！越嚟越狼啊你。」

唔知係咪因為去旅行嘅原故，成個人都會大膽啲，但幾鍾意，可以唔洗理其他人嘅目光，專心咁去鍾意一個人，做一啲愛做嘅事。

係青春時期嘅幸福。

有啲嘢，第二次再做嘅時候，個感覺遠遠不及第一次來得悸動，甚至慢慢變得麻木。

14

墾丁之旅係我最後中學青春入面最為深刻嘅記憶，雖然成個台灣之旅都係，因為真係可以無憂無慮咁享受當下，唔洗去煩惱將來嘅事，但係墾丁比我嘅感覺係更加正，我係可以更加沉醉係入面。

我哋去完台中之後，再返上去台北，每日都係同呀詩一齊，同兩個好朋友出去玩，幸福嘅日子快到無影，捉都捉唔到。

當返到台北嘅時候，先真正意識到呢個旅行就嚟結束。

我内心係好唔想個旅行就咁完

因為我知返到香港之後我哋要面對嘅係咩，係前途、係分離、係各自嘅忙碌。

呢啲好似點樣想唔去諗，都會嚟到你面前。

係台北嘅最後一站，喺日下晝，我哋去九份。

呢個幾乎係香港人嚟台北旅行都會去嘅地方，同埋冇睇那些年嘅話，都想一試喺個電影情節，就係想放天燈。

個鐵路度人來人往，好多人都想係呢度留低青春嘅一頁，我見好多年紀同我哋差唔多嘅人。

「你哋諗好寫咩未啊？」當我哋一買完天燈後，蕃薯仔就問。

「琴晚仲未諗好咩？琴日講得好有大志㗎！」我揶揄地。

「超！問多次唔得嘅？點姐都諗好啦？」

老闆俾個角落我哋寫，周邊都不時聽到廣東話，係異地聽到同鄉嘅語言，總係覺得唔自在。

「未諗得掂㗎！但係寫咗先，話唔定真係成真呢？」我偷瞄一下呀詩，佢咁啱同我對到眼。

一個眼神已經意會了，之後佢白我一眼。

原來一齊慢咗，一個簡單嘅眼神，已經明對方諗繫啲咩。

呀詩無我咁好氣，但唔知點解，我無來由地堅信呀詩會同我寫差唔多嘅嘢。

「唔準偷望啊你哋！」呀詩佢叫我哋唔好係後面偷望，「我一陣都唔會望返你哋！咁樣先有神秘感啊嘛。」

「好啊。」子晴出嚟附和。

寫好之後，我哋每人捉好自己嘅一角，行去同老細講，老細幫我set好曬嘅之後，其實就差唔多，準備影相，就鬆手。

天燈緩緩升到上空，我望住我寫嘅一句，特別特別想實現嘅願望

希望呢一次可以同呀詩行落去

喺嗰盞天燈升上去嘅瞬間，呀詩正正企係我對面，望完嗰句之後，就能夠清晰咁見到呀詩嘅臉龐。

佢好滿足咁對住我笑，側側地個頭，飄逸嘅頭髮不經意咁散落嚟，好唯美。

除咗呢句之外，都有寫啲來年嘅目標，雖然唔係啲咩好遠大嘅理想，但至少俾自己進步先。

唔想俾自己再好似以前咁，想趁仲後生嘅時候，多做一啲事，老咗先唔會無回憶。

嗰一日嘅相已經變成我ig其中嘅一個post，係我第一個ig post，至今為止，我都無刪到。

就算日後出咗可以典藏嘅功能，都一直存在。

呢個旅程好快就過，細細個唔明點解開心嘅時間會过得咁快，大個咗，係唔止開心嘅時間，係所有嘅時間都过得好快。

諷刺嘅係，所有我寫係天燈上面嘅嘢

我都做到曬。

唯獨嗰一句，做唔到。

16

最後一晚，我哋不慌不忙咁收拾行李，好似慢慢執就會無咁快完咁

我哋夜晚無再有咩活動，各自返房休息，一連串咁多日嚟，其實都効，換咗好幾間民宿，間唔時又要拎住啲行李四圍走。

喺一晚我同呀詩好似有共識咁把握機會，大戰咗幾個回合，先相擁入睡。

喺背後咁攬住呀詩瞓，好有滿足感，瞓都瞓得特別安心。

而最幸福嘅係，可以每朝早起身，都見到呀詩熟睡嘅樣，雖然個姿勢有啲樣衰，隻手同隻腳擺位都奇形怪狀。

總之就唔會係電影啊、電視劇、偶像劇嘅畫面啦。

但當下覺得佢真係好可愛，就算我係俾佢壓住隻手，壓咗成晚搞到痺曬都好，都忍唔住錫佢一啖。

之後就要返香港啦，唔知幾時先再有咁嘅機會，就算去對方屋企，都總係覺得唔係咁方便。

「嗯」唔知係咪動作有啲大，拎開隻手嘅時候郁到呀詩，佢輕輕地呻吟一聲，幾銷魂。

「嗯？你醒咗啦？」佢起身嘅聲音幾有磁性，幾性感。

「依家幾點啊？」佢睡懵懵咁嘅樣，嘴角仲有啲口水漬

慢慢開始，我哋私底下嘅樣都係對方面前表露無遺。

難怪啲人話去完旅行就會知大家夾唔夾，因為好多生活上嘅習慣都唔覺意俾另一半知。

「我哋成6點幾機，依家先10點咗嘛，講好今日hea㗎嘛，你眼瞓就瞓多陣啦。」我輕撫佢嘅頭髮，係佢額頭上用嘴唇印咗一下。

呀詩甜笑著，笑下笑下佢就好似醒咗咁

真蠱鬼。

「點啊？醒啦？」我柔聲問。

「嗯——」一個長長伸懶腰嘅聲。

「我仲想瞓多陣。」呀詩撲過嚟，攬住我，好似隻貓仔咁，成個樣好滿足。

好多時候，都係見到呀詩滿足，我就滿足。

攤下攤下，就肚餓，但都無動力想去買嘢食，我咁早起身，早餐都無食，但呀詩就瞓到隻豬咁

去到差唔多一、兩點，有人敲我哋房門，我要慢慢咁抽出我隻手，唔好嘈到佢。

但原來係我諗多咗，係點都唔會嘈得醒佢。

係蕃薯仔。

「做咩啊？」我壓低聲音。

「買啲嘢食啊，好肚餓啊。」佢睇落真係好似無乜力咁，唔好話佢，我自己都肚餓。

「晴晴呢？」依家我哋都叫佢做晴晴了，親暱咗好多。

「佢瞓死咗，呀詩呢？」

「同佢一樣。」

最後我哋兩個走落去買嘢食，係街度周圍行，但搵唔到有咩啱食，好似已經過咗嗰種新鮮感。

決定食多次滷肉飯。

「你同晴晴點啊？有無咩進展啊今次旅行？」喺等拎外賣嗰陣，我問蕃薯仔。

兩個男人傾偈，唔需要隱瞞、造作啲咩，問嘢都唔需要顧慮咁多。

「可以有咩進展啊？」蕃薯仔真係好純，呢樣嘢係幾難得。

「一對情侶一齊出嚟旅行，會發生一啲嘢，都好正常啊，我哋都大個啦，對呢啲唔洗咁介意。」

「我同佢又無喎！」

「你唔想咩？」我追問。

我唔係話兩個人一齊一定要有啲咩，但呢一樣嘢長期忽略咁話，都會影響到兩個人嘅關係。

「我想嘅。」蕃薯仔終於講出真心話。

18

「男人會明呢種需求都幾重要，但都唔勉強晴晴，你哋係呢方面都要自己搞搞佢。」

有時男人係呢方面都唔係幾講得出口，我亦都唔再多口啲咩。

「如果你真係有啲咩，都可以搵我傾，無咩係幾杯酒解決唔到。」我扮起一種成熟嘅口吻，我自己都覺得有啲滑稽，明明我都唔識飲酒。

「依家咁樣都幾好嘅，我同晴晴呢幾日都好開心，我諗會係中學最開心嘅時刻吧？」

我都係咁覺得。

買完飯上去諗住叫醒仲瞓到隻豬咁嘅呀詩，點知佢已經醒咗。

「咁快醒嘅你？」

「你走咗我就瞓唔著」佢一副可憐兮兮嘅樣，咩姐搞到我落街買飯係我錯咁。

總之佢一擺呢個樣出嚟，就好似我做錯咁，真係哭笑不得。

「你仲想瞓啊？」佢仲好似小貓咁，更添幾分可愛。

有人會因為旅行，見到對方最真實嘅一面，因而接受唔到，但我覺得

我反而見到呀詩更可愛嘅一面。

脫去MK嘅外表，其實佢都係一個想人錫嘅女仔，佢係喺一個缺乏愛嘅環境下大，佢比人更加缺乏愛。

我買完飯返嚟，我見到呀詩抱住自己，再聽到呀詩咁樣講，我有啲驚訝呀詩原來咁缺乏安全感

落機後，返嚟香港有種好唔真實嘅感覺，要返嚟面對各種唔同嘅事。

真希望可以將時間留係嗰段旅行嘅時光，一諗起無幾耐就要面對放榜，就覺得壓力大。

19

雖然盡咗力，已經改變唔到咩，但都難免會為呢樣嘢感到焦慮，好似等被判刑噃感覺我哋幾個都好唔捨得個旅行

「之後有機會再去旅行啊要！！」晴晴落機之後感觸咁講，「個旅行好正啊」

「之後都唔知大家點。」我說。

「有假期再約囉，不過應該越嚟越難約。」

「早啲約咪得囉！」呀詩安慰我哋。

「多啲出嚟食飯聚下啊！」晴晴表現得好不捨，我不禁串佢。

「做咩啊？好唔捨得啊你？」我笑道，有咁感性咩？

「係囉，講到好似身後事咁，之後都唔見咩？」蕃薯仔摸摸子晴個頭，邊摸邊說。

「只只係我一路以嚟都係得讀書，又無咩朋友，估唔到就嚟畢業都可以同朋友咁樣一齊出嚟去旅行，我唔知畢咗業之後仲會唔會係咁，我唔想斷」

20歲左近，會執著於喺身邊嘅人，希望關係可以就咁一生一世。

但其實不出幾年，就會察覺一生一世比我哋想像中長得多。

我哋只係好多嘢都未經歷過，無遇過咩困難噃仔。

「放心啦，我哋唔會斷噃，畢咗業有心就約到出嚟㗎啦！」呀詩信誓旦旦地說。

呢個年紀，對未來嘅幻想好有憧憬，亦無比堅信著，會做到噃！

但好多幻想會慢慢被時間打破

我都相信住，我哋呢份友誼會keep到噃。

20

喺放榜之前，我哋仲有個grad din，好多人都期待住呢一刻。

因為中五嗰陣見到啲師兄po啲last day嘅，gard din相就覺得好羨慕，先覺得有畢業嘅感覺個個都盛裝打扮，為咗就係留低一刻嘅倩影。

最緊要嘅係同一齊相處咗三年，甚至更加耐嘅同學仔影張相，唔理中間係咪有咩恩怨都好，以後都各行各路，放榜拎完成績表後就真正道別。

旅行完無幾耐，我就繼續打工，我同呀詩都有各自返緊啲part time，佢成績好，除咗返緊KFC之外，仲有幫人補下習。

都係啲公屋客，聽佢講話搭搭下，吹下水就俾個仔佢補，然後靠啲師奶一傳十，十傳百咁，佢都接到幾個補習。

MK妹可以進化到幫人補習，都幾撚勵志，所以話性格同思想都幾重要。

而我就返緊萬寧，第一次接觸工作，有種終於大個仔嘅體驗，係自己第一次出糧嘅時刻，好鬼雀躍。

第一次憑自己搵返嚟嘅錢，顯得格外珍貴，反而更加唔捨得洗，以前呀爸呀媽俾嘅錢，就用得好爽快。

間唔中約出嚟同呀詩睇場電影，食嘅可以好少少，唔再係食學生餐。

而呀詩最大嘅轉變，莫過於再睇唔到呀詩著校服嘅樣，佢亦唔再綁馬尾，頭髮筆直咁梳返落嚟，成熟不少，幾有韻味。

「grad din點著好啊？」夜晚呀詩都會同我傾電話，距離grad din仲有個零禮拜時間。

「你點著都靚㗎啦。」我甜甜地說著。

「超！認真㗎。」佢好似聽慣咗我講埋呢啲嘢，咁呢啲係標準唔會死嘅答案，但內裡係可以射返個波俾佢，要返佢揀。

可能俾佢識穿咗我嘅敷衍吧？

「你覺得白色裙定黑色裙好？」呀詩由佢做MK妹嗰一刻起，就決定咗佢貪靚嘅基因。

「黑色！黑色啱你多啲。」我雙眼仍然注視係個電腦螢幕度。

「白色唔係清純啲咩？」

「又好似係喺，咁白色啦。」我以為咁就已經解決咗個問題啦

「咁點解你啱啱揀黑色？」

21

「哎啊，咁你著黑色白色都得啊嘛，清純又襯你，黑色你又性感喎，到時你實靚絕全場啦。」我心不在焉咁講。

「哼！打啦打啦，打飽佢啦你！到時我有咁少著咁少。」呀詩不滿。

「痴線！俾班麻甩佬睇蝕曬點得？」男人好多時都受唔住其他男人望自己條女嘅視線，我都唔例外。

「邊個叫你敷衍我？」

呢段期間，我都慢慢由online game嘅年代，轉為同朋友一齊玩LOL，online game亦都玩到悶悶地，而且少咗人玩，多咗人轉去玩LOL。

喺grad din嗰晚，佢真係著到好性感。

黑色連身裙。

踏著黑色高腰鞋，露出纖細嘅小腿，同埋露腰頭、性感嘅鎖骨。

呀詩全身上下我都睇過曬，但簡簡單單嘅一件衫，可以讓我雙眼離唔開佢，仲吸睛過佢裸體。

佢冇特登去set個髮型，佢本身個髮型係典型MK妹嘅負離子，再加一執陰係額頭前面。依家就有啲捲，成個人好似大咗個咁，成熟咗。

而隔離係子晴，佢哋兩個孖公仔咁嚟。

黑白雙煞。

呀詩著嘅係性感黑。

而子晴係著清純白，一件繞頸嘅背心連身裙，有一條黑色嘅皮帶束住條腰，完全突出曬佢嘅上圍，但整體俾人純潔無暇嘅吸引力。

兩個人都化咗妝。

今日我哋都告別中學時期少不更事嘅青澀，係未成大人之前，提前扮一下大人。

「WOW！！！」佢哋兩個反而比我同蕃薯仔更加興奮，好雀躍咁走埋嚟。

「你哋依家先似返個人樣。」呀詩一開聲就打破咗頭先對佢美好嘅印象。

「係囉，第一次見佢哋兩個著西裝，係幾型嘅！」子晴都笑道。

「但有啲唔襯囉，哈哈哈哈，好似細路仔著老豆啲西裝咁。」呀詩輕挑地說。

唔知係錯覺定點，好似一齊返之後，呀詩成個人開朗咗，臉上嘅笑容都多咗

講嘢都串咗。

可能之前有段時間斷咗聯絡，唔知佢發生咗啲咩事掛？

「我哋呢啲叫成熟啊！遲下就係著西裝揸靚車啊。」我誇張咁講。

「超！係先好啊你。」呀詩過嚟拖住我隻手，而子晴就好含蓄咁撓住蕃薯仔，呢個就係佢哋嘅相處模式。

我哋一齊行入去，雖然啲人仲未嚟齊，但係噃位嘅視線頓時集中係我哋幾個度。

「哇哇哇哇哇」眾聲嘩然，好多個都帶有羨慕同埋祝福嘅微笑，唔講仲以為行緊婚禮。

佢哋之前知我同呀詩散咗，估唔到我哋又會再噃返埋一齊，呢啲花生，邊個唔想食啊？

此刻嘅我，噃種成功感爆曬出嚟，老師私底下都知我哋啲事，但想講嘅係

其實佢哋最驚歎嘅並唔係我同呀詩，而係子晴同蕃薯仔，佢哋一齊嘅事一路都好低調，而且係讀書又叻，又靚，乖巧嘅女朋友，就咁俾蕃薯仔溝咗，幾個男仔出嚟整下蕃薯仔。

蕃薯仔少有地露出幸福嘅笑容，希望呢個笑容可以成日掛喺臉度。

今日呀詩好襯呢個咁高貴嘅場地，我哋去返各自嘅班，由一入場開始，就一路播緊啲青春嘅歌，forever friend啊，朋友啊之類嘅，仲有首死性不改，突然間俾佢搞到好有feel。

係開始之前少不免校長老師講下嚟，廢喻下。

應該係最後一次，聽下佢哋說教了。

台上面播緊嘅，係每班整出嚟嘅短片，個個係短片人面都係啲搞笑，青澀嘅臉龐。

唔知邊個瞓著教嘅樣俾人影出嚟啊，仲有俾人con嘅相啊，個個都表情扭曲，真係唔知做緊乜鳩，我都笑咗下，睇返以前嘅自己，我都唔知自己做緊乜鳩。

「WOW ~ ~ WOW ~ ~」全部人起哄，我先係回憶當中抽離。

咩事？

再望一望螢光幕，嘆我嚟㗎？

係我同呀詩嘅合照。

Last day嘅陣影。

尙真係想搵窿躲入去，邊個咁大整蠱？突然間一種羞恥感湧埋嚟，隻隻眼都望過嚟，淨係可以露出個尷尬嘅微笑。

不過噃陣又點估到，可以一齊返先得㗎。

我諗，本來擺相嗰條友係想抽水嘅

23

聽住首歌，睇返以前中學啲回憶，原來三年咁快就過咗去，有時係中學發生過啲唔開心嘅事，喺呢一刻都會化為烏有，只係想好好感激呢三年遇到嘅人。

我唔敢講所有人中學生活都係會咁，但至少我自己係。

我見會場有人喊，拎起紙巾拭去眼淚，我無喊，但心入面好感觸。

播完就輪到老師啊司儀講下幾句，就開始食飯。

餐飯唔係重點，重點係飯後嘅影相環節。

個個著到鬼火咁靚，為咗都係想留低最後嘅回憶，就連平時唔熟嘅同學，都會互相影下相，忽然間大家都會除去尷尬，笑笑咁影張相。

「喂！」呀詩叫我，對我揮揮手。

「嚟！出去樓梯位度影張相啊，叫埋晴晴佢哋。」呀詩勁多人同佢影相，啲仔好鬼主動，又搭曬膊頭咁，啲股醋意就嚟爆。

有一啲佢仲要撓埋人哋隻手！

「好多人搵你影相喎～～」我無應到佢頭先啲句，單刀直入。

「嘆！」

「啲醋啊？」呀詩問我，但我無應佢。

「你都好多女同你影相啊？咪扮嚟喎你！」

「我唔會搭人膊頭囉。」一陣酸味出曬嚟。

「你知你係特別啲個㗎。」聽到呢句，我個心先安定好多。

「係咩？有幾特別啊？」我追問。

「你覺得呢？」呀詩撓住我，成個人壓落我度，旁人睇落無乜嘢，但其實我食緊波餅。

我斜斜地望一望呀詩今日件低胸裝，露出嘅事業線，完全展露係我眼前。

又真係幾特別。

「哼！你唔準對其他人都係咁㗎。」

「快啲去搵佢哋啦！」呀詩踢我出去。

「哇！你兩個好似影緊婚紗相咁喎。」呀詩拎住部手機，幫子晴同蕃薯仔影相，佢哋企係一個大樓梯上面，成個場地都好似係為佢哋而設咁。

講真，好靚。

「痴痴線啦你！快快快啲影啦。」子晴怕醜。

蕃薯仔個人僵直曬，子晴捱落去，直長嘅白色裙更顯子晴嘅氣質。

「換下pose啦。」呀詩嗌道。

「唔知換咩pose好喎」子晴茫然。

跟住我俾蕃薯仔呢個舉動嚇親

佢突然間托一托子晴下巴，子晴錯愕咁望住蕃薯仔，然後蕃薯仔就錫落去。

呢一個Kiss平時唔係蕃薯仔嘅作風，所以先更加驚訝。

「喂！！仲唔快啲影？」呀詩都呆咗，俾我叫一叫先識影，然後仲哇哇聲係度叫。

呢張相之後po ig facebook都好攞多個like

「喂喂喂，你估你哋依家結婚咩。」佢哋都錫得有啲耐。

輪流我同呀詩影，但企上去忽然間感到緊張，明明我同呀詩都影唔少相，可能想留張最好睇嘅相，反而有壓力。

「轉下pose啦喂，頭先唔係叫得好爽㗎咩？依家唔識啦？」子晴笑說。

呀詩行上一級樓梯，從後圍住我條頸，個重心傾躉落我度。

臉貼住我。

佢今日噴咗香水一股成熟嘅味道散發出嚟。

「轉！」蕃薯仔玩啲咁講。

「準備啦喎～」呀詩調皮地說。

「咩啊？做咩啊？」我滿頭問號。

「嗨啊！！」我頓時明白呀詩想點。

佢跳咗上嚟。

我即刻兩隻手捉住佢雪白嘅大脾，差啲重心唔穩碌落樓梯，大佬啊樓梯㗎㗎，玩埋咁嘅嘅！

「重唔重啊？！」佢仲好意思問我喎？

「扁你啦，仲問我重唔重，差啲就一齊仆街啦！」我哭笑不得。

呀詩亦不顧儀態咁跳出嚟，講到尾，佢都仍然仲係MK妹。

我同佢影咗好幾張，有正經啦，有甜蜜。

但我都係最鍾意佢笑到癩癩傻傻，而我俾佢嚇到呆一呆嘅嘅張相。

期待已久嘅grad din好快就落幕，但其實大家唔想咁快完，意猶未盡。

成班人企曬係酒店大門，有安排嘅人已經走咗，只不過大家再影下相，睇下去邊度，就留耐啲咁。

「點解仲唔走嘅？」又係我哋四個，基本上佢哋四個陪咗我成個中學生涯，有無其他人對我嚟講無乜太大轉變。

要點樣分別啲個人對你重唔重要

係睇如果啲個人消失咗，對你影響大唔大，會唔會因為咁樣唔開心，對你生活有無咩影響。

所以我哋四個好似俾全部人排斥咁，企係一邊，但其實只不過係我哋排走曬其他人。

「聽講佢哋話去唱通宵K㗎，已經唔止一班話要唱K啦，可能除咗唱K，都無乜其他嘢好做？」子晴回話。

「咁唔想咁快完啊嘛」薯薯仔望一望手錶，「依家先10點幾咗㗎。」

「咁我哋點好？又唱K？」呀詩迷茫咁望住我哋。

「我OK啊，反正我都唔想咁快完。」我答，我自己都唔知仲有咩地方好去，話夜唔夜，話早唔早咁。

我哋靜咗一陣，係度睇緊手機，各自搵下有咩做，同埋睇下K房。

之後呀Ken走過嚟，開口問道：「喂～你哋一齊唔一齊去唱K啊？」今日嘅呀Ken，都幾型棍，著住件深藍色嘅西裝鸚，gel咗個飛機頭，時髦得嚟又唔過火。

「er.....」大家你眼望我眼。

「好啊！」最後子晴有禮咁應承。

等呀Ken離去，呀詩捉住子晴，講：「咁快應承佢？」

子晴反問：「唔好咩？」

「咁又唔係只係仲諗緊第二個計劃姐。」

「咩啊？」我同蕃薯仔眼前一亮，都好奇想知咩嚟，因為實在諗唔到仲有咩搞。

「去老蘭飲下酒！難得我哋今日著咁靚。」呀詩意圖不明噃微笑，特別淫邪！！！

「下？」我同蕃薯仔呆住，對望咗一眼，已經大約估到對方想點。

「唔好！咁咁樣邊得呢唔俾！！」

「唔準！痴線咩咁樣落去！」

我哋異口同聲咁講。

「點解姐？」呀詩扭曬計。

「真係去啊？」子晴問，有啲擔憂。

「你諗下，我哋又未去過蘭桂芳，而且曬咁多時間執得咁靚，唔係唔去見識下啊？」呀詩大條道理咁講。

呀詩見我哋無反應，就知道佢講嘅嘢有用，然後就繼續扇風點火

「去啦～～」

「但你著到咁靚，一陣俾人溝走咗咁點算啊？」

「你連自己條女都睇唔住㗎咩？」呀詩成日都挑釁我，激發我深層嘅男性意識。」

「驚你啊！我一定會望到你實一實。」我斬釘截鐵的說。

「但我頭先已經應承咗呀Ken啦喎」子晴道。

「我去講就係啦。」

「你哋係咪去先？」呀詩再次確認。

「去囉。」蕃薯仔都無可奈何。

然後呀詩行去同呀Ken講咗幾句，就招積咁行返嚟，滿臉風騷。

就咁，我哋離群咁遠走他方，係酒店門口截架的士，四條傻撲一睇就知毛都未生齊，就話去蘭桂芳。

「哇，你哋著到咁去蘭桂芳啊？」有啲的士佬好多嘢講，都唔係第一次遇到。

我哋尷尬咁無應到的士佬，但係佢可以無視呢種尷尬，繼續講

「兩個哥哥仔唔驚兩個靚女俾人溝走咗啊？」

啲問題我都唔知點答。

「我信得過啊！」蕃薯仔衝出嚟，其實喺下幾型仔噃，但佢講出嚟噃感覺有啲傻裡傻氣，忍唔住笑。

的士佬都笑咗。

「青春真好！你要好好珍惜你隔離個女仔啊，唔好俾人搶咗去啊唔好好似我咁。」的士佬一陣感慨，我哋又唔好意思問。

不過有時咁樣反而容易拉近人與人之間嘅距離。

「咪撲好似我後生咁，唔識珍惜個女仔，跟佬走撲咗依家到老一場空。」

喺的士佬個倒後鏡度，睇到佢喺下嘅滄桑，想必係有個故事。

其實唔好同一個陌生人計較佢係咪吹水，會開心啲。

坐係我隔離嘅呀詩捉住我隻手，稍稍用力。

呢一個瞬間，我明白佢呢一刻嘅舉動，咩都唔洗講嘅默契，由經歷完愛情初時嘅甜蜜，離別後嘅心酸，再次重逢嘅喜悅。

到依家嘅心照不宣。

「知㗎啦司機大佬！實會珍惜佢哋。」我回應道。

一個反手，就同呀詩十指緊扣。

「哈哈！扁你班仔，唔好下巴輕輕啊，人哋有眼睇㗎！」的士呀叔開懷地笑。

「聽到未啊？睇緊㗎！」子晴拍一拍坐係副駕嘅蕃薯仔，食住個勢俾說話蕃薯仔聽。

車程唔算好耐，但呀叔講返佢以前啲往事，又無惡事，聽下故事又幾有趣啊，落車俾多幾蚊雞，間唔時係香港地仲可以感受到人情味噃。

我都係第一次落老蘭，呢度喺另一個世界，抬頭望上去，啲女仔又低胸短裙咁，一睇就知係濃妝樣。

男嘅都正，又高，髮型又潮，仲要多鬼佬
成年人嘅世界就係咁？

我問自己。

「咁點啊依家？」唔知邊個問，我淨係掛住睇周圍嘅嘢，花花世界。

「行下先囉。」我隔離嘅聲音開始細，分唔清邊個講緊嘢。

「好啊。」

「喂」

「強」

「呀強！！」

「啊？」我回過神嚟。

「做乜鬼啊你？無曬魂咁，掛住睇女啊？！」呀詩兇狠咁望住我。

「傻啦，點會，睇你同晴晴都夠啦。」我衝口而出。

「咩話！？你點解仲要睇埋晴晴啊？」我意識到自己講錯嘢

仆街啦。

「我因因為你哋兩個都靚囉，今日成個蘭桂芳最靚係你哋兩個啦！」

有時男人學識講大話，係因為求生慾。

有啲句講啲句，誠實嘅話，會出事的。

「超！咪以為我唔知你頭先係度諗女啊。」呀詩輕輕地搣咗我一下。

「只不過我覺得嚟到呢度有種，真係長大嘅感覺。」

「傻仔，我哋先18、19歲，就以為自己真係大個啦？」呀詩不以為然，繼續講：「只係法定年齡上，我哋算係成人咋，應該咁話如果我哋連蘭桂芳呢啲地方都覺得唔陌生嘅時候，我哋先真係大個啦。」

諗一諗，又啱喎。

我哋又咩都唔識，是但搵咗間好似幾高檔嘅酒吧，就入咗去。

我哋幾個望落尷尬尷尬咁，啲店員一睇就知咩事，唯一比較淡定嘅，就係呀詩。

店員俾咗個卡位我哋。

點咗幾支唔知咩酒，亦唔知酒精濃度幾多，淨係望個名，望落好似幾啲自己口味，大家都揀啲水果酒，甜甜地嘅。

蕃薯仔就揀咗個伏嘅，一飲落口，佢個樣捲埋一舊舊。

我以為會有啲類似喜愛夜蒲嘅場景，會有啲仔唔理三七二十一咁嚟撩呀詩同晴晴。

點知一路都無，個場唔算少人，會有人望過嚟，眼神裡盡是輕挑，但無行動。

一切好似自己諗多咁。

我哋各點咗兩杯，飲到微醺嘅狀態，我以為去親酒吧就會飲到酩酊爛醉，又刷新我對飲酒嘅定義。

我哋係度吹下水，之後仲會返學拎成績表，再之後要見面，就要約出嚟啦。

我哋無提到成績，應該大家唔想喺呢個環境下講啲沈重嘅話題吧？

講返中學啲㗎嘢啊，冇講下啲慳鳩嘢

「如果一陣有靚仔過嚟撩我哋兩個，你哋會點啊？」呀詩喺呢個環境放得好開，癲起上嚟，唔係人咁品。

「你覺得會俾佢入到位咩？」我不甘示弱。

「哼！哈哈哈哈，咁睇你哋兩個夠唔夠膽啦。」忽然間，我都有啲怕。

離開中學之後，呀詩會見識好多，會見識到呢個花花世界，比中學大好多好多，我哋以前喺股定力，究竟會維持幾耐呢？

「唔夠膽都要㗎啦，無一個男人會咁樣睇住自己條女俾人撩走！如果會，嗰個咪就係唔係男人囉。」我知其實呀詩都係講下笑，想激下我，睇下我反應。

但就係唔知點解，我就係同佢較真咗。

酒過三巡，子晴問起我哋點一齊返。

「下？乜你哋唔知咩？」我訝異。

「唔知啊，grad trip掛住玩，都無好好問下。」子晴放低杯酒，準備好聽故事。

「嗯啊我都唔知由邊度開始講起好」雖然係幾個月前嘅時候，但其實一齊返都唔算耐。

呀詩都望住我，目光有點熾熱，搞到我唔係幾好意思

當日喺海旁嘅畫面亦都出曬嚟。

「慢慢講囉。」蕃薯仔都笑我，依家個衰仔開始越嚟越囂張啦，已經唔係薯仔啦。

「其實我無諗過可以一齊返，但我好唔捨得，以前係我自己唔好，唔識得珍惜呀詩，咁嗰陣考完DSE，同佢一齊行海傍，講開咗，之後」

「之後呀詩就應承咗，就咁囉。」我講唔落去，怕醜，又有啲肉麻。

「真係？」子晴覺得仲未夠皮咁，睇佢個樣就唔係幾信我，好似仲有啲嘢未講曬咁，再去問呀詩。

「恩！就係咁咋嘛！」佢都好似有所隱瞞。

「哦～依家連好朋友都唔講咁話啦？」子晴用埋啲低級激將法。

我都有啲想知，所以我靜靜地，唔出聲，望住呀詩，觀察下佢。

「唔係啊！係係真係無咩好講姐。」佢個樣又唔係無咩好講，明明就好多嘢想講咁款，欲言又止。

「講啊！！！」子晴終究明女人心，步步進逼。

「唉！無！呢段時間我都放唔低強仔咋嘛，我會覺得可惜嘅係，明明我哋各自又唔係有第二個，又唔係無辦法原諒對方，咁就分開咗。」

「嗰時間一路都覺得可惜，亦都同自己講話，分咗手就分咗手，好馬唔食回頭草，有啲自己呃自己。」

佢頓一頓，飲啖酒，續說：「忠於自己，無咩唔好姐。」

呢個就係我所唔知道嘅真相。

「同埋，我諗個傻仔可能一路都以為我唔知佢送俾我份聖誕禮物寫曬字。」呀詩不懷好意咁斜望我。

「傻仔！」佢串串貢，但笑得幾靚。

「下？你睇咗啦？」我驚訝。

驚訝嘅唔係佢竟然有睇到

而係我頭先醒起，係啲係有啲咁嘅事

仆街。

31

「雖然都好耐啦，但我都仲記得你大約寫咗啲嘅。」呀詩眼睛碌碌咁望下我，又望下子晴。

「講下啲嘅好愛我啊」呀詩笑住咁講，係恥笑。

我即刻衝過去摑住呀詩把口。

「吾吾」

佢個嘴仲係度笑緊，感覺到佢臉部係度用緊力。

「咩啊？繼續講啦！」佢兩個食花生食得好開心

「你兩個」我哭笑不得。

「乜原來你都咁肉麻㗎？」蕃薯仔講道。

唔知點解俾蕃薯仔講一講，更加無地自容。

「你慳啲啦，你咪又係咁！」子晴幫我圓話。

呀詩用力推開我，唔知係呢個環境啊，接近離開中學嘅時刻，還是酒精發酵嘅關係，今日我哋講嘅都好放，講一啲我哋平時甚少會傾嘅。

「雖然係肉麻咁啲，但係幾用心寫嘅，成盒喎，滿滿一盒嘅心，都寫曬嚟係入面，淨係呢樣都夠難忘啦。」

「哇」

「你睇下你啊！送過啲乜鬼嚟俾我啊？有無咁浪漫啊？」子晴依家係發緊酒癲？未見過佢咁樣。

蕃薯仔指指子晴嘅手，答：「手鐲囉。」

「愛情唔好比較啊」我如實咁講。

「蕃薯仔已經盡佢所能俾咗最好嘅你。」

子晴忽然平靜咁坐係度，飲酒，講：「啱嘅，所以我先鍾意佢咗嘛。」

「其他男仔好多都係口講，話會對我點點點，話鍾意我去到最後，其實都係講講下，至少我知佢唔係咁。」子晴扭係蕃薯仔膊頭，安穩地合上眼。

「你真係執到啦。」我不羨不忌地說，只係希望佢哋可以好好地一齊，幸福就好。

「我知。」掛喺蕃薯仔上面嘅，係一個自信嘅笑容。

諗起以前有啲自卑嘅佢，依家嘅佢已經唔同，開始靠得住。

「咁你呢？」佢反問。

「我？仲洗講嘅？」

「你咪口花花，一世人流流長，點知你之後會唔會仲做到㗎？」

「你咪睇下囉～～」

飲到咁上下，我哋傾多陣，子晴已經瞓咗係蕃薯仔膊頭度，grad din就咁完咗，中途呀Ken有打電話嚟，問話再過唔過嚟唱K，後來呀詩見我哋都尷，就拒絕咗。

喺呢啲時候，會見到呀詩更加成熟嘅一面，係處理人際關係上面。

之後等嘅，係放榜。

32

放榜前一晚，呀Ken叫曬全班男仔去網吧打通宵機，打完就返學校拎DSE成績。

呀Ken呢個世界仔係幾有號召力嘅，去邊都會識到朋友，今日之後大家都唔知會行咩路

我問呀詩放榜前有咩搞，佢答我返工囉，的確佢依家成日返工，都搵唔少，中學生用嘅又唔多，搵到幾千蚊一個月已經好夠。

「你驚唔驚聽日放榜啊？！」喺去網吧打機前，我同呀詩打咗通電話。

「點會唔驚啊，驚嘅唔係自己無盡力，而係都多變數，隨時撻Q都唔定㗎。」

「你一陣又返工啊？」我問。

「係啊，今日返晏晝到收夜。」呀詩跟住靜咗。

「你收幾點啊？」

「喂？」

「hi？」

「死啦！」呀詩返咗嚟，「唔講住啦，原來我今日返早咗，同個fd調前咗時間。」然後就勿勿收咗線。

喺收線嗰一刻，我突然想見佢，再諗諗下，好似佢返工咁耐，都無去幫襯過佢添！

接佢收工就成日接，但呀詩都未幫過我落單。

於是諗住去搵呀詩食個嘢，再去join呀Ken佢哋。

我遠遠望去，呀詩著住制服個look幾誘人，但最吸引我嘅，係佢認真做嘅樣。

佢係KFC度忙完櫃檯然後去準備啲餐點，中間不停咁來回，睇嚟好似已經熟手，駕輕就熟咁。

反而係套制服令呀詩綁返個馬尾，我係一旁睇得津津有味，終於等到無乜人嘅時候，我走過去

呀詩咁啱係度執緊個收銀櫃，我喊聲：「唔該。」

但佢無認出係我。

「先生，請問需要啲咩？」呀詩專心咁望住個螢光幕，無留意到我。

「我要個1號餐啊。」我忍住笑。

「飲咩啊？」呀詩換咗個樣，第一次見，反而增添一點緊張。

終於，呀詩抬頭望一望我。

「嘟」愕然，然後咧嘴而笑。

「玩我啊依家？」佢輕輕打一打我手背。

「又會嚟搵我嘅？」佢撓一撓頭髮。

「想你服務下我囉，哈哈哈！」我笑道。

「你晏啲先買啦，我都就放飯啦。」

「咁有無員工價啊？」我不知廉恥咁問。

「唔好食KFC啦，我食到想嘔。」

「咁食咩啊？」我問。

「麥當勞？」呀詩答，我聽完之想呆咗，唔係啊？

「乜男仔唔係都想搵個陪佢搵麥記嘅女仔咩？」最近呢篇潮文好紅，呀詩讀懂我個心思。

「梗係想啦，但係你做KFC，走去食麥當勞，呢下好笑姐。」

我真希望我哋可以就咁簡簡單單，走落去。

佢換件衫，就同我去食老麥，學篇文咁講，男仔真係想要一個識得知足嘅女仔陪係自己身邊

但無辦法改變嘅係，我哋會想生活慢慢變好，對金錢個概念都會慢慢轉變。

以前一餐50蚊已經好貴，但再出去食開啲100up嘅，相比之下就好明顯。

呀詩開始有返工，有搵到錢之後，享受嘅多咗，雖然唔係幾大富大貴，但見嘅世界闊咗，想法上面難免會變

所以初心更顯得重要。

呀詩自動自覺咁睇啲食咩，就去俾錢。

無諗住要我俾，我覺得呢下，已經感受到佢無意間嘅體貼。

佢從來都無要求過要我俾錢，即使佢屋企家境麻麻地。

20蚊餐出咗之後，佢就淨係食20蚊餐，麥樂雞餐都食到佢舔舔脣。

我真係好鍾意睇到佢咁樣就滿足嘅樣，一邊食，一邊吹下水，搞到我都完全唔記得聽日就係放榜。

可以全心投入一段感情度，先係最幸福嘅事，可以毫無保留咁傾注自己嘅愛。

「聽日見啦！放鬆啲啦。」呀詩同我講，我先醒起，係噃！

「你驚唔驚喎？」我哋就咁企係佢返工嘅門口度。

呀詩望一望手錶，然後同得我講道：「頭先咪問咗囉！仲問？」佢輕笑。

「驚就點都會驚嘅，但驚嚟有無用先？驚極都會等到聽日喫啦，所以我唔想諗呢樣嘢」

「你都唔好諗咁多啦，你去同呀Ken佢哋打下機，好好享受下仲好啦！」

我留意到呀詩眼神閃過一絲失落。

佢眼神飄咗去第二度，我哋都一齊咗一段時間，有時有啲感覺會變得敏銳，對方嘅情緒變化，你會知。

「好啦，你放工打俾我啦咁。」

我去搵呀ken喺路上，我一直反覆係度諗，頭先呀詩失落噃表情同原因。

諗下諗下，呀詩放咗工之後其實都係無人陪

而我就同班朋友打通宵，會唔會佢其實係想我放榜前一日陪佢？但佢收收埋埋？

再諗諗下，係喎！啱喎！有可能喎！

幾合邏輯啊！

於是同呀Ken佢哋會合之後，都唔少人喫，無10個都有9個。

「我打三個鐘咋。」我同呀Ken佢哋講。

「下？你打三個鐘咁你嚟做咩？」健三係一旁講。

「我晏啲有啲做」

呀Ken過嚟搭住我膊頭，陰陰嘴咁笑：「搵女咋掛？」

「你理得我啊！」我無佢咁好氣，決定咗就做喫啦。

三個鐘，打完去接呀詩收收啱啱好。

「難得成班人講好打通頂，之後返去拎成績表喫嘛，你要陪女，之後有排你陪啦！」呀Ken講。

「Sorry啦，我唔嚟你度，你哋仲有咁多人，我唔去嘅話，就淨係得佢一個。」

講完之後，呀Ken無出聲，只係靜靜地咁拍一拍我膊頭。

不過就算佢之後講啲咩都好，都唔會改變到我心思，咁大個人，佢都明嘅。

呢三個鐘，開心嘅，同一大班朋友出嚟打機，其實往後嘅日子，去網吧嘅機會越嚟越少，市面上嘅網吧都收曬皮咁制。

I-one都無曬蹤影

玩開嘅game都無乜

重點係，大家都默默接受呢種轉變，無人再講話去網吧，亦都無乜講話掛住以前嘅game，game越出越多，型式唔同曬，但我都係掛住以前一大班人打機嘅樂趣。

就算依家電視機頂盒嘅畫質再精緻，模擬度再高都好，都硬喺覺得差咁啲。

三個鐘，我知唔夠皮，但我都係同佢哋講我走先。

此刻，雖然佢哋之前都叫我做乜走，為條女走，乜乜乜，但到走嗰陣，個個都好通氣。

「打得咁開心走！」難免有呢啲說話。

「阻人扑嘢燒春袋啊！！」

「仆街仔，割和青啊依家？」

啊我哋係玩緊CS1.6，佢哋有啲輸俾我呢隊唔甘心，哈哈哈！

行出網吧後，我就跑去呀詩返工嗰度，因為佢好似差唔多時間收工。

好彩

趕得切。

我往常係同一個位置等佢。

佢換好衫，面無表情咁行緊過嚟，無幾耐，呀詩同我對到眼。

「嘩！！！點點解？你唔係話去打機咩？！」佢由震驚，嘴角慢慢上揚，到笑顏全開嘅時候，我内心同佢一樣。

「唔打啦，嚟陪你。」我拖住佢。

我終於了解佢失落嘅原因，其實就係呢一回事咩嘛。

「下？？點點點解嘅？」佢痴到勁埋，好想知個答案。

呀詩擺明明知故問，搞到我勁唔好意思講。

其實都係怕醜姐。

「做咩唔出聲啊？」佢把聲嗲到呢，不過呢把聲淨係我先聽到，聽到咁樣真係成個心軟曬。

識撒嬌嘅女仔，係有另類嘅魅力，尤其是自己鍾意嘅人對自己撒嬌。

平時見人哋撒嬌，自己會覺得好肉麻，好骨痺，好頂唔順，但係呀詩對我咁樣呢，好似鬼上身咁，啲種感覺瞬間無曬，仲好受落添。

「因為驚你放工之後等放榜，無人陪你囉，打機嘅話，幾時都有得打啦。」我好老實。

「哼！口花花啦你！」佢別過臉去。

我望下佢咩事，點知俾我見到佢係度甜笑，收收埋埋唔俾我知！

「哦！你睇下你，笑到」我都忍唔住。

暗暗慶幸自己冇嚟到。

「你哋男仔唔係鍾意咁樣咩？夠曬青春，熱血啊嘛。」佢都仲係有啲訝異，點解我會肯放棄同班朋友相聚嘅時光，而過嚟陪佢。

「係幾難得嘅，咁大班人一齊去網吧打機，但你重要啲。」我嘅選擇嚟。

「你真係呢」佢掂起腳尖，雙手撲我面珠登。

係度左扭右扭，佢自己個表情都古靈精怪，都係咁可愛。

突然間佢錫埋嚟。

喺我塊面度，而唔係嘴唇。

我哋依家kiss係好閒嘅事，好多時係兩個人嘅空間入面，就打茄輪㗎啦。

反而錫臉，唔係成日都會。

所以佢呢下舉動，反而將成個氣氛昇華咗，因為無任何性嘅暗示係入面。

有時打下茄輪就周圍摸下，就埋牙

會大家有個咁嘅意識，錫完之後，好多時候都同扑唧有關，有聯想。

而錫臉，成件事變得好純。

因愛而純。

我都係佢額頭深深咁用嘴唇印落去。

「咁去邊啊？」呀詩問。

「我都唔知啊，淨係想同你一齊咋嘛。」我想要嘅好簡單，簡單到咩都無諗。

「今日咁識做啊？」又請我食波餅，今日可能

係拍拖嘅過程入面，慢慢開始意識到「性」嘅重要性，好多時候我哋都怕羞，唔識點樣講呢個問題，但其實

我哋都有咁樣嘅需要，呢個係一個赤裸裸嘅事實，但大眾成日都會選擇將呢樣嚟避而不談。

唔知點解，好多人會將「扑嚟」呢樣嚟覺得條件威水史，而選擇去炫耀。

而我慢慢察覺到「性」係不可或缺。

雖然本來我想同呀詩相處嘅時候，係無抱住呢個目的，我純粹係想呢個時間點同佢一齊。

但見到呀詩之後，一連串嘅舉動，同埋個氣氛。

搞到我好撚想要。

最後我哋買少少嚟食上呀詩屋企，佢老豆開始長期唔係屋企。

我都間唔時有上去呀詩屋企，有個地方俾我哋，可以兩個人獨處下，係幾開心嘅。

我都知實有人話，咁就正啦，有得日扑夜扑，高登仔成日都咁講㗎啦，睇得多真係會信。

之不過事實唔係咁。

女仔無我哋想像中咁想要，你估真係性慾怪獸咩？

除咗「性」，仲有其他更加重要嘅，性唔等於愛，一開頭我都會猶豫，呀詩拒絕我嗰陣係咪唔鍾意我？

我會有咁嘅疑問。

但除咗無得扑之外，一切都無咩唔同，一日24小時，佢已經盡可能俾曬我，我仲奢求啲咩呢？

「你食住先啦，我做埋啲先。」呀詩擺低碗糖水。

然後就行出廳。

其實公屋嘅格局唔大，屋企又無咩特別嘅裝修，但因為呀詩每日都會執下，整理下，所以望落其實幾窩心。

「你唔好做住啦，過嚟食咗糖水先啦。」呀詩經過房門口，手入面抱住一大堆衫。

「我返工前洗㗎機衫，唔曬出去焗住會臭㗎！」然後佢就忽忽忙忙咁走咗去。

佢真係好特別，好難想像佢以前係一個MK妹，亦可能因為咁樣嘅經歷令佢更加成熟。

基本上呢頭家，都係佢撐起咗。

我心疼佢。

「哇！咁好死開埋俾我食？」呀詩搞掂完坐埋嚟，見到我開好碗糖水俾佢，好閑姐，咁都好開心啊？

我笑住咁諗。

我等埋佢先食，喺頭先，我見到佢枱面學友社份出路指南，佢入面做曬筆記，對於前路，就算未諗定都好，至少已經有準備。

但其實我，無佢諗得咁多。

以為有，但其實淨係得表面。

呀詩想要嘅，係想要一個具體，你會點樣去完成，諗好步驟未？諗好下一步未？

呀詩往往已經有曬打算，而我，以為知道自己想做咩就得

唔知係咪慢慢大個，呀詩對於個人嘅安全感開始降低，越睇重嘅，係將來嘅安全感

而我，到好後來先察覺得到。

我同蕃薯仔都係，自己以為做咗好多，另一半好似點都唔滿意咁，亦諗都諗唔明白。

直到我哋終於做到嘅時候，先至明白

呀詩食住碗糖水，係隔離拎住本指南嚟睇，睇得入神。

「好驚聽日放榜啊？」我柔聲問。

「越近就越驚囉，睇怕今晚都瞓唔著啦。」

「我今日返你瞓囉。」

「睇死你都係最後自己瞓著啦！」呀詩白我一眼，十分之清楚我。

「你得嘅，不瞓成績都好，俾啲信心自己啦。」我唔知點安慰人，就亂咁講。

「都會驚。」然後佢就放低碗糖水。

輕輕咁捱係我膊頭。

房間入面無音樂，無播片，無打機，就係咁

——安靜。

我哋嘅思緒都放咗係聽日嘅放榜。

其實我之前都無乜點諗，係我自己唔想面對姐，因為點諗無用，索性打機，一路去到頭先，係網吧喺

三個鐘，我都完全無諗，去搵呀詩都無。

依家靜落心嚟，先感受到恐懼。

喺晚，我係呀詩屋企瞓，本來頭先接放工嘅氣氛無咗，我自己依家都無曬性慾。

我攬住佢，雙眼睜開，完全無睡意。

我以為自己好豁達，成績呢家嚟，唔考都考咗啦，但原來係可以咁不安。

我上手穿過呀詩膊頭，下手摟住呀詩嘅纖腰，稍為有經驗嘅男仔都明白，呢個距離，同個波之間，只有一手之隔。

想摸想揸，全憑自己嘅意志力。換轉平時，我一早對佢上下其手，因為實在係會忍唔住。

但係今日無，情緒飄忽不定。

食完糖水，我同呀詩之間嘅對話都好簡短，唔難睇得出呀詩對於聽日嘅緊張同埋焦慮。

我想安慰佢，但查實我自己都一樣。

越係黑暗，同安靜嘅空間，就會對時間流逝出現一種錯覺。

我硬係覺得過咗好耐，耐到呀詩應該瞓著咗，呀詩背對住我，我睇唔到佢個樣，亦感受唔到佢瞓著咗嘅氣息。

我探頭望下佢，佢察覺到我望佢，嚇咗佢一跳，驚弓之鳥咁。

「屌你咩！嚇死我啦」佢嚇到呼吸有啲急促，見到佢嚇親個樣，幾搞笑。

「咩姐，我睇下你瞓咗未姐。」我解釋。

「未瞓啊，瞓唔到。」呀詩平復返心情，繼續瞓返落床，但今次唔係背對住我，而係面向住我。

我用一隻手托住自己個頭，另外一隻手則撫摸佢嘅頭髮。

我哋又係無講嘢，呀詩嘅眼睛不停咁係度眨，我想開少少燈，但俾呀詩阻止。

「今晚我唔想開燈。」佢道。

「好。」今晚沉重度我都唔知講咩好。

又靜咗。

但我動作都停落嚟，我係度輕撫下佢嘅秀髮，由上而下咁掃落去，呀詩啲頭髮好順，又有陣髮香，真係好撚正。

良久，呀詩忽然間問：「如果萬一真係考衰咗咁點？係咪要周圍搵asshole同埋ive㗎啦？」

「你去睇下樹仁嗰啲收唔收先啦，萬一啲分卡係中間，你就asso啊hd咩都報，jupas都照報，最多蝕個報名費姐。」

「但係我驚無咁多報名費，我打工返嚟儲啲錢都唔知夠唔夠俾。」呀詩呢段時間望落好似好堅強咁，我知道，喺一種逼自己嘅堅強。

「唔夠嘅，我幫你俾啦，遲啲我都會返pt㗎啦。」我攬住佢，試圖想安撫佢。

「我都仲係好驚啊」

「好驚聽日會係學校見到好多屋企人嚟學校，陪啲子女去搵學校，但我自己就咩人都無啊」

原來呀詩最擔心嘅係呢樣。

一路以嚟，其實佢最想要嘅，係一個完整嘅家。

呢個陰影同遺憾，喺會跟住佢一世。

「我會係度，你都會有其他人有嘅嘢，你同其他人無乜分別。」除咗咁講，我都唔知點講先為之啱。

呀詩用力咁抱返我。

「我都好驚會無咗你。」呀詩講。

呢句我唔明，點解無啦啦又變咗好驚會無咗我？

而且應該係我驚啲吧？出面咁多MK仔咁多狗公，女仔俾人撩嘅次數多過男仔俾女仔撩喎，坦白講，我覺得我仲驚過你。

「傻豬，有咩好驚，我一路都係度，我驚你俾人溝走多啲。」我輕吻佢額頭。

「唔同㗎！你唔會明㗎啦。」呀詩咁樣講，我就更加唔明

真係唔明呢。

之後佢撲咗上嚟，本來佢捱係我心口，就飛上嚟壓住我，我完全感受到佢心口嘅重量。

呀詩瘋狂索吻，忽然間反攻過嚟，十分主動。

我相信無乜邊幾個男仔可以抗拒得到，間唔時嘅主動，係會令人招架不住。

我俾佢封住咗個嘴，因為佢好主動嘅關係，所有嘢都俾平時快好多

我哋互相熟悉咁挑逗，敏感嘅位置都知道曬，閉起雙眼都知道下一步點做。

對於呀詩咁主動嘅索求，我當然唔會錯過呢個機會。

係親吻同撫摸嘅同時，我問佢：「做咩今日咁猴禽啊你？」

呀詩無正面回應我，反而反問咗我一句：

「你唔想咩？」

我無再多講啲，直接開佢波！

「嗯啊！」最銷魂就係呢一下，加上佢毫無防備嘅表情，嚟個出其不意嘅一擊，佢吃驚嘅樣，噃種反差最令我頂唔緊。

其實就舒服得要死

之後就係前前後後嘅抽插。

去到一半嘅時候，忽然聽到門外傳來一陣聲音。

係開門聲。

仆街啦

我停低動作，以不變應萬變，但我開始感覺到嗰縮，真係軟，唔係講笑，頭先係硬到忍受唔住。

而且就嚟了㗎啦嘛，搞啲咁嘅嘢。

呢個時候，呀詩feel到我嘅改變，陰陰嘴咁笑，呢一幕我諗起嗰陣時佢嚟我屋企，都係呢一個邪笑。

仆你個街，今時唔同往日，嗰陣時無得就地正法，依家已經米已成炊！

我用力抽送，但力不從心。

呀詩好似不痛不癢咁，覺得我好似搔癢咁？？？

唔扁撲死你我仲係男人嚟嘅？

呢個moment已經顧唔上咁多，要俾啲教訓呢個女人！！

(大家係咪咁話先！！！？？？)

我再用多幾錢力，賣力地搵返個狀態。

呀詩入面又暖又濕潤，好快就起返機，而佢慢慢感覺到我嘅威脅，瞪大對眼望住我，極力地忍耐著聲音。

壓制住喉嚨嘅聲音，但壓制唔住急促嘅呼吸聲。

我單手摑住呀詩個嘴，然後用盡力，佢「啊啊」咗幾聲，錯愕地望住我。

佢有反應，我先會有反應，互相有來有往先精彩。

見到佢咁嘅表情，刺激到仆街，萬一世伯入到嚟，真係唔知點好，但當下無諗多，完咗之後先留意到自己玩緊火，踩緊鋼線。

完事後，佢用力地搵我幾下，唔洗明講已經知佢想講咩，不過此刻，好尷尬

點清潔好？

最後係呀詩幫我出去搞掂啲手尾，而我當然唔好出去啦最好。

因為佢老豆返嚟嘅小插曲，加上做完運動後，真係瞓著咗。

第二朝，求其執件衫，一行出房，就見到佢老豆攤係沙發度。

「佢係咁，已經醉到咩都唔知，你唔洗理佢，佢亦都醒唔到。」呀詩看似無語氣，無溫度咁，但其中包括住無數嘅失望，同埋無奈。

我半信半疑咁望住世伯，將來佢會係我一大考驗嚟

咩事都無就出咗門口，搞到我擔心咗咁耐，不過開始了解呀詩屋企係咩一回事，家庭嘅影響往往比我哋想像中大。

因為平時表面係睇唔出。

係學校附近食個早餐，可能係最後一次，嗰時心態係咁樣諗。

但事實並唔係最後一次，只係隔咗好耐好耐，先再會機會嚟懷緬返姐。

氣氛凍到一個冰點

開始心跳加速、緊張、直到入班房嗰一刻，先感到強大而又無形嘅壓力。

我同呀詩分開班房，今日班房出奇地安靜同嚴肅，與往日一入班房大家嘈到拆天、嬉笑打鬧形成一個強烈嘅對比。

我都唔敢再多講啲咩，安靜咁坐埋位，等嘅——

喺班主任入嚟，宣佈我哋係生係死嘅結果。

就咁係度靜靜咁等，腦海入面不停地諗點點點之後應該點好，個腦就嚟爆炸

但又不自控咁諗。

其他人都一樣，一啲就無表情，一啲就愁容滿面，嗰啲話唔介意，平常心嘅人，er.....我都係其中一個，都不其然緊張起嚟。

總之就開心唔起嚟啦，琴晚打通宵機嗰幾個就更加係啦，無曬琴晚嘅精力。

唔講仲以為佢哋打成晚飛機。

班主任入嚟，心跳又加快咗幾錢重。

佢入到嚟講咗一大輪，但我無仔細聽，我仲係度做緊呢個心理準備。

之後佢話正式派成績表，我先醒過嚟。

順住學號派。

不停地倒數

3

4

下個就到我，快到咁？

我起身嗰下隻腳軟到乜咁，個腦一片空白，行出去都唔知自己想點咁。

直到我伸手去拎張成績表，期待、又驚班主任講啲咩，扁你好撥矛盾

拎完，咩都無講，班主任都覺得呢個時候唔應該講啲咩，可能佢都見慣了吧？

我係返埋位嘅路上翻開份成績表，永遠都會記得嗰一刻嘅心跳，往後嘅人生好似都無咁強烈嘅感覺。

好彩

成績都係我意料之內，先鬆一口氣。

5條2係有嘅，但3322就無啦。

個別有啲科有4，不能夠再普通嘅成績，因為再低啲，就差到無論了。

越後嘅人就越緊張，承受嘅心理壓力就越重，因為睇到有人歡喜有人愁，儘管無講，但表情已經寫曬出嚟，會更加驚自己會係愁啲一個。

就連平時做開世界仔，搞開氣氛嘅呀Ken都沉默不語。

尤其是見到成績應該幾好嘅，都露出苦瓜乾嘅表情，就心知不妙。

蕃薯仔個樣好似鬆咗口氣咁，其實我都唔係幾知佢成績點樣，應該同我差唔多？

呢個年紀好多都係男仔廢過女仔，不得不承認

派完。

亦都定咗我哋所有人嘅去向。

我依家最想知嘅，係呀詩點樣，仲有子晴。

派完之後，我哋要落禮堂聽啲出路講座，中學時期最認真聽嘅講座啦仲要係最後一次。

係禮堂跟班排隊入去嘅時候，見到隔離班嘅呀詩，好似無乜特別咁，同今朝早，咁睇嚟都ok啊。

我好認真咁聽有咩出路，原來到呢一刻，係會咁徯徨，唔知點算好。

終於有點了解呀詩叫我為自己打算嘅原因

係我可以唔洗係呢一刻徯徨，可以安心咁實現自己當初嘅計劃。

我唔係無，只不過呢個所謂嘅計劃「空洞」得可以，基本上有同無都無咩分別，到最後我都係要坐係個禮堂度，徯徨、諗之後點做，明明我有諗到，但結果就係咁。

個講座草草了事，因為要留時間俾我哋去搵其他嘅報，畢竟都多人爭。

禮堂入面有人唔知點好，有人打算上訴，俾多舊錢重新計過啲分，搏可能出錯，拉高啲分。

有人坐係度唔知點好，有人泣不成聲，天堂同地獄嘅落差足以讓人喊到豬頭咁。

而子晴恰好係其中一個

佢喺禮堂度喊緊，當我坐係度思考緊，其他人陸續離去，我坐係度思考咗一陣先起身，打算搵呀詩佢嗰時候，我喺禮堂嘅角落見到熟悉嘅身形。

行近去，見到呀詩係度安慰緊子晴，子晴係呀詩懷抱入面喊緊

而蕃薯仔就坐係側邊，輕輕掃緊子晴背脊。

禮堂入面，好多人都有人歡喜有人愁，呢一個畫面一路深刻到依家，因為咁多年後睇返，呢一切都只不過係過眼雲煙。

但喺呢個人生轉捩點嘅位置，第一次經歷挫敗，我哋都唔識得點樣去面對。

呢一次唔關乎屋企人，唔關乎其他人，係關乎自己將來嘅出路，先會搞到咁沉重，咁失落。

拋得越高，就跌得越痛。

因為我知，應該係話，我哋都清楚，子晴佢係有幾咁著緊啲成績，比起呀詩更甚，呀詩佢係著緊自己出路多啲嘅其實。

記得有一次放學，偶然同蕃薯仔一齊放，嗰陣時臨近last day，仲係處於好多嘢提唔起勁嘅階段。

但仲記得要讀返好啲書，呢個係我可以為自己，為呀詩做嘅嘢，始終佢係我想咁，亦覺得讀書算係同呀詩仲有返啲聯繫。

對於生活上嘅其他嘢，打機啊，打波，都已經無乜動力，得返讀書。

咁嗰排蕃薯仔間唔時都有陪我放學，兩個麻甩佬咁樣放學其實都有啲不情不願，只不過都叫算係有啲調劑一下苦悶嘅人生。

「你同子晴呢排點啊？」我問佢。

「無啊，都係咁囉。」佢好hea。

「都係點姐？」答咗等於無答咁。

「你哋平時去邊拍拖㗎？」我一向都好少八人哋啲嘢，所以呢方面嘅我都無過問，但依家時機咁囉，問下都可以嘅。

「下？我哋平時拍拖都係圖書館啊，自修室咋喎。」佢答我。

「哇，你哋無去睇下戲啊，行下街咁樣咩？」

「嗯」蕃薯仔思考咗一陣，咁樣答我：「又真係無喎。」

「扁姐係出嚟就係自修室？」

「係啊。」佢好不以為然，嗰陣時其實對於愛情有好多嘅刻板印象，中學雞對於愛情有好多憧憬同埋一啲不切實際嘅幻想。

認為拍拖就要點點點，個個都好恨出pool，破處，總之就想多姿多彩、轟轟烈烈。

無錯，呢啲都係青春最美好嘅型態，只不過依家諗返，其實拍拖兩個開心就夠，去自修室溫書，互相勉勵都好好姐，男仔同男仔咁樣溫書雖然會有動力，但都唔夠同自己鍾意嘅人一齊讀書，嚟得咁有效。

你會好似動漫入面嘅男主角咁，獲得無限嘅能量。

而我，係錯過咗同呀詩一齊溫書嘅時光。

嗰陣只得我自己。

所以子晴會喊到失曬聲，係好正常，3年可能係6年，甚至係10幾年嘅付出，付諸東流。

我哋幾個都講唔出啲咩，只好任由子晴係度喊，隔離同埋前面嗰行都有女仔係度喊，而男仔則愁容滿面，眼淚在心裡流。

隔咗一排，我同蕃薯仔決定要去報名先，咩都報咗先，因為可能仲要俾留位費啊之類，雖然蕃薯仔望落好似幾擔心子晴咁，但都要顧好自己。

蕃薯仔同我嘅成績差唔多，都係HD，Asso見㗎啦。

我個分比較好少少，我連樹仁都諗住報，咩都報，搏一搏，試一試。

留低呀詩陪佢，呀詩啲分好好，入U應該唔成問題，所以諗住直接報Jupas。

出路基本上就咁喺呢一日定咗咁制，大致上。

最後子晴唔甘心，決定重讀一年，呢樣嘢係我最估唔到，除咗因為佢成績本來就好好，所有人都認為佢實得嘅，會因此感到驚訝之外，重讀係需要強大嘅意志力，加上要追太多嘅話，其實無乜可能。

好似我同蕃薯仔咁，重讀都曬鳩氣。

諗諗下，可能真係最啱子晴嘅一條路。

因為就咁去讀Asso、HD，又會唔甘心，而且子晴係好有可能考得好過之前，入到心儀學科。

之後喺一年，基本上係搵唔到子晴，因為佢Ig、Facebook啊，Whatsapp所有嘢都Del曬，手機得返傾電話呢個功能。

得蕃薯仔搵到佢，我哋根本約唔到子晴出嚟，直到佢考完DSE先再重見天日，真心佩服子晴同蕃薯仔，打從心敬佩。

子晴有咁樣嘅耐力選擇重讀，蕃薯仔亦咁有神心陪係子晴隔離，有時我想約蕃薯仔出嚟食個飯，佢都唔得閒，話要陪子晴去自修室溫書。

去自修室溫書，已經係佢哋拍拖嘅常態。

係呢個慢慢被狗公化，速食愛情嘅年代，呢種慢愛情更令我感到羨慕。

同樣地，食好多女/仔都係好多人做唔到事，所以先咁多人羨慕；但係佢兩個亦都做到好多人都做唔到事。

最後樹仁係無收到我，我都唔開心咗一排，得返Asso、HD我又麻麻地，我都想搏返入U。

算係定咗落嚟，有著落，而呀詩就係度等緊Jupas放榜，都要等個令兩個禮拜，呢段期間佢都煎熬㗎。

一嚟大部份人都已經定落嚟，二嚟驚人唔到自己想入嚟。

人係好糾結同矛盾嘅生物嚟，求而不得，退而求其次又心有不甘。

呢啲時候，我有諗下計仔可以點樣氹呀詩開心，但我江郎才盡，諗唔到有咩好idea

總之呀詩就悶悶不樂咁啦呢段日子，咁兩個人一齊，有時難免真係會有咩火花、激情就連呢個關口都係，我知佢受緊等待嘅煎熬，我都想幫佢，但無能為力，可以做嘅咪陪下佢囉。大個咗，好多時候都係咁。

雖然呀詩把口無講，但間唔時嘅神情同對話都出賣咁佢。

「你覺得我入唔进入到啊嚟？」佢有時無意咁講，佢內心無佢自己想像中咁唔在乎。

三不五時就會咁，我已經習慣安撫佢嘅情緒，俾返多啲信心佢。

係嗰個朝早，佢收到Offer，社工degree嚟，我之前有問佢，你做社工？？

「你俾人知你以前係個MK妹，依家去做社工，一定俾人笑撲死你喎。」我調侃。

「咩姐！我依家係用以前MK妹嘅經歷，去感化同埋撲化啲後生仔，叫佢哋唔好行我條舊路。」

我其實並唔反對呀詩讀社工，甚至心底嗰句，佢好多時都溫暖到我個心，覺得佢幾適合姐。

「你會唔會同佢哋鬥食兩支煙㗎？」呀詩壞過凱庭。

「屌你啦，無理正經。」聽到佢話想做社工嗰陣嘅反應。

嗰個朝早，我俾呀詩嘅來電整醒，真係瘋狂打嚟嗰陣，我睡懵懵咁聽，佢好開心、興奮咁同我講：

「喂！強b強b」佢不停咁叫我。

「咩啊？」我個腦都轉得到，啱啱醒。

「我入到啦！得咗啦！！！」俾佢講一講，醒醒地，仲係咁不停Yes！Yes！Yes！

「真係？」我都登佢高興。

「邊間啊？」我續問。

「City啊！」

不過我都有股少少嘅失落感

好似正式同呀詩分道揚鑣咁，同埋分享唔到呢一個喜悅，我要再努力兩年先入得返，而至少呀詩依家已經做到。

嗰陣時大家對入U都有種憧憬同埋執著，所以好緊張自己入唔入到U。

「咁咪好囉。」我忽然間唔知點應好，就咁樣答咗。

「做咩啊？你唔開心啊？」講完無幾耐，呀詩就好似意識到咩一回事。

「你都會入到嘅，起碼要努力咗先，話唔定兩年後你入kong u呢？好過我呢？」呀詩安慰我。

「其實最主要個原因唔係因為你入到U，而我入唔到，個主因係我哋會唔會遲下大家係唔同地方讀緊，然後好似依家咁，一齊分享唔到個喜悅啊？」

我明白，係呢個時候講呢啲說話，基本上係打擾咗呀詩咁開心興奮嘅心情，但我唔想有咩隱瞞。

「傻豬嚟，我哋喺隔離班嗰陣都可以一齊到，如果咁易就散，只可以話我哋得咁嘅水平囉。」雖然呀詩係安慰緊我，但我聽得出佢仲開心緊。

於是我不再講啲唔開心同埋掃興嘅嘢。

直至無幾耐之後，我發覺我自己開始迷失緊，真係唔知點好

「今日呢」呀詩如常打俾我，手機已經成為維持我哋關係嘅唯一方法。

「有個師兄問我去唔去Ocamp」佢問得好小心翼翼。

我好明白，佢係擔心我會唔開心，可能會大發雷霆之餘，背後傳達嘅，係佢都想去。

我迷失嘅位係，我驚失去佢，呢個MK妹個光芒太耀眼，光到一入Ocamp一定成堆仔圍住佢。

我要面對嘅，唔係一個呀Ken，而係好撥多個呀Ken。

呢一種感受之前並唔係無出現過，我以為我學識咗對呀詩、對自己有信心，但原來我無。

要承認自己無進步過，一開始唔係咁容易，慢慢你就會接受到咁樣嘅自己。

「去囉。」我扮到若無其事，心知姐係送羊入虎口。

但係我知道，我越係捉得緊，只會加快呀詩送入啲街度

「有無你師兄啲相嚟啊？」需要智取。

「有嘅，我得佢whatsapp張icon咋喎。」然後呀詩cap圖俾我。

果然同我想像中咁，有點型棍，笑容有啲MK，個loop塑造到幾陽光。

哇，個對手好撥勁喎。

「佢話佢係組爸喎。」我聽到，我仲係度研究緊個組爸。

「你係咪唔想我去啊？」呀詩見我無應佢，佢再問。

「咁你想去啊嘛，我知你想留低啲回憶嘅。」我明知啲Ocamp玩開啲淫賤game，都因為唔想無咗佢而由佢去，認為咁樣係放手一搏。

「你唔想我去，我可以唔去㗎喎。」猜唔透呀詩嘅意圖。

佢咁樣講，我更加猶豫，佢呢句係真話啊，定另有所指？

諗爆頭。

「唔係我想唔想，係你想唔想。」拍得耐，係會學乖，同埋學識講嘢，姐係所謂嘅語言藝術。

「如果你想去嘅話，咪去囉，無幾耐之前我哋先經歷完考驗。」

「真係咁放心？」我好似答得令佢幾滿意，開始調皮。

「你唔驚我俾人溝走？個組爸咁靚仔。」通常越係咁講，就越唔會咁做。

因為會咁做嘅人唔會講，無辦法坦然咁面對自己嘅心虛，呀詩咁講純粹口賤姐。

「驚，咩唔驚啊？我連呀Ken都驚啦，呢個靚仔我會唔驚？」我亂噏。

「其實我想去，之但係我知個分寸，因為係你先咁。」我唔明。

「姐係點？」我回話。

「姐係我了解你，愛你，先會識得收。你試下對我唔好，我就唔會知咩係分寸啦～～」

「你係串囉。」我頂嘴。

「但你嗰邊無Ocamp咩？」呀詩講完粗口之後問我。

「無人搵我喎。」我呢啲小毒撲邊有人搵啊，問你感情status嘅時候你話有拍過拖，一定無人信，個個露出驚訝嘅神情，我會想當場扁死班仆街

「咁你會唔會去？」

「我？我麻麻地呢啲咋。」Ocamp嘅傳聞聽得多，對呢類活動就無乜好感。

但啲人話係Ocamp識新朋友，會決定你往後讀書嘅朋友仔，細細個嘅我就咁樣俾佢影響到。

「如果你去嘅話，我都會去。」我認為咁先公平。

喺晚我哋就咁有咗共識，呀詩最後都係去Ocamp，而我，無幾耐都有人問我。

一個陌生嘅電話Whatsapp我，話自己係組媽，問我參唔參加Ocamp。

我打開個WhatsApp Icon一望，幾靚女

好似脫離中學之後，個世界當堂大咗好多，靚仔靚女多咗多嘅？中學嗰陣靚仔靚女嘅比例都無咁多。

組媽：Hi~~~~~我係XXX嘅組媽 嘟緊我哋8月尾有Ocamp 你咁啱隨機分配到我哋呢組想問下你有無興趣嚟Ocamp玩啊？當係識下朋友仔 日後大家都可以好好地相處

哇忽然間有啲壓力，唔知點覆好。

其實Asso都係讀兩年姐，大家有幾何相處啊？好多都係為搏上去咗嘛。

所以呢一樣都係我唔係幾想參加嘅原因，但見呀詩都去咗Ocamp，自己亦都有啲蠢蠢欲動想試，如果唔係呀詩去玩到好癲，而自己好似毒燙咁樣嘅話，會心理唔平衡

我後未覆佢ok。

而佢好興奮，同埋好熱情咁覆我，問我叫咩名啦，問我讀邊間中學啦，問我住邊啦。

我反而有啲退卻，我對於呢啲咁熱情嘅人係有啲驚，就好似係街上面俾人好熱情咁推銷我，我都會直行直過咁。

組媽：我叫Chris啊，啲人都叫我做豆丁

我：豆丁？

我俾佢呢個名搞到笑咗。

組媽：因為我好似豆丁咁細粒囉，哈哈哈。係呢，你有無啲咩花名啊？

Um我諗一諗，又真係好似無乜花名噶，大家都係叫我做呀強、強仔啊之類。

係得呀詩好似冇幫過我起花名。

有一次我剪個頭髮，剪完之後真係好柒，我足足因為咁唔開心個幾禮拜，佢覺得我個頭好薯，成個薯仔咁，蕃薯仔都無我咁薯。

於是乎成日都叫我做「薯頭」、「薯頭」咁，食飯叫我都係叫我做薯頭。

我：都無乜花名㗎，係以前有人叫我做薯頭囉。

組媽：薯頭？

然後就係一連串嘅笑喊表情符號，我後悔了。

組媽：幾好笑，哈哈哈，就呢個花名啦，一定好多人識你。

有啲癮鳩嚟，做完真係返唔到轉頭，唉真係好後悔嗰陣做乜唔用腦諗下個新花名同埋點解要用花名咁癮鳩？？？

係開始Ocamp之前，我哋有約出嚟食個飯，當組媽介紹我嘅花名嗰陣，真係想縮返入老母個闊度我感覺到有人係度忍住，有人已經笑咗，仲串我話：「都幾襯啊個名」

所以我一開始對呢個Ocamp無乜好感，咩話唔參加就會無朋友，我寧願無，我讀Asso係為咗上返U，唔係為咗識朋友。

不過亦因為入咗Ocamp，我更加確立自己嘅目標。

喺餐飯，組爸組媽為咗個氣氛，不停咁搵嘢講，呢餐飯人數唔夠10個人，男女比例差唔多55啦，其中兩三個都幾靚仔靚女，我見到嘅係，組爸組媽好落力咁同呢幾個靚仔靚女傾偈。

我都明嘅，現實就係咁。

其中有一個無乜點理過個組爸，好多時都靦腆地笑笑，無多講幾句，都係點到即止。

喺個女仔幾文靜，留住秀麗嘅短髮，衣著亦好斯斯文文，有別於當時流行嘅打扮，短褲短裙啊，長直髮，波鞋啊咁。

後來大家對呢種打扮有個名詞同埋定義——

文青風。

但對於喺陣時嚟講，呢種打扮已經好另類。

基本上喺餐飯都係靜靜地食飯多，間唔中有人問兩句，我就答幾句，加上有時呀詩Whatsapp我，我都會覆下。

但我留意到喺個文青女仔成日都有意無意咁望住我，因為我同佢都坐得比較遠，佢望過嚟喺下好明顯，而且會望到我好唔舒服。

去到尾聲，好似已經問到無咩好問，就問下我哋啲感情狀況啦

呢啲問題我一早預咗，但最估唔到嘅係，在場好幾位靚仔靚女都係AO，包括頭先講喺位文青女孩。

唔係掛？中學喺陣都無拍拖咩？

「下？你哋中學都無拍過拖？唔係幾信喎。」組爸驚訝地說，嘴角迅速地閃過一絲笑意。

只見佢哋尷尬地笑住回答：「因為屋企嚴，同埋讀書囉。」

心諗，真係掛住讀書嘅話就唔會係度啦掛？

然後又諗起子晴，頓時覺得自己好衰，咁樣諗人。

文青女孩則回答：「因為搵唔到鍾意嘅人」

然後佢嘅餘光又有意無意咁飄向我。

餐飯局係我無乜再點樣留意下完咗，大家好似都幾傾得，有說有笑咁。

但我自己無乜太特別感覺，佢哋就有種燃燒青春，搏盡無悔嘅心情，可能中學加上DSE壓抑咗好耐掛。

我知自己係DSE考得唔好，先入嚟讀Asso，我好明顯知道自己同佢哋係格格不入。

「Yo！」一個幾高大嘅男仔走過嚟同我攀談。

「嗨。」係呢餐飯入面，我覺得自己搵唔到朋友，我無乜幾句。

「我叫大神啊，你係拍緊拖嘅薯頭？」佢搭住我膊頭講。

又唔係真係搭曬過嚟，而係用個手肘捱落我膊頭度，我今日真係開眼界，呢個世界咩人都有。

佢一啲都唔覺得尷尬，可能係得我咁覺得姐。

大神？

點解要改啲咁嘅名？

我諗起呀彥呢個MK仔，眼前呢個男仔無咁嚴重，但都戇戇地鳩喫啦。

「係啊。」我冷冷地回。

唉，曬唔少錢參加呢個咁樣嘅Ocamp，少不免感到後悔。

「我見你whatsapp icon同條女好sweet喎！估唔到你有女都參加Ocamp啊。」佢帶點串串貢的意味。

真係好想講句：關係撚事咩？

「有女就唔參加得嘅咩？」亞洲人多數都為免尷尬而選擇做人留一線。

「得！你條女咁正，實好放心你啦。」呢一句令我覺得細思極恐，男人好清楚男人嘅意圖。

「多謝你～～關心喎。」我唔係幾想再傾落去，開始明白啲人話好多真心朋友都係中學時候認識。

當然唔係所有人都啱用，但又不無道理。

「下次有啲正嘅女，介紹嚟識下啊。」佢推一推我，打曬眼色咁。

可能我要熟習個社會就係咁，咩人都有，但自己堅守嘅原則同底線唔好動搖。

後來四散，呢個叫「大神」嘅男仔都係一個R fd嘅小插曲嚟。

大家都嚟自五湖四海，各自了解下大家住邊，我哋係旺中一帶，有人住屯門，有人住馬鞍山，大家都行唔同路，我都唔係知曬所有人生邊。

然後含蓄地講聲掰掰，就去搭過海巴，去返港島。

點知

因為我俾個大神拉住我講咗幾句，無為意文青女孩好早就走咗。

我係巴士站撞到佢。

仲要係我要搭嗰架巴士嘅隊入面，佢隔離無其他人，得佢一個，係度低頭玩緊手機。

可能頭先我諗多咗，個文青女孩無乜特別嘅舉動，就算有，都已經好難牽起心中嘅漣漪。

一齊耐咗，甚至係慢慢大個，會越嚟越難搵到一個令你心動嘅人，就算當初令你心動嘅人，都可以一樣無咗以前心跳加速嘅感覺。

一完咗，我就慣性咁打俾呀詩。

「喂？」另一邊廂，我知呀詩聽日就去Ocamp，隱約係電話入面聽到啲吵雜聲。

「執緊㗎啊？」我問道。

「係啊，執完就一陣出唔出嚟食個糖水？」難得呀詩主動約我，我爽快地應承咗。

一邊講，架巴士都慢慢埋站。

個文青女孩抬頭望一望，望向駛緊過嚟嘅巴士一眼，同時亦都望到我。

佢撥弄一下頭髮，錯愕地望住我，跟住展露出一個有禮嘅笑容。

「咁食邊間啊？」喺電話裡頭，呀詩問我。

「嗨～咁啱嘅？你都係住港島東？」文青女孩叫Gigi，後來知道佢中文全名叫莫曉嵐，聽落好似幾男仔，女仔又得咁特別得嚟又同佢個style幾夾。

電話入面嘅呀詩靜咗落嚟。

「係啊。」我都有禮貌地笑住回應。

一息間嘅時間，唔會傾到啲咩，各自啲完八達通就上車，佢就往下層嘅位置行去，而我亦唔想引人誤會，就坐咗去上層。

電話入面呀詩都無出聲，我心知不妙。

仆街啦

「食你屋企附近啲間？」我知大鑊了，所以好溫柔咁問。

「」一陣沉默。

「唉」我嘆一口氣，同時其實又有啲開心，覺得呀詩會咁樣呻醋都係因為在乎我。

「唔好瞓啦，啲個女仔係頭先食飯識噃，咁啱大家都係搭同一架車，未同你傾電話前都無講啲咩，而且你聽唔出有啲尷尬噃咩？」我解釋道，儘可能透過詳細噃解釋，俾多啲安全感佢。

「哦！係咩？」呀詩噃語氣好鬼調皮，隔住個電話都feel到佢係度扭計。

「啱啱新識噃女仔都好呻醋啊？」我問佢，一副無咁好氣，哭笑不得噃表情。

「唔得啊？」呀詩反問。

「得得得，你話點就點啦。」我已經忍唔住笑出嚟。

「你聽日去Ocamp啊，我仲有排呻醋添啊！」

中學嗰陣擔心我哋兩個將來點呢，會唔會行到最後，最大噃敵人係誘惑，我驚呀詩多過我自己。

我呢啲毒撥邊有人鍾意啊？反而呀詩越嚟越靚，越嚟越脫走陣MK味，越嚟越成熟，個個見到個毒撥係佢男朋友，一定覺得自己有機會，嗚嗚嗚

有時候會覺得，我哋好可能就咁收皮，始終唔係有心就解決到噃問題。

但依家慢慢覺得，或者我哋其實無想像中咁脆弱。

呀詩其實好緊著我，呢種在意唔係扮，我知出面個世界好多都係呃呃氹氹，拍個拖係考驗自己噃演技同埋偵探技巧。

所以一定程度上，佢俾咗好多安全感我，亦因為咁，我願意傾盡自己所有。

我哋上車就傾住電話，落車我哋都仲係傾住電話，落到下一層，仲見到個文青女孩Gigi仲係下層，佢無係度玩手機，而係眼神帶點憂鬱地望向窗外，空洞地唔知係度望緊啲咩，諗緊啲咩。

「喂？」

「你落車啦？」

屙個巴士佬香港腳發作？無啦啦咁樣急停，chock到我差啲跌咗部電話。

「落啦落啦，你出定門口差唔多啦。」

係窗外，不其然咁望一望Gigi，佢同我對到眼，哇又尷尬又怕醜。

我同佢揮揮手，笑一笑。

佢無咩反應，依舊憂鬱眼神，亦唔知佢有無見到我。

搞到我有啲柒

去到食糖水，其實一齊耐咗，話題嚟嚟去去都係啲喲，講嘅會越嚟越少，主要都係分享自己身邊嘅事情多。

多咗一份平淡，少咗一份激情。

我哋唔需要再好似以前咁，互相了解大家有咩興趣，性格係點，捉摸佢嘅喜好，身邊嘅朋友同埋感情狀態。

諗下要重新識一個女仔，就覺得麻煩。

「頭先好多靚女啦？食得咁開心。」食糖水食到一半，呀詩忽然間彈咗一句，搞到我飄咗個冷汗。

「有就實有嘅，靚仔都好多添。」後面嗰句我望住佢，暗示佢聽日都會見到唔少靚仔。

「啲女大唔大波啊？索唔索啊？」女仔小氣起上嚟，真係可以好小氣，仲酸酸地。

「你大波啲，聽日你最索啦。」我都反擊。

「哼！俾我知你溝女就知死。」

「俾我知有狗公溝你，條狗公就知死！」我有樣學樣。

終於，呀詩笑咗。

「你係先好啊！」

「不過我食完就返去執嘢啦，你幾時要Ocamp啊？」呀詩問。

「我下個禮拜先啊，不過我都認真唔太鍾意Ocamp，亦唔鍾意啲人。」於是將今日發生嘅事同呀詩講。

「始終依家讀上去，就唔同中學咁樣㗎啦，但我唔會排除任何可能嘅。」又啱啱，睇定啲都好。

送埋呀詩返，最後佢係樓下主動咁攬住我。

都幾用力。

都好似好耐，呀詩無咁樣主動用力咁攬實我，對上一次我記得係中學分開前嘅時候。

呀詩鬆開手之後，咬咬下唇，無講啲咩，眼神卻透露出不捨，深邃嘅眼珠無離開過我。

我明。

呀詩佢總係會令我安心，甚至乎依家，有啲嘢有默契到唔需要再講出口。

但原來知情同在乎，係可以分開。

姐係你知道另一半其實無乜嘢，同其他出去玩都放心嘅，至少係等待噃噃段時間唔會提心吊膽。

但當你見到某一啲位嘅時候，都一樣會呷醋，個心都會酸酸地。

呀詩去Ocamp嗰陣，都會時不時sd whatsapp俾我，同我講做緊啲咩，又會打下電話俾我。

老實講，我真係放心到不得了。

但係當完咗Ocamp，就實會成堆人打一大篇千字文，講述一下呢短短幾日幾咁難忘，熱血，要多謝邊個邊個，最後附上一張大合照作為收尾，堪稱一個完美嘅句號。

呢篇文可以媲美日後從事保險行業嘅人所打嘅千字文。

當我見到呀詩都打呢篇文，係ig上面可以擺到百幾二百like，同時間follower不斷急升。

我就不是味兒。

然後好仔細咁睇佢po出嚟嘅合照，嗰陣時ig仲未有得放大睇，我專登去facebook開嚟睇，本來想下有無靚女，但變咗金睛火眼咁睇曬所有男仔，有無邊幾個同呀詩特別close。

啊因為呀詩ig同facebook都有po出嚟，用於公告天下。

我明知呀詩俾足安全感我，但我都控制唔到自己咁呷醋，我就察覺到，兩樣嘅其實係可以分開，無直接關係。

見住佢係相入面玩到好癲嘅笑容，我可以想像到佢係入面同成班人玩幾咁開心，有男有女。

以佢咁開朗，又善良嘅性格，實一定好多男仔慢慢一步步想接近佢，當我見到啲相，我就會不自然咁諗起呢樣嘢。

我對呀詩有信心

但我對相入面嘅男仔無。

而且因為Ocamp，呀詩多咗好多Msg覆，個人都開朗咗好多，唔係話佢之前唔開朗而係比之前，更加多咗，呢啲微細嘅分別，一齊耐咗都係會察覺到，只係睇你自己會唔會視而不見姐。

「好多仔仔搵啊？」我帶點酸味咁問佢，我用半玩笑嘅語氣嚟掩飾我嘅在乎，顯得自己無咁小氣。

「有個男仔好似想溝我咁。」呀詩放低手機，抬起頭，毫無保留。

「係啊？邊個咁大膽！」即使心入面再不安，都要面對呢個事實。

「有個同組嘅男仔，成日借定啲意靠到勁埋，而且啲game真係好似出面啲人話咁，好多都咸濕game嚟。」佢仲一臉唔在乎、無乜嘢嘅模樣。

「下！？」我醋意越嚟越勁。

「點樣淫賤法啊？」

「等你去完Ocamp再話你知！」佢假笑，然後吐一吐舌頭。

「點解喎？」

「因為咁樣先公平囉，睇下你係咪都係玩呢啲淫賤game囉。」呀詩咁樣回答。

「咁我想知你係咪喺入面俾人咸濕你啊嘛。」我裝出一副無辜樣。

「你話呢？對你女朋友咁無信心？」

「對佢哋無！」我俾人鏈住塊臉，不似人形。

「我哋啱啱中學畢業上嚟，實好多人爭食嘅，有啲餓咗成6年咁款我又唔係未見識過有幾猖狂。」

換呀詩沉默起上嚟。

「其實我哋係對等，你擔心我俾人撩，俾人溝走，只要我唔受，佢哋唔會有咁嘅機會。但同樣地，我都會擔心你唔知會同邊個女仔點樣我知你唔係會主動同人攀談，走去R fd噃種人，我都係會擔心，唔關邊個受歡迎事，你明唔明？」

「係因為我愛你。」

呀詩情深款款望住我，原來俾愛自己嘅人望住係會咁，原來真係可以係對眼度睇到對方有幾愛你。

呀詩同其他女仔唔同嘅地方係，好多對情侶入面，女仔都成日將「我愛你」掛係嘴邊，想透過講嘅方式表達出嚟，而男仔係好少講出口，但行動會話俾你知，佢愛你。

呀詩係好少講出口，拍拖咁耐，好少聽到佢講。

幾多人將「愛」掛係嘴邊，但就做啲與「愛」相違背嘅事，然後打住「愛你」嘅旗號招遙撞騙。

「所以我先想你去完Ocamp，真係體驗一次先。」

如是者，我就無再過問，我就專心期待下我Asso嘅Ocamp。

個group幾乎無間斷咁好多msg，但老實啊，無乜邊幾個熟，識就識嘅，極其量食過一餐飯仔。

有啲人無嚟到，個group加加埋埋都有10幾20人，每秒都有人覆下嘢咁，睇落真係好似好熱鬧，好多嘢傾，營造出一個好熟、好多朋友、好青春嘅感覺。

喺不久嘅將來，退group嘅人會多過講嘢嘅人。

所以係個group入面，仲有啲人我係唔識，我都唔明點解會傾到如此興高采烈，內容談唔上有趣，而且我就咁隔住個mon都覺得尷尬，我上高登仲好啦。

睇下啲高登仔屌鳩林祖舜唔好？

不過係所有人傾到好開心嘅時候，無啦啦有個我無save嘅電話號碼whatsapp我。

我撚入去睇，佢係一大串咁sd過嚟，我之前唔知係邊度睇過呢，有人話睇人msg點樣打都可以睇得出份人係點。

如果積積埋埋一次過打嘅話，份人會比較細心，顧人感受，怕怕醜醜咁；而將一句嘢分開幾行sd嘅呢，通常比較爽朗直接，幽默啲嘅。

當然只係參考啦，不過如果真係照佢咁樣講，呢個人屬於前者。

佢hi完我之後，就報自己係Gigi，我先醒起，係上次食飯嗰個文青女孩。

無啦啦搵我？可能係自己會錯意，但我真係有諗佢係咪對我有意思？

佢問我去Ocamp當日一唔一齊出發，因為大家都住得近，就邀請我一齊去。

我好快就藍tick咗，不過隔咗兩三分鐘先覆佢，因為覺得我哋其實又唔算熟，到時一齊搭車實好尷尬。

往後嘅日子，會令人學識點樣同人相處唔尷尬，只不過對於啱啱中學畢業升上Asso嘅我嚟講，好怕呢種「最怕空氣突然安靜」嘅不安。

又諗諗，有個伴都唔錯嘅，而且人哋都主動問咗，自己唔識、唔知點樣拒絕。

我：好啊。

就咁應承咗。

Gigi：咁到時地鐵站等？早個半鐘

我：可以啊～

咁樣覆總係有種壓力係度咁，而佢同其他女仔最唔同嘅係，佢係字裡行間完全唔打emoji。

打從emoji現世後，好多人打字都會加個表情符號，用嚟表達句子嘅語氣，前有MSN式表情符號，現有Iphone式表情符號，後有Sticker。

但Gigi完全無，我感受到唔到佢嘅喜怒哀樂，明明係佢主動搵我，卻可以顯得如此冷豔。

到咗當日，我哋約係大家都相近嘅地鐵站等，執好曬組爸組媽提我哋要帶嘅嚟。

出發前同呀詩傾陣電話，佢睡懵懵噠語氣，仲帶點起床氣。

我光明正大咁同佢講約咗個女仔一齊去，係上次咁啱搭同一架車嘅女仔，佢聽完之後醒咗。

我呢啲自攜炸弹式嘅自殺，亦預料到呀詩會有咁嘅反應。

唔好睇佢性格MK咁，直腸直肚，男仔頭咁，以為嚟得快去得快，呷起醋上嚟，可以好小氣

尤其是我都唔明，點解會呷我呢啲男仔醋，真係我覺得除咗呀詩，無人會要我㗎

「哦！去囉。」我感覺到佢半睡半醒之間，忽然認真咗，就知佢醒咗。

「咁佢話近啊嘛。」我解釋，「咪當有個伴，一齊出發囉，放心啦，我會msg你㗎，唔會同佢行得好埋㗎。」

「你點肯定佢唔會啊？」呀詩追問，有啲恐怖

「因為就算佢會，我都唔會囉！」我唔想死。

「你點拒絕啊？」

「唔理佢囉，又或者同佢講我有女朋友囉！」我個腦要再轉得快啲，不停谂緊有咩方法可以氹到呀詩笑先。

「超！如果佢好唔知醜，係要痴埋你度呢？」佢再問。

「咁我咪走囉，走返嚟你度。」我開始笑住答。

「咁你呢？去Ocamp嗰陣啲男仔想溝你，你點做啊？」我反問。

「我我俾曬你知㗎，同埋都覆得好hea㗎！」呀詩俾我咁樣突然反問，顯得有啲不知所措。

我見佢呢個窘境，心生笑意，玩返佢轉頭嘅感覺幾良好。

「你啊，唔好玩到咁癲啊。」喺電話嘅最後，呀詩叮嚟我。

「你都已經玩到癲曬咁返嚟，先叫人唔好玩咁癲？」我笑住咁反問佢。

「係咪唔得啊？提醒下你係咪唔得啊？」呀詩姐係叫我唔好得寸進尺

本來呀詩個語氣都好聲好氣，似係幾擔心我，會掛住我嘅tone但頭先一講完，佢就變認真咗。

「因為見過Ocamp入面啲人玩得幾癲，以前我可能都會嘅，但依家已經唔啱我，我入u係想離開呢個屋企，想有能力可以自己出嚟，唔想靠任何人。」

一路以嚟，我都明呀詩嘅苦況，但無奈自己又做唔到啲咩，佢屋企嘅事亦唔方便插手。

「個camp係幾好玩嘅，但有啲位你會知唔應該係咁。」

「唉唔同你講住啦，我老豆返嚟啦，未入屋已經嚟生曬。」

「嚟啦！！！」呀詩明顯咁拎開咗部電話，匆匆忙忙咁收線，收線前仲離開聽到一啲吵雜聲。

我真係聽到都覺得心痛，好想帶佢離開呢個環境！！！

我係地鐵站度傾完個電話，Gigi話佢會遲，我就諗咗陣嘢，然後玩陣電話，失驚無神Gigi就出現了。

「嗨～～」佢臉上掛住一個尷尬而不失禮貌嘅笑容。

而我並唔在意，以前嘅我會對陌生，同埋女仔相處會感到緊張，我諗如果我嗰陣時無同到呀詩一齊，無經歷過咁多嘢，我依家面對Gigi，會緊張、會心跳加速。

我諗，我會對佢有好感，然後慢慢鍾意上佢。

依家嘅我唔會咁，因為無放係心上，個人輕鬆自在好多，所以唔會覺得有啲咩尷唔尷尬。

但我睇得佢有啲尷尬。

「嗨～～」我望望佢帶嘅嘢，都幾多嘢，而且佢嘅打扮包到實一實明明依家係夏天嚟，出面熱到仆街喝，一陣應該仲熱喝。

究竟女仔係咩構造？夏天可以唔怕熱，冬天可以唔怕凍？

「你帶咁多嘢，難怪會遲啲啦。」我輕鬆咁講啲無乜特別嘅嘢。

「Sorry啊我盡力趕過嚟啦。」Gigi認真咁講。

我反而俾佢嚇一跳，咁認真嘅咩？

「傻啦，我講下咋，我哋依家係度出發都唔會遲到啦，我等一陣無乜嘢喝。」搞到我都要認真解釋返，仲尷尬

我見佢都幾尷下，啱啱出發咋喝，咁快就尷？

「你好尷？」我關心下，順便開個話題。

「唔係啊，只係我本身個身體就唔係咁好姐」睇得Gigi臉頰兩旁微微透紅，唇色略顯蒼白。

「咁你仲著長袖衫？依家好熱喝。」我驚佢未到個營地就收皮先。

「我慣咗長期著長袖衫褲㗎啦，我無嘢喝。」見佢都講到咁，我都無咩好講了，只能祈求佢無事啦。

一路上，我都有同Gigi傾下偈，為免個氣氛唔好咁尷尬，我只好扮下輕鬆。

問佢其實讀邊間中學，講完先知原來都係喺附近姐，都幾有緣。

但閒談間，我都仲係感覺到佢由心散發出嚟嘅憂鬱，但唔知佢憂鬱啲咩。

Gigi佢好識「笑」，好識用「笑」嚟掩飾内心嘅悲傷，俾我嘅感覺係咁樣。

我哋傾返中學嘅嘢，通常都係邊度食飯啊，買啲咩啊，呢啲都係我哋中學回憶入面嘅共鳴。

難得新識嘅朋友會有咁嘅共鳴，我哋之間嘅關係當堂緩和好多，無咁尷尬。

我有預感，我同Gigi之後會成日來往

「係呢，咁你有無男朋友啊？」傾到有dead air就問下其他嘢，覺得可以問下啲deep少少嘅嘢。

「我」好明顯Gigi就一臉害羞。

「我無拍過拖啊，上次食飯我有講過啊」經佢提一提，我先醒起，頓覺有點柒。

「係噃」

「因為屋企管得嚴，唔俾我拍拖㗎。」佢後尾補多呢句，佢特登補返呢句，其實我無再追問，佢唔答都okay，都無乜必要講，但就講咗出嚟，仲要愁容滿面，眉心輕輕鎖緊。

「哦～～依家都畢咗業啦，可以試下喎，你都大個啦其實。」我口快快咁衝口而出。

「吓？」Gigi抬頭望住我，眼神意亂情迷，深邃嘅眼珠左右快閃咁掃過我臉龐。

「我屋企人唔會俾㗎。」佢好堅持。

我俾佢個眼神嚇親，好似有啲電到咁

我即刻轉移視線，唔敢望太多，我真係猜唔透Gigi諗緊啲咩，於是抬頭望一望個地鐵站，睇下仲有幾耐到。

「都就快到啦喎。」我轉移話題

我都叫自己唔好諗太多，同時同Gigi保持一定距離，唔係指身體上，而係指心靈上，因為我清楚知道，Gigi唔會係我鍾意嘅類人。

應該咁講，我覺得我唔會再搵到好似呀詩咁好嘅女仔，全世界入面，得佢一個係咁，獨一無二，唔會有第二個，亦唔會有第二個再俾到咁強烈嘅感覺我。

因為咁樣嘅諺法，先一路支撐住我，先會分手後仲咁念念不忘，放唔低呀詩。

即使依家出現第二個女仔，我都係咁諺。

去到營地，組爸組媽好熱情咁歡迎我哋兩個，仲叫我哋拎衫，呢件衫將會成日陪伴我左右，我成日都著住件營T㗎真係

——著住嚟瞓教。

件衫後面有寫我哋嘅花名，件衫係全黑色，熱辣辣仲要著住件黑色衫，真係熱到仆街。

前面寫住我哋嘅組名，後面就寫住花名咁，我就大大隻字「薯頭」咁樣寫係背後，真係柒到飛起，但往往呢啲柒事就最值得回味。

後來再諺返起，原來唔單止我個名柒，連個組名都柒過人，叫「二世組」。

以前會覺得懶係搞笑，但大個咗就覺得柒到無論

我同Gigi嚟到之後，就俾人拆開咗，佢俾組媽拉走咗，而我就俾組爸拉走咗。

終於見到啲食飯無嚟到嘅人，我開始後悔點解我要出席嗰餐飯，諗唔明有咩用義。

我掃視在場其他組嘅人，Gigi佢係組媽度唔知傾緊乜，只不過佢依舊地憂鬱，喺佢頗為蒼白嘅臉上甚少出現笑容。

但佢唔笑，又唔係俾人閻口閻面嘅感覺，只係明顯咁話俾人知佢唔方開心得去邊，悶悶不樂咁。

好死唔死，上次嗰個自稱「大神」嘅男子，佢認出我。

「喂！薯頭！！」懶係熱情，懶係熟咁打招呼。

真係唔理人尷唔尷尬。

「喂！大神！！」我、好、尷、尬。

「咁遲先到㗎！」一聽就知係度鳩啲搵下嚜講。

「吓？我早咗到啦㗎，係你太早咋掛？」

「是但啦！」佢劃一劃空氣，「你估呢組媽有無仔啊哪？」轉移到佢關心嘅問題度啦。

「我點知姐。」我無咁佢好氣。

「所以我先叫你估咋嘛！又唔係叫你真係俾我答案我。」我竟然一時之間無言以對。

「咁我估無掛？」你都係想我咁講姐。

「點解咁講呢？」佢反問我。

「因為我見佢whatsapp icon都係個人照，手機螢幕都無其他合照啊，所以應該無？除非收得好密啦。」我已經唔係幾想應佢。

大神覺得組媽幾正，我自己認為組媽樣就普普通通，但身材就十分姣好。

尤其是發育良好嘅胸部，就算著住鬆身衫都遮唔住佢傲人嘅身材，十分之有線條，有種歐美風係度。

大神個樣加埋個眼神，好鬼死猥瑣，時不時就望向組媽度，我夠寫包單，佢一定係鳩痕

我已經hea應佢，同時間，我望下在場嘅人，有啲係我之前食飯無見過，我留意緊啲之前無見過嘅人。

其中一個好快就映入我眼簾。

係一個MK妹。

金黃色嘅頭髮，一身全黑色，本身上身已經係黑色，佢下身都著咗一條黑色熱褲，就連對難都係黑鞋，白皙而幼細嘅MK腿盡露眼前。

絕大多數正嘅MK妹都離唔開一對風華絕代嘅靚腳。

佢手臂上仲有一個唔顯眼嘅紋身，係佢身上，我見到呀詩以前嘅影子，曾經呀詩都MK過

嗰陣時MK妹仲未開始絕跡，係當人慢慢大嘅時候，發覺自己以前咁樣原來好柒，就會慢慢改變。

古語有云：有邊個無MK過啊？

好多時MK同青春一詞有所重疊，有時MK呢一個字唔淨係解衣著打扮、行為，早排《那些年》套電影出咗，時不時會係網絡上面見到有啲人扮那些年個封面照。

我都會覺得佢哋好MK啊

MK只不過係青春嗰陣，某幾件我哋大膽去做，唔會理佢柒唔柒嘅事，而最重要嘅係，有幾個人陪你咁樣做。

印象中，嗰個喺我第一眼入面，認為極度MK嘅女仔，後尾都著到成個文青風咁。

但我同佢無認識到，無乜點講過嚟，唯一接觸嘅就係今次嘅Ocamp，之後無同組過，大家嘅路亦唔相同，但係其他人嘅post入面搵到佢出嚟，然後因為有add到其他人ig，就索性全部人一齊add，廢事大細超。

我同佢都有互相follow大家ig，僅此而已。

個MK妹好似叫呀嵐。

其實現實生活入面，呢種社交慢慢變成常態，開始明白點解啲人會話大個咗會慢慢少朋友，唔再好似中學咁。

因為中學嘅友情，好容易就可以行入你生命入面，唔理係正面定負面，但都大大咁樣影響住你。

到大個咗，唔係個個都會走入你生命裡。一嚟唔係個個想，二嚟你自己都唔一定會俾。

可能日後真係有另一個一模一樣嘅呀詩出現，都唔一定會係有咁嘅結果，一唔一齊到都唔知。

我哋Asso

Ocamp人數唔多，規模亦唔似得大學咁，所以先搞兩日一夜，而且唔似得大學咁有歸屬感。

大家都知Asso係讀兩年，我哋都係相處兩年嘅姐，而組爸組媽仲有一年，算係少數入面有心搞嘅人。

我哋背後嘅名，其實係名牌嚟，可以撕落嚟。

而呢個Ocamp嘅game，有幾個係直接抄最近好紅嘅running man。

係韓劇盛行之前，running man先係吸引好多人去睇韓國嘅先河。

一嚟又係啲破冰遊戲，每次玩親呢啲破冰遊戲都覺得好尷尬，呢啲遊戲嘅目的係想令大家無咁尷尬，反而呢種往往先係最尷尬

為咗唔尷尬咁格硬搵嘢講，就係咁樣嘅感覺。

之後就嚟撕名牌呢個game啦，講真，呢個係我玩得最投入，同埋覺得最好玩嘅game，到依家我都仲覺得刺激。

咁我哋要同其他組鬥搶啦，係呢個略為寬敞嘅營地入面玩，入面仲有啲障礙物，可以巧妙咁運用地形，都係樂趣嘅其中一種。

我哋大大話話都10幾20人，其他組就係其他色衫，我哋黑色衫啦，其他組分別係白、灰、藍同埋黃色衫，呢個都係佢哋定落嚟嘅大game，其他時候都係再分返開玩，而且每隻色都代表唔同科。

所以對其他科啲人嘅印象淨係得咁。

開始咗之後，我哋都分咗堆四散

隨時都睇住身後，注意周圍有無可疑嘅人。

Gigi好自然咁行過嚟，佢身邊仲帶住個女仔，大神都帶咗個人嚟。係呢種情況下，會下意識搵啲自己比較親近、信得過嘅人。

「點點好啊？開始咗啦？」就算組爸組媽一早講咗開始，都總係有人唔信㗎，認為仲未正式開始咁。

明明其他人都四散緊。

係大神隔離啲個男仔講嘅。

「開始咗啦，你哋自己小心啲啊」其實好快地，會不自覺咁投入落隻game度。

我哋小心翼翼咁係周邊行下，就係轉個彎位，就已經見識到佢哋對遊戲認真嘅態度！！

已經有人出手啦，仲諗住對女仔狠下毒手。

當然啦，女仔最易撕，無咁敏捷同埋大力，用常識嚟諗嘅話，我都會咁做，但佢哋嘅動作好利落，我自己會唔敢對女仔落手，驚掂到佢哋一啲敏感位。

但佢哋唔會，呢個場境實在嚇親我

而且！仆你個街著黑衫嘅喂！自己友嚟㗎，手足嚟㗎！

我哋俾班藍色衫糾纏住，班又咁又金嘅小MK仔咁樣恰鳩我哋？

俾大神就唔忍啦！無錯，係佢忍唔住在先，衝咗上去幫拖。

然後我哋再上，我哋瞧住藍衫背後進攻，好快就察覺到我哋，見勢色唔對就後退咗幾步。

而頭先講嗰個MK妹就係裡面。

「超！」藍衫其中一個不屑地留低一句，之後好快就走咗，如果佢哋留多幾秒，我諗就變做我哋幾個輪佢大米了。

頭先人數上都係三打三，所以先開戰，我以為我哋會就咁group埋一齊，點知同組個大肥仔就話

「我哋都係分開行啦，如果唔係會惹一大班人嚟。」佢已經出曬汗。

佢背後印住個「Paul」字。

「吓？一陣分開行你哋可能就收皮啦喎。」我認真咁講。

「我驚一齊收皮咋。」我話口未完，頭先班藍衫佬又返返嚟，真係call馬？扁你真係當自己拍緊古惑仔？

我都算，後面又無啦啦多幾個灰色衫嘅人經過，我哋即刻變咗三文治，俾人夾係中間。

忽然間，我感覺到有人捉住我衣角。

係Gigi。

真係好似佢咁樣，唔會指望佢撕到人名牌㗎啦，佢可以守得住個貞操就已經當贏㗎啦。

藍色佢哋開始慢慢逼近，腳步都加快起嚟。

「分開啊！分開啊！」個肥仔大喊道。

情急之下我將Gigi搵住我衣角嘅手，放係我手心入面。

就拖住佢向少人嘅方向奔跑，個肥仔都拖住MK妹隻手，另外一個同MK妹同行嘅女仔都唔知點算，就俾大神拖走咗

個死肥仔都幾識食喎。

當場呢度變咗個大混戰，灰色衫見機不可失，都一齊亂入。

我拖住Gigi飛快咁走，但無幾耐佢已經唔得，喘曬大氣。

我搵咗個牌蹲低遮住我哋，同時留意住四周圍個環境。

「咁熱你仲唔除衫？痴線㗎？你一陣實會中暑㗎，我都跑到出曬汗啦。」雖然就咁睇佢件外套都幾薄下，但一定好撚熱囉

「我唔想」佢低吟著。

「快啦，唔通你想啱啱入營就俾人抬出去咩？」係呢個咁緊張嘅氣氛度，我語氣都焦急起上嚟。

我細思一下，我都幾撘變態，咁樣叫人除衫

但Gigi後來真係除，輕咬下唇。

佢除完之後，我今日又再次呆咗

Gigi手臂上有幾處明顯嘅瘀痕。

可能我個表情真係呆得濟，搞到Gigi一下感到恥辱，即刻著返件衫，遮返佢。

「唔唔唔係啊，我無特別意思，你唔好咁驚住先。」我都口窒窒，我諗頭先個反應真係hurt親佢。

其實最怕嘅，係人哋嘅眼光。

我不其然諗起呀詩，呀詩以前都係咁，因為家庭嘅自卑，佢好怕人哋同情嘅眼神。

「依家你咁樣行出去，啲人實驚到唔敢行埋嚟啊！」我故作輕鬆，但好驚講錯嚜。

Gigi呆一呆，然後笑咗，笑靨如花。

「你想講嘅話，幾時都可以同我講，不過你自己小心啲唔好整親。」我再小心翼翼咁睇下附近。

不遠處有幾個黑衣人行過，我正想出去痴佢哋，但無耐就消失係轉角位。

當我將注意力放返係Gigi度嘅時候，先發覺原來後來佢拖住我，我都渾然不知。

佢用力咁捉住我，我感覺到後面有股熱氣

跟住有個兩個灰色衫嘅男仔經過，佢哋無發現到我哋，我估佢哋都係漏單㗎啦。

佢哋係我哋面前，經過咗個牌，都無察覺到我哋，我心生一計

就係趁佢哋唔為意，撕走佢哋個牌！

我向Gigi示意一下，做咗個「噓」嘅手勢，佢似乎明白，但佢睇落有啲驚，楚楚可憐咁。

呢招對男人㗎講真係好煞食。

當佢哋一經過，我知道機不可失，就衝上撕走其中一個背後嘅名牌。

我撕唔到兩個

「哇！！！」佢哋大叫。

「我屌」佢哋兩個嚇親之餘，仲有啲憤怒，好似有啲唔對路。

佢哋其中一個已經出咗局，就算再不忿，都出唔到手，乖乖地退出場外。

睇落好似2對1，其實係隻抽嚟。

個男仔護住後面，我都一樣，大家係度試探試咁揮幾下手，連牌都摸唔到。

移下移下，個男仔突然衝去我背後，我下意識咁樣往後縮，但個男仔嘅目標唔係我，而係我背後嘅Gigi！！！！

「喂！！！」我驚呼。

「走啊！！」我叫Gigi快啲避開。

「哇！」佢淨係識叫然後縮埋一舊。

個男仔都好敏捷，出手勁快，Gigi呢種弱質女流又點樣避得切，佢起身想跑過嚟我度嗰陣，已經太遲了。

佢起身跑嗰下仲要左腳撈右腳咁，向前仆。

我都仲嚟得切去扶住Gigi，佢成個人捱落嚟我度，感覺佢成個人都好輕，真係大風少少都可以吹走佢。

「啊」Gigi跌落嚟我度嗰陣輕輕叫咗一下。

不過個男仔手上已經擺住咗Gigi嘅名牌，陰陰嘴係度笑，彷彿係度講：「禮尚往來姐。」

我叫Gigi行埋一邊先，得返我同個男仔，我都唔知點做，係Gigi面前我又唔想走佬已經保護唔到佢，仲要自己走佬，雖則係遊戲姐，但我身為男人嘅史命感同尊嚴唔容許我咁樣做。

所以我最後都係輸咗，輸係反應唔切嘅瞬間。

「頭先Sorry啊」我行埋去同Gigi講。

佢搖搖頭，講：「唔緊要啦，我知玩呢啲game，我都係累人嗰個嚟，所以我其實嚟Ocamp都猶豫咗好耐。」

依家俾人out咗出局嘅我哋，無乜嘢做，就係度吹幾句水。

「但覺得中學無乜點參加過活動，好似無乜回憶咁，唔想之後都係咁，就膽粗粗嚟Ocamp，點知都係咁」佢好似好失落咁。

我同Gigi隔開一段距離。

「其實唔洗諗得咁嚴肅姐，玩個game姐，輕鬆下啦，做咩要驚自己累到人姐？」我笑說。

「哈哈都係。」Gigi抬一抬頭，諗咗一諗先回我。

我諗住去其他地方睇下咩環境，我哋都吹得差唔多，但後來Gigi問我。

「你個手繩幾靚喎，女朋友送㗎？」

「係啊我同我女朋友一人一條。」我無掩飾，我之後出街都一路帶住，提住自己唔可以懶，然後就咁變成習慣。

「哦～～」Gigi好明顯個樣就係失落，真係好多情緒都放曬係臉上面。

我都已經幾肯定Gigi對我有啲嘢

「之前食飯我都有講㗎。」我取笑佢。

「我無聽到啊，我都無聽曬，而且又隔咁遠。」Gigi打咗我一下。

女仔真係好鍾意打人。

「你同你女朋友都好sweet喎。」言語中帶點酸酸甜甜嘅味道，搞到我怕曬醜，唔知點答。

「我同佢經歷咗好多嘢，呢條手繩依家我每日都戴住，以前因為懶無成日戴，就連同佢都失去埋。」我都唔知點解要講咁多，但我覺得咁樣坦誠無咩唔好。

「姐係你同佢之前都分過手？」Gigi聽得出端倪。

「係啊，分開過一排，發覺自己原來真係好鍾意佢，無咗佢，個心好似開咗個窿咁。」憶起舊事，噃種感覺仲歷歷在目。

「好彩佢仍然都無變，我哋都仲係我哋，我都真係唔想再經歷多一次。」我如實答佢。

Gigi靜咗，沈思咗一陣靜係吐出幾個字：「真羨慕。」

「你都會㗎。」我鳩鳩地咁答。

「吓？你又知？」本來我哋兩個靠係個牆度，然後Gigi側住個頭，探出嚟望住我，佢柔順嘅短髮散落係空中，用佢嗰雙大眼睛望住我，好似以前8、90年代嘅菲林相咁靚。

「每個人都有幸福嘅權利嘅，我信你會搵到個錫你嘅男仔。」

Gigi係靚，而且別有一番風味，佢實會有好多人追。

但係即使再靚都好，都俾唔到心動嘅感覺我，一啲都無，我唔知係因為我本身心入面已經住咗呀詩啊定點，喺同呀詩分手嗰段時間入面，我真係咁覺得

我再唔會搵到個好似呀詩咁樣令我心動嘅女仔。

可能有人話只係我未遇上，但呀詩就係呀詩，淨係得佢一個。

我唔知呀詩係咪咁樣諗，但至少我係

同Gigi閒聊咗一陣，又有幾堆人衝出嚟，玩得興高采烈。

Gigi見到咁著返件冷衫，我頭先一時唔記得佢手臂上嘅瘀青。

「你隻手仲痛唔痛？」我柔聲問。

「唔痛啊。」佢堅強地道。

我諗起我頭先講過嘅嘢，所以我無再問佢。

最令我意想不到嘅，原來個MK妹係我哋組嘅間諜

痴線，原來個肥仔同個MK妹一齊行，以為可以上演一齣英雄救美，點知MK妹趁無人嘅時候撕走肥仔個名牌。

出返嚟嗰陣仲順理成章咁痴返落黑組度。

我想知個肥仔當時嘅創傷有幾大

然後臨尾佢淨返幾個人PK嗰陣，佢撕走咗個玩得好勁嘅男仔，我哋頓時嘅戰力下降不少。

我睇得出好幾個見到咁騷到仆街，我都騷騷地嘅見到咁，不過調返轉諗，個MK妹以間諜嚟講，係玩得好撲勁。

咁最尾係藍衫贏咗。

夜晚嘅房game比較新穎，好似啲一生人一次啊之類，仲叫我哋唔好將個玩法講出去。

對於初次接觸嘅人嚟講，係好新鮮嘅，大部分人中學都無玩過。

不過有啲game比較hurt，例如第一印象啊嗰啲，往往小毒撲就係俾人針嘅對象。

所有人都覺得我係無拍過拖

真係屌曬你哋老母。

有啲明顯靚仔靚女就當然爽啦，其實只不過係將人分類同定位，但俾啲三唔識七嘅人咁樣指同話，個心都唔多唔少都會唔舒服。

而Gigi就俾人覺得好cool。

我自己覺得係一人一生一次嘅game比較有淫賤嘅意味，不過Gigi就死都無除到件冷衫，有啲女仔真係有除衫

我初頭都唔知頭唔知路，我有除啲錶啊之類易除嘅，但當組爸組媽重複講話唔好除眼罩，我就覺得有啲唔對路，到無咩好除嘅時候就除撲咗個眼罩。

估唔到一除，都真係呆一呆。

原來真係有人除衫

組爸組媽望住我，俾咗個微笑我，然後做咗個「噓」嘅手勢，姐係話我頭先咁樣諗係啱啱，隻game已經玩完。

女仔都有，不過我都見到唔少女仔係著住件背心，原來有啲女仔入面係會著多件小背心

少數係見到bra，但我第一時間並唔係諗咸濕嘅，而係呀詩有無玩呢隻game？有無除到呢？有無俾其他人睇蝕瞓？

我好在意，好在意。

你估個畫面咁美好咩，個個靚女係你面前咩？

跟住仲有啲國王遊戲之類嘅，呢個係真心刺激。係見過最癲噏game，而且係咁多人面前，無得違抗對方嘅要求。

不過我見其實都幾克制，始終真係唔係太多人敢做啲咁癲噏嘅，俾著外國玩嘅話，可以好痴線。

總之抽到國王嘅話，佢講嘅就無得違抗，一定要跟住做。

有個國王叫女神同全場最靜啲個毒撲打茄輪

所以每次都好期待想知邊個做國王，會有咩新鮮嘅，而且有一部分係有報復心理。

我抽到國王

頂，我真係諗唔到有咩要求啊，我呆係原地，諗唔到

「點啊？國王今次有咩吩咐啊？」我俾啲組員催我。

「我未諗到啊」我又驚做得太過火，而且又無目標。

我望一望大神，靈機一觸。

「大神同組媽互望30秒！」

之前仲有人專登玩嚟，整蠱兩個男仔，要兩個男仔錫10秒，食花生係幾好睇嘅，但如果係自己嘅話，就唔好玩啦。

有幾個人歡呼，大神用感激涕零嘅眼神望住我，睇嚟佢淨係咁已經滿足啦喎？

兩個人尷尬尷尬咁對望咗30秒，我原以為係會咁。

點知佢哋兩個真係眼定定咁望住30秒，係旁邊睇都見到佢哋眼入面嘅火花

到咗30秒，佢哋都仲望緊，唔捨得放咁。

咩事啊大佬？

我以為會係大家都想快啲過完30秒㗎嘛，通常呢30秒都會過得好漫長，哇真係估你唔到。

我哋成班人嗌佢先聽到。

「喂喂喂你哋咁忘我㗎咩？」組爸都尷尬埋一份，唔知點搞好。

跟住先無事，到抽下一個。

抽到大神，全場又再興奮起嚟。

「哇，唔攞係掛？咁睇嚟有好嘢睇。」我諗在場個個都認為佢會同組媽嚟個世紀之吻。

「點啊國王？」組爸問。

「um....」佢沉思緊。

「咪扮嘢啦！！快手啦。」

「仲扮！」

「扮曬嘢咁。」

點知佢語出驚人：「咁薯頭同呀Gigi錫10秒啦！」

唔係啊？？？

我呆咗，然後Gigi俾人推咗過嚟，佢臉上盡是羞澀，臉龐紅潤噃女仔係好鬼可愛。

話唔心動其實係呃人，但係咪足夠可以取代呀詩？絕對唔係，我只係想似返個男人，絕不虛偽！

我怒脾住大神，呢條友仔，一陣就劈死佢！！

「真係咩？我驚Gigi嫌棄我咋。」我想推搪。

「驚咩啊，Gigi都無話嫌棄你，做乜嘢自己搵窿跳啊？」

「我夠嫌棄叉燒囉！咪又係錫咗，邊有得你走數啊！」

「屌！人生第一次錫男人，依家有個靚女俾你錫，你執到啦。」

民怨開始四起。

咁我寧願錫男人，又未試過，更唔洗內疚。

「快啦！」個個都諗住睇好戲。

「算啦，都無得揀，我知你擔心女朋友，但應付咗呢度先啦。」Gigi行到好近咁同我講。

我俾Gigi勸掂咗，亦無咁多時間思考，一俾人逼就急喫喇。

「嘴佢！嘴佢！嘴佢！嘴佢！嘴佢！嘴佢！嘴佢！」由小學開始，呢串嘢已經成日拎嚟講。

Gigi主動錫埋嚟先，一嘢拉住我塊臉，我幾乎成個人俾佢扯過佢。

然後佢就咁順勢錫埋嚟。

但係Gigi並無錫到我嘴唇，而係錫咗我嘴唇側邊，姐係錫臉。

不過個位咁啱遮住咗睇唔到，而且個位置同個感覺好似係kiss緊咁，而我就成身僵曬咁，郁都唔敢郁

我都錫到佢塊臉，呢樣好理所當然，同時間亦聞到Gigi噃髮香，好大自然噃芳香。

我都係第一次聞到呀詩以外女仔噃髮香，子睛都未聞過，Gigi依家同我太近啦實在。

10秒好漫長

「結婚！結婚！結婚！結婚！結婚！結婚！」佢哋係度嗌，痴撚線，錫吓就結婚。

「生仔！生仔！生仔！生仔！生仔！生仔！」仲撚離譜。

終於錫完，我哋對望咗一眼，唔知點形容，Gigi對眼好似隻貓仔咁，令人猜不透之餘，總係帶住楚楚動人嘅眼神。

其他人再閒言多幾句，就食夠花生㗎啦，趕住抽下一個國王。

之後，我就搵大神算帳！

「扁你！玩埋啲咁嘅嘢，俾你累死啦」我用充滿怨恨嘅表情對住佢，睥住佢。

「做咩姐？你驚條女啊？！」大神似乎猜透我心思。

「點會唔驚啊？我錫咗第二條女啊，返去實俾佢扁撚死啊！」我不敢想像呀詩發火嘅模樣，淨係諗都背脊發涼。

「無人叫你咁老實㗎，懵炳！你唔講會唔會少忽毛，你講嚟做咩啊？」

「我唔想呃住佢。」

「你份人咁鬼正義㗎咩？！」好似出乎大神意料咁。

「我呢啲叫正人君子，唔似你，做個波俾你，你就俾個西瓜皮我踩。」

「咁你女朋友有無玩ocamp啊？」佢問

「哎有啊」我有啲預感知佢會問咩。

「咁佢都可能有咁樣玩啦，咁佢有玩，你都有，咪當打和囉，各有各玩咋嘛。」佢講得好輕鬆，但我聽落先驚覺，係噶

我都有畫面，呀詩佢玩ocamp啲game，都會咁樣，雖然我自己啱啱先經歷完，但個心都會唔舒服，一時三刻釋懷唔到住。

之後啲房game就係啲真心話大冒險嘅朋友。

印象中無乜特別嘅發生，只係有人飲到醉醉地，咁啱抽中大冒險，俾人指名道姓要同鍾意嘅女仔表白。

佢又真係有喎

拎起電話就撥咗個輪過去，我哋就食花生食得好爽。

我哋就食花生，人哋就食檸檬

仲有咩問隔離組女仔拎胸圍，好鬼多痴線兼弱智嘅嘢。

完咗成晚嘅活動，我哋一組男仔好自然瞓同一間房，同組爸一齊瞓，我趁佢哋去沖涼嗰陣時嘅空檔，打電話俾呀詩。

「點啊？玩得開唔開心啊？」呀詩劈頭第一句就彈咁嘅過嚟。

「還好啦，兩日一夜比較趕。」我抬頭望見一鈞殘月，今日個月亮有啲殺意。

「係咩？你好似玩得好開心噃，成日一個msg都無。」陰風陣陣，叢林眇眇聲作響。

「我一得閒就打電話俾你啦！」我解釋道。

「方唔知玩到忘曬形咩，難為我之前去Ocamp都成日抽時間覆你whatsapp！」呀詩用委屈嘅腔調同我講。

「我聽日覆返啦，我不瞓都知我女朋友好嘅。」我哋你一句，我一句咁傾。

本來我係捱係欄杆前，個視線係望住外面嘅營地，望得尷，轉個身嘅時候

就見到Gigi拎住換洗衣物，頭髮濕濕地咁擺係後面，啱啱沖完涼出嚟嘅佢比白天更加誘人，著住鬆身嘅長袖衫，短短嘅睡褲，就算係夜晚都藏唔住佢雪白無暇嘅肌膚。

視線對望到

對望到

又不自然諗起頭先嗰一幕，頂你個肺，我同緊呀詩傾緊電話啊！！！

「你依家先知我好咩？？」電話裡頭傳出好虛弱嘅聲音。

我同Gigi對望嗰陣都幾尷尬，因為我以為佢會同我笑下啦，咁話曬今日玩game嗰陣大家又熟咗唔少，而且佢又幫過我擋咗一劫。

點知佢淨係望咗我一眼，目無表情咁樣係我身邊經過

呢吓我唔明，就算唔講嘅，say個hi都好啊？

「喂」

「喂！！」

「李建強！！！！」呀詩嗌我全朵我先回過神來。

「頭先你搞咩嚟啊？做咩無曬反應啊？」之前佢先柔聲細語咁，依家即刻惡返，喺女仔獨有嘅七十二變大法。

「哦無，可能收得唔好掛？」我求其亂噏吓。

「係咩？」呀詩帶有疑惑咁問我。

「算啦，但我好掛住你啊。」呀詩變到好似個細路女咁，我好清楚，呀詩呢一面只會係我面前先會咁。

以佢平時咁烈女嘅性格，唔會出現到喺其他人面前。

「我入嚟先一日咋喝，咁快就掛住啦？」聽到呀詩咁樣講，我入面都好甜絲絲，頓時覺得好甜。

亦為頭先Gigi咁樣行過而分心感到內疚，呀詩對我嚟講，先係最重要嘅一個。

瞬間我就將頭先Gigi嘅舉動拋諸腦後。

「一日都掛啦！而且點知你係入面點㗎？可能俾人食咗呢？」佢試探性咁問我。

「我驚你俾人食多啲囉！女仔好易蝕底俾人㗎。」我即刻諗起今日玩嘅game。

「你去Ocamp嗰陣有無玩啲淫賤game！？」我問佢，空氣因此變得凝重。

「話無就呃你啦，我都預咗你今日玩嘅時候都無喫啦。」我勢估唔到呀詩竟然會咁坦白。

「而且我個Ocamp仲要咁大型，好多人參加啊，俾人抽水就梗有，本身Ocamp嘅意義就係咁，有幾多真係話識朋友啊？」呀詩語氣一轉，鋒利得很。

「咁你有無喫底俾人啊？？」我好驚呀詩佢喫底俾啲狗公原來我佔有慾係咁重。

「有啊。」呀詩光明正大嘅反應剎時之間令我有啲不知所措，咁撚豪氣搞到我都唔知講咩好。

「點喫底法？」我知其實追問落去，只會令到自己唔開心，有啲嘢係唔知好過知，只不過人嘅好奇心係可以好可怕。

「最多都係錫囉。」

我個心都涼咗一截，雖然自己都不遑多讓，但原來企係唔同角度去感受嘅時候，係會咁截然不同
我需要時間跨過去。

呀詩見電話裡頭靜咗，佢都估到大約咩事，然後安慰我：「我知你點諗，我同你一樣，都會介懷嘅，但我寧願大家坦坦白白，俾自己去一次，就算我知將來唔會再點諗返起呢次Ocamp，就好似我哋依家都唔會再諗起以前學校啲咩郊遊咁，至少享受下最青春嗰個時間。」

「我嘅Ocamp已經過咗去，無咩好值得留戀，亦唔會沉醉係度，我唔知係我諗法奇怪定點，我始終都係鍾意子晴同蕃薯仔佢哋啲朋友，無咩調味料，但健康。」

我俾佢逗笑：「將朋友比喻為調味料你都係第一人。」

「我同你諗法差唔多嘅其實，我係呢啲都覺得識唔到朋友乜濟，玩係幾好玩，淨係得玩囉。」個心有少少釋懷，好坦然、舒暢。

我再一次覺得，有呀詩呢個女朋友真係好。

瞬間雞皮都起曬，一股暖流係身邊入面亂竄。

同呀詩傾完電話之後，我就去沖涼瞓，其他人仲係度吹吓水。

但我太効啦，無幾耐就瞓咗。

聽講Ocamp最令人期待嘅就係夜晚喺房game，到第二朝，的確無乜特別嘅行程，好似俾大家玩水，玩水係最後嘅活動，但係玩水之前，要聽成個Ocamp團隊嘅人分享下佢哋之前籌備呢次活動有幾咁辛苦，個回憶有幾咁難忘之類。

講到我都就嚟瞓著了。

一啲玩水game度，最期待嘅，就係可以望吓班女仔性感嘅一面，呢一環節喺男仔堆度討論性極高。

最令我意想不到嘅係，Gigi係呢啲時候都係以長袖見人

佢著住件長袖泳衣，姐係啲喺潛水衣咁樣，然後再加件T恤，不過俾我都會想盡法寶遮住佢。

大神佢最開心，見到組媽性感嘅一面，佢件白色衫濕咗水之後，透曬成個胸出嚟，咁本身今日個環節就無限制你話要著咩衫，好多人都係背心短褲拖鞋。

個遊戲就係每人手上都可以揀一個武器，然後就去整濕人咗，就係咁簡單。

通常啲喺男女神比較受歡迎嘅，就係首先俾人攻擊嘅對象。

我都莫名其妙咁俾咗個女仔射到我一身都係水。

但我唔識佢喫喎

於是我就舉起我支水槍，射返佢轉頭。

「啊～～～」個女仔睇嚟估唔到我會攻擊返佢，情不自禁咁驚呼咗一吓。

你又射吓我，我又射吓你咁，直接佢俾幾個男仔圍住嚟射，就唔同我玩了。

我已經半身濕曬，其他人仲癩過我，由頭到腳無一個地方係乾嘅。

我都隨機咁加入戰團，基本上都係亂入㗎啦，我終於都濕曬，都唔見Gigi。

後來我先發現到佢

佢真係充分發揮佢邊緣人嘅威力，邊度多人，佢就係側邊射幾下，但又無乜人會理佢。

Gigi極力想投入當下，想有一份參與感，但明顯地會感覺到佢格格不入。

我舉支槍，對準Gigi，發射！

佢感覺到，四圍張望，唔知邊個射佢，搵到兇手係我之後，露出個燦爛嘅笑容，對住我嚟射，反擊！

真係玩到癲曬，去到最後嘅目的就係唔好俾任何一個人有乾嘅地方，尤其是男神女神，一定要大飽眼福！

夏日炎炎，我聞到嘅係青春嘅氣味，係可以玩到忘形嘅年紀。

我都唔知係點樣完場，淨係見啲人開始散去，我哋都跟住散去，成個Ocamp就咁落幕。

個個都濕曬身咁，但就笑曬咁口，至少個個都係開心住咁走。

「你專登揀組媽嚟射喎，成日係度狙擊佢。」其他組員同大神講，睇嚟自從琴晚開始，大神想溝組媽呢件事，已經成組都知道曬，啊話唔定係成個營都知道曬。

「依家用水槍射咋，我遲下真係射撲死佢啊！」大神講得十分露骨，依家係人都知佢想食組媽啦。

「哇，你咁不孝嘅？」有人取笑佢。

「你都傻嘅，遲下佢不知幾舒服，呢個先係我孝順佢嘅方式！」大神面不改容咁講佢嘅歪理。

我哋換過套衫之後，留住個濕漉漉嘅頭髮出營地，最後召集我哋，講下啲收尾嘅說話，在場嘅人都勉強地，畢竟呢兩日都用唔少體力同精神。

呢一份係Ocamp培養出嘅熱情唔知會持續幾耐呢？

講完之後，個個都爭先恐後咁影相，有團體相，有個人照。

「薯頭！嚟影返張相啊？」組媽好熱情咁過嚟搵我影相。

「好啊。」我維持住一個靦腆嘅笑容。

「玩得開唔開心啊？」我知佢都係循例問下。

「幾好啊，會難忘。」我都答啲官腔嘅。

「之後有咩問題都可以搵我傾喎！搵組爸都得，唔好睇佢咁怕醜咁啊，其實佢份人好撲多嚟㗎。」組媽佢靠一靠過嚟，撞一撞我，連帶派埋波餅我食。

佢的確好有做媽咪嘅資格，至少唔會餓親啲bb啊，我都想做佢bb

之後我哋男仔又有影咗張相，Gigi都同人影緊，我見都影得七七八八，唯獨無同佢影過，我就走過去

「影唔影返張相啊？」我禮貌咁問。

「好啊。」咁我見佢拎住部手機，正打算舉高部最新嘅iphone5s自拍。

突然嚟個回馬槍，同我講話：「你揸啊～～」

「吓？做咩我揸啊？」我唔明

「你揸機，我企係後面先瘦得啊嘛。」我先恍然大悟，呀詩平時都無咁講究，我同佢手機入面嘅合照，慢慢越嚟越多都係搞屎棍。

呢張合照，成為我遲下同呀詩嗌交嘅導火線

一段關係入面，其實好多嘅爭吵，要花好多嘅精神同時間，呢樣係我慢慢察覺嘅。

可以係一件好小嘅事。至於會唔會分開，好睇大家對呢段關係睇得有幾重，有幾珍惜，有幾執著想對方留係自己身邊。

影完之後，大家都開始四散，Gigi就問我係咪一齊返去。

我望一望手機，見呀詩無搵我，我就應承咗佢。

今次返去，好明顯大家感情係好咗，無初初咁尷尬，我覺得之後Asso入面都算係個伴

「你隻手無事啊嘛？」我見大家都叫做熟熟地，5成熟啦，就膽粗粗關心吓。

「嗰！係關心啊，唔係八卦啊。」

「恩無事啊，都慣啦。」

「你係點整啊？介唔介意俾我睇吓？」我哋咁啱揀係地鐵最後嘅車廂，而且班車唔多人，Gigi先點頭同意，緩慢咁拉起件衫袖俾我望一望。

由佢眼睛傳遞出嘅訊息，我知佢係好信任我先會肯咁樣俾我睇。

喺Gigi雪白嘅皮膚上面印上咗幾處嘅污積，真係好明顯，同時覺得點解有人捨得整成咁？

「哇」我控制唔住我嘅第一反應。

「做乜搞成咁？」我聲音有點抖顫。

「我呀媽搞嘅」

「吓？呀媽咁樣都得？」我頓時覺得係咪我際遇係咁呢？對比起自己屋企，我真係好幸福。

呀詩家庭支離破碎，Gigi亦是如此。

但我好明白，我對呀詩嘅感覺並唔係出於同情，佢好多嘢我都鍾意。

Gigi反而係有啲同情？憐愛？我分唔清。

「我都慣㗎啦，由細到大佢都係咁，不瞓都反對我出去玩，每日放學都會接我，然後同佢去睇鋪，佢喺商場度開衣服店，我每日放學就係去鋪頭度做功課，由細到大都無乜朋友，亦無拍過拖。」

我似乎就咁成為Gigi嘅朋友。

「所以今次我點都想嚟識下朋友，感受一吓啲人係操場玩係咩感覺，其他人落運動場係咩感覺，一大班人一齊放學，然後去食個嘢，係咪咁開心。」

「我唔想再淨係讀書，以前成績差少少呀媽就會打我，今次DSE考得唔好，佢已經好火滾㗎啦我仲話要嚟參加Ocamp，就」佢望一望手臂嘅瘀痕，一早已經習慣嘅佢，係佢眼裡，呢啲嘢再正常不過咁。

我真係唔知講咩好，我不瞓都唔知點安慰人

「都咁大個人啦，仲管得住你咩？」

Gigi淺淺一笑，無俾任何回應。

良久先講一句：「至少我依家無後悔到，呢個Ocamp我玩得好開心，我到依家我都仲好興奮，識到你我都好開心。」睇得出佢係真心，對比起Gigi，我嘅目的係想遲下Asso嘅生活可以有個朋友，Gigi佢令我更加慚愧。

我覺得佢呢個朋友都交得過啊。

於是乎我再問佢，就係咁樣問問下就熟。

「咁你由細到大咪無乜娛樂？」我想知佢人生有幾時係開心。

我自己係同呀詩喺段日子最開心，經歷太多開心嘅事，點都唔會忘。

「我我記得細細個喺陣唯一最開心嘅就係星期日，去太古吉之島地下喺度食嘢，係我呀爸得喺一日先得閑帶我去食下嚟見下我。」

我仲好奇緊，佢呀爸咁忙咩？一個禮拜得喺一日可以陪到佢？

「我呀爸呀媽離咗婚，我係跟媽咪，呀爸得喺一日可以見吓我。」Gigi補充道。

一路聽Gigi嘅故事，我一路覺得沉重難怪佢自帶一股鬱悶嘅氣場。

佢嘅世界，我無法想像，更加難深同感受。

「喺陣時吉之島仲未改裝，成日食到一半嘅時候，二樓喺個鐘就會響，好似係到3點就會響，我都唔係記得咁清楚，但特別在佢會有隻公仔係個鐘度彈出嚟，係度郁吓啊，記得好似係隻馬騮仔嚟。」

「望住佢一夠鐘就出嚟，就覺得好開心，有段時間我仲會專登係二樓等佢響。」

「喺個係屬於我同爸爸嘅回憶嚟。」我觸動到佢嘅停止咗好耐嘅回憶盒，開始有啲眼泛淚光。

好彩咁啱要轉車，如果唔係我怕佢真係會喊出嚟。

「我知你講喺個鐘係邊度，我細個喺陣成日扭計要去吉之島喺邊買玩具，次次見到佢係個鐘度出嚟，我都會望好耐。」我都不禁懷念吓以前，但明顯地，我同Gigi嘅童年，係截然不同。

「我每次都扭爸爸計話要買玩具，佢都會話佢無錢買，淨係夠錢買個扭蛋俾我。」講到呢度，我哋轉線去港島綫度等車，呢一刻，我見到Gigi成日抑鬱嘅臉容上，綻放出一個溫暖嘅笑容。

我哋由東涌線轉返去港島線要經過兩條好撚柒長嘅平地扶手電梯，我哋見多人，就好有共識咁行中間條路。

「所以我屋企都儲咗好多扭蛋，後尾每次見爸爸，佢都會買個扭蛋俾我。」

我同Gigi傾得正起，係我前面迎面而來一個熟悉嘅身影。

佢頭耷耷咁，飛快咁係我身邊經過，係擦身而過嘅一刻，我認出佢。

佢同我相隔有段距離，唔係好近。

「呀詩！！喂！！」我叫住佢。

佢聽唔到，繼續走。

「你等我一陣，好快。」講完，我就留低一頭霧水嘅Gigi，返轉頭叫住條傻女。

我個腦好快咁組織起成件事，睇嚟呀詩係想我出camp嗰陣接我，俾個驚喜我，點鬼知遲曬到。

我行埋去，發覺條友戴緊耳機聽歌，所以聽唔到我叫佢好正常啊。

我拍拍佢膊頭，轉頭望望我，然後露出咗呆住咁嘅表情。

呀詩除低個耳機，一臉茫然咁望住我，然後問道：「點解嘅咁早放咩？」

「做咩啊？點解你係度啊？」我取笑呀詩，故意唔拆穿佢。

我見佢俾我激到，惱羞成怒咁係咁打我，佢嘅可愛計謀就咁俾我拆穿咗。

「我遲咗收工啊，一收工就趕過嚟諗住接你啦！」佢只好沿路折返，見到佢無癮個樣，有啲爽，哈哈哈！

「知你辛苦啦，不過我同咗個fd一齊走，我以為你唔會嚟啊。」我坦白。

「邊個啊？」呀詩語調一轉，鋒利嘅語氣差啲就劃破我個喉嚨。

「男定女啊？」呀詩追問。

「我幾時有講過話我唔會嚟啊？」呀詩再三追問。

相信有俾女朋友追問嘅各位，個心理壓力係好鬼大。

「你咁遠過嚟，痴線咩？我都唔會俾你嚟啦。」我認真答，仲答埋係女仔。

好快，Gigi就同呀詩碰面了。

「嗨～～」兩個好熱情咁打招呼。

我介紹完之後，唔係我正式介紹前都覺得好尷尬。

反而佢哋兩個不停係度傾，女仔嘅話匣子係咁易打開嘅咩？我無啦啦成為咗一個透明人。

一路上，佢哋有講有笑，我就間唔中搭吓嚟，因為呀詩講緊我壞話，所以我先有能力搭吓嚟。

最搞笑係，正當我以為佢哋兩個因為呢程車而變好，點知Gigi落車後，我問呀詩佢哋傾咗啲咩，呀詩話唔答。

逼多次佢都話唔答，然後就好無癮。

「咁你覺得佢點？」我好奇一問。

「無乜嘢，唔係特別鍾意。」呢個先係我覺得最奇怪嘅嘢，唔鍾意都可以咁樣傾咁耐？

「吓？咁又可以傾咁耐？頭先仲見你哋傾得好開心。」我百思不得其解，男仔真係唔覺呢啲有病。

「傾咗嘛，傾下偈又唔代表要有其他嘢。」

「咁唔通同佢講話，我唔鍾意你啊？咁啊？」呀詩反問返我。

「真係好識做戲」我不禁驚嘆女仔嘅能力。

我同呀詩食完飯，呢兩日我太効啦，拖住疲累嘅身軀返屋企，係臨瞓前，我喺ig出咗個post係倒頭大睡。

點知一起身，就幾十個msg，同幾個miss call，全部都係呀詩嘅。

「點解你post同嗰個女仔嘅合照？」

「你淨係post佢嘅合照？」

「我自己都無post同其他男仔嘅合照。」

我心知不妙，已經唔得閒覆啦，我即刻打電話俾呀詩

佢冇接到。

不過無出聲，安靜一片，我知呀詩今次真係嬲。我以為我哋一齊咁耐，而且好多時大家都攤開曬嚟講，會相安無事。

「仲嬲緊啊？」我對住空氣講嘢。

「我淨係同到一個熟啊嘛，所以先諗住咁樣post姐而且琴日你哋又見過，以為無乜嘢嘛，真係唔知你會咁介意噃。」我極力咁樣想氹返呀詩，但佢都係無動於衷，依然死靜一片。

「我一陣del咗個post佢啦。」

「人哋都睇咗啦，仲del嚟做乜啊？」呀詩終於開腔，但語氣好明顯仲嬲緊。

「睇咗咪睇咗囉，我女朋友下咗啖氣咪得囉！」我強詞奪理。

「唉，你都唔明我嬲乜！」然後佢就收咗我線。

我再打返過去，期間我心有陣驚慌，呀詩好少會咁，睇嚟我真係做得好錯

但我真係連做錯咩都唔知，後來再細心諗下，因為呢一樣嘢，我自己覺得無咩大問題，不過在於呀詩嘅角度，就好有問題，所以我自己的點樣諗，都唔會覺得有問題。

好幾通電話佢都無聽。

最後，我喺佢屋企樓下，希望打通俾佢嗰陣，可以叫佢落嚟，面對面氹返佢。

我坐係樓下已經好耐，我甘願等，呢種戰戰兢兢嘅感覺係幾年前先感受完，但今次莫名其妙地，無之前感覺得咁不安，係噃種會失去佢嘅不安感。

經歷咁咁多，我有信心唔會再咁容易散，呢個係我此刻嘅諗法。

我每隔一段時間，我就打一次電話俾呀詩，打得太密又驚chur住佢，太疏又會俾佢覺得我唔重視佢。

有時做人真係好難做

終於，唔知第幾次，佢聽咗。

「你終於聽電話啦？」我打到効。

「點啊？」呀詩講得呢句，證明仲未下火。

「我係你屋企樓下啦，落嚟俾我返返啦好無？」我冷靜而不失溫柔咁講。

「唔要啊！」佢好決斷。

「咁我衝上嚟㗎啦！我又唔係唔知你住邊。」我出絕招。

「你試下！？」呀詩似乎估唔到我玩呢招，開始失曬方寸。

「有咩唔敢啊？都夠薑激瞓你囉。」我自嘲。

「你真係好煩啊，又要人落街！」

其實佢住得唔高，佢住嘅公屋雖然唔係舊式公屋，但都唔算住得高，10幾樓左右啦，記得有一次係佢間房度講話：「嘩，你間房都望到樓下喎，咁我之前係下面等你，你咪睇到曬囉？」

「我望唔到你喎，可能你之前係等另外噃面掛？」呀詩不以為然。

然後繼續講：「咁你之後識得係邊度等我啦？」

我依家就企係佢可以望到我嘅位置，我知佢確實嘅樓層，估下佢嘅單位大約會係咩位置，然後慢慢數上去。

係噃個窗口，佢個窗口有個好繁複嘅窗花，幾乎所有公屋都係呢啲窗花咁制。

我見到呀詩係窗邊，隱隱約約咁，最後咪又係俾我見到。

「做咩偷睇啊？以為我唔知啊？」我係電話裡頭同佢講。

「睇吓你係咪真係係樓下咗嘛。」今次，佢語氣好明顯放軟咗好多。

其實如果當時分手嗰陣，我肯厚面皮啲，可能呀詩就會心軟我依家先意識到呢個問題，我自己無再多嘗試幾次，因為要面；因為見到面都再無面對嘅勇氣。

「我記得㗎，我點會唔知姐？」

「咁你繼續係樓下等陣啦！」呀詩偷笑，然後係窗口度向住我舉中指。

個八婆

「咁我上嚟啦？反正公屋啲看更揮下手就會開門。」個看更就係公屋嘅通用密碼。

「你係下面等我啦，咁長氣。」說罷，就收咗我線，然後消失係窗口度。

我以為會好快落嚟啦，點知我都要等成15分鐘落個街都要15分鐘？

呀詩佢著住條真理褲，鬆身衫，踢對拖，下半身失蹤咁落嚟，將個頭髮紮起咗個髻，素顏咁落嚟，呀詩真係素顏都咁靚，臉色足夠紅潤，唔會覺得佢無化妝就成個人暗淡咁咁。

「哇，你落個街洗唔洗用成15分鐘啊？」

「我睇埋愛回家先落嚟。」佢好招積。

「好好，你點話點好。」

「叫我落嚟做咩啊？我趕住返上去煲來自星星的你啊，阻住曬！」落個樓姐，態度可以完全唔同曬。

「咁就梗係要氹返你啦。」我正打算過去拖住呀詩隻手，點知俾佢一嘅縮開咗。

「唔俾啊！」佢扭曬計咁。

「我同Gigi真係無嘢喫，我已經del咗個post啦。」我show埋出嚟俾佢睇。

「我唔係瞓你呢樣啊你同佢有無嘢，我自己都有眼睇得出。」

「咁你瞓啲咩喎。」我諗唔明啊真係。

「我就係唔知你瞓緊啲咩，先過嚟搵你，我知係電話實傾唔掂，而且隔住個電話我係睇唔到你表情，感受唔到你嘅體溫喫。」我終於捉返住呀詩嘅手，一邊行一邊安撫佢。

我哋行遠少少，到佢屋企附近嘅公園度，搵咗個鞦韆，俾呀詩坐落去。

公屋附近係好多公園，以前呢啲公園好多MK仔女出来，坐係個瀨滑梯度食煙飲酒。

近排少咗好多，難得個鞦韆位空咗出嚟。

「我係覺得唔公平姐，我都已經無post喫，你仲要post其他女仔嘅合照，你話你自己大唔大膽？？」呀詩指責我，又幾有道理。

「咁你都可以post其他嘅合照姐，我又無話唔俾」我第一個反應毫無保留咁講出嚟，點知激到呀詩死死吓。

「你真係，屌你啦！我就係唔想你唔開心、會呷醋我先唔post，我係著緊你感受先咁做，依家你同我講我都可以post喫！！！」呀詩激到停低個鞦韆，想走人。

我即刻攔係前面。

「OKOK！！我明曬啦，我真係明曬，我知我衰啦，我只不過係想講，其實我無諗到公唔公平嘅問題，因為我會覺得你去得Ocamp，呢啲嘢我都預咗，要呷醋嘅一早都呷咗，當我見到你個post嘅時候，已經無太大感覺，就算你post其他人嘅合照，都一早做定心理準備，所以先咁講姐」

我講咗一大輪，想去解釋啲嘢，喺好後來聽子晴佢講，其實女仔最想要嘅唔係一個解釋，而係一個擁抱。

「我同Gigi真係無嘢。」我再強調。

「我知你同Gigi係無嘢㗎。」佢咁樣講，我唔明。

「你知我同佢無嘢，但你又呷醋？」

「唔呷得㗎咩？」呀詩反問我。

「Er」我當堂無言以對。

「我知你同佢無乜嘢，但當見到幅相嘅時候，都係會介意。我信你份人唔會對唔住我，但如果你要我見到幅張唔介意嘅話，只有得我唔再鍾意你嗰陣先會囉。」

呀詩講完，我明白曬。

「得！我唔會再咁做。」我頓時覺得好多嘅愧疚，呀詩嘅感受就咁俾我忽略，雖然佢都會有啲小脾氣，但佢會同我溝通，佢教識我一啲本來男仔唔會知嘅事。

佢陪住我成長，亦俾咗成個青春我。

「你係先好講」佢啲個無我咁好氣，嫌棄嘅表情，估唔到都可以咁可愛。

呀詩嘅可愛，係源自佢嘅性格。

「你唔好成日以為咁就可以氹返我啊！你又無都敏俊咁靚仔，又無人咁細心，又無人哋咁溫柔」佢數臭我個樣幾咁得戚。

「你唔好掛住睇韓劇啦，上曬腦啦你。」

「你講咩啊？」呀詩兇返我。

「無無講咩啊。」我死狗咁。

「唔理！我要食糖水。」佢傲嬌咁講，好明顯佢係要我請佢食甜水先唔瞓我啦。

「好好好，你話食咩咪食咩囉，但依家好早咋喝。」我望一望個手錶。

「係咪唔得啊？」奉勸各位，無咩事真係唔好激嬲女朋友，蓋攏屎上身。

「得，得」

「揹我。」呀詩盪住個鞦韆，輕盈嘅佢盪起上嚟成個蕩婦咁。

「你啊，顧下自己形象啦，咁無儀態」

「係你面前先咁咋嘛。」佢停落嚟，好似個細路女咁向我伸開雙手。

我蹲係佢前面，我甘願為呀詩做多啲嘢，只希望佢係我面前可以無憂無慮咁做個小女孩，俾佢任性吓，見到佢開心嘅樣，亦會因為咁滿足而開心。

我企係佢前面蹲低咗，無為意條友用個鞦韆向後抽多下，助跑咁款衝埋嚟，跳上我背脊度。

「哇你」我向前仆咗幾吓。

「你個痴線佬！」

「無啊，無事發生。」佢直頭埋落我膊頭度，失驚無神係我塊面度錫咗我一啖。

無事就好，唔瞓就好了。

廣告時間

我係Penana上面更新咗個訂閱計劃，唔一定要大家都支持但所得嘅收入都係用嚟遲下出呢個MK妹故嘅實體書

當然所有嘅都言之尚早，距離完故仲有一大段路個結局寫得靚唔靚仔，我都唔知，我都好怕寫個大家都唔鍾意嘅故總之會盡力寫好佢

價錢方面我都唔敢定太高自己唔係大作家，寫嘅文筆亦唔算好，又俾唔到咩承諾大家，所以都係粗粗地

我會將一路喺紙言、Penana上面寫故嘅收入用嚟出實體書嗰筆錢雖然唔多，但都係咁多年嚟嘅心血無郁過筆錢

我會想自資出書，咁多年嚟都等睇下有無出版社肯出書當然我自己寫得唔係話好叫座，亦都明嘅，都試過投稿去出版社，石沉大海

依家出嚟返工，到時候自資出書唔夠嘅話，都可以補貼下

超級唔想sell你哋隨心支持啦所有收入會用作將來出實體書之用，如有興趣可以支持一下。因為擔心訂立每天多少字，更新多少，到最後因為生活種種原因無法達成，會失信於人，所以用這種形式較好。不會放棄寫作，任何故事都一樣，這是能夠向大家承諾的。我寫作不想以賺錢為目的，用各種手段去吸引大家觀看，一路以來都是為興趣和夢想而寫。雖然是夢想，但我都希望能夠將自己所寫的，可以轉化為金錢。以前讀書階段真的是有夢就美，到踏入社會，背負的，就不再是夢想那麼簡單。思前想後，訂閱的這筆錢，不會對我生活造成多大影響，但我會將這筆錢運用在我日後出實體書，能夠出書才是我最初的夢。到時候真的成功出書，亦希望能夠回饋一路支持的讀者們，一路上亦感激有你們，這不是錢能夠帶給我的快樂。

請呀詩食個甜水本來就應份嘅，見到佢開心返，無事就掂當，之後要返，就唔係咁容易嘅事了。

日子，又回復平淡，係人生呢一條直線上面，唔係好多樣嘢都會有個記憶點，大部分嘅時間都係無聊到淡無味。

呀詩又繼續返工啦，同時間又就快開學，中間嘅時間其實過得好快，短短嘅暑假，有史以來覺得好快就完咗咁。

而臨近開學，知道有啲朋友要離開香港，去其他地方讀書，有熟有唔熟，唔熟嗰啲就會大班咁約出嚟食個飯，比較熟嘅就會圍內幾個約出嚟食飯。

有個男仔同我哋都幾fd嘅，同我仲有蕃薯仔都fd，中學小息無聊嘅時候都會一齊圍埋吹水。

傾下打機、傾下囡、傾下頭先小測點樣，咩都傾一餐。

點知8月頭嘅時候同我哋講，佢要去加拿大到讀書，我聽到之後sad咗一啲，因為始終未預料到佢會離開香港。

有個同子晴都幾fd嘅女仔都話要去英國，隔離班有人去台灣，有人去澳洲，返大陸嘅都有

有個仲走去西班牙添。

忽然間覺得好唏噓，認咗咁耐嘅fd，一齊係同一個班房3年嘅人，一畢業就四散，聽講入面有人拍緊拖，姐係之後都long d啦喎？

定會分手呢？真係唔知

我哋幾個男仔約出嚟食餐farewell飯，啲個主角係笑得最開懷，扁佢老母，搞到我仲傷心咗一陣。

「你下次幾時返啊？」蕃薯仔問道，話時話，我都好耐無見過蕃薯仔，自從放咗榜之後就無再約出嚟。

「唔知㗎，我諗暑假先會返嚟，聖誕放得又短，返嚟機票又貴。」呢個男仔叫呀俊，係邊撈度俊，呢個名已經俾我哋笑咗好多年。

每個人身邊都有個朋友叫呀俊，通街都係，再大個啲，呢啲名就得返啲舊朋友先叫，你會用英名嚟掩蓋你自己叫呀俊嘅事實。

「哇，姐係一年先見你一次咗喎。」蕃薯仔數一數手指，其實咁樣計，計計吓，一個大學好快就完咁。

「你懵咗啊？我返嚟成兩個月，見好多次都得啦，你淨係想見我一次啊？？？」我哋幾個考完DSE之後，都有返下part time，唔再好似以前咁，就算出嚟食都要揀啲平少少嘅。

呢餐我哋食放題，話要臨走前食嚟，食盡佢！

「扁你！話唔定你溝咗個鬼妹之後就唔返嚟呢，係嗰邊逍遙快活。」我講笑咁講。

「溝到實唔返㗎。」佢笑住咁答我，派下膠。

我哋幾個都係度笑，嘻嘻哈哈咁，男仔嘅快樂就係建基係屌嚟屌去，串嚟串去嘅基礎上。

「咁你幾時走啊？」在場除咗我、蕃薯仔、呀俊，仲有個男仔嘅，不過佢有一樣比較特別，就係佢好似會講自己嘢，但平時相處又無咩問題。

「我，過幾日就走啦。」呀俊咁快就走？真係出乎我意料之外。

「吓？咁快？！」我同蕃薯仔一齊講。

「要早啲過去執吓嚟，熟習吓環境啊嘛。」

呀俊佢好似話走就走咁，之前都無聽佢提過自己會離開香港，突如其来嘅消息一開始又嚇咗我一跳。

之後大家真係四散嘅時候，先接受呢一個事實，真係開始體會到剩返嘅都係一啲真心然後又重要嘅朋友。

餐飯係歡樂下度過，其實係笑聲嘅背後，隱藏咗男人嘅情意，同埋對歲月嘅唏噓。

我哋幾個人一路送呀俊去機場，一路上我哋幾個都提唔起勁，反而係呀俊安慰返我哋。

「扁你哋，咪好似出殯咁樣得唔得啊？又唔係唔返嚟。」佢揹住一大袋行李，兩隻手仲有手提袋添。

「唉呢個就係呀俊嘅遺言啦。」蕃薯仔同我講。

唔知點解，發覺蕃薯仔份人越嚟越開朗，比以前多啲講咗，以前佢好鬼無膽，又唔係點講嚟，依家識搞下笑。

唔知係咪子晴嘅力量呢？

係蕃薯仔隔離，佢拖住嘅係子晴，我都好耐無見過佢啦，自從放咗榜，佢話要重讀嘅時候，佢真係斷曬所有社交媒体，咩都唔玩，證明佢真係幾有決心。

「仆街啦你！過一排你哋開學識到新朋友就唔會記得我㗎啦。」

「點會啊，你咁撚俊！」我用開玩笑嘅方式嚟遮掩自己離別之愁。

人生第一次送朋友機。

我以為呢啲會係電影先會出現嘅情節，然後呀俊之前一路鍾意嘅女仔會追過嚟機場，同佢講我都會好唔捨得你啊之類，然後相擁，仲要一定要抱起個女仔掠掠圈。

「我都差唔多啦，咁」呀俊佢同屋企人整埋啲登機手續，見佢一袋二袋咁，我就百感交集。

我以為會好似啲漫畫咁，啲回憶會出返曬嚟，感性咁誌返起以前啲趣事啊，經歷咁。我想講，真係唔係咁，當我想咁樣回想返啲嘅時候，佢就偏偏咩都無。

只得傷感，下一再見已經係好耐之後，大家都會有各自嘅新生活，我哋嘅時間軸，好難再重疊。

呀俊屋企人都好通氣，話：「你同啲朋友仔講聲掰掰啦」見呀俊媽咪好有禮貌咁同我哋，散發出一種高雅嘅氣質，呀俊真係好幸福。呀俊屋企人過去幫佢哋打理吓的生活，已經叫我哋所有人覺得羨慕啦。

「姨媽啊，可唔可以幫我哋影張相啊？」子晴識趣地問。

最後就留低咗呢張相，我係笑得好牽強，打從心底開心唔到。

張相嘅我哋，痴得好埋，呢張係青春嘅寫照。

蕃薯仔帶頭攬一攬呀俊，然後我哋都一個個咁上去攬住佢，我都好用力咁攬實佢，我哋都唔撚理gay唔gay啦，換轉係平時，一定大聲鳩叫「好撊gay啊！！！！！」

「哇，你哋搞到我真係勁想喊」男人真係唔輕易留眼淚，喊得嘅，一定好大件事。

呀俊話口未完，就喊起上嚟。

「多謝你哋！」佢嗰嗰講，我都差啲忍唔住，不過隔離嘅子晴就已經忍唔住，跟住喊埋一份。

我哋幾個人圍住咁樣，又攬又喊咁，都分唔清，都唔理旁人點睇我哋，可能覺得我哋誇張、蠻居，但我好鍾意呢班朋友。

喺入去前，我哋將張卡送俾呀俊，係我哋手寫嘅祝福語，係一啲同呀俊熟嘅朋友一齊寫嘅，張卡都幾大張，呀俊收到嗰陣，個樣幾感動。

最後呀俊講咗句：「如果佢都有嚟就好啦」

「又唔係唔見。」牛佬意味深長咁講咗句，就目送呀俊入離境大堂。

呀俊好大力咁同我哋揮手，手上仲拎住我哋送俾佢嘅手寫卡。

直至係入面見唔到佢，我哋先放鬆曬落嚟。

「咁就走咗」屌，飛仔呢句嘅語氣真係講到好似佢死撊咗咁，俾佢整到笑到gap gap聲。

我哋係度講緊呀俊嘅嗰陣，有個女仔氣喘喘咁走埋嚟。

「呀俊走咗啦？」佢頭髮凌亂，鬚角仲流緊啲汗。

「啱啱入咗去啦」蕃薯仔答佢。

我哋對呢個女仔並唔陌生，因為佢係隔離班嘅嘉盈，佢外表清純可愛，有著一個包包臉，笑起上嚟仲有個單邊嘅酒粒。

嘉盈聽到之後，個樣好失落，當堂個眼神望去入面，見唔到之後，個眼神就好似唔知飄去邊咁，好迷茫。

見到咁樣，激起我嘅好奇心，好想知道佢哋嘉盈同呀俊嘅故事。

我淨係睇，都覺得個故事好淒美，夾帶著一種可惜嘅唯美，明明兩個相愛嘅人，最後卻分手收場。

因為經歷過，所以深明呢種可恨，恨唔到感覺成日會充斥住你心頭，搞到你心癢癢。

我哋見住嘉盈係機場慢慢蹲係地下，雙手環抱住自己，成個頭陷入自己嘅懷抱裡。身體時不時抖動著，唔理其他人點睇，機場入面咁多人出入，好多眼光都放咗落佢身上，卻一臉不以為然，彷彿估到發生咩事咁。

的確，係機場發生嘅故事大多數都係咁

機場係盛載住相逢同離別嘅地方，各種思念唔知可以點樣擋淺。

我哋幾個嘅傷感，無得同嘉盈比，佢手中其實拎住一封信，睇嚟佢趕唔切送出去。

我哋係度等佢喊完先，過一排，佢終於企返起身，但對住我哋，又唔知講咩好，我哋又唔知講咩好。

「佢會返嚟㗎。」子明率先開口。

「嗯！」嘉盈佢實在唔知講咩好，只係簡單咁應咗一句。

「你封信洗唔洗寄俾佢？」我都跟住問。

「唔」佢略有所思咁望吓封信，續道：「唔洗啦，我都係親手交俾佢好啲。」

「你哋一齊緊？」蕃薯仔好直接咁問，我估佢好想俾人打。

「Um」嘉盈遲疑了一會，支支吾吾咁，佢唔答其實已經等於答咗。

「唔係掛？仲幾為你哋一齊咁添。」我本能地講。

然後嘉盈就無再講啲咩，只係低住頭，嬌羞咁望住封信。

佢依家出現係機場，已經好大勇氣，我唔清楚佢哋之間發生咗咩事，但我感覺好甜蜜，已經唔係一般曖昧咁簡單，而係兩個人都對大家有意思，但無講到出口。

直到呀俊真係要走啦，一年後先會再返嚟，嘉盈先股起勇氣嚟送機。

我好想知佢哋發生咩事，同埋之後會點樣發展，但為免俾人覺得太八卦，就將呢啲收埋係心。

出返社區嗰陣，子晴沿路同嘉盈傾偈，女仔互相照顧實屬正常。

返到去，我就即刻去搵呀詩。

我直頭嚟到佢屋企門口嚟搵佢，我好衝動咁想去見佢，每當見到有人失去，發生悲劇嘅時候，先至話要珍惜眼前人，往往係呢啲時候先有咁嘅衝勁，然後過一排又會懶散返。

正正我依家嘅諗法就係咁，好彩呀詩仲係我身邊。

呀詩拉開公屋個鐵閘俾我，愕然咁望住我。

「搞咩啊你？無啦啦上嚟我度。」雖然佢一臉茫然，但都幫我開咗度門。

我咩都無講，就上前攬住佢。真真實實咁係我懷裡，噃度實在感令我安心。

「做咩嘢啊你？」

「做咩無啦啦咁？」佢見我好似個細路仔咁，佢聲線都放軟，用種媽媽聲嘅語氣問我。

「無，純粹掛住你，好想嚟見你」我撒起嬌上嚟，唔好睇小男仔唔會撒嬌啊，雖然次數唔多，但唔代表唔會，而且真係好信任，好愛嘅人面前先會咁做。

女仔係可以對好多人撒嬌，但男仔只會係愛嘅人面前咁樣。

「痴線啦你，快啲講咩事啦。」呀詩俾我呢個舉動逗笑。

「真係好彩你仲係我身邊。」然後我就雙手捧起呀詩楚楚動人嘅臉蛋，吻落去。

呀詩嘅笑容仲未收返起，我可以感受到佢仲崩緊嘅神經，隨之慢慢緩和，雙手圍住我個頸，回應返我嘅吻。

我哋一路錫，一路返去呀詩間房。

我熟悉咁將呀詩放落床，用隻手護住佢個頭，輕輕咁放佢落枕頭度，成個過程，嘴唇都無離開過。

呢排我哋都太忙，都無時間翻雲覆雨，今日好想佔據佢成個人，就好似當初我睇完求婚大作戰，滿腦子嘅思緒都係呀詩，但就無辦法去搵佢，只好不停咁諗起佢。

噃種煎熬我至今都未忘記。

呀詩身體上嘅體溫仍舊咁令人熟悉，而呢一種熟悉其實都係一種安全感。

「做咩今日咁猴禽啊？你都好耐無咁狼死啦喎。」呀詩妖媚一笑，擺出一個嫵媚嘅姿態，佢拉低咗自己小背心嘅肩帶，仲要慢動作咁慢慢慢慢咁拉。

我略略粗暴咁扯底佢件小背心。

「爛啦～～」呀詩好明顯唔係抱怨累我。

「又係你話我猴禽嘅，咪猴俾你睇囉！」我反擊返佢，手上面嘅動作無停低過。

已經唔止第幾次同呀詩玉帛相見，佢美妙絕倫嘅胴體就算由中學到依家，都係咁百看不厭，唔知點解。真係無話屌到悶，睇到厭嘅情況出現。

呀詩始終都係有佢獨特嘅魅力係度，令人慾罷不能。

「呼呼呼呼」一連串嘅呼吸聲之後，呀詩就開始俾我搞到舒服到呻淫。

「嗯嗯唔好啦，嗰個位好敏感㗎」

「啊啊啊喂啊」我已經將手指伸咗入去。

一摸已經濕成一片，第二吓已經直接伸入去，入面暢通無阻，就好似同你講所有嘢已經準備好曬咁，進入好狀態。

原本呢，理論上呢，就趁依家好埋牙啦，如果唔係一陣就無feel，乾曬塘。

再泛濫嘅河水，都會有乾涸嘅一日。

但我今日唔想咁快，我想整到佢引唔住，求返我轉頭。

我加快手指嘅速度，然後又慢落嚟，然後又再加快，再抽返出嚟，我嗰兩隻手指濕到就嚟可以滴水咁款。

呀詩面色紅潤，一副舒服嘅表情，老實啊，扑嚟其實最滿足就係呢一幕。

但最爽，就係呀詩佢自己向前捉住的隻手，伸去自己頭先爽完嘅位置。

好明顯佢未夠。

「做咩啊？好想要啊？」我係呀詩耳邊輕聲咁講。

呀詩無視我嘅挑逗，已經伸入去爽緊，我想佢親口答我，所以我又再問多次。

「你唔答我嘅話，一陣咩都唔俾你喫。」我講。

呀詩聽到之後，轉個頭就已經攻守轉換，本來平瞓係度嘅佢，一個鯉魚翻身，騎馬師上身咁距過我，重重咁壓係我身上。

另外隻手已經放係我嘅命根上面。

「你講多次？」係床上，呀詩依然都係咁多變，時而小鳥依人，時而如狼似虎。

「你想點咪點囉。」我已經屈服係佢嘅淫威底下。

佢將我寬衣解帶，仲不忘做足安全措施，所有嘢都係自動波，我只要負責瞓低就足夠。

呢個放蕩嘅呀詩對我嚟講有啲新鮮，但好喜愛。好似每有啲新鮮嘢，就有再一次戀愛嘅心動。

雖然個套有啲厚，學生哥可以買嘅套都係啲cheap嘢，好多時帶咗個爽感已經減去一大半，但今次呀詩佢真係落足力，我都仲可以感覺到佢嘅緊緻度，配合佢嘅呻吟聲同律動，真係好舒服。

「我我唔得啦，啊啊啊啊啊！！」濕潤嘅陰道入面緊緊咁收縮，呀詩無力咁趴係我身上，佢呢個樣都好迷人。

但我無諒住放過佢，我腰部都無停過，一直不停咁抽插佢。

「喂啊，咁樣好易又好易又嚟㗎！」呀詩驚呼。

越係咁講就越興奮，就會更加落力！相信好多男仔都係咁，無乜邊幾個唔鍾意。

好快，佢又嚟第二波，銷魂嘅叫聲係我耳邊清澈咁來回踱步。

呀詩又趴係我身上，肌膚緊貼住我，十分之幼滑。

我哋換個姿勢，用返最傳統嘅傳教士，我feel到就嚟唔得啦，呀詩佢咁正，加埋啲表情啊狀態，真係好快就會交貨。

一換咗姿勢，我就起勢猛攻，呀詩嘅叫床聲更加激烈，我係就咁一路猛烈地抽插，直到完事為止。

最後我仲感覺到呀詩陰道入面係度強烈咁抽蓄緊，表面上睇唔出，但察實裡面波濤洶湧。

我幫呀詩清潔完，就去清潔下自己。

返到嚟仲見到呀詩係啱啱個位度郁都無郁，抖曬大氣咁，全身赤裸。

一種滿足感充斥住成間房，不論身心都係。

我過去攬住呀詩，佢見我一過嚟，就即刻搥我心口，咩都無講。

再繼續搥，都係咩都無講但表情已經話俾我知，佢扁曬嘴。

我諗，呢一刻唔需要多講嘅氣氛，係最舒服最自然。

我輕輕係呀詩額頭上印下一吻，深深用力，心入面有好多講唔出嘅感激。

我哋習慣咗完事後都會相擁，全身赤裸咁依偎，可以感受到呀詩嘅體溫，同白滑嘅肌膚，少咁呢啲環節唔知點解就會覺得空虛。

我哋就算一齊攬住，都會你搞下我，我搞下你咁。

然後呀詩忽然認真咁望住我，佢趴係我心口，用張薄薄嘅綿被遮蓋住，露出小半張臉，昏暗嘅燈光下映照出佢迷人嘅輪廓，佢同以前一樣，無乜點變過，童顏咁款。

「我想同你講樣嘢啊。」佢剎有介事咁同我講。

「咩啊？又有啲咩古怪嘢啊？」我打趣咁問。

「我嚟緊想住hall啊我我唔想係呢個屋企。」聽到之後，我係呆咗一呆。

我諗係我個心態仲未轉得切，我依然仲停留緊係中學嗰個時候，我想像唔到一切嚟得咁快。

好朋友去外國讀書，其他人都有自己啲出路，子晴亦都選擇咗retake，依家連呀詩都諗緊住hall嘅。

我覺得自己個心仲好幼稚，好天真咁想呢啲難能可貴嘅感情可以永遠咁留係自己身邊，唔好改變。

「你點睇啊？」呀詩見我無反應，就探個頭出嚟問我。

「我我頭先諗緊嘢咋嘛。」

「我唔會亂嚟㗎，你放心啦。」佢頓一頓，雙眼從來都無離開過我，續道：「我知你會擔心hall嗰啲唔知咩人，而且好多啲淫賤嘢啊嘛。」

佢的確講中咗我其中一個憂慮。

「但係我想住hall最主要係我終於有個機會可以脫離呢個屋企，有個自己嘅地方生活下，就算得短短一年都好啊，呢個係我由細到大嘅心願，你應該好清楚㗎」講完，呀詩用力咁攬一攬我。

我都好明白，其實唔會反對呀詩去住hall嘅，只係我自己需要啲時間接受大家都真係畢業，四散啦，我都要去行自己嘅路。

「我唔會反對你去住hall嘅，只係覺得一切好似好快咁，眨眼間大家就散曠咁，呀俊都去外國讀書，其他人都有自己條路，之後越嚟越難聚埋一齊。」

「我只係一時之間未接受到，我諗慢慢就會慣。」

「**我唔會走㗎。**」呀詩好迅速咁答我，本來我望緊其他地方，聽到呢句之後再望返呀詩，佢眼大大咁望住我，堅定到令我感動。

係我最唔知點嘅時候，呀詩呢一句真係好感動，熱淚盈眶咁，差少少真係喊出嚟，我好少有係呀詩面前喊嘅衝動，但呢一句有。

呀詩令我覺得，就算其他人走曬都有，只要有佢係我隔離就夠。

好快就已經開學，呢個暑假就係匆匆忙忙咁同人告別，然後趕住開始新嘅階段。

已經無咗以前開學嘅興奮，擔憂同埋迷茫感多咗。

我搭車嘅途中收到Gigi嘅Whatsapp，我同佢都有keep住聯絡吓嘅，但就隔幾日覆一次咁。

「今日一唔一齊返學啊？我有啲驚。」Gigi嘅whatsapp就係咁。

「我已經返緊啦喎。」我見到即刻覆。

「吓？咁快？你依家到邊啊？」佢好似有啲焦急，我明佢嘅憂慮嘅，事關自己都係咁，覺得踏入去學校嗰一步開始，就會有種唔安全嘅感覺，但如果有個人陪係自己隔離，心理上會安心好多。

就算自己都做好呢種心理準備，自己一個咪自己一個囉，但見到Gigi咁，又於心不忍。

我講咗自己係邊，佢話等埋喎，我就出咗地鐵站等佢，通常呢啲第一日嘅時候，都係會揀一個穩陣嘅方法嚟返學，提早啲時間啊，就算轉兩程都好，起碼穩陣去到先，唔會盪失路。

地鐵門一打開，Gigi就係我隔離無幾遠嘅地鐵門行出嚟，佢好飄逸咁行過嚟，白色輕飄飄嘅長裙，臉上化咗個淡妝。

「嗨！」Gigi見到面之後好尷尬咁打招呼。

「點啊？一開學你驚啊？」我收起同呀詩whatsapp緊嘅電話，係電話嘅另一頭，呀詩都係開學。

頭先佢問我開學點樣，我如實同佢講話Gigi突然約我一齊返學，佢就即刻send幾個好靚好靚嘅表情符號俾我。

「睇嚟你開學都好精彩喎。」對於呢種互相揶揄嘅方式我哋早已習慣。

「唔算啦，可能一陣仲精彩呢。」我回敬佢。

「咁你呢？嗰邊點啊？」我都想知呀詩嗰邊開學點樣。

「無啊都係咁，自己一個囉。」佢後面個音落得好重，我點會唔明呢？

「你無識啲新朋友仔咩？」

「唔會一齊返囉好無？」我頂，呢句嘅別有所指咁喎，「返到嚟都有幾個咁傾嘅一齊坐，但我今日上完之後就無堂啦。」

係等緊Gigi嘅途中，我就係度覆緊呀詩，我正諗住問佢一陣上完堂之後去邊嘅時候，Gigi班車就啱啱到，whatsapp度彈咗句「落車啦」，我就見到Gigi了，隨即收起部電話。

「就算去完ocamp，都唔覺識到咩朋友，驚入去到咩人都唔識，又唔知會唔會行錯班房，咁有人陪吓係好嘅。」

估唔到第一日返學俾我嘅感受係咁巨大，大家各自分開坐，除咗Gigi坐我隔離，就算係前面位都好，都唔會講唔講到半句嘢。

諗返起以前中學，開學第一日大家都會齊哇哇咁傾吓偈，當然唔會個個都咁熟，但呢刻呢個環境，會好明顯睇到大家各自各都有個隔膜係度。

第一堂個老師講解下嚟緊呢堂會上啲咩，大約會有報告啊，考試啊之類，需要我哋分組啊，每組要有四個人，但無咁快分，下一堂先，我哋聽到噃下即刻四圍望下，前面有幾個已經係度竊竊私語，而我同Gigi你眼望我眼。

我以為會見返Ocamp嘅人啦，點知咁多生面孔，有幾個識嘅，但已經係前面連群結黨，我亦都唔想厚面皮咁上去攀談。

我見周圍嘅人都無乜動靜，其實大家都係等緊一個人做主動問，只要肯問，大家都會say yes，由佢哋四周飄動嘅眼神睇得出，發出緊「搵我啦、搵我啦」嘅訊號。

「依家點啊？老師話可以下個禮拜先交個分組名單，但係下個禮拜先搵好似已經太遲，其他人都已經搵好曬組。」

上Asso第一門學問就係「分組」。

「一係一陣問我後面嗰兩個？」我望一望坐我哋斜後面嘅一男一女，佢哋個look望落去似啲高材生，個男仔戴住個厚身嘅眼睛，睇得去好笨重，再著住件格仔襯衫。

毒撲高材生同埋另一個普普通通嘅女仔，兩個人存在感都明顯唔高，但我就係想要呢啲。

「好喎，應該幾好。」Gigi都同意。

糾結咗一輪，我觀察下其他人嘅動靜先，我見有幾個都擅自出位去問人同唔同佢一組，我都諗住過去問下佢哋。

呢啲時候做Gigi呢個女仔去問，真係好瘀㗎嘛，我做唔出叫個女仔去做其他嘢，仲要呢啲自己可以做到嘅嘢。

我儲定啲勇氣，上去問佢哋，好撲尷尬咁問：「嗨～～」我有禮貌咁同佢哋打聲招呼。

「你哋有無興趣同我哋一組啊？我同另外一個女仔，仲差兩個人。」

「啊唔好意思啊，我哋已經有組啦。」男仔出奇地有禮貌咁答返我，但我估唔到有此一著，以為佢哋會無人搵，點知食咗閉門羹。

聽到咁樣，我只好返返埋位，跟住Gigi同我講，話前面有兩個人邀請我哋，問一唔一組喎。

選擇唔多嘅我哋，加上識嘅人唔多，就應承咗，點知呢個先係惡夢嘅開始。

下晏嗰堂都係咁樣過，好似脫離咗中學嘅功課就係需要同其他人一組完成咁，當然有啲係自己一個嘅功課，但多數都係又有分組又有自己嘅功課要做，真係忙到仆街。

呀詩同我講，佢上完堂之後就去打工，香港人讀大學好多都係一邊讀一邊返part time，就連Gigi都話佢最近搵到份part time。

我暑假嗰份臨時工已經收咗皮，睇嚟我都要搵返份part time先得，但苦無頭緒，唔知點搵好。

基本上，開咗學之後，我同呀詩嘅生活就慢慢變得單調。

香港地拍拖好似都係咁，嚟嚟去去都係行街睇戲食飯，我哋都會成日去行下朗豪坊，畢竟中學嗰陣，呢度對我哋嚟講，好有意義。

但我依家對於行朗豪坊，已經無乜感覺，行嘅鋪頭，都係嗰啲。

我同呀詩一齊買手繩嗰間店，已經換咗一間女裝店，有啲回憶只可以留係心入面。

「我哋買手繩嗰間店已經無咗啦，原來時間過得咁快。」我拖住呀詩，忽然感慨咁講。

「係啊，呢度都好似少咗MK仔MK妹啦。」呀詩講。

「你以前都係MK妹嚟喎！」我反諷。

「唔準你咁講啊！」呀詩笑住咁惡我，呢啲事佢似乎都唔想再提起，但拎起舊年事嘅嘢笑佢都係一大樂事嚟。

「你大學有無人知你以前都係個MK妹啊？」我依舊唔識死。

「我封曬fb啲唔俾人睇㗎啦！所以，無！人！會！知！」佢用力咁扭我手臂。

「得啦得啦，呢啲嘢我哋知咪好囉。」我氹返佢。

「算你啦！」我有啲好奇，我同呀詩嘅拍拖節目成日都係咁，佢唔會覺得悶㗎咩？

其實，呀詩嘅轉變係一步一步咁變緊，只係我當時仲未察覺。我哋係慢慢由一個階段，行到去另一個階段，人係每個階段，都會變。

係開咗學無幾耐，香港發生咗一件大事。

呢一場運動嘅爆發，我哋好多都仲懵懵地咁，唔太清楚發生緊咩事，但幾年後香港再爆發一件大事，

之後可以話係影響我哋呢一代一世人。

雨傘運動開始嗰陣，我哋班有啲同學都有上去幫手，因為係媒體到見到場面係好震撼，好難想像呢啲畫面會係香港呢個俾人印象治安好好嘅地方發生。

係大眾嘅宣染下，我都有上去幫手派下水咁，呀詩亦都有同佢啲同學去幫手，但大家都係唔同場地，我哋都覺得無必要咁樣都要一齊，始終呢場運動唔係拍拖。

老實講一句，嗰陣時我唔係好知發生咗啲咩事，但知道我哋係想爭取一路以嚟香港都實現唔到嘅自由。

嗰一排，我哋生活嘅聚焦都係呢一場運動度，而見識到香港嘅警察係幾咁仆街，本來身邊仲有啲朋友係受以前皇家警察電影嘅熏陶，話之後大家想做警察，都已經紛紛話唔做。

「哇，原來催淚彈陣味咁難頂㗎？」呀詩嗰晚打俾我訴苦。

「你中過招啊？」我一臉驚訝，擔心呀詩走去前線，好危險啊。

「咁啲係附近，嗰陣味真係好難受，情況混亂到你會注意唔到其他事，更加想像唔到香港地會變成咁。」我都覺得係，我淨係喺後面睇都覺得呢度好陌生，有生之年估唔到會見證到呢樣嘢。

但我根本唔知事情背後嘅種種因由，只係按住自己心入面認為啱就去咗，而且仲有眾人嘅宣染。

「你無咩事啊？聽講前面好亂㗎喎。」

「我唔係喺前線啊，我一樣都係後面支援，但係走撤嗰陣食中過，唔知係唔好彩定點」

「咁你點啊？你如果依家仲係覺得難頂嘅話去醫院睇下啦。」我語氣有啲焦急。

「我無事喎，我哋有簡單處理吓，無咩事呢。」呀詩平淡地安撫返我。

「行得出街嘅，就隨時預咗啲心理準備㗎啦。」佢又講得幾啲。

「講到好似你要去死咁，為港捐軀啊？！」

「會啊，自己嘅地方，緊係要自己守護。」係仲未真正爆發香港同大陸之間嘅對立時，呀詩已經做好呢個覺悟。

「咁你就咁留低我啦？由得我自己一個啦？」我問道。

「我唔捨得㗎，我最想嘅，就係同你有個家，但呢度就係我家，唔係咩？」我都有啲俾佢搞唔清佢想講咩，但最簡單而又直接嘅意思就係，如果連自己地方都守唔住，更唔好講自己將來。

「做咩啊？依家同我求婚啊？」我無辦法嚴肅咁回應呀詩嘅問題，我知佢做得無錯，而我自己都會咁，只係如果萬一呀詩有咩冬瓜豆腐，我唔會我會點樣面對

所以先用呢種半開玩笑嘅方法回應呀詩。

「你就想啊！你想個女仔同你求婚啊？你仲係咪男人啊？」佢串返我，睇嚟呀詩真係無乜事，只要佢平安就得。

「講到我唔會同你求婚咁，驚唔切要嫁俾我啊？咁嫁唔切？」唔經唔覺，我同呀詩都一齊咗2年幾3年，對呢個年紀嘅人嚟講，已經好長一段時間啦。

但我哋一齊得越耐，相處就越係平淡而熟悉。好似依家呢種打打鬧鬧嘅方式，前前後後已經上演咗就快3年。

原來我同呀詩不知不覺已經一齊咗2年幾3年，扣除返我哋之前分手嘅時間，大約2年到。

好似隨住畢業之後，就個個都向前衝咁，時間過得好快，仲好忙碌。

我係開學無幾耐，就搵到份part

time，係賣電話卡嘅，專係賣俾啲菲傭啊，印傭，主要都係返禮拜六日，有底薪，賣到卡就有佣金

，除咗要出去日曬雨淋之外，其實呢份part

time幾好，全部都係靠手機whatsapp報到，自己都會出去行吓，又唔會chur你數。

禮拜一到五就上堂，但我太低估Asso嘅壓力，原來好辛苦，除咗啲嘢多之外，嚟呢到嘅人目的都係為咗想搏返U。

只不過，總有人係例外，咁啱我哋組就有一個

「我哋今晚幾點傾下份功課點做啊？」我想早啲搞掂呢一份功課佢，雖然大家係輪住present，我哋組嘅日子就係中間，但係其他份功課都堆曬係後面，唔早啲搞嘅話，之後就係忙到仆街。

「吓？但係我今晚唔得閒喎。」呢個組員叫阿Sam。

「你今晚幾點完啊？」Gigi都係呢組度，佢加入討論。

「我唔知㗎，應該都好夜㗎啦。」淨係睇文字都已經令我躁躁地底，一開始大多數都係選擇，忍。

「我哋之前已經約好曬時間啦喎，你依家先嚟話有啲做？」姐係又要再約過時間，諗吓都覺得麻煩。

「我臨時有急事啊嘛，一唔係你哋傾住先囉，傾完再話我知。」佢咁樣講，我都唔知點好。

最怕就係之後同佢講返，佢又話呢樣噃樣，頓時搞到躁躁地。

係我思索緊點好嘅時候，呀詩打電話嚟，見到佢打嚟，我煩躁嘅心情得到一點緩和。

「喂？強b，你一陣可唔可以嚟接我啊？」呀詩係電話裡頭問。

「吓？點解嘅？」我一頭霧水。

「我今日ReU啊，想你過嚟接我。」呀詩柔聲地問。

係噃，我都唔記得咗呀詩今日佢Re U添，佢之前有同我講過。

我再諗多層，我明點解呀詩叫我去接佢啦。

「好啊，係邊度啊？」

既然條撚樣都話有啲做，咁就另外有約日子，雖然我都有私心，但咁啱得咁橋姐。

呀詩俾咗個地址我，我自己預時間過去。

一路上，我哋又係電話傾功課啲嘢，一刻都無得停。

去到餐廳樓下，我一路停，無俾催呀詩，等佢差唔多完，同我講，問我係邊先算。

我都有啲想知佢大學身邊嘅人係啲咩人，雖然心入面係相信呀詩，但對於佢身邊嘅人同事都一無所知，就有種莫名其妙不安。

呀詩：我哋仲傾緊啊，你到邊啊？

我：到樓下啦

呀詩：佢哋一陣話去party room喎，你去唔去啊？

有預感呢啲飯局完咗之後，多數都會有下場，之後一去就通頂。

我：啲人我都唔係幾識，會唔會唔係咁好啊？

呀詩：識下就熟㗎啦，你咁放心㗎啦？

佢個Emoji都幾靚打，的確如佢所講，唔係幾放心。

終於佢哋齊咁落曬嚟，我見到呀詩打扮得幾靚，仲著咗條短裙，化咗個淡妝，如果唔識佢嘅話，目光會係佢身上停留幾秒，幾靚女。

呀詩見到我，主動過嚟撓住我，後面一陣嘩聲，「男朋友喎！！」

我睇唔清有邊幾個，淨係覺得呢一刻好唔自在。

「呢個係我男朋友，呀John。」呀詩笑住咁同其他人介紹我。

我靦腆咁阿笑，揮吓手，say個hi。

然後大家嘅注意力就唔會係我哋度，就傾緊點去嗰個party room度，一路上，我同呀詩就跟係後面，我先有時間打量下佢哋。

有男有女，有好幾個都好靚仔添，就咁睇都覺得佢哋似啲playboy，唔知佢哋點樣同呀詩傾偈呢？

呀詩拖住我，好似隱隱約約猜測到我嘅心思。

「唔慣啊？」佢貼住我問。

「唔係咁鍾意呢啲場合姐。」我老實講。

「我都唔係咁鍾意先叫你嚟。」呀詩探個頭出嚟望我。

「頭先做咩要講我英文名嘅？」其實我明，只係我仲未慣，之後好多場合，甚至乎出嚟打工，都係會用英文名。

咁樣反而少咗種細細個嘅親切感，為成個人加添份成熟嘅包裝。

「咁樣自然啲啊嘛。」呀詩佢自己都起咗個英名，Sarah。

我忽然間懷念佢以前facebook嗰啲MK名，好似呢個先係我熟悉嘅呀詩咁。

去到Party

room，大家已經各自玩起上嚟，我唔知佢哋係咪所有人都識曬，淨係知好熱鬧，個場又大，雪櫃入面全部都係酒，啲人已經自己去拎酒飲。

其實我應該一早察覺到呀詩嘅轉變先係

係場入面，呀詩同佢哋玩得興奮，的確佢係會諗起我，令我好放心，至少令我覺得呀詩心入面係有我。

但係我環顧四周，好多唔識嘅人係度嘻嘻哈哈，把酒狂歡，而呀詩，好自然，好順理成章咁成為咁多個人入面嘅中心。

好多嘢，都會叫上呀詩。

「Sarah！嚟啦，一齊嚟玩啦，輸咗飲半杯咋嘛。」男男女女開始係度起哄。

呀詩眼角飄向我呢邊。

其他人都好識趣，一齊講：「叫埋你男朋友嚟玩囉！」、「一齊啦！」、「唔洗怕醜喎」

我知道唔去嘅話，會令呀詩難做，同時亦會俾人覺得你廢，係呢個場面，我不知不覺間諗起呀彥

話唔定呢班人以前都係MK仔女嚟。

唯有頂硬上啦，唔想係呀詩班fd面前失威。

佢哋成大班人玩啲酒game啦，玩完一個接一個，啤牌啦，睇下抽到咩，有咩指示咁，俗稱「大牌檔」。

仲有啲佢哋設計嘅game啦，例如定一啲題目，講完之後再指下一個講，講唔到嘅就飲；真心話大冒險嘅啲啦。

佢哋唔係止在一大班朋友聚吓舊，傾吓偈，佢哋想嘅，係想high，想一大班人咁樣high，唔在乎在場嘅人熟唔熟，fd唔fd。

呀詩成日俾人點中，我都知呢班友仔係想針對佢㗎啦，無奈之下，都要幫呀詩頂酒。

利申定先，我真係唔識飲酒，平時都好少飲，上次last day去酒吧飲酒嗰次，我就已經知自己唔飲得，亦唔鍾意嗰陣酒味。

我都無得揀唔幫佢頂，飲嗰啲溝咗綠茶、威士忌、啤酒嘅液體，真係覺得好難頂，一股難入口嘅味道直衝我天靈蓋。

有時呀詩都有飲嘅，話我飲咁多唔係咁好，我見佢臉色開始轉變，有啲認真，慢慢無乜表情。

「你男朋友對你好好喝，咁樣幫你頂。」旁邊一個妖豔嘅女仔同呀詩講。

「你唔好再飲啦」呀詩勸我，我仲有兩杯要找數，頭先仲未清完。

每一啖酒灌落喉嚨嗰一吓都好難吞落去

我開始feel到wing

wing地，腳步浮吓浮吓咁，我仲知道發生緊咩事嘅，我聽得清呀詩講緊咩，但有啲暈。

「佢唔係好掂啦，我同佢去嗰邊休息吓先。」呀詩講完呢句之後，就帶我去個角落頭度抖。

印象中班人無因為我哋離開而有咩變動，照樣玩得好開心，只係將個目標換做第二個。

我哋搵咗個沙發位，我就咁攤係呀詩膝頭上面，呢個視覺好有愛，佢就好似呀媽咁望住我，為咗唔將啲頭髮整到我，用佢綁係手上嘅髮帶紮起佢。

佢紮馬尾個樣好動人，咬住個髮帶，隱隱約約咁露出雪白嘅鎖骨位，我想望吓佢嘅後頸位。

呀詩綁完之後，柔情似水咁望住我，然後責備我：「都叫你唔好飲咁多㗎啦！」

「我我有啲想嘔。」其實我係扮吓嘢，想嚇吓佢。

「吓？唔係啊？你你嘔落嚟啊。」佢拉側邊個垃圾桶過嚟。

「我呃你咋，我未去到咁醉。」我偷笑。

「扁你咩！」佢推開我，收起剛剛嘅柔情蜜意，我俾佢推到去沙發嘅側邊，女仔粗暴起上嚟，就係咁。

「講笑咋，知你緊張我啦，同你玩吓姐，好想好似頭先咁俾你照顧」我借醉撒嬌。

「你唔好扮醉啊！而且啊，你頭先係自己擺嚟㗎！無人會照顧你㗎啦！」呀詩抿嘴微笑。

我照樣瞓返佢大脾，佢大脾嘅肉軟綿綿，好舒服，呢個位好似有股魔力，好似去變返做細路仔咁。

「我係真係暈暈地，但就唔係到醉囉」只要我想，我係可以即刻瞓著。

呀詩溫柔咁撫摸我啲頭髮，慢慢咁掃落去，又再拎返起，再掃落去，不停地重複。

好似以前媽咪掃我背脊咁，舒服到好快就會瞓著。

「邊有人好似你咁，要個女仔照顧返你轉頭，學咩人認叻啊」我眼皮變得好沉重，隱約最後聽到呀詩講咗呢句，但我已經無力反駁。

我以為我瞓咗好耐，點知原來三個字左右，成日瞓教都有呢種錯覺。

我睜開雙眼，呀詩低頭玩手機嘅樣就咁映入我眼簾，原來我可以就咁眼甘甘咁望住佢，望好耐都無問題。

醒咗之後，就再瞓唔返，個人已經無咁wing，呀詩無察覺到我已經醒咗。

我見一排佢都係不為所動，我就將自己攬住佢。

「咦？醒啦？」唔知點解，佢好燦爛咁對住我笑。

「你做咩笑到咁嘅？」我問。

「因為你咁樣成個大細路咁囉，估唔到你會咁可愛。」說罷，呀詩用佢柔軟嘅身軀彎低腰，係我臉上面錫咗一啖。

忽然間有一種返返去中學嘅青春感，好似我哋兩個啱啱相戀咁。

呢一個時刻，俾我刻咗係記憶入面。

「我明明就型到癩，邊度可愛啊？」我唔係比卡超啊。

「係可愛！」

「係型！」

「可愛啊！」

「都話型囉！」

「都話係」然後我就撲上去，用嘴唇封實佢把口。

「不如我哋走啦？我唔係幾鍾意呢啲場合。」我想出去同呀詩拍下拖，都好過留係度。

「吓？但咁早走唔係咁好喎，佢哋先啱啱開始。」呀詩有啲卻步。

「你咪話我唔係幾掂，要同我返屋企囉。」我求其作咗個藉口。

「我驚咁樣之後，佢哋啲活動就唔再叫我姐，我仲要同佢哋相處四年。」佢有自己嘅憂慮。

「如果係咁，姐係證明佢哋唔係你朋友囉。」我認真咁講，不如咁講，相處嘅時間唔多，但我唔覺得呢班係呀詩嘅真心朋友，只可以定義為酒肉朋友。

呀詩俾我說服咗，同我講話叫我係度抖抖先。

多年後，我先意識到，其實呀詩佢就咗好多一路以嚟，我都以為係我就佢，但再諗返起啲細節位，先會留意到自己原來仲有好多位未做好。

就好似之前分手嗰段時間，先察覺到自己好多位其實可以做得更好，如果做得更加好，可能情況又唔一樣。

「咁快就走㗎？」

「留低玩多陣啦。」

「咁你哋返去小心啲啦！」

「記得做足安全措施啊！」

「下次再玩過啦！」

我由遠處聽到佢哋係度好大聲咁講，就咁睇佢哋咁嘅性格，真係會溝死唔少女，啲女好多都係鍾意呢啲喺

之後呀詩就拎曬袋咁過嚟，甜甜地笑：「走啦。」

但背後，係收埋咗呀詩嘅犧牲。

出到去呼吸吓啲新鮮空氣之後，成個人醒神好多，我望一望部手機，全部都係啲功課嘅嘢真係好忙，如果最終嘅目標唔係為咗要上返大學，我係唔會理。

「做咩啊？睇電話睇得咁入神啊？」呀詩咁啱俾啲風迎面吹過，佢飄逸嘅頭髮，再加上街燈下嘅塗鴉，更美麗動人。

今日嘅佢打扮得比平時更靚，慢慢昇華至一個合格嘅港女，淨係睇佢外表，根本想像唔到佢以前係一個不折不扣嘅MK妹。

過往嘅直髮齊陰，已經變成中分飄逸嘅長髮，多咗幾分成熟。

「唔係啊，功課啲嘢姐。」本來睇到又心煩嘅我，望住呀詩，心靈又好似被治癒咗咁。

原來不知不覺間，呀詩已經係我嘅避風港。

「唉，唔好提啦，我下個禮拜都開始忙啲功課，開始覺得自己有啲跟唔到。」呀詩坦言。

「咁你仲嚟玩？」我笑佢。

「最後嘅晚餐啊，之後就上路啦，兩個禮拜後復活。」呀詩幽默咁答我，啊又幾好笑。

「神啊，求你打救我。」

「好啊！」呀詩一拳打埋嚟，「依家就嚟打鳩你。」講完，又再一拳，佢扮曬幼稚園小朋友咁樣打交，嗌曬出嚟，「哎呀、哎呀」咁叫囂。

「你唔好咁低能啦，幾廿歲人，仲搞埋呢啲gag。」借著醉意，我哋都有啲癲癲地，high過龍。

「喂啊」呀詩一邊叫，一邊繼續追住我嚟打。

行出嚟，其實感受到微微嘅涼，呢個天氣，已經差唔多秋天，俾啲涼氣吹到我清醒曬。

「好啦，再打我就殘廢啦。」我捉住佢兩隻手，然後順勢拖住咗。

「哼！俾我打吓都唔得，遲吓忙到見唔到嗰陣啊，你想俾我打都無啊！」呀詩倔強地說。

「唉，係噃。」夜闌人靜嘅時候，我哋兩個係街上面手拖手，望住自己嘅倒影，做埋曬啲奇奇怪怪嘅動作，一啲羞恥心都無，仲反而樂在其中。

真係一啲得耐，先敢做呢啲嘢。

「我應該完曬所有考試先後，可以同你一齊過生日。」呀詩忽然講起。

「我生日？」我生日邊有咁快啊，然後呢個說話講出口無耐，我就知道自己柒咗，想收都收唔返。

「我生日啊屌你！我生日你都唔記得？？」呀詩嚟個死亡之瞪。

「我只係奇怪竟然有人自己生日會自己咁樣講出嚟姐。」我講完都忍唔住笑。

「哈哈哈哈哈哈哈哈哈！」

「你！淨！係！識！恰！我！」每一隻字，就代表一下。

「得得得，我實會同你過喎，我點會唔同你過生日啊？只不過今年仲洗唔好似上年咁，叫返班fd？」我指我哋以前同班嗰堆朋友。

其實已經少咗聯絡啦，whatsapp

group度已經無人講嘢，好似佢哋嘅出現，就係為咗陪我嗰一段時光。

「今年我想同你過，淨係同你過。」

有陣時，我哋嘅愛情好似白開水咁淡而無味，無咩特別事刺激我哋嘅感情；但又有陣時，我覺得我哋忽然間好似返返去熱戀期咁。

「好，你生日，你想點過就點過啦。」我回覆。

「去迪士尼啊？好無啊？」

「都得嘅，好似都無同你去過迪尼添。」我第一個反應係，去迪尼都幾貴下

「我見呢排都多人去影相，所以想一齊去咋嘛。」呀詩咁樣一講，我好似feel到去完之後會點。

「得，你生日，你大曬㗎嘛。」呢樣嘢，可以滿足嘅話都盡量滿足。

送呀詩返去之後，我就落力打工，仲要應付考試，佢生日仲要諗生日禮物，但我暫時未諗到。

諗禮物呢個環節好似去到某一個位，就到頂了，以前有好多唔同嘅方法，同埋會肯花心思，但依家真係，我無靈感。

究竟要啲手作仔啊，花心思㗎？定係買現成嘅呢？

最後我決定買隻dw嘅手錶俾佢，加埋去迪士尼嘅錢，都大出血啦

雖然屋企都算有錢，但大個咗之後，就越難開口問屋企拎錢，學費就屋企俾，但生活費就靠自己。

Gigi見我呢排都好効咁，就問我：「你呢排好忙咩？」

我有時上堂都會瞓著，但發覺Asso無聽到書，就好難跟，所以後尾我連食飯時間都拎少少嚟瞓教。

「忙啊，啲功課多到嘔。」我面帶笑容咁講。

「我同你咪一樣，但我都無你咁効。」Gigi一眼睇穿。

我因為想搵多啲，就同part

time嗰邊個呀頭講我呢期可以返多啲，佢俾我嘅更就多咗，排咗好多日夜更俾我，要幫手收埋鋪，收埋鋪都11、12點，第二朝仲要起身返學。

為嘅，就好似當初送部iphone俾呀詩咁，都係想睇佢收到禮物嗰個笑容，一路都從一而終。

「我女朋友就生日，我part

time返多咗，先咁効姐。」我坦白講，又効又大壓力，搵個人講下又無妨。

「而且仲有咁多功課，唔効就奇啦。」我續道。

「你真係絕世好男友，好似你咁好嘅男仔唔多啦。」Gigi讚美我，由佢雙眸中睇得出渴求，想嘗試戀愛感受嘅渴求。

「你都可以搵到㗎。」換轉係以前，我諗我會飄飄然，依家我只係覺得，對呀詩好，係因為佢值得。

「唔會喫啦，依家咁多playboy。」Gigi有意無意咁望一望班上面嘅男仔。

我笑一笑，無再多講啲咩，唔係太想同Gigi纏綿係呢個話題度。

呢次考試，一堆project，估唔到我一嚟就已經遇到free rider，各種唔同嘅藉口，最後交出嚟嘅嘢，屎到根本上唔到台，大家都中學畢業啦，仲可以交啲好似小學生咁嘅嘢？俾盡你都係初中級數，仲要係中一嗰隻。

好，我都算啦，仲要大大聲講自己去拍拖，唔得閒做功課

我夠想拍拖囉，真係燥咗。

扁你老母。

呢段艱難時期終於捱過咗，仲要再加埋溫書啊，返工，真係體力透支曬。

好多個時候，我只係想好好地見下呀詩，係佢個膊頭度瞓一瞓，唔知點解見到佢就有種安心嘅感覺，可以真正令自己緊繃嘅神經，放鬆返落嚟。

我成日同自己講，只要捱多陣就得喫啦，就見到呀詩喫啦。

我哋一早約好咗完咗我嘅考試之後嗰一日就去迪迪士尼，嗰日都係呀詩正日嚟，前排算一算，覺得真係啱到爆。

呢樣都係令我心情比較愉快嘅一件事。

呀詩呢一日去迪士尼打扮得好可愛。

有別於佢平時性感，帶點MK妹嘅打扮，佢之前難得打扮得成熟，今日就已經變得相當可愛。

呀詩綁咗一個頭巾，著咗一條連身裙，我都好似見佢著連身裙，呢種咁斯文嘅打扮真係唔配放係一個MK妹身上。

但佢依家竟然著得出呢種味道。

「生日姐，著到成隻雀咁，做咩啊？你同迪士尼有個約會啊？」我冷嘲。

呀詩無出到聲，表情可愛咁睥住我。

「生日著得靚唔好咩？得罪你啊？生日係咪大曬啊依家？」佢擰我耳仔，真係用力嗰隻，好痛好痛。
」

咁樣打情罵俏到欣澳站，睇得出呀詩對今日係期待嘅，如果唔係唔會咁隆重對待啦。

只不過我仲拖著疲累嘅心靈，其實肉體無乜身，係有力氣嘅，係心好効，提唔起勁。

最估唔到嘅係，我竟然効到可以係欣澳轉去迪迪士尼嘅車程入面瞓著咗

呀詩輕輕咁拍醒我，我見佢龍精虎猛咁，就咁睇佢嘅神情，就知佢呢種興奮係期待咁好耐嘅興奮嚟。

「你好効咁喎，不如我哋玩一陣就走啦？！」我明知佢唔會夠皮，又點忍心「効」俾佢睇？

「唔會啊，我琴日都瞓咗好耐，但係都好似唔夠咁，我哋今日盡情咁玩，返去繼續瞓！」我用微笑俾出肯定。

呀詩攬住我條腰，用力地。

迪士尼真係一個好童真嘅地方，嗰條大路上嘅歌勾起好多細細個回憶。

呀詩輕快嘅步伐，成個大細路女咁，只要企係呀詩隔嚟，我就好容易俾佢感染，好似由中學嗰陣已經係咁。

「哇！米奇啊！！！」呀詩一入去，就已經好開心咁講，我無乜感覺

之前好細過嚟過幾次，親戚話有全年證，叫我哋一齊去，嗰陣時已經對迪士尼無乜好感。

「你未見過咩？」呀詩嘅反應令我懷疑佢係咪第一次嚟。

「未啊，我今日係第一次嚟迪士尼。」咁頭先所有嘅即刻通曬，竟然我會係呢個時候百感交集。

每個女仔都有佢自己鍾意嘅公仔，有啲係史迪仔啦、Hello Kitty、米奇米妮等等，啲都係大路嘅喜好。

呀詩鍾意嘅就係米奇，好幾次都係米奇打救咗我嘅禮物危機，呀詩間房都有好幾個米奇嘅公仔。

可想而知佢今日係幾咁期待，甚至可能係一路以嚟，兒時嘅夢想。

「開咗咁耐你都無嚟過？」

「無啊，你覺得我屋企會嚟咩？」呀詩有啲認真咁講，睇嚟我問咗唔應該問嘅嘢。

「咁就好啦，好彩你第一次係我嘅。」我兜啊兜，總算令呀詩笑一笑。

「以為你淨係識諗啲咸濕嘢添！」同呀詩咁樣行迪士尼嘅大街，都係我哋兩個嘅第一次。

有種感覺，一齊耐咗嘅我哋，當一齊經歷一啲都係第一次嘅事嗰陣，嗰種感覺好似返返去啱啱相識咁，新鮮、有點興奮、期待。

一齊耐咗，會對身邊嘅事失去期待，因為你知道都係咁。

「男人係咪咁介意第一次呢樣嘢？」呀詩撓住我隻手問我。

扁你咩？係呢啲時候問啲咁認真兼學術性嘅問題？

「你就唔會介意咩？」我將個問題拋返俾呀詩。

「介意啲咩啊？」我唔覺呀詩唔知我咩意思。

「我意思係話，應該好多人都會介意自己鍾意嘅人，第一次經歷嘅嘢唔係同自己囉。」

「每個人都有過去嘛，係咪？」呀詩甩開我隻手，向前行去。

佢企係美國小鎮大街度，前面就係迪士尼嘅城堡，佢轉身過嚟，對住我回眸一笑。

「可能我哋依家係將來，都會成為過去呢？」佢嘅笑容就好似一幅畫咁，卻講出咗好玄妙嘅說話。

「如果將來同你行到最後嗰個人唔係我，照你咁講，佢應該會好介意你之前同我一齊喎，咁你想抹走曬依家嘅回憶啊？」我真係聽唔出佢呢句話係咩意思，女人有陣時啲心思，你真係猜唔透。

佢係暗示我哋將來可能行唔長？定還是佢其實已經有分手嘅念頭？我諗好多。

「我唔會啊，因為真真實實發生過，都抹唔走，唔係個個都好似中國六四咁。」

「總之！過去唔係介懷咁多，將來唔好擔心咁多，享受當下啦。」呀詩錫咗我一啖，然後拎部手機出來，遞俾我。

我都好識做，唔需過問，直接拎嚟影。

「幫我影得靚啲喎！」呀詩企後，擺咗個post，好在iphone影相一向都唔差。

「得啦，你點形都靚㗎喇！」亂咁講啲佢想聽嘅說話。

「慳啲啦你。」

影完之後，我仲要已經影咗好多相，好多唔同嘅角度啊之類，然後興高采烈咁遞俾呀詩睇，想佢欣賞下我嘅成名作。

「哇乜你影到我咁矮，咁薯㗎？？？」

「你睇下啊，你將我隻腳cut成咁仲有啊，呢張呢張你睇下啊，我手臂幾粗啊，隻腳都係啊，影到我勁短。」呀詩一見啲相，就一副嫌棄嘅姿態。

「咩喎，你睇下先啦。」我搶返部手機，然後放大呀詩個樣。

「你睇下你個笑容，幾靚！身為一個好嘅攝影師，係需要捕捉最靚嘅一幕，我每次都係等你最靚嘅一刻影低佢㗎。」佢呢啲表情，都係我眼中最靚嘅時刻嚟。

就好似當年係圖書館，呀詩抬起頭望我嗰一刻咁，靚到我想追佢，佢最靚嘅笑容，我再清楚不過。

呀詩露出具有殺意嘅眼神，盯住我。

「得得得，我會再改善，影到你全方位都咁靚。」我忍唔住笑起上嚟，雖然呀詩兇神惡煞咁望住我，但我覺得咁樣好有趣，呀詩好似俾我激到死死下咁。

最後，我哋係城堡前面，影咗好多好多張相，呀詩先有幾張滿意。

我終於明白，嗰啲喺ig上面出現嘅靚相，可能係幾百、幾千張入面，先會出現嘅一張。

然後對嗰張相珍而重之，會用各種修圖嘅方法，執到最完美。

「我哋去玩嗰個好無啊？」我哋玩完一個又一個，呀詩捉住我問我。

「吓？仲有幾多個未玩啊？」我估唔到會玩到咁効。

「呢個世界好似仲差呢個咋」呀詩期待嘅心情，好似十六歲嘅少女咁，佢好想可以玩曬咁多個，想一個都唔漏。

「好，你想玩咩就玩」

「咁行啦！！」我都未講完，呀詩就拖住我隻手，啊唔係拖，而係扯，我成個人俾佢扯到chock咗一chock。

佢連玩個小小世界都可以好興奮，見到有啲卡通人物跳出嚟，就會講埋嗰個係邊個嚟，如數家珍咁講，基本上已經係一個專家。

可以令一個咁無聊嘅小小世界，都可以搞到咁有聲有色，我諗，呢個就係兩個人一齊嘅原因吧？

一個人去經歷呢啲嘢，會好無癮，無聊到一個點，但同自己愛嘅人一齊，就自然會多好多色彩，會發生一啲趣事，或者係有趣嘅對話。只要個心夠大，可以豐富自己嘅生活。

除咗呢啲，我哋兩個係對方面前，已經無乜形象可言，好多核突嘢都會一件不漏咁呈現出嚟。

我哋係漆黑一片嘅小小世界入面，會不知羞恥咁抽水。

因為後面嘅人又睇唔到，我會膽粗粗咁摸呀詩個波，隔住件衫。呢種偷偷摸摸嘅快感，幾爽。

「你隻手擺係邊啊？」呀詩係我耳邊細聲咁講，完全聽唔出佢係抗拒，身體亦自然咁靠過嚟。

「你自己唔爽咩？你睇下你個身體幾誠實？！」我邪笑。

「死啦你！」呀詩輕輕拍我心，無任何抗拒，任我魚肉。

我加重每一個嘅力度，呀詩身體就會顫抖一下，係漆黑嘅環境入面，我睇唔到呀詩嘅表情，雖然側邊嘅公仔有散發出啲微光，但我都睇唔清。

而我對呀詩做咩啲嘢嘅同時，場館入面播住「世界真細小」。

啦啦啦啦啦啦啦啦，啦啦啦啦啦啦啦。

It's a small world after all
It's a small world after all
It's a small world after all
It's a small, small world.....

然後係呢個充滿童趣嘅世界入面，我哋做埋曬啲日本AV嘅動作，可以話係兩個世界嘅融合，多元文化嘅交流。

「你隻手又擺係邊啊？」今次輪到呀詩嘅手不安份，佢擺係我嘅巨龍上面。

「你睇下你，硬到」呀詩已經摸到我變硬嘅細佬。

「咪又係因為你頭先係我耳邊輕輕咁嗌，唔扯就奇啦。」我都忍唔住，但知無可能會係度同呀詩做到最後，但係又驚再咁樣落去，我會忍唔住。

「咁係邊個唔乖先啊？？？」我係呢種夢幻嘅燈光入面，見到呀詩嘅笑容，係一抹淫賤嘅笑容。

「夠啦，再咁樣你就睇唔曬㗎啦。」我用顫抖嘅聲講，一啲說服力都無。

「由你頭先整我嗰下開始，我就預咗睇唔曬㗎啦。」

我心諗，佢想點呢？佢跟住落嚟想點呢喂？呢一程其實好快，但呀詩講完呢句之後，我成個人緊張起嚟，痴線㗎？想搞咩啊佢？

「做咩啊？好驚？」呀詩望住我，唔知佢係咪真係望到我嘅表情。

呀詩隻手始終都無離開過我嘅巨龍，我覺得佢好鍾意睇我欲罷不能嘅樣，甚至乎係享受，如果唔係見到出路，佢一定唔會放過我。

「哎呀，你真係好彩啦，依家就放你一馬。」

只有係床嗰陣，我先可以拎返自己嘅雄風，依家無曬主場優勢，俾呀詩拎走主導權。

出返嚟之後，佢用不一樣嘅眼神望住我，我俾佢整到我笑咗。

「做咩咁樣望住我姐？嫌頭先未夠皮啊？」我嘴角上揚。

「只係見你好似唔係好爽咁姐！」呀詩似乎無拎到成功感咁。

「爽！點會唔爽啊？試問有邊個男仔唔鍾意自己女朋友對自己咁樣？唔通要佢成日唔掂自己，淨係拍純愛拖咩？啞啞啞，咩柏拉圖式戀愛咁啊？」

「反而你頭先，掛住整我，無睇完成程世界真細小小小，唔會覺得唔爽咩？」我反問返呀詩。

呀詩聽完我前面啲句，先至滿足返啲。

「其實一入去係興奮噃，但係過多陣，就好似嚟嚟去去都係咁，就覺得無乜嘢啦，所以還好啦，都係整你爽啲，哈哈哈！」佢又輕挑咁跳起上嚟，呢條仆街

「快啲啦，我哋仲要趕戲啊！好似就嚟開始啦，我想睇好耐啦，趕唔切我就斬咗你碌鳩啊！」呀詩伸出兩隻手指，做咗個絞剪嘅手勢。

「呢個係剪嗰」我串佢。

最後俾佢拖住我去排隊，但係個隊排曠長龍咁，去呢啲遊樂園，最慘同最憎就係就係排隊。

排隊我哋各自攬住，然後玩下手機，嗰陣ig仲未咁普及，無咁多嘅睇，反而facebook仲多嘅睇。

去到後面頂唔順，咁多人逼埋一齊，明明都入秋，就嚟冬天啦，但今日就好鬼死熱，我拖住呀詩都拖到出曬汗。

忍咗成半個鐘，我哋就咁怨咗半個鐘，攞埋個3D眼鏡，佢開門嗰一刻，入面啲冷氣吹埋嚟，好撚爽啊！！

呀詩前面嘅已經因為出汗而裂曬，佢最緊張嘅就係佢嘅陰，裂少少就已經係咁整。

呀詩滿頭大汗咁入去，係等緊嗰陣，呀詩嗰個頂唔順咁熱嘅樣，嗯的確無咁好睇，但佢嘅言行舉止實在太過可愛，係好有喜感嘅隻。

係排緊隊嗰陣，唔止呀詩一個叫囂，後面有個極品港女，係咁喺度呻熱啊，佢著住件白色小背心，加條長嘅藍色牛仔褲，究竟佢係熱定係點呢？

「都叫咗你帶定個風扇仔㗎啦！你睇下，依家熱到好似焗桑拿咁啦！」港女控訴嘅，正是佢身邊嘅港男。

側邊嘅人個個都望過去食花生，因為真係講得都幾大聲。

「咁背囊裝唔落啊嘛。」

然後就嘈起上嚟，其實由呢啲事度睇得出，唔唔係，應該係話，因為呢種反面教材，映襯出呀詩嘅好。

好彩呀詩唔係咁咋！雖然佢都會怨、會呻，但至少無好似頭先個港女咁蠻不講理。

「如果我好似嗰個男仔咁，你會點啊？都會咁樣發爛渣啊？」我哋係隔離食花生。

「我先唔會好似佢咁樣，好肉酸，呢度個個都熱㗎啦，佢好似當咗佢條仔係佢隻狗咁。」我表示深有同感。

「依家啲港女仲惡過啲MK妹㗎！」我望一望呀詩呢個改良咗嘅MK妹，續道：「好彩我女朋友呢係咁姐！」我伸手想去攬住呀詩條腰，點知俾佢一下拒絕。

「咁熱，唔好掂我啊。」就咁食完個花生，但都唔夠過癮

「快！快啲去涼冷氣。」呀詩第一件事諗嘅，唔係想霸個靓位，而係想涼冷氣。

我哋真係求其搵咗個位，就坐底抖，明明排個隊，無乜點出到力，但就好鬼効

呢套嘢我一早睇過，但呀詩好雀躍咁，好似個細路女咁坐定定，我都廢事阻佢嘅興致。

一開場，啲卡通人物出場，佢就露出天真爛漫嘅笑容，而我望住個表演舞台，只感到無聊，反而係呀詩令我覺得有趣。

呀詩捉實我隻手，然後湊過嚟，講：「哇！戴咗呢幅眼鏡，啲嘢睇落真係好逼真噃。」

佢仲好似個傻仔，真係走去伸隻手出去捉，想捉住個係天上面飛繫嘅阿拉丁。

呀詩個樣好鬼滑稽。

「係啊，你差少少就捉到㗎啦，哈哈哈。」我仲要係正佢耳邊同佢講。

又係一陣暴打。

佢之後又俾突如其来嘅噴水嚇親，驚訝而又突然咁發出咗一聲：「啊～～啊～」

極似女優最後俾人喺臉上發射嗰一刻嘅叫聲，當然啦，呢句我無講出口，我擺係心姐。

最後仲要俾後面嘅唐老鴨搞到興奮到係個位度彈下彈下，我相信佢下次再嚟睇就唔會有嘅反應。

「佢真係飛咗去後面噃。」呀詩低能咁講。

重拾童真嘅呀詩，洋溢住幸福嘅神情離場，出嚟無耐，就已經嗌肚餓。

迪士尼啲真係貴到癲，而且今次嚟係慶祝呀詩生日，呢筆錢，自然係入我數，荷包就嚟流血不止啦。

不過其實呀詩好體貼，佢嗌咗個最平嘅餐，一碗河粉就算，雖然佢無明講，話夠飽㗎啦，但作為男仔，呢一下真係暖人心。

對仲係學生嘅我嚟講，今日嘅洗費已經用咗好多，呀詩嘅體貼，更令我覺得今日嚟係值得。

我深知，呀詩食完其實係未飽，但佢會扮出個已經好飽嘅表情，然後講：「食到好飽啊，去散下步啦～～」

一出嚟，我哋發現咗個之前漏咗嘅遊戲，巴斯光年嗰個。

「喂喂！我哋好似未玩過喎。」呀詩拉住我，食完飯出嚟佢又精力充沛。

我任由佢拉住我，點知去到嗰陣，先發現條隊長到乜咁，打曬蛇餅。

「哇，咁多人嘅？」呀詩露出失望嘅樣，扁曬嘴咁。

「一係我哋玩住其他先？轉頭再過返嚟玩？」我哋仲有其他區未去。

「咁好啊！」呀詩好快收拾好心情，又開開心心走開咁。

轉個彎就嚟呢個森林，最先映入眼簾嘅，就係湖中間嗰間木屋，好似係泰山住嘅？我都唔係好清楚。

佢見住嗰艘船，就嚷著話要去搭！

「快快快，啲人好似上緊船啦。」我哋遠處望去，見到條隊唔算好長，但呢個大熱天時仲要跑過去，真係好擺命。

我哋最後趕到上船，我哋坐係前排嘅位，呀詩坐係我後面，話要我用嚟擋住啲會嚇人嘅怪物。

我但笑而不語。

一路上前面有個導遊係度講解，好似每艘船都有一個，我哋嗰個解說導遊幾靚仔，連身為男仔嘅我都覺得靚仔，就真係信得過嘅。

無幾耐，坐我後面嘅呀詩就講：「前面嗰個哥哥仔幾靚仔喎。」

我擰轉面，見到呀詩眼甘甘咁望住佢，個樣色迷迷咁。

我頓時心生醋意，用我個頭擋住佢，然後酸酸地講：「唔準望！」

「做咩姐？你女就得，我望下靚仔就唔得啦？」呀詩忽然講起，我明明今日都無女啊諗多諗，呀詩咁樣，其實係佢平時都有留意我女，但從來都無同我講過，重點係，佢原來記係心。

女人真係好記仇，你唔知邊日會俾佢審判。

「我」我講唔出啲咩，硬生生吞返落肚。

呼！！！！！！呼呼呼呼！！！！！！！！！

一陣涼透嘅感覺侵襲全身，無啦啦水面上炸咗一下，遠處又炸多下，我哋兩個仲有要近距離咁食到應一應。

我頭先俾呀詩講嘅嘢佔據個思緒，我依家咁樣嚇一嚇，仲未load到咩事，就已經濕曬。

呀詩坐我後面，我原以為我係前面幫佢食曬啦，點知佢都濕曬。

今日著白色連身裙嘅佢，好易透佢嘅食衣都透緊出嚟，條件淺粉紅色嘅內衣，佢好似前排買咗無幾耐。

一齊耐咗，連呢啲私密嘅都知道得一清二楚，佢仲一連串買咗呢款唔同嘅顏色，因為減價，然後走嚟問我邊件好，所以好有印象。

因為我揀嘅。

後面啲男仔嘅眼光有意無意咁飄過嚟呢度，我對呢啲眼光好敏感，見佢哋扮曬不經意咁望過嚟，但個個不其然咁係呀詩身上停留數秒。

對男仔嚟講，幾秒已經好多。

「我月你調一調位啊。」我平靜咁同呀詩講。

「下？一陣再嚟多獲，我係前面咪食曬？」呀詩擔憂地道。

「唔會㗎啦，都就嚟一圈啦，後面無乜嘢㗎啦。」我勸說。

呀詩就同我調位，我將我自己花襯衫除落嚟，短袖嘅，呢排男仔好興呢類襯衫。

我都唔執輸咁入咗件，點知依家就大派用場，幫呀詩遮曬佢透嘅位。

呀詩先係愕然，望一望我，好快就會意過嚟，怕醜咁係度低頭竊笑。

估唔到我仲可以見到呀詩怕醜嘅一面，女仔羞澀嘅樣係好可愛，當然，肥婆另計，啲喺叫可怕。

可怕同可愛係體重上係可以有天壤之別。

我哋無講啲咩，就咁靜靜咁遊埋最後嘅船河。

落船嗰陣，呀詩打咗個哈癡，我就揶揄佢：「乜你咁湧㗎？」

「你囉！擋啲唔擋啲咁，牛高馬大坐係我前面都幫唔到擋水，你話邊個問題啦？」我唔明點解佢仲可以聲大大。

「頭先明明好好氣氛，俾你一句搞衰曬！」呀詩扁曬嘴，手上繫繫咁扯住我件襯衫。

「好啦，我衰啦，知你生日想要個浪漫嘅時刻啊嘛。」我溫柔咁講，廢是一陣呀詩跳曬制，到時候真係收唔返。

我哋個身仲濕緊，係呢半個森林入面行，直到乾得差唔多，我哋就去返頭先嗰個未玩嘅機動設施度玩埋佢。

個天開始慢慢暗落嚟，依家差唔多到黃昏時候，天氣都無咁熱，開始有啲涼。

「無乜人啦喎，我哋直接入去都仲得喎。」我同呀詩講。

然後我哋好順咁行到入去，前面都仲有人排緊，但呢種少人嘅情況，好爽。

我哋拎起支搶，射嗰啲箭靶，哈！同我玩呢個，真係乜得輸。

「輕鬆啦玩呢個。」我彈咗呢句出嚟。

「好招積喎！輸俾我咁點先？」呀詩信心爆棚咁講。

「輸俾你嘅話，我扮一日米奇老鼠又點話。」我搞笑咁講。

「哈哈！噃，你話㗎，你成日咁口響，下巴輕輕咁，你咪撚走數啊仆街仔。」呀詩火辣辣嘅脾性又顯露曬出嚟。

佢好認真。

無出過聲，架車開始郁動，我俾佢個氣場嚇親，佢好認真咁瞄準，架機前面嘅數字係咁升、係咁升。

而我就因為怯一怯，有啲位失咗手，影響自信。

我竟然由一開波就無追趕過呀詩嘅分數我仲諗住呢關可以輕鬆啲，搞笑啲，扮下以前玩嗰啲槍game角色咁。

點估到會咁認真嘅姐。

搞到我好有啲種追分嘅壓力係度。

我真係輸咗，然後呀詩對無我戚戚眉我好尷尬。

「記得啦喎，一日米奇老鼠。」佢好瀟灑咁落車，留我自己一個係原地

我出到嚟，面如死灰。

「依家扮啊？」我問道。

「梗係唔係啦，等我話要你扮嘅時候，你先要扮！」我已經打算做好變身成米奇老鼠嘅準備了。

「咁姐係幾時？我要啲時間準備㗎喎。」

「我以為你會走數添。」呀詩無望住我講。

「我喝，點會走數啊，應承過你嘅嘅我幾時走過數啊？」真男人就係應該要願賭服輸。

「係咩？」呀詩思考中，「諗諗下，又好似係喝，哈哈！」

「咁我要你扮嘅時候，再同你講啦，我會記住㗎啦。」呀詩講完之後，就真係無再提起過

「啊！！！前面嗰個，嗰個旋轉木馬，我之前見啲人係度影得好靚。」呀詩咁樣講，好似又係，呢排ig都有出現過啲人係度影相。

「幫我影啊，幫我影。」呀詩一蹦一跳咁走埋去。

「唔準影得我咁衰㗎！」呀詩叮嚀我。

好多張相之後，呀詩先滿意，收工。我諗再繼續咁樣影落去，我真係就嚟變成一個攝影師啦。

「你睇下啊，隔離嗰個影得幾專業！」呀詩望住隔離嗰個男仔，拎住部相機幫個女仔影相，隔離條女幾索，露曬膊咁，擺出個誘人嘅姿態。

「我叫你睇個攝影師啊，唔係叫你睇條女啊！！」呀詩捉住我隻手，然後就咬落嚟。

之前佢通常都係撼吓嘛，點估到佢今次會咬落嚟，痛楚好快遍佈全身。

「喂喂痛痛痛。」

「仲望唔望？」呀詩死都唔鬆口，抬起頭望住我。

「我、我研究緊點樣影女仔影得靚吓，你估我真係女咩？」我狡辯，但合理㗎嘛，係咪先？

「咁你試下再影我，睇下靚唔靚！」佢半信半疑咁睥住我。

一望住鏡頭嗰陣，就瞬間變臉。

後來啲影，佢都滿意，先肯放過我，然後就係叫我嚟影合照。

我哋心生一意，將部手機擺係一個唔知咩箱度，個角度啱啱好可以影到我哋連埋個背景。

我哋影咗好多個姿勢，我哋有一張係對望，唔知幾耐，好似無咁樣貼住額頭咁望到對方雙眸。

呢一刻，我都會有些少怕醜，呢個動作，曖昧到羞澀。可以清楚望到呀詩雙眸入面眼中嘅自己，好似俾佢吸咗入去咁。

我哋去到城堡底下，已經人山人海，暮色已投身黑暗，我同呀詩拖住手，趕頭趕命話想見到煙花一開波喲一剎那，點綴夜空喲一刻。

「好彩趕得切。」我哋趕路喲陣，係笑住咁趕。

我哋求其搵個位攝入去，已經差唔多企係美國小鎮大街喺度，其他人都等緊煙花，我同呀詩本來由拖住手，慢慢變做輕輕攬住佢條腰。

係呢個等待嘅過程，我哋心照不宣，估唔到我會有種起曬雞皮嘅甜蜜感。

煙花係城堡喺度發射，我覺得係仲未點亮成個夜空喲陣，係最靚，最令人期待。

「哇」周邊嘅人發出啲聲響，我隱約聽一呀詩都有係度哇。

「好靚啊。」我終於聽清楚。

「係啊，你要記住第一次嚟迪士尼係同我，仲要睇咁靚嘅煙花喲。」我講道。

「傻仔，有咩可能忘記。」連身為男仔嘅我都覺得好甜蜜，我唔想諗太多以後嘅嘢，只係想好好地享受當下。

呀詩本來企係我隔嚟，慢慢欣賞緊煙花喲陣，就越攬越實。

變咗企係我前面，我從後攬住佢。

呀詩講完個句無幾耐，忽然轉個身嚟，傾前咁錫我，佢成個重心埋咗嚟，搞到我後退咗幾步。

我睇唔清佢嘅表情，此時此刻，我感覺到呀詩對我唔係，係話對呢段感情刻骨銘心。

喺煙花底下擁吻，如果有個cam係度，我哋基本上就喺係度拍緊電影咁，想必呢個畫面一定好靚。

佢錫咗幾秒，我無合埋眼，我望住眼前嘅煙花，再攬緊呀詩，成個畫面好唯美。

呀詩錫完之後，咩都無講，就擰返轉頭，繼續欣賞個煙花。

我攬住佢，將自己個頭放係呀詩膊頭度，聞住佢熟悉嘅氣味，每一次聞，都覺得好香。

好長一段時間，煙花嘅頻率開始低，有人已經開始散場。

要維持一段感情，甜蜜嘅環節真係必不可少。

因為咁，我覺得我同呀詩之間，好似無乜點變過咁，仲好似以前咁。

但其實唔係，我哋都會長大，只係當初嘅心，仍然猶在。

煙花好短暫，係我哋仲可以享受埋甜蜜嘅悸動嘅時候，就咁無聲無息咁落幕，黑夜中仲漂浮緊殘留嘅煙霧。

「走囉。」呀詩依依不捨咁講。

我哋跟住人群慢慢咁離開迪士尼，美國小鎮大街啲鋪頭都開始關店。

「哎呀，今日無行到呢啲鋪頭添。」呀詩講完之後繼續自言自語，「不過就算行都無錢買，窮啊！等我哋遲下有錢，出嚟做嚟之後再嚟多次好無啊？」

雖然呢條唔係咩選舉題，無得你答唔好，但係我卻發自内心咁答佢：「好啊。」

因為我都想再同呀詩嚟多次，噃看似委屈妥協嘅背後，其實係真心、心甘情願咁付出。

「你又應承我多樣嚟啦。」希望佢今年嘅生日，可以令佢難忘啦。

呀詩撓住我手臂，捱住我行成條小鎮大街。

入夜之後，天氣開始轉涼，呀詩挂住我取暖，今日著得好清涼嘅佢，係抵受唔到寒冷。

我頭先件靚都俾埋佢，但都好似好凍咁。

我唯有攬住佢，就算作用不大，都好過無。

「有無暖返啲啊？」我不停咁摩擦佢手臂，唔係抽水，而係希望咁樣可以暖返啲。

「有，暖返啲。」呀詩笑住咁講，但佢手臂依舊冰冷，好明顯佢講呢句都係想安慰我，我卻覺得呢啲小事已經凸顯出呀詩嗰份善解人意，係深深咁刻入骨子裡。

「咪扮啦，明明就凍到震。」我有啲心痛咁講。

「一條我哋跑去地鐵站？跑過去就暖曬。」呀詩成個人好跳脫，猜不透。

「下？你認真？」

「係啊，慢慢跑過去。」呀詩做出個小學生跑步嘅動作，不過佢不靚都唔怕旁人嘅眼光，我知佢係認真嘅。

「今日你生日，你大曬！」我拖住呀詩，慎重咁問佢，「咁跑啦喎？」

「你真係好多嚟！」呀詩已經跑起上嚟，不過我好快已經超前咁佢。

由頭先跑過嚟睇煙花，依家呀詩又繼續跑，出咗迪士尼嗰條長路跑起上嚟，都唔易。

嗰下嗰下嘅佢，臉上總係掛住歡樂，我真係好愛好愛咁樣嘅佢。

跑到一半，呀詩已經喘曬氣嗌唔得，佢似乎無頭先咁凍。

「多謝你。」佢跑完之後氣來氣喘咁講。

「咩多謝啊？」講完之後，再諗幾秒，先明佢講嘅多謝係指啲咩。

「多謝你今日帶我嚟，我自從開咗學之後，就無再試過咁開心。」聽完呀詩咁講，我有啲愕然。

因為我以為佢開始咗新嘅階段，試到新嘅人、新嘅生活，會有新嘅快樂，點知原來佢唔係咁睇。

「你返學返得唔開心咩？」

「只係覺得好多人讀，要讀得好唔係咁易，而且最煩係啲人事，啲groupmate都好難搞，如果我自己一個做嘅反而無咁麻煩。」

「邊撚個講話上大學之後易讀，就可以脫離中學狂讀書嘅苦海？」呀詩抱怨起上嚟，至少佢係我面前，願意講出真心話。

「所以呢一日係我呢段日子最期待嘅一日，果然，我好開心。」呀詩俾迎面吹嚟風搞到個頭有啲凌亂，佢整一整理自己嘅頭髮，有種凌亂美。

「你生日，你開心就得。」佢突然咁認真，搞到我有啲唔好意思添。

「生日快樂。」我覺得最後都要講返句嘅。

「淨係生日快樂咋？禮物都無份啊？你句生日快樂又講得出口喎。」呀詩調皮地調侃我。

「哇！帶你嚟迪士尼呢份禮物仲唔夠大禮啊？你條友貪得無厭喎。」我用兩隻手指輕輕夾佢個鼻。

「我已經好滿足，不過頭先以為你會拎份禮物出嚟添，搞到我空歡喜一場，如果你頭先拎份禮物，就完美啦。」

「你話㗎！」俾佢咁樣講一講，激起我男人要面嘅心。

男人係唔激得㗎。

我即刻係背囊度，拎出個包裝好嘅禮物出嚟。

「嗰！唔好話我唔夠完美啊？依家完美未啊？」我大大聲咁串佢。

而呀詩呆咗望住我，似乎覺得不可思議，然後又驚訝又笑住咁望住我，我哋無視係度離開緊嘅人，呀詩笑到見牙唔見眼。

「扁你咩真係，哈哈哈哈哈哈哈哈哈！」

「點解你可以頭先唔拎出嚟？」佢一直好奇怪呢個位。

「咁易俾你估到咩？你呢個貪得無厭嘅女人，哈哈。」我都俾佢惹笑。

「俾返你囉！我先唔稀罕！」呀詩扁扁嘴，又扭計。

「你唔想知點解我會有禮物咩？下？」我引誘佢，喺旁人眼中嘅我哋，就係喺度耍緊花槍。

「唔想要份禮物啦？」呀詩背住我。

我拎出份禮物，拎埋個盒出嚟，不慌不忙咁拎條頸鏈，從背後吊係佢面前。

呀詩想伸手搶，我即刻抽起佢，佢搶唔到之後，就擰轉身，好惡咁望住我。

「要唔要啊？」我再次擺係佢面前。

呀詩又伸手去搶，我今次俾佢拎走。

「點解你會知我想要呢條米奇老鼠頸鏈嘅？」佢對眼充滿住好奇，見到佢咁恨想知嘅樣，我就好有成就感。

「仲唔簡單？因為見你facebook有like過呢條鏈囉。」我沾沾自喜，續道：「而且我仲係頭先買嘅。」

「趁、你、去、咗、廁、所、嗰、陣。」我憋不住笑意。

「哦！！唔怪之我出到嚟唔見咗人影啦！」呀詩恍然大悟。

「你臨急抱佛腳喎！」呀詩甜蜜地抱怨著。

「最後結果OK咪得囉。」我跟住笑。

呀詩遞條鏈過嚟，繼而柔聲說：「幫我帶。」

我接過後，溫柔咁企係呀詩背後，將頸鏈繞過呀詩性感嘅鎖骨位，幫呀詩扣起條頸鏈。

呀詩珍而重之把玩條頸鏈，條頸鏈好纖幼，戴係佢身上啱啱好，更顯佢鎖骨位嘅性感。

「完美啦！」呀詩轉過嚟講，然後問一句個個女仔都會問嘅問題：「我靚唔靚啊？」

「靚！點會唔靚啊？我送喫喎。」我笑得無奈但甜蜜。

呀詩滿意地笑，今次，佢講唔出有啲咩不滿啦。

「仲有無咩唔滿意啊？」

「你想嘅話，實可以有喫！」呀詩拖住我，行出呢個迪士尼樂園，佢表情係掛住心滿意足咁離開。

係忙碌過後，可以開開心心咁過一日已經好難得，因為呢一日過後，我哋又回復返忙碌嘅日子。

呀詩之後忙往返工，本來佢返學嗰陣已經有返工，但呢段期間佢返得仲多。

接佢收工，去食下嚟，有時間嘅話仲可以睇下戲添，呢啲已經係我哋平時拍拖嘅節目。

並唔會下下都會好似去迪士尼咁，有套期待好耐嘅電影可以一齊去睇，都已經好開心。

雖然放假我哋都會要返下part time，但係盡量有時間都會抽空出嚟，不過同之前有啲唔同嘅係

呀詩想去嘅地方，需要靚，同埋要影相。

我見佢ig度都好多人影靚相啊，食好西，係呢種社交媒體嘅渲染下，都會受到影響。

唔好話呀詩啦，我ig都會見到，其他同學時不時又會po下啲旅行下，由一大班人嘅聚會相，變成啲個人相或者係拍拖相；由近鏡嘅合照，變成影到成個人連埋背景嘅照片。

呀詩呢種原本就企係潮流尖端嘅MK妹，對呢種事可以話係極為敏感。

嗰陣去完迪士尼之後，呀詩返去就係ig上面開post，都係啲靚相，當然我同呀詩嘅合照都係入面，下面啲留言都係好sweet之類，我估唔到呀詩ig多咗咁多我唔識嘅人。

因為一睇就知唔會中學嘅熟人。

呀詩啲post閒閒地都過100like，嗰個仲好似成200幾300like添，我唔專登去睇返都唔知，我搽like嗰陣仲係30幾40。

佢ig follower嘅人已經過千

雖然唔係較公開，只係估唔到上咗U之後會識到咁多人？相反我係asso呢邊都無乜幾可話識到朋友。

「我哋過幾日去西環碼頭囉？」呀詩放工之後同我講。

「可以啊，又去影相啊？」已經唔係第一次，之前先去完個西九龍海濱長廊。

「係啊，想開學前去玩下。」呀詩佢知自己之後有排忙，所有想喺忙碌前，多啲享受下。

「啊我下個學期就住hall啦，你之後得唔得閒幫我手搬啲嘢啊？」呀詩突如其来一問。

「哇，你又想出去玩，但又要搬嘢啊？」我盡量排下我個更表。

「係咪唔得啊？」呀詩通常知自己唔夠我講就會打橫嚟講。

「得，實得嘅！」我笑住講，包容呀詩嘅任性，係我應該做嘅。

我哋兩個有來有往，如果淨係得我單方面嘅話，我諗我唔會咁包容，呢啲都係需要建基於平等嘅關係上。

我對住hall完全無乜概念，淨係聽聞過一啲好荒淫無度嘅事，仲有啲奇奇怪怪嘅事，所以我一開始都擔心呀詩。

當然唔會擔心佢純品，驚佢俾人呃啦，係驚佢玩過龍。

「你洗唔洗咁多嘢啊？」我係呀詩屋企幫佢執嘢，發覺佢間房大半嘅嘢都執清曬。

「你好似搬屋咁喎。」

「你都唔知我幾想搬離呢個屋企我恨不得清走曬啲嘢啊！」呀詩綁起個馬尾，呢個look好似好耐無見過，以前返學明明成日睇到，原來咁樣嘅佢好清純。

「係呢，你同你呀爸講咗未啊？」我關心地問道。

「問咗啦，佢淨係同我講咗個四字金句。」呀詩面無表情咁答我，佢哋兩個嘅關係可能就咁一世。

要咁樣對自己嘅子女嘅話，點解當初要生佢落嚟？

「係咩啊？」我估唔到係邊四字金句。

「理撚得你。」

聽到呢度，我更加想俾多啲自由呀詩，等佢可以做自己想做嘅嘢，就算去玩咪去囉，只要唔好玩過火，踩到底線，一切都可以商量。

一路以嚟，佢都太痛苦。

我幫佢抬到樓下，樓下個姐姐都算通氣，見呢期大家都會搬嘢入嚟，就叫我哋快啲搬完就好走啦。

上到去之後，佢間房入面有人，我稍微有啲嚇親，始終都係女仔房，難免有啲尷尬。

個女仔一頭金色長髮，著住件寬身睡衣，係大到件衫已經斜咗落嚟，見到膊頭嗰隻，下半身係失蹤咗，露出白滑長腿，佢就咁盤坐喺張床度，低頭玩緊手機。

佢見我哋入嚟，就抬起頭望我哋，好好笑容咁對住我哋講咗聲「嗨！」

個女仔有對電死人嘅眼，係幾靚女，但感覺有陣妖氣。

我同呀詩都簡單咁回咗句嗨，就擺低啲嘅，因為真係又多又重

「洗唔洗幫手啊？」個女仔轉咗個姿勢，坐係床邊問我哋。

「唔洗啦，我哋兩個應該搞得掂。」呀詩有禮貌咁婉拒。

然後個女仔無出聲，微笑點下頭，無幾耐，佢又開口講：「你男朋友對你好好噃，肯過幫你拎嘢，仲幫你執埋嘢。」佢意味不明咁笑著說。

「咁梗係啦。」呀詩佢捱埋嚟我度，撓曬手咁。

人大咗呢，見嘅場合多咗，就自然識得分辨啲人，好明顯眼前呢個女仔，係咁好有心機嘅人。

識得洞識人心，控制對方或者自己情緒，識得用說話去挑逗你、挑釁你，亦都知道咩係收放自如，知道自己去到咩位，講啲咩說話，可以為自己帶嚟咩後果同埋影響。

我未曾見過呀詩咁保護性，就連好似Gigi咁，其實呀詩都未嘗過佢係威脅，但呢個女仔唔係仲要係第一次見面，可能呢啲就係女仔睇女仔嘅直覺？就如男仔一眼就睇得穿佢係咪一個狗公。

「佢真係好好㗎，呵？」佢望住我，其實係逼緊我答。

「係啊，係得你先咁覺得㗎咋。」我心諗，我唔想捲入啲女人嘅紛爭度。

唉，之後佢哋兩個相處一定收硬皮。

「好Sweet啊。」佢呢一句嘅語氣好明顯唔係真心咁讚，再問：「係呢，點稱呼你哋啊？」

自我介紹完之後，呢個女仔名叫呀May，Double May

佢見無乜話題，就繼續玩佢嘅手機。

我哋繼續執嘢，唔得閒理佢，太多嘢啦，雖然呀詩講話叫我唔洗執，佢自己嚟就得，但係我見佢咁多嘢，唔忍心要佢做咁多。

執得七七八八，呀詩就嗌肚痛，就去咗廁所。

得返我同嗰個女仔，尷尬嘅空氣令我都想去廁所。

佢趁得返我哋兩個喺陣，坐埋嚟，我哋兩個就咁坐係床邊，唔講仲以為拍緊愛情動作片。

「你哋一齊咁幾耐啊？」呀May故作輕鬆咁問。

「都成三、四年啦。」

有出嚟返下part time，又係asso讀咗一個學期，睇人都係一種需要磨練嘅一種技巧嚟。

呀May成個人俾出嚟嘅感覺，就係其他人有嘅好嘢，佢都想得到手，佢係會想盡辦法點都要得到為止，甚至乎佢係享受呢種追求喺陣嘅刺激。

呀May越貼越埋，我亦都越坐越過，就嚟坐到埋牆了。

「都好耐㗎，佢有咩咁好啊？」佢有股好獨特嘅香味，係好似成熟女人會散發出嚟嘅嘢，帶點俗氣。

老實啊，男女都一樣會遇到引誘，無特定嘅條件。我唔係咩靚仔，又唔係高，又唔係型，好明顯佢唔係貪你啲咩，只不過佢想破壞你哋之間嘅「好」。

「佢無咩唔好。」我講到好玄。

「姐係點姐？咁我好啲，定佢好啲啊？」呀May用佢對勾魂眼望住我。

「如果你要挑剔一個人嘅話，你挑剔一世都挑剔唔完。」最後佢成功逼我去牆角，我未至於正氣到咩企起身，推開佢，然後正義凜然咁扁柒佢。

我覺得咁樣做實在太懶鳩，成個馬國明同埋郭晉安咁嘅feel。

佢將隻手放係我大脾度，輕輕咁掃到落膝頭哥度，我任由佢掂我，講真，我無蝕底。

「我唔會背叛呀詩，就算你點樣挑逗我都好，我個心都唔會動搖，你呢招對其他男仔係會有用嘅！」

「我同你係第一次見咋喎，三唔識七你都對我做呢啲嘢，我唔知你係想試我定點，但至少我唔係你之前遇到嘅男仔咁。」

「我唔想講咁多廢話，更加唔想猜度你嘅用意，但係如果你係想咁樣嚟搞散我哋兩個嘅話，我諗你做多咗啦。」我好認真咁講，我唔需要俾面一個啱啱第一次見嘅人。

不過我擔心嘅係，呀詩同埋啲嘅人住姐。

「係咩？」呀May唔服氣咁講，好明顯佢條氣好撥唔順。

呀詩開門返咗嚟，我無驚惶失措，因為我行得正企得正。我企返起身，行去唔知點好嘅呀詩隔離，同佢講，我都要去一去廁所。

臨出去前，我擰轉頭望一望呀May，佢用色瞓瞓嘅眼神望住我放電，呢一幕好我覺得佢唔係做俾我睇，而係呀詩

痴線！！女人古惑起上嚟，真係好撥恐怖。

我係廁所度洗咗個臉，俾自己冷靜啲，返去嗰陣，呀詩已經執好啲嘢，坐係度揾緊手機。

佢間房靜到呢兩個都黑口黑面咁，呀詩面無表情咁講：「走啦。」

唉，仆街啦咁樣。

睇嚟我之後都無乜機會上嚟啦，如果我同呀詩真係想扑嘢，睇怕都要返佢屋企，或者嚟我度。

「唔好咁啦，對唔住啦，但但我我頭先真係無做啲咩㗎！」我好認真咁澄清。

佢都係無講嘢。

我拖住佢，咩都講下，引下佢注意力啊，話同佢食好嘢啊，話嗰度有隻貓同隻狗係度扑嘢啊

佢都無理到我。

「唉，我無瞓你，但我真係唔想講嘢。」經過一番鬧騰後，佢都算睬下我。

「係咪因為頭先你返嚟到我同佢咁樣？」咁佢要瞓，係無可厚非嘅。

「唔係，如果你真係有心要搞啊，就唔會係我面前啦，仲要趁我去廁所？唔好傻啦，甚至乎你唔會俾我知添啦。」呀詩呢一番說話，我駁唔到。

佢咁清楚？？莫非

只要一個人唔想俾其他人知，真係可以一世都唔知。

又係信任噃問題。

「咁係咩事啊？」我問道。

「我只係諗，點解我搬出嚟，都要遇著呢啲噃人？」

「一係轉房囉，同埋只要我唔上去，就無事啦。」我天真咁講。

「你覺得佢噃性格淨係會關兩性噃事？」可能事情真係比我想像中嚴重。

「你住幾日，睇下情況點，再諗下轉唔轉囉，實有得轉噃。」我都想幫到手。

「唉，再算啦，之後又要開學，好多嘢煩啊」呀詩俾咁多嘢煩住，見佢頭都大埋，但自己又咩都幫唔到手，只係得無助呢種感覺。

大人噃世界，就係有咁多呢啲濕碎而又煩鳩噃嘢入侵你噃生活。

開返學之後，我哋嘅生活又再踏入忙碌。

而且慢慢又去返以前中學嗰個階段，我哋嘅感情出現停頓。平淡而無特別，無咁多事可以刺激我哋躡神經，反而好多嘢令你個腦會爆炸咁制。

功課啦，part

time，自己前途。我哋唔再好似以前中學咁，咩都以愛情行先，嗰陣嘅我，所有心思同心機都係呀詩度，直到出現冷淡期嗰段時間，其實都離唔開呀詩，只係嗰陣我無為呀詩諗過。

雖然過咗唔係好耐，我哋一齊返好似差唔多一年，未夠一年，但依家我哋有各自追求嘅嘢。

我覺得依家嘅我哋，先係最好嘅狀態。唔需要為彼此嘅愛情提心吊膽，可以全心全意咁去投入其他事，然後喺你勉強時候，有人喺你身邊陪住你，會係你嘅避風港。

以前以為男人先係女人嘅靠山、避風港。原來唔一定，原來係自己勉到乜咁，身上面嘅精神被揸乾嗰陣，你知道有人喺你身邊，唔會離開你，你可以放心咁去搵佢嗰陣，係可以令你成個人安定落嚟。

我去搵呀詩遠咗好多，始終佢唔再係我附近住，出嚟食個飯，佢就差唔多要返去做嘢。

不過呀詩多咗呻佢嘅roommate。

「我真係唔知有咩得罪佢，成日搞埋曬啲小動作，仲要扮曬蟹咁話唔好意思，大佬啊，你係咪真係以為我唔知係你整㗎？」呀詩抱怨著。

「點解有人可以咁仆街？」我一定企係呀詩嗰邊，而且我好相信呀詩嘅人品，因為佢一向以嚟，都好識分寸，相反我就唔係

「我真係唔知，我依家好驚佢唔知搞啲咩出嚟，我出嚟食個飯都要鎖住部電腦。」我聽佢咁講，真係有啲誇張。

呀詩呢排都憔悴咗好多，負能量都幾多下。

而我除咗聽佢呻，就係俾多啲能量佢，盡可能甜蜜一下，搭遠少少見上一面，都會做。

「唉，真係好勉。」呀詩放低對筷子，望住佢食得一半嘅米線，我忍唔住伸手過去撫摸佢個頭。

「食唔落啦。」佢無乜神色咁講，然後就埋咗單。

我送呀詩嗰陣，見佢頹到捱落嚟係feel到佢成個人好重，睇嚟佢真係好勉。

我哋搵咗個公園仔坐，坐公園嘅感受其實無電視劇啊、電影望落咁好受。

有蚊啦，焗熱會搞到你成個人痴笠笠。

但係呀詩一坐低，就已經成個人連埋個頭靠係我度，我估佢想係我身邊瞓下，於是坐直少少個人，調整好個位置俾佢，等佢可以有個最好嘅瞓教位置。

佢嘅長髮時不時飄過嚟搞到有啲拮肉，Sorry我放錯重點，只係現實同你睇戲完咗之後嘅幻想，係有出入嘅。

可能係韓劇入面，男女主角坐係度互訴心事，著到厚一厚，畫面飄著雨，close up佢哋嘅靚樣，好浪漫。

至少現實生活唔會係咁，不過此時此刻，可以咁樣依靠住，令我安心落嚟，繫繩咗一排嘅話，睡意都好快就嚟。

呢一個學期，我哋都好忙，已經有前一個學期嘅經驗，我哋都習慣曬呢種模式，忙功課、忙上堂、忙返part time。

我哋漸漸少咗聯絡，而Gigi最近都好似搵到男朋友，佢係ig上面都成日曬佢同男朋友嘅合照。

「你呢排成日遲到喎，掛住拍拖啊？」我不經意咁問起，其實Gigi都無同我講佢出pool，慢慢啲fd都係喺ig上面見到啲最新狀態。

好似去旅行啊，就po啲飛機相、旅行相、機票相之類，會打好長嘅嘢，啲合照會一個個咁tag，但係其實好多都唔算識。

「邊有姐。」Gigi佢笑到開曬花咁，口是心非到。

心入面不禁牽起羨慕嘅漣漪，並唔係因為之前Gigi好似鍾意我，依家就拍咗拖嘅種失落，而係羨慕佢啱啱拍拖，仲好熱戀好sweet嘅階段。

依家我同呀詩唔係無，但隨著拍得越耐，就會變得越嚟越少。

當見到人哋啱啱投入一段感情，好甜蜜嘅時候，就會不禁諗起自己依家感情生活好平淡，並唔係話咁樣唔好，點樣嘅感情最後都難以避免步入呢個階段。

上一次嘅經驗，已經話過俾我聽，所以我今次無論如何都唔會再好似以前咁。

網絡上流傳一句嘢：新鮮感唔係同唔同人去做同一樣嘅事，而係同自己以前鍾意嘅人去做唔一樣嘅事。

呢句嘢一開始好新，後來俾人用到爛。

但講得啱啱，所以我會想用心去經營，去維繫我同呀詩嘅感情。

只要佢打嚟，我就一定會接，要約嘅話，點都會抽時間同佢出街，睇佢想睇嘅Marvel電影，食佢想試嘅餐廳。

「不如遲下暑假去澳門玩返兩日啊？」我都想有錢帶佢去日本玩，但以返part time儲返落嚟嘅錢，連買我哋兩個嘅機票都唔夠。

「可以啊，但係我有啲想去長隆玩水上樂園。」佢食飯嘅時候同我講，然後佢兜話：「去澳門都得嘅，我無所謂啊。」

佢講完嗰個無所謂之後，空氣突然安靜。你估佢真係無所謂？答案一早話咗俾你知啦。

喺香港仲未發生大事件之前，返大陸玩，係其中一個唔錯嘅選擇，嗰陣時喜茶同海底撈仲未咁流行，

但返去長隆水上樂園玩，反而仲興添。

「長隆囉！澳門幾時都有得去啦，咁方便，但暑假唔係咁易抽時間。」我委協。

我自己其實期待呢次旅行，因為呢次係我哋第一次屬於我哋單獨嘅旅行。

我係想我哋會好似去迪士尼咁，甜甜蜜蜜，但呢個學期，忙碌搞到我哋嘅感情生活變得好平淡。

呀詩同我出街，唔會再精心打扮，反而出席一啲朋友重要嘅場合，先會見到佢精心打扮嘅樣。

其實呢一種心情，係好矛盾嘅一樣嚟。兩個人一齊係需要舒適自在，如果無咗呢一樣嚟，只會係兩個人用愛嚟係度互相折磨；所以呀詩無乜打扮，舒適自在咁出嚟，條件好事嚟，係我面前做返自己。只不過

只不過有陣時會覺得

頹。

係由一個百變有趣嘅事，變得沉悶單一，甚至覺得同我出嚟好似hea緊我咁，但係最擺命嘅係，我知佢無，佢會因為咁樣而覺得開心，咁樣先係最矛盾嘅嚟。

我諗，摧毀一段感情，通常都係日積月累嘅小事，因為反而大事會拎出嚟溝通，會商量，但呢啲小事唔會，講出嚟又覺得自己好似好小家咁，又無傷大雅。

但當累積到一個點，我哋唔係儲緊積分啊，察覺到嗰陣先發覺自己無辦法接受，甚至係估唔到原來影響咁大㗎？

已經好難收得返。

不安、疲勞、忙碌已經足以令一對情侶分手，其實唔洗發生啲咩大件事，例如對方偷食啊、long D之類，可以唔洗有呢啲嚟都分手。

所以話，拍拖幾難？

唔知由幾時開始，我哋會經常抱怨，唔係呻對方，而係呻佢室友，呻佢嘅gpmate，呻啲成績，呻返工。

今次，我好有耐性，好小心咁避免好似上一次分手咁，到頭來，原來未放開嘅，係我自己。

「不如你唔好每次都專登咁樣過嚟陪我啦？」呀詩睇穿我嘅辛勞。

「下？點解啊？」我唔明，我為咗想見下你，都專登過嚟搵你喎，點解又唔好啊？

可能因為我面色同埋語氣有啲不悅，呀詩有啲嚇親。

「唔係你咁諗㗎，我係驚你太勉咗。」呀詩運忙解釋。

「我唔勉啊，為咗見你，我點會勉？」為咗見下你，我幾勉都覺得值得。

「你依家唔勉姐，你總有一日會勉，我哋想要行落去嘅話，就係唔好拍得太勉。」呀詩似乎覺得我唔明白佢擔憂緊啲咩。

「我可以嚟見下你真係一啲都唔覺得勉，有時見完仲會有返動力咗，我真係心甘情願㗎。」我嘗試解釋，嘗試協調。

「但你慢慢耐咗，你會勉到出街都唔想出，會勉到唔想送我返屋企，因為你送完我再返去，嗰條路係會搾乾曬你所有力氣。」我終於搞清楚呀詩想講啲咩，當我明白咗之後，我反駁唔到。

因為我依家返去嗰段路程，我勉到淨係想瞓。

「咁我就係因為唔想見唔到你，先幾勉都想出嚟。」

「我都知，所以我幾忙都好，都會出嚟同你食個飯，我知你咁勉都走過嚟，淨係想見下我，我都唔忍心話因為忙唔出嚟同你食飯。」呀詩誠懇咁講。

「我勉到連打扮下嘅時間都無，求其著件tee就返學算。」又真，佢依家件衫，就係佢件系tee嚟，背後大大隻字印住佢邊間大學咩系，亦係佢哋叫嘅頹tee。

「等我哋忙完先再約出嚟囉，我寧願留一日for我哋全日拍拖咁樣。」然後佢講講下，眼睛眨下眨下咁望住我

「我仲有好多地方都想去影相㗎！！等你好好地咁幫我影下。」

「咁我咪仲勉？」我笑說。

「你扑嚟嗰陣唔勉嘅？咁你又扑？」佢串到應一應，就好似嗰經典一幕「臭你又奶」一樣。

「點同啊？」我駁都駁得無力過人，我哋拍得耐咗，講起呢啲嘢已經可以唔怕醜，甚至乎係唔要面咁講出嚟。

「同埋呢，你細聲啲講得唔得啊？你好撚自豪咩？」

「我咁索，點解唔自豪啊？不過睇你咁無霸氣咁，人哋一睇你就知你對自己唔自豪啦。」呢個百變嘅女人真係好難捉摸。

我哋坐係卡位，隔離圓枱嘅姐姐都望一望我哋，陰陰嘴咁係度笑，然後呀詩仲笑到gap gap聲咁。

「你俾我有時間，一定扁撲死你！」我擺返個尾彩。

之後段時間，我哋真係少咗出嚟，佢都會講下佢啲時間去咗邊度，有時夜晚都會同班fd係房度打麻雀，佢已經唔撚理啲個戇鳩室友。

然後係出發嘅前幾日，我仲滿心期待去旅行嗰段時光，可以好開心咁去玩，而且又可以同一間房，夜晚大戰返幾百個回合亦不為過！

但係，喺我返完part time，收拾好曬樓面嘅嘢，換衫嗰陣睇到個電話，喺呀詩whatsapp我。

呀詩：

Sorry啊bb.....頭先班上面有人好急咁搵我做今年Ocamp嘅組媽
話四周圍都搵唔到人
我已經講咗話啲幾日要去旅行
但佢不停咁求我
我就話問下你先
佢已經打咗幾次問我點樣
你睇到就覆下我啦.....

佢一連串whatsapp sd過嚟，我見到都真係唔知點覆，我覺得自己就嚟會俾自己好人打敗。

我：睇你想去邊囉 我哋可以遲下再去玩 Ocamp嘅組媽你都係第一次join 你可以自己衡量下.....

收工之後，呀詩就打俾我。

「你係咪真係ok㗎？」佢第一句就咁樣問我。

「咁你之後係咪無時間啦？」我無直接答佢問題。

「之後都差唔多開學，又要返part time，真係未必有咁多時間去一係我哋睇下聖誕嗰段時間點？」呀詩放軟曬態度講，我感覺到佢係有愧於我。

我心軟。

「咁就睇下聖誕點啦，我去睇下退唔退到飛啦。」因為我上網訂咗啲套票，可以住長隆酒店連埋水上樂園一齊玩。

直通車嘅飛都買埋，唯有聽日去退囉。

「對唔住啊」聽到呀詩咁講之後，的確心入面無怪佢啲咩，其實佢都太好人，呢一點我哋半斤八兩啦。

但係無可避免地感到失落。

係期待後嘅落空，然後忽然失去一路等待緊嘅嘢，原來都係會控制唔到咁覺得難過

「唔緊要啦，洗乜對唔住啊，你Ocamp嗰度應該都好多嘢忙喎。」我努力咁令自己把聲聽落精神啲。
。

「係啊，唉依家後悔都唔得啦，Sorry啊！」呀詩又再一次道歉，睇得出佢對我係內疚噃，但我唔想佢有呢一種感受。

「傻豬嚟噃，有咩好Sorry姐？你快啲忙埋啲嘢先啦。」我用平穩嘅聲線同呀詩講。

「有你真好。」隔住個電話，我都好似見到呀詩放心嘅笑容。

收線之後，我就如一個洩咗氣嘅氣球，爛泥咁坐係度。

我好努力壓制住自己嘅失落，唔想俾自己咁玻璃心，唔想自己嘅世界成日因為呀詩而起起伏伏。

我去打波，打機。

無去到旅行，嗰段時間呀詩係度忙緊，而我就搵其他事嚟做，返工啦，打波，打機。

我想用咁樣嘅方法嚟分散自己嘅注意力，等自己唔好諗起呀詩。

呀詩每日都會打電話嚟，同我講下佢準備Ocamp嗰陣有咩嘢發生啊，又會問下我點啊。

係咪兩個人一齊耐咗，就會變得枯燥？

我好似有段時間無見過呀詩我都想同呀詩出嚟拍下拖，但我又唔想煩到佢，一齊咁耐，其實又唔洗一下都見。

想見佢嘅衝動因為自己壓抑落嚟，變得更加想見呀詩。

無論我做緊啲咩，打波又好，打機又好，當我拎起手機嗰一下，我就不自然咁期待呀詩嘅訊息同埋miss call。

夜晚我又無聊去打波，打到効嗰陣，有少少空檔就會諗起佢，諗起佢同啲組員應該玩得好開心，因為呢一日係佢入camp日，佢琴日都係匆匆咁同我講完個電話，就又要準備其他嘢。

「洗唔洗我過嚟幫下你手啊？」我問。

「唔洗啦，我執完啲嘢又要聯絡下啲組員，原來組媽唔易做」

「哇——」都未講完，電話裡頭就傳嚟佢嘅尖叫聲。

「你做咩啊？」我緊張咁問。

「啊無事！」呀詩嘅聲音拉返近，「頭先掉咗舊布丁，唉曬咗。」

「哈哈，你估老母易做啊？」我笑笑口咁講。

「屌你！咪叫老曬啊，話曬我以前都係風華絕代嘅MK妹。」我聽到佢食嚟嘅聲音。

「你終於肯認你自己係MK妹啦？」呢個MK妹已經唔再MK啦。

「超，有咩好唔敢認姐。」呀詩好自豪。

「喂我唔同你講住啦，我嗰組嘅組爸打俾我，我遲啲打返俾你啊。」呀詩急急腳咁同我講。

「好啦。」我都未覆得切，就已經收咗線。

之後呀詩就無再打返過嚟俾我

佢有同我講過佢今日入camp，我諗佢真係忙到傻掛？但心入面又有啲

不安。

唔知佢會唔會同其他男仔玩得好開心，唔知有無咩狗公溝佢，但係之後有試過，亦都證明呀詩唔係呢啲咁隨便嘅女仔，我應該放心先係。

唉，好煩。

我打完波，拎起個電話，我見到有個miss call，我歡喜咗一秒，下一秒見到打俾我嘅人唔係呀詩。

但望真啲，又令我幾驚喜。

係子晴打嚟。

我撥返個輪過去，係等待嘅過程入面，諗起都成年無同子晴聯絡。

自從佢話要斷曬社交之後，真係喺ig啊、facebook、whatsapp上面都見唔到佢

佢whatsapp上面嘅last seen竟然可以仲停留係上年嘅10月，就無再online過。

呢一年發生咗好多事，前半年香港亦發生咗雨傘運動，我都過咗好忙碌嘅一年，著緊啲成績到不得了，早知自己都做到嘅話，就DSE再努力啲啦屌！

我同呀詩，都好似因為忙碌而拉遠咗距離咁，我知子晴同呀詩都無聯絡，我諗仲keep住有聯絡子晴嘅，得蕃薯仔掛？

不過奇就奇在，連蕃薯仔都失蹤埋，搵極都唔出嚟，成日話要陪子晴溫書，久而久之就無乜點約蕃薯仔。

「喂？」呢把熟悉嘅聲令我生活有返一絲絲興奮。

「喂！好耐無見喎！」同返老朋友聯絡原來條件咁開心嘅事，係咪證明自己開始老啦？

「真係好耐無見啦。」子晴把聲聽落都好似蒼老唔係，係成熟咗好多，嗯點講呢，俾人感覺係老練咁，經歷多咗。

「你呢排點啊？」子晴率先問候下我。

「我？都係咁，呢年好忙啊，淨係追成績都煩死人，平時又要返part time，都就嚟劙死我。」坐係籃球場嘅我，忽然有種衝動想約佢出嚟食個嘢，傾下偈。

「係呢！」

「係呢！」

我哋咁啱異口同聲一齊講，我俾我哋呢下默契整笑咗，細心諗下，我都好似唔知幾耐無咁樣真係開懷咁笑下，對上一次我諗係同呀詩去迪士尼掛？但係都大半年前嘅事啦

「點啊？你講先啦。」我無咁好氣咁同子晴講。

「我想問呀詩佢點姐，我頭先打俾佢又無人聽。」唔怪得啦，所以先打俾我。

「佢入ocamp做組媽啊，佢依家應該係camp度忙緊掛。」我好輕鬆咁講。

「哦唔怪得啦，咁咁你唔驚㗎？」

「驚咩啊？」其實我知子晴想問啲咩。

「驚呀詩俾其他男仔溝走咗囉！聽聞ocamp好易有火花㗎嘛，啊你頭先想問啊？」又跳得咁快嘅喂

？搞到我都唔知答佢邊樣好算！約咗出嚟傾仲快。

「無，不如我哋依家出嚟食個嘢啊？咁耐無見，應該好多嘢講，哈哈！」

「嗯嗯都好喝！出嚟食個糖水啊。」我比較鍾意呢種即興嘅活動，夠爽快，而即興意味住大家咁啱都有呢個時間，係難得嘅緣份。

「好啊！」

我嚟到糖水舖，佢仲未到，呢間糖水舖係我哋中學出去玩完，食完飯之後喫下場嚟。

之後嚟呢度食糖水嘅次數越嚟越少。

入面啲位full曬，得返出面位可以坐，出面熱辣辣，都唔易頂㗎。

我坐低無耐，就見到熟悉嘅身形行緊過嚟。

「喂！好耐無見㗎。」又重複頭先喺電話嘅說話。

「又嚟？」我笑說，「你睇下有咩食啦。」

係昏暗嘅街燈下，子晴依舊咁靚，清純嘅氣質都係咁強勁，但好明顯佢成個人睇落滄桑咗好多，佢換咗個成熟嘅髮型，著住件白色連身長裙，飄下飄下咁過嚟，同埋佢臉容憔悴咗好多。

「我諗好啦。」子晴講，「你諗好未啊？」

「一早諗好啦。」

「咁嗌嘅先？」

「好啊。」

「唔該！寫嘢！」

嗌完嘢食嘅空窗期，就係入戲肉嘅時候。

「點啊？又話好多嘢傾嘅？」我估到係呢句開場白。

「依家又唔知由邊度講起好，哈哈。」的確係好多嘢想講，但去到真係要講嘅moment，又因為選擇困難症搞到唔知由邊度講起好。

「啊你係咪放咗榜啦？」我忽然醒起，就好順勢咁問咗出嚟。

「係啊，放咗好耐啦，Jupas都放埋啦喎。」佢笑出口同我講，似乎係笑緊我無知？

「我知，只係點解你都放咗榜但又唔同我哋講姐！」我脾住佢。

「Jupas放完無耐就搵你哋啦！只不過我呢排仲要搞掂埋其他嘅先咋嘛。」子晴佢撥一撥啲頭髮，呢一下係幾迷人。無見咁耐，子晴好似有啲唔同咗，但又好似一樣，唔識講

「咁你同蕃薯仔點啊？」我都想約下呀蕃薯仔出嚟。

「我我諗住同佢講分手。」子晴語出驚人，嚇親我啊。

「下？？」我大聲到嚇親正準備上糖水嘅女職員，我連忙同佢講Sorry。

「搞咩啊？」我好奇一問，而且係極之好奇，佢哋兩個明明好地地喫喫！而且蕃薯仔呢一年又陪子晴retake咗一年，理應感情更加深厚先係。

「你哋唔係好地地喫喫？蕃薯仔佢好愛你喫喫。」

「我知佢好愛我啊，亦都知佢好就我，但原來咁樣，會加速愛情嘅熄滅。」咁咁抽像噃？佢中文應該考得幾高分。

「唔明。」我直言。

「我簡單啲講，姐係越係咁樣遷就，其實會更加快無咗層火花，我哋甚至連交都無嗌過我都唔知我係呢般關係裡面，算唔算係幸福。」

「你話佢唔錫我，唔寵我咩？又唔係，理應係好幸福先至係，但我就係無乜邊個moment感受到幸福。」

「佢份人比較木訥，唔識啲咩浪漫嘢，亦都好好，但就係就係咁囉。」

子晴長長咁嘆咁口氣：「唉」

「唔知點講好。」佢無奈。

咁樣講完，我又有啲明子晴想表達啲咩，但我實在覺得如果佢哋兩個咁樣分手，好可惜。

「蕃薯仔佢本身就係咁，由你識佢嗰刻就知佢係毒撲嚟，當你應承話同佢拍拖嗰陣，佢真係好開心好開心，雖然佢好傻，啊我係指嗰個樣，但係佢為咗想俾最好噃嚟你，盡曬力。」

我諗返起蕃薯仔前排成日話唔得閒，要陪子晴溫書，我有問過佢陪人溫書唔悶喫咩？

「唔悶啊，我哋一路以嚟拍拖都係咁。」呢句說話好touch到我，真心。

因為對我嚟講，真係悶到仆街，我會無幾耐就想打機瞓教，但係蕃薯仔唔同，呢個就係佢對拍拖從一路終噃睇法。一路都係咁，有咩問題啊？

蕃薯仔唔想變喫其實，只係現實都要焗住人變咗嘛。

「唉呢啲我都知，所以我先話諗咗嘛，我都成日說服自己咁樣無問題，我同蕃薯仔一齊係開心，我哋去台灣grad trip嗰陣都好開心。」

「但係當我問自己係咪真係幸福嘅時候，我真係無辦法好肯定咁答到自己，你明唔明啊？」

我無出聲答我，我都係度思索緊，靜靜咁食每次嚟呢間鋪都會嗌噃芒果西米露。

「咁你呢？你有無諗過同呀詩分手？」我估唔到子晴會突然間咁樣問。

「老實講，係有諗過嘅。」我覺得喺子晴面前唔需要隱瞞啲咩，佢連呢啲事都同得我講，就無咩好唔老實了。

人如果唔同人分享下自己嘅話，會屈住屈住，好苦悶㗎。

「所以我哋都係諗下，我覺得會諗過係好正常，證明真係認真思考過你哋兩個係咪真係噃繼續係埋一齊，而唔係盲目地因為一齊得耐，而勉強自己繼續係埋一齊。」

「但係我想像唔到有一日同蕃薯仔分手後，會變成點。」子晴講完後，無望住我，低頭食糖水。

突然個話題變得沉重。

「我之前同呀詩分開過，嗰段日子生不如死，我同佢好難得先再係返埋一齊，但呢排我覺得我哋慢慢越行越遠咁，就好似我哋兩個本來喺同一個星球，卻慢慢分裂成兩個星球咁。」

「呀詩都好愛你㗎。」子晴抬起頭，望住我意味不明咁笑。

扁我load咗兩秒先明，然後同佢相視而笑，子晴抄我講嗰句嘢，佢講得無錯，但就係咁矛盾同埋無奈。

「就係因為對方係咁愛自己，所以搞到我哋有分手呢個念頭嘅自己，覺得自己好撏賤係咪？」子晴一語中的，我苦笑咁點頭，認同佢所講嘅嘢。

「咁你真係諗住同蕃薯仔分手？」我認真問。

「唔知啊。」

「你有無同佢講過啊？」

「無，我都唔知點講好，就連同你講，我都係唔知點開口講。」

「最後你咪又係忍唔住講咗？」我笑住串返佢。

「頂你啊！」子晴伸手過嚟打我。

咁樣嘅對話好似去返中學咁，坐佢隔離間唔時係度打打鬧鬧，呢啲光景日後買少見少。

「我覺得你哋真係傾下好啲喎，有心行落去就好好地傾下啦。」我講。

「其實道理我哋都明，但做起上嚟唔係咁易，而且仲好受心情影響...」

子晴接住講：「你同呀詩都可以好好傾下㗎，係咪？我哋兩個啲問題都好似，好似同繫自己個影子對

話咁，都幾搞笑。」

「點估唔到一年後嘅我哋，會傾呢啲嘢。」我答子晴。

喺晚我哋傾到好夜，糖水就食得好快，但我哋斷唔到個話題，就係街上面周圍行下。

子晴佢順利入返U，佢呢一年捱得都好辛苦，無人陪你，每日起身靠嘅就係自己嘅意志力起身，然後溫書做卷，為嘅就係想提升短短嘅一至兩個level，做到効嗰陣就睇下中文小說放鬆下，呢個就係佢唯一嘅娛樂啦，係屋企嗰陣。

其次就係同蕃薯仔去圖書館溫書，佢溫緊書嗰陣，蕃薯仔就咁坐係佢隔離睇下書玩下手機，或者睇佢。

「咁你有無去玩Ocamp啊？」同時我都想知蕃薯仔俾唔俾子晴去Ocamp。

「無啊，我對呢啲無乜興趣，可能我呢一年太摺，無乜朋友，我都好習慣呢種模式，有幾個真心嘅朋友係度，對我嚟講就夠啦。」

「你諗嘅理性得好成熟。」我忍唔住講。

「個人選擇嚟姐，都唔關成唔成熟事。」

「好成熟啊！！！」我派下膠。

「哈！」子晴搞嘅咁一拳打埋嚟，佢都陪我膠埋一份。

「你話你咪成日都搏大啊？都唔知呀詩點忍你」

「我同佢都少咗見，平時都少咗嘅傾，不過佢唔洗點忍我，因為佢份人都膠下膠下。」係人哋面對提起自己女朋友，原來係會掛住佢。

就喺呢個當下，我好掛住呀詩，好想依家拖住嘅就係佢。

「都係嘅，我都想見下佢，可惜佢呢排都唔得閒，連佢男朋友都唔得閒見。」邪惡咁對住我笑，條仆街。

呢一晚我哋傾到好夜，傾到夠皮先走，我哋正處於青春嘅中央，我哋仲有好多時間可以揮霍，所以幾夜都好，都可以慢慢暢談。

當第二日嘅時候，一切瞬間回復正常，喺種心入面嘅空虛感，籠罩得更加犀利。

我諗返起子晴嗰段說話，亦接受唔到依家呢種感覺，決定等呀詩完咗Ocamp之後，好好地傾下，溝通下。

呀詩出camp嗰陣好開心咁打俾我。

「我出camp啦！」我收咗工之後接到佢嘅電話。

「有無掛住我？」佢喺電話入面好興奮咁講，只不過我聽到無辦法有咩同感，我知道呀詩帶個組係新嘅體驗，實會有好多感受，但我無經歷過，無辦法身同感受，只能夠聽佢分享。

「我頭先仲期望話你會嚟接我添，點知出到嚟人影都無個」呀詩似係抱怨，但其實係撒嬌。

「我頭先返緊工啊嘛。」我有啲冷冷咁講。

「咁你出唔出嚟食啲嘢啊？」佢難得好有興致咁講。

「我食咗嘢啦喎。」我講完之後，電話裡頭靜咗幾秒，我即刻補返句：「陪你食啲嘢都ok嘅！」

如果唔係呀詩落唔到台，不過我諗係時候趁呢個機會好好地溝通下。

「咁你想食咩啊？」

「你食咗嘢啊嘛！你頭先食咗咩咪食咩囉！」佢小氣到，平時嘅佢就係咁。

反而咁樣令我猶豫係咪應該講？係咪最近我諗多？係度杞人憂天？

「我頭先食空氣啊。」

「你！李建強！你要我食空氣啊？」呀詩難以置信。

「唔係，係我食姐，你想食咩就食咩㗎啦！」又要費力氹佢，先前嘅擔憂暫時得以一掃而空。

佢揀咗間餐廳食，一路話好肚餓，要食返啲人食嘅嘢，而且佢嗌得都有啲多。

呀詩，其實仲係我熟悉嘅呀詩。

「我哋係咪好耐無見啦？」我嘗試性地問下。

「係咩？可能無啦啦接咗Ocamp，太忙啦。」細心嘅佢，察覺到我嘅別有用意。

「係咪怪我太耐無陪你啊？」

「咁又無怪，只係覺得我哋見面嘅次數越嚟越少姐。」

「掛住我？」呀詩古精靈怪咁問，換轉以前，我會俾佢逗笑。

但今次，我想認真咁傾一傾呢個問題先，難得開咗個頭。

「當然會掛住啦，但呢一年，我哋都好忙，見面慢慢越嚟越少，我好驚我哋會越行越遠。」

「可唔可以唔好講呢個話題住？」呀詩收起頭先嘅笑容，亦都認真咁同我講。

我啞下呆咗，我原以為我股起勇氣去傾嘅時候，應該可以好好地溝通，點知會咁樣俾呀詩一句就收皮。

我呆到唔知俾咩反應佢好，佢亦都知嘅。

「我唔想啱啱完咗Ocamp，難得開心嘅心情就咁樣毀咗。」但係佢心情同埋語氣好明顯已經影響咗，開始加重。

「我知個問題，但可唔可以遲下先傾？」呀詩佢呢個認真而目無表情嘅樣，好耐無出現係我面前，平時佢都係開開心心嘅樣。

「嗯好啦，我知。」聽完之後，我明白嘅，我揀咗個唔啱嘅時機講呢個問題。

「雖然呢次Ocamp都幾成功，其他人都好滿意，因為有啲幾爆嘅位，但係真係好効，開心還開心，依家就真係効到仆街，瞓得唔夠仲要每日都用盡奶力咁，真係効死。」

「所以我依家無咁樣嘅心情同埋力氣同你去傾呢啲嘢，但我知嘅，真係。」喺最後，呀詩都放返軟個態度。

我之後就問佢啲Ocamp嘅嘢，就無再提過我想傾下嘅嘢，將佢暫時收埋係心底。

心入面諗，咁就由佢先啦，目前都解決唔到啲咩，就咁先囉。

佢講好多Ocamp嘅嘢，亦都唔難睇得出佢疲倦嘅臉容，眼神有啲飄。

「你真係好効咁喎。」我問。

「係啊，我依家隨時都可以瞓著，你聽日搵唔搵到我都唔知啊。」佢一隻手托住個頭，無精神食飯咁。

「咁你可以唔洗嚟食飯，直接返去瞓啊嘛，傻豬！」我心疼佢，見到佢効成咁，返去補補眠仲好啦。

「因為我知好耐無搵你，除咗一放出嚟，第一時間就想見你之外，我都怕你會因為耐無搵你而唔開心，果然女人嘅直覺真係好準，哈哈哈！」

「所以幾効都出一出嚟。」呀詩用疲倦嘅樣，溫柔地望住我講。

最後無講到，我打算送呀詩返去抖。

「我今晚唔返hall啦。」呀詩忽然同我講。

「下？點解嘅？」

「我老豆返咗大陸，佢返大陸都係去滾咋嘛」呀詩通常可以唔返去都唔返嘅，我都好耐無上過去呀詩屋企。

「咁你今晚可唔可以嚟陪我？」呀詩嫵媚動人咁靠近我，佢請我食波餅嘅意思已經好明顯啦！

哇！我哋都好耐無恩愛下啦，幾句話已經令我成個人振奮起嚟，好快咁答佢：「好啊！」

我哋今日返去熟悉嘅區，好似電影入面，既熟悉又陌生，行過嘅街都係我哋中學拍拖時一定會行過嘅地方啦，前面拖住手嘅情侶就好似我哋以前嘅影子咁。

呢排我哋拍拖都係去啲近佢嘅地方，或者係旺角，返嚟港島都好少，始終過海貴。

突然有啲感觸。

依家嘅我，啲情緒習慣自己一個人消化。

「好耐無同你返嚟呢度啦。」呀詩行返嚟佢屋企樓下嘅時候，忽然開口同我講。

「我對呢度嘅回憶，全部都係得我同你，你嗰陣成日送我返嚟，仲俾我拉咗上嚟我屋企，仲有部呢部手機，都係你喺度送俾我，用下用下已經好幾年，依家都出到6，就嚟出6s添。」呀詩無頭先咁効，但聲線明顯有心無力。

「掛住我啊？」我學佢嘅語氣。

依家我反而有種可以唔洗再傾嘅錯覺。

「無喝！」呀詩撒嬌咁講，我知佢係喺度口不對心，但今日我想佢親口講出啲兩個字。

「真係？」

「係啊！」呀詩脣起雙頰，漲卜卜咁好可愛。

「咁唔挂住我就算囉，返去啦我。」我諗盡辦法想套佢話。

我扮轉身返去，即刻呃到呀詩用力咁拉住我隻手，本身佢撓住我，無用力，依家好明顯感覺到佢用力拉扯住我。

「你試下？」呀詩表情倔強。

「但你話唔掛住喎？」我喺心裡面竊笑著，偷偷地暗爽。

「咁你依家掛唔掛住我？」難得地見到呀詩臉上閃過一絲羞澀。

原來就算拍耐咗拖，都一樣可以搵返屬於以前、亦係我哋獨有嘅感覺，兩個人有心就做到。

「掛」

「掛咩啊？」我咄咄進逼。

「掛住你囉！」佢終於講出口，終於親耳聽到「挂住」呢兩個字。

可能，呢段時間我就係想搵返呢種簡簡單單，得閒串下嘅感覺。

喺我哋不斷往前衝嘅同時，我間唔中都想返返去過去，掛住以前充滿MK味嘅佢，著衫MMKK，行個街買啲平平地嘅嘢食，係街度邊行邊食，有時想搵返呢種簡單嘅感覺。

至少依家搵返，斷咗嘅回憶一下子上曬線，我以前就係咁樣愛繫呀詩，其他人唔會俾到呢種感覺我。

我摟住呀詩嘅纖腰，嚟到呢個好耐都無嚟嘅地方，原來眨下眼咁就一年。

呀詩間房少咗好多嘢，少咗佢係度嘅痕跡，枱面上遍佈塵埃。

「你幾耐無返過嚟啊？」我忍唔住問。

「我搬走之後真係無返過嚟，其他roommate禮拜六日返屋企嗰陣，我都無返到去，我寧願自己一個係hall。」呀詩不以為然，淡漠嘅表情掛係佢臉上。

「咁你可以叫我陪你㗎嘛。」

「我嗰陣都忙住溫書，同埋真係會想有下自己空間，平時roommate已經夠煩㗎啦！好彩之後換到房咗。」

「唔得啦，我真係好撲劙我去沖涼先。」

然後呀詩開咗水之後，我忽然諗到，佢咁劙，仲要沖涼，我可以幫佢沖涼！

呢啲唔知係咩AV或者係H漫情節，因為係我除衫嗰陣，我有一刻覺得依家嘅我好變態，最後用呢啲係情侶入面好普遍嚟說服咗自己。

我一入到去，呀詩嚇到叫咗出嚟。

「扁你咩！吓死我。」佢嘅劙樣因為咁而精神返。

我同呀詩肉帛相見，雖然唔陌生，但係咁樣沖涼，好似都係第一次。

「你個變態佬偷偷地走入嚟同我沖涼？」雖然講就咁講，但係呀詩隻手仲好自然咁拎緊花灑咁沖涼，沒有絲毫抗拒。

「我見你劙先諗住入嚟幫你沖涼咋！」我沒羞沒澀咁同佢講。

「你慳啲咸濕仔！」呀詩無理到我，係度享受緊沖涼。

我唔咸濕就唔係男人啦，但我唔係禽獸，唔係見到就要跟隨自己嘅慾望去做嘅狗公。

但見到呀詩係度沖涼嘅光景，佢曼妙嘅身軀俾水親吻全身，緩緩地流過重要嘅部位真係好靚、好正。

「我幫你沖啦。」我入埋去，係狹窄嘅浴室入面，企一個人已經勉強，加我入去，更加窄。

我貼住呀詩嘅身體，基本上同佢已經貼實曬，無乜空位。

「唔洗啦，兩個人沖涼仲煩。」

「我幫你沖啦，咁就唔煩啦，你好好地享受下俾人服侍仲好啦。」我講完之後，呀詩無再講啲咩，莞爾一笑，嫣然無方。

我擺淋浴露，慢慢塗滿呀詩全身，每一吋肌膚我都無放過，輕撫每一個佢可能効嘅位，就算呀詩背住我，我都感覺到佢放鬆嘅狀態。

我指尖游走佢胸部嘅時候，呀詩下意識地抖一抖。

「你係咪幫我沖涼㗎！」呀詩柔聲責罵。

「你唔好心邪就真！」我即刻駁嘴。

「係咩？我好似感覺到有嘢頂住我喎。」呀詩向後一伸，就捉住我漲大嘅巨龍。

我幫佢沖水，要佢轉身過嚟俾我沖水。

「不如我幫你出咗火先啦？」呀詩見到咁，亦好識做，硬住嘅我都忍得好辛苦。

但係我都唔想見住佢咁効，仲要做呢樣嘢。

「唔洗啦，等你瞓夠，聽朝起身先啦。」我直接係佢嘴脣錫落去，我驚我再咁樣落去，會理智線斷裂。

「嚟，幫你洗埋頭先。」

我要呀詩轉個頭，幫佢洗頭，我其實唔識洗，洗到一塌糊塗，最後呀詩佢話不如佢洗返啦。

於是我就沖咗個快涼就出去，呀詩仲係入面沖水。

呀詩出水芙蓉嘅樣，幾時睇都咁靚，佢係房度拎個風筒出嚟吹頭髮。

「我嚟啦。」我接過佢手頭上嘅風筒。

呀詩笑了。

「做咩啊？」我無知地問，我以為呢個舉動實會sweet到佢，點知佢不明地笑。

「你依家先識做啊？之前咁多次都唔幫我吹頭髮！」呀詩甜蜜地抱怨著，雙手大模廝樣咁撓起嚟，成個公主咁。

「咁你唔叫！？」你叫我就做㗎啦，我心諗。

「要叫先做啊？你睇下你幾無心肝啊。」呀詩卻甜甜地笑，佢擺埋個舊式圓型嘅粉紅色鏡，由鏡嘅倒影見到呀詩係度笑。

「不過講開又講，又好似真係第一次幫你吹頭髮。」我吹吹下嗰陣回憶返，好似係段關係入面，我都冇啲位做得唔好。

「咁樣幫你吹頭髮好似老夫老妻咁，每晚臨瞓前都幫你頭髮。」我幻想緊嗰個畫面，真係好好，實好幸福。

一邊幻想，一邊集細咁把玩佢嘅頭髮，確保佢頭髮每個地方都乾，咁多頭髮要吹乾佢都真係唔易我仲等緊呀詩回應我，點知無曬聲氣。

我望望塊鏡，呀詩嘅眼皮已經低到合理咗，佢真係太効啦

我開始feel到佢個頭chock下chock下咁，咁樣佢都瞓得著，成個細路仔咁。

我確保吹到乾曬，隻手都好効，我仲要唔知咁樣吹得啱唔啱，呀詩成個人彎曬落嚟，後面佢係趴咗係張枱度瞓著咗，我就照樣拎住佢嘅頭髮，繼續吹！

吹完之後公主抱佢上床度瞓，一抱，發覺條友都重咗幾多喎！俾佢知道我又會俾人鬧，但係呀詩身體仍舊咁柔軟。

輕輕放佢落床，係側邊照顧佢瞓，唔知係咪耐無見，耐無接觸，嗰種愛意特別濃厚，開始明啲人點解講小別勝新婚。

「嗯～～～～～」呀詩嬌嗲咁捉住我隻手，啊唔係，係抱住，兩隻手咁樣攬住我隻手，攬住我隻手嚟瞓。

我突然俾佢扯咗落張床度，我就咁俾佢扯住咗，除咗望住佢瞓，我都做唔到，手機又遠嚟。

我錫咗佢一啖，忍唔住。

呀詩睡姿幾可愛，而且將近排嘅陰霾一掃而空，驚覺我對呀詩係無變過，無可否認係淡咗，因為少見姐。

慢慢我嘅睡意來襲，我都攬住呀詩瞓，攬住佢真係零舍好瞓，攬攬下慢慢往上攬，發現呀詩件衫入面係咩都無著，無內衣，嗰個觸感軟綿綿！

忍唔住偷襲咗一下。

因為咁，我精神返

扯起咗。

好難平靜自己，然後入睡。

對住呀詩，我好似無厭過，仲成日會慾求不滿，只要係埋一齊噃種，就會想要。

我忍住自己嘅慾望，叫自己唔好去諗呢啲，幾經辛苦，先瞓得著。

喺我難得瞓得冇噃陣，我好似感覺到有人整緊我但噃種感覺幾舒服，我仲以為自己係夢入面，我係睜開咗少少眼，懷念緊呢度係夢定現實。

我聯想到啲嘢，即刻醒一醒啦，點知原來係我多心

呀詩佢瞓到我大脾到唔知做咩。

扁，我仲以為會有咩AV情節咁添，然後柔聲似水，帶點性感噃聲線同我講：「你醒啦？舒唔舒服啊？我好想要啊！」

原來只係佢瞓咗係我大脾度，個姿勢唔知想點，有點扭曲。

我起身嗰一下應該驚動佢，佢問我咩事。

我先問返佢：「你做咩瞓我大脾啊？」

「我頭先醒咗下，見你呢度硬繩繩咁，想幫下你啦，點知你大脾又幾好瞓喎，就瞓著返。」呀詩嘴邊留低一絲壞意。

扁你老母！係就幫下手啦，瞓咩嘢？

我心入面咒罵著，但不起形於色。

「但係佢依家都一樣硬繩繩喎。」我拋媚。

「咁你係咪想我幫你啊？琴晚見你忍得咁辛苦。」呀詩已經趴係我心口，一隻手係下面進攻緊。

「想唔想啊？」佢問。

我哋之前情到濃時就會自己開波，依家到咗開口問都無問題噃地步，個感覺有稍微唔同咁。

就好似由扑嚟去到做愛咁。扑嚟聽落好狂野，做愛就似係情感噃交融。

「點會唔想啊？」我直白地回答。

呀詩都好識做，順勢隻手「工作」起上嚟。

係早上起身，見到自己噃枕邊人喺隔離，望住佢起身，然後仲可以執返劑，係幸福過準備個浪漫噃夜晚，然後大戰一場，相擁入睡。

前者似係夫妻，後者似係情婦。

我會鍾意前者。

窗簾光將早上噃陽光滲少少入嚟，我哋唔知咩時間，但成個過程好溫和。

一種錯覺，以為我哋以後日日都可以係咁。

當我哋晏晝食埋嚟，佢話佢老豆就返，我先驚覺，原來我咁唔捨得。

由有啲唔實際嘅幸福感拉返嚟赤裸嘅現實。

喺晚之後，生活嘅所有嘢都返返去水平線，照常返下part time，忙功課，就連打機嘅時間都無以前咁多，而呢一年，係最忙最chur嘅一年。

因為關乎之後升唔升得返上U，好多人都搏曬命溫書，Gigi都係，我見佢成日都會拉住佢男朋友去溫書。

子晴都入咗U，開展佢嘅新生活，ig用嘅次數都多咗，但佢嘅相入面，少咗蕃薯仔咁。

我有whatsapp過佢，問佢最後同蕃薯仔點。

子晴：無咩點啊，我最後都無講到。

我：點解嘅？

子晴：因為佢係我最無助嗰陣一路陪住我，如果我啱啱捱過咗，入到U，然後就講分手，我覺得自己咁樣好仆街

子晴：我會好內疚。

我睇到呢到，我藍剔咗，我唔知點覆子晴呢段說話，覺得好無奈，亦感受唔到有愛情係入面，我係冇啲接受唔到。

覺得咁樣只係拖落去，繼續一齊，只係因為唔想喺種內疚感纏身。

呢一刻，我係度諗，呀詩會唔會都係咁？

我無去問呀詩，我哋嘅生活一切如常，我亦都尊重子晴嘅選擇，佢有佢自己嘅考量，決定點樣，都係佢哋兩個嘅事。

依家唔會再好似以前咁，做埋啲雞仔媒人，喺個年紀，撮合一對情侶條件好開心嘅事，依家關心人哋嘅感情，係一件好尷嘅事。

人哋都有人哋嘅難關，係需要佢哋自己去克服。

我同呀詩一唔見，就好似將大家嘅生活分割咗咁，佢會忙佢大學嘅嘢，佢都無去玩，但搵我嘅次數，手指加腳指就數得曬。

出到嚟拍拖，又無乜嘢，佢會不停講，而且好似糖痴豆咁，可以滿足我嘅，都會滿足我。

上高登睇感情台，上面啲人成日話條女唔理你，實係搵其他男仔啦，小心啲戴帽啊，唔怕戴㗎其實，最緊要除得快！

搞到我有陣時都會諗，呀詩係咪都會有其他男仔呢？

尤其是大學咁花花世界，係hall又可以咁精彩，上其他堂啊、上莊又可以識到其他男仔，俾人撩都唔少啦。

曾經我都有懷疑，但係佢嘅表現無咩可疑，所以我想知嘅，佢都會一五一十咁話俾我知，呢種猜疑心先係最可怕

因為你連細節位都可以猜忌。

我有一刻諗過呢啲係咪都係作嘅呢？下一秒我就駁返自己，如果連呢啲都要作故仔，都幾尷下，事前就已經諗掂個劇本，然後同我拍拖就好似一個表演咁，將個劇本演繹一次出嚟。

拍拖要拍拖到咁，真係幾可怕。

所以我選擇相信，既然選擇相信，就唔好又猜疑，我會信到底。

一係就做戲做成世吧。

我同呀詩咁就差唔多一齊第四年，橫跨咗中學同埋大學嘅開頭，雖然我係Asso仔。

不過一早就已經習慣呢種平淡，各有各嘅生活。

「生日你諗住點過啊？」我直接問呀詩。

以往，我會諗下一啲驚喜，準備好耐好耐，就係為咗佢因為見到呢份禮物而露出驚豔嘅樣。

我會因為呢一下爽好耐好耐，返到屋企臨瞓教前都係loop繫呀詩嗰一幕。

但係依家唔會，一嚟無咁嘅時間，二嚟咁樣做好効，同埋覺得之前都整過唔少驚喜俾呀詩，今次唔整無壞姐。

我後來，亦成為唔到我想做嘅類人——

就係堅持為咗呀詩，落盡心機。我高估自己，真係天真得可以。

「無啊，我呢排啲功課都好多，我唔想爛grade啊，生日都係一日姐，點樣過都無咩問題。」呢幾日都無乜傾到電話，我聽到嘅，都係whatsapp嘅語音多。

「咁食餐飯？」我都同意呀詩，唔單止佢，我都係咁。

「好啊。」呢段0.3秒嘅錄音，隔咗半日，喺凌晨時分sd嚟。

第二朝我覆返佢：「咁你想食咩？」

我哋溝通嘅頻率已經去到咁，又有股莫名其妙舒暢。

「求其一間都得喫啦，交俾你諗啦！唔係我生日都仲要交俾我做啊？」佢語下之意姐係：作死啊？

到咗呀詩生日，真係我哋第一次過得咁簡單，平鋪直敍到我都唔知可以點樣描述。

約係間餐廳，唔算高級，就咁普通不過嘅餐廳，但呢款嘢係呀詩好鍾意食嘅類型，我專門揀咗間平靚正嘅。

佢嚟到，無乜特別打扮，好素咁出嚟，妝都無化。

反而呢個樸素嘅樣有返啲MK妹味係度，戴咗頂cap帽，寬鬆嘅衫加條短牛，下半身失咗蹤咁，白哲而修長嘅雙腿，加對嘅排好興嘅nmd，感覺有啲重現返當年嘅風彩。

餐飯普普通通咁食完，無乜特別嘢，傾嘅都係傾大家學校嘅嘢，最多咪最後買咗個細蛋糕俾佢，加多支蠟燭俾佢吹，影咗幾幅相，就無了。

張相仲要挑剔好幾次，又話邊度邊度唔靚，要點影，擺曬post咁，要捧起個蛋糕影响港女都係咁的。

無禮物，一餐飯，甚至連氣氛都欠缺。

「唔好搞咁多嘢啦，要開心嘅話，唔一定要喺一日先嚟開心，平時開開心心先緊要。」呀詩喺陣同我講。

「我以為女仔對呢啲儀式感會好注重添，無論咩年紀都會鍾意添。」

「人會變喫嘛，之前你講咗個問題，我返去唔係無諒過喺陣時我先知，原來我不知不覺間都變咗咁多。」呀詩忽然認真起上嚟。

食完飯後，我哋係街度漫無目的咁散下步，頭先食得太飽啦。

「會變好正常姐，我都會。」我講。

「我哋呢個期間除咗愛情之外，仲有其他嘢想追求啦，我一直以嚟都好想脫離屋企咁種家境，同時間因為屋企咁樣，我由細到大都好無安全感，好彩中學嗰陣識到你，我先可以毫無後顧之憂咁去追求自己想要嘅嘢，但原來咁樣係會忽略咗你。」後來講講下，我聽得出呀詩嗚咽嘅聲音。

「其實我好明，我自己都一樣係咁，我想上返U，我想入返同你同一間大學，我哋就可以多啲時間見下，但係同時間，我想係呢兩件事入面拎個平衡。」

「係我搏命讀書嘅同時，我想兼顧同你嘅感情，我開始發覺如果我哋兩個都係追求緊其他嘢嘅話，我哋會慢慢行得越嚟越遠，我哋會無咗喺個連結點，到時候可能去到想修補都無辦法修補嘅地步。」

我拖住呀詩係熟悉嘅角度看，我哋都好多嘢回憶，朗豪坊已經俾我哋行到無嘢好行，行嚟行去都係喺幾間鋪。

但每次經過，我都忘記唔到我第一次同呀詩喺條長命電梯度見其他MK仔女攬攬錫錫，自己又跟住佢哋咁樣對呀詩攬攬錫錫。

後來唔會再係喺度打茄輪，會攬下，打打鬧鬧，傾下偈。

「所以係我做得唔夠好，Sorry。」呀詩愧疚咁同我講。

我信我哋呢段關係入面無第三個人係度，但原來都可以咁多嘢煩，唔一定要去到分手嘅地步，先整喊到人。

我見到呀詩咁樣，身為男人嘅我，都有啲眼濕濕。

「我哋唔洗比較邊個做得好啲，我只係想我哋可以係呢段關係度，坦坦白白。」

我哋又行到嚟朗豪坊。

行上呢條電梯，呀詩悠悠地說：「但係咁樣落去，你會好委屈。」

我企係呀詩下面，佢同中學嘅look完全唔同曬，由頭到腳都唔同曬，但我好似比以前更加愛佢

我做返四年前嘅動作，吻上呀詩嘅雙唇，無放開，電梯緩緩咁升上去，我哋溫柔咁打茄輪。

呢一吻無第一次噃種刺激，至少我依家唔會因為咁樣而有生理反應，就算我心入面好唔想承認，不斷想做好多嘢喚醒我哋以前噃種激情。

依家我先徹底明白，就算幾愛一個人都好，都係會去到呢一個階段，噃種成年人口中所講嘅變成親情咁。

聽就聽得多，真正體會嘅又有幾何？

並唔係無咗愛係度，愛一直都在，只係少咗激情，少咗怦然心動嘅感覺，如果唔係對呀詩仍然有種渴望係度，真係好容易會誤以為對呀詩無曬感覺。

好多愛情片入面，都係呢個位衰咗。

「我唔想你係呢段關係入面感到委屈」呀詩離開了嘅嘴唇，直視住我，幽幽咁講。

我意識到呀詩接下來想講啲咩，我即刻講：「我唔覺得呢啲係咩委屈，我心甘情願為你做咁多嘢，係因為你值得我咁樣做，並唔係違背自己意願噃。」

呀詩立即攬住我，都幾用力，講話：「我只係唔想見到你辛苦姐，我知你好愛我，亦因為上次分」

呀詩未講完，就差啲整跌自己，因為個電梯已經到頂，佢背住個電梯無為意到。

我一手托住佢條腰，扶住佢先拎返個平衡。

「你頭先講咩啊？」最後我聽得唔清楚。

「我係話我知你因為上一次分手，你覺得自己有好多位做得唔好，一齊耐咗之後，你慢慢無理我感受，唔想再好似以前咁，miss咗我任何一次需要你嘅機會。」

「我之前都驚過，我哋分咗手之後再一齊返，會唔會一樣都會有條刺好馬不吃回頭草，我同呀彥分手之後我都同自己講過，我拍拖嘅話，散咗一定唔會返轉頭。」

我估唔到呀詩會認真到拎返咁耐以前嘅事嚟講。

「但係你真係唔同，中間噃段時間我以為自己可以斬得斷，點知原來自己一直係度十五十六緊。」我哋又再搭上去，搭完上去又再搭返落嚟，不停咁游河。

「一齊返之後我又唔覺得我哋之間有條刺，反而一切順利咗好多，我都安心咗好多，呀強你都成熟咗，大個仔咗，同時間我都知自己要向前行，唔可以俾自己好似以前咁MK落去。」

「但慢慢地，我覺得我反而做得唔夠多，反而係我忽視咗你感受，好諷刺。」

「我真係唔需要你做幾多幾多，我只不過係想維持我哋初頭嘅感覺，但原來只係我太天真姐。」我都開始明，係我自己太執著以前美好嘅光景。

一邊掛住以前，浪費緊現在，又擔心未來。

「之後我想再做好啲，好無？」聽到呀詩咁講，我真係幾開心，咁樣已經好滿足。

「好。」呀詩佢好溫柔咁捧住我塊臉，左右手不停咁係搓搓搓

「多謝你咁信我。」佢之後講咗呢句。

「傻嘅咩，多咩謝。」

「我知大學好多人嘅感情都係呃呃氹氹，呢個傷完嗰個，受傷嗰個又去搵水泡，然後又傷返人，中間經歷唔少又呃又氹嘅嘢，咩又背住第二個搵第條女，手機度又唔知收埋啲，我個fd就好似癩雞咁日日疑神疑鬼，搞到成村人都好擔心佢」

「之前同我住緊嗰個啊，諗住勾引你嗰個啊，背住佢long
d緊嘅男朋友，成日帶第啲仔上嚟扑嘢，呢個世界真係唔啱我玩。」

「老撥土咁講啊，依家咁樣真係唔係必然嚟。」今日好唔慣呀詩咁正經添。

「得啦得啦，好撥老土啊！」我取笑呀詩。

佢聽到我呢句之後，個人即刻紅都面曬，尷尬到怕醜。

「扁你啊！！！明明頭先就好深情，就算真係老土啊，你都唔好講出嚟啊嘛！」呀詩個樣好好笑，之前嘅心結，總算兩個人一齊解開咗。

我估，如果之後要咁樣行落去，一定會經歷好多次呢啲時候，只要兩個人心無芥蒂先可以一直維持落去。

起碼依家暫時做到先，要做到，已經唔容易。

「你俾啲新意得唔得姐！咪成日學TVB咁啦」

咁啲朗豪坊個電視機就係度播緊TVB最新劇集嘅宣傳片，都幾應景。

呀詩企係我前面，因為樓梯關係，個人矮咗一大截，顯得嬌小可愛。

「你睇下」我指一指個螢幕。

呀詩轉身望一望，然後望返嚟，怒睥住我，嘴角抽蓄緊，忍唔住笑咗。

之後呀詩真係多咁搵我，msg係覆得密咗，但係我哋個話題始終越嚟越少，好多時都係生活上面嘅分享。

二十歲至三十歲呢段時間好快就過，因為生活上實在太充實，每日都會有唔同嘅事煩住你。

當你清閒啲嘅時間，你已經効到淨係想癱係張床，咩都唔想做。

然後過咗中間嘅考試，辛辛苦苦捱完，正享受完第一日嘅假期，手機就震起上嚟，係Gigi打嚟。

我同佢變得越嚟越fd，啱啱識嗰段時間有啲尷尬尷尬咁，到後尾熟絡之後，就咩都夠膽講。

「嗚嗚嗚嗚嗚嗚嗚」我一接起電話，電話入面就係抽泣聲，加一時斷斷續續嘅收鼻涕聲。

「咩事啊？」我問完之後，都係得唔到回應，所以等佢發洩完啲情緒先囉。

Gigi係呢通電話入面不停喊，老實講，我係有啲嚇親，到底咩事可以令佢打俾我，然後要不停咁係度喊。

過多陣，佢開始喊到効嘅時候，放慢曬個節奏。

「做咩啊？」我小心翼翼咁問。

「我我男朋友，佢係出面有第二個」呢個係我頭先佢喊嗰陣，估嘅其中一個可能性。我有諗佢係咪考得唔好，或者係屋企有啲咩事。

「我真係好辛苦讀書已經夠辛苦，屋企人又成日唔俾我呢樣唔俾我嗰樣，連我男朋友都要咁對我。」Gigi一輪嘴咁樣咆哮，我估佢真係壓抑咗好耐，唔知可以同邊個講先打俾我。

「仲要話我唔識服侍佢仲嫌我唔俾佢掂。」中學畢業之後，忽然覺得個世界大咗好多，好多千奇百怪，你想像唔到嘅事會發生喺你身邊。

同埋我估唔到佢會分享到咁深入。

「下？姐係佢想搞你？但你拒絕咗，咩樣？」我疑惑地問。

「嗯嗯。」Gigi用佢嘅哭腔無力地發聲。

「我覺得就算你唔俾，佢都可以尊重你，用好啲嘅語氣講姐。」我唔知點安慰人，我覺得我講啲嘅都廢廢地，但我真係唔知講咩好。

而且我哋都大個，呢啲唔需要好似小朋友，有啲種封建嘅思想，如果呢個係一個問題嘅話，都係需要拎出嚟傾同理解決佢㗎。

都幾慶幸我同呀詩無呢方面嘅問題。

「佢之前有試過幾次，但我真係好効，同埋好辛苦，先同佢講暫時唔好住。」

「跟住呢？！」我問。

「跟住佢就嫌棄我咁我嗰刻真係好唔想啊嘛，我其他女仔朋友都會講佢哋啲經歷，我都會想試下，但每次到嗰個moment我就覺得未係時候。」Gigi把聲就咁聽都覺得好委屈。

Gigi咁樣做真係無錯，自己嘅第一次梗係想珍而重之咁交出去，唔想咁兒戲都好合常理。

但係電話面前，我語塞。唔知講啲咩安慰佢，又唔知俾咩意見先有用，更加唔想講啲呀媽係女人嘅廢話。

「喂喂？」Gigi呼叫我。

「聽緊啊。」我抽離個思緒。

「你覺得我可以點我真係唔知點做，好辛苦啊我好鍾意佢，我唔想初戀就咁樣完。」

「我可以點做啊？」Gigi問我。

Gigi佢講完「初戀」兩隻字之後，我猛然諗返起，呀詩都係我初戀嚟，我竟然開始忘記呢一樣嘢，覺得件事好神奇。

初戀可以一齊咁耐，而且仲要好似佢咁好，我係唔知行咩狗屎運。

「但係你好鍾意佢，嗰個時候卻俾唔到佢？」我講出自己嘅疑惑，我想知佢嗰刻點諗。

「我係想嘅，但佢嘅行為令我好緊張，好似急住想要放入嚟咁。」聽住Gigi咁講，感覺好怪異。

個怪異嘅位係當下冇曬畫面。

我唔敢再往下諗，然後我繼續問：「佢有咩反應啊？」

「佢一開始都講話慢慢嚟，唔急嘅，但第二朝起身就又想試」我幾感激Gigi對我嘅信任，呢連啲都會同我講。不過可惜嘅係，我都唔知可以點幫，唔通叫佢同我試下，睇下知唔知個問題係邊啦喎？

無可能㗎嘛。

「就咁睇嘅話，你男朋友都唔係咁好嘅姐，我唔會戴頭盔，我都真係講事實。你哋第一次都搞到咁唔愉快嘅話，好影響你哋之間嘅關係，性係一段關係人面，真係好重要，呢樣嘢大家平衡唔到嘅話，一係你辛苦，一係就佢辛苦嘅姐，而且佢仲會嫌你嘅話，日後但凡你哋有咩唔順心，就會咁樣嫌，嫌棄多過體諒。」

哇，我忽然間好似聖人上身咁，唔講唔覺自己都成熟咗添！嘻嘻嘻嘻

「咁姐係你都覺得我要俾佢？」Gigi咁樣一問，我白眼都差啲反埋出嚟。

「唔係啊，我無話要你俾佢定唔俾佢好，我只係想話俾你知個事實，然後分析俾你知姐，你俾唔俾佢，應該係你話事㗎嘛。」搞到咁我怕佢諗埋一邊。

「嗯！」Gigi心情仍舊低落。

「如果佢係要逼你嘅，你都知佢係咩人啦？」忽然間我又做咗開導人嘅角色，我真係唔識安慰人㗎！

「但我真係唔想分開嗚嗚嗚因為佢，呢排都搞到我憂鬱症又復發嗚嗚」

哇，原來Gigi之前係有憂鬱症㗎？不過佢平時俾我嘅感覺都係有啲陰陰沉沉嘅感覺，而且成個人諗嘅方向係偏負面，所以聽到佢咁講就更加證實咗我一路以嚟嘅猜測。

「無事嘅，下個會更好㗎嘛！」我又講埋曬啲廢話，但除咗廢話我都唔知講乜好

「又唔係世界末日，初戀無咗，代表之後仲有更加好嘅人，有第一次就有第二次，呢個只不過係開始，就好似踩單車咁，一開始唔識踩，仆咗街，第二次你就識踩啦，識平衡，咁咪唔會再仆街囉？」我亂咁噏。

「嗚嗚嗚多多多謝你啊」Gigi仍舊用佢嘅哭腔同我講。

之後佢話自己心情好返啲，其實佢唔係想要一啲咩有用嘅意見，或者要啲有用、有啟發性嘅說話，只係想有個人聽佢講佢嘅情緒。

情緒係感情嘅副產物，平時會隱藏起嚟，但點都需要釋放出嚟。

佢釋放完好返啲，就收咗線。

Gigi無力挽回分手嘅結果，同我之前一樣。一樣都係咁唔捨得，分別在於，我係好彩嗰一個，而且冇得再次係返埋一齊；而Gigi，另一半俾帽你戴，正常人都唔會中返個頭埋去。

好明Gigi此刻嘅感受，但呢種感受已經離去我好遠，就會再點樣回想，都唔會再咁強烈。

無啦啦做咗人哋嘅感情輔導員。

呀詩夜晚都有打俾我，大家都係講啲好雞毛蒜皮嘅事，自從上次溝通過後，情況真係有改善到。

最開心莫過於大家真係有咁嘅心想維繫。

因為越嚟越大個，見到身邊嘅朋友好多都係不歡而散嘅例子，就會好慶幸自己仲可以同到呀詩行咁耐。

然後過咗無幾耐，要搏殺交project嘅時候，我收到呀Ken嘅whatsapp。

Ken：喂強哥！呢排點啊？得唔得閒嚟班聚啊？(emoji)

佢嘅語氣仍然仲係世界仔咁樣，同埋班聚呢樣嘢，上年開學無幾耐的確係有咁快就一年啦。

真係每年都要搞一次？

我對班聚呢啲感覺唔大，又唔係話太期待同佢哋見，但又唔係到太抗拒。

咁去下都無妨嘅？

我：好啊，幾時？

最緊要都係要夾下啲時間，太多嘢要做，不過咁，以前邊洗話咩要夾時間，通常話要出嚟都好爽手，睇怕要約都幾難。

呀Ken俾咗幾個日子我，我揀個方便自己嘅。

Ken：點啊你？同MK詩分咗手未啊？

我真係屌你老母一嚟就問呢啲咁嘅嘢？佢把口臭就唔係一日兩日嘅事，知佢係講下笑咁問，但都扯扯地火。

循例都要屌返佢老母。

我：屌你啦，一嚟就問人分手未，仲有啊，佢唔攞係咩MK詩啊！

Ken：姐係仲一齊緊啦？

我：係啊，點啊？

Ken：哇！估唔到你咁長情喎

我：吹啊？

然後就無然後啦，我都唔係幾識要點樣同佢相處大家嘅模式真係唔同。

到咗嗰日中同聚會，先發覺原來大家都變咗好多

尤其是啲女同學，屌啊！真係入咗U之後成個人唔同曬，靚咗好多，以前中學一定想像唔到會咁樣！

嚟嚟呢個聚會前，我有同呀詩交待。

「你哋都幾好喎，仲有人搞呢啲中同聚會。」呀詩感概。

(利申：中同姐係中學同學，唔知邊個改埋呢啲咁嘅名，人哋用然後自己又跟住用)

「呀Ken搞咋嘛，除咗佢，仲有邊個搞啊？」

「我哋班呢兩年都無搞過咩聚會，可能中學嗰陣時啲人都係掛住讀書，大家都無乜感情掛？」

「無人搞咪你搞囉！」我講。

「啊你好似又啱喎！不過我唔啱做搞手㗎啦，同埋我同我哋班上面啲人嘅關係都唔好，我高form啲三年生活都唔算好精彩，去到後尾都讀書，衝DSE，又無好似呀Ken呢啲人搞下氣氛，我哋班唔會搞到㗎啦你仲有得去班聚就珍惜下啦，遲下唔知有無。」

呀詩都講得幾啲，但言語中透露出佢幾想有呢啲聚會嘅，咁每班嘅文化都唔同，無辦法嘅。

生活好多時都有呀詩嘅影子，去之前會同佢講聲，活動期間得閒就會sd下whatsapp，感覺佢就係我身邊咁。

我哋今次班聚係party room度搞，上次去呀詩大同嘅聚會都係喺party room，呢排都真係好興party room，啲fd影相啊，一定係啲好多人嘅合照，下面一埋tag，清一式嘅長文。

排版都差唔多一式一樣咁。

諷刺嘅係，我依家都係呢個場合入面。

「喂！大家想聽咩歌！」呀Ken係個場度嗌。

其實有啲人都幾耐無見，見返嘅時候有些許嘅尷尬。

「你哋想聽咩就自己點啦，我唱！」佢一講嘢就實會有人回應，霎時間會變到好熱鬧。

「你啊？你就咪唱啦！唱得咁鬼死難聽」

「死啦！胖虎開演唱會啦！」

「我要聽周杰攏！」

無幾耐，間房響起一首好熟悉嘅歌聲

忘記了那鐘聲響徹城市

所有淚流過了

能消退就似汐潮

「哇呢首好熟，好耐無聽過！記得以前K房必嗌。」有個女仔高呼，佢以前係班度係啲好寂寂無名嘅人，無乜點講嘢，但係依家變得幾out going，打扮都靚咗，而且明顯睇得出有化妝，成個人係自信咗。

離去你遺憾留在千千哩

仍然掛念你奈何她跟你一起

女大係可以唔止十八變㗎

「係啊，一時間唔記得咩名添！」

你勸我開心 天天開心 新戀愛隨時光臨
遙遙萬哩那個人 已有愛人 我卻是個路人
前塵投進河裡 隨潮浪沖洗去再別覓尋
流逝回憶 回望如暮色般遙遠
河畔那鐘聲卻又很近

「忘川啊！」有人估到。

「係啊！陳僖儀啊嘛，嗰陣時估唔到咁就死咗」

「咁快就已經幾年啦屌！」

「唔知依家啲00年識唔識呢首歌呢？都唔知識唔識陳僖儀添。」

「可能得我哋啲90後識㗎！記得嗰陣去K房實會嗌佢嗰幾首歌嘅，仲有首叫咩話《蜚蜚》！」

「我係佢走咗先識佢啲歌，之前真係無乜點留意佢。」

一時間我哋因為咁勾返起以前啲回憶，個個都好興奮咁係度講，然後有人亦都跟住唱，熟悉啲歌聲同旋律充斥住成間party room。

「常錯覺～～半空的飛鳥是我～～
想拍翼來看你～～誰知最後跌落河～～」

「人已別去 黃葉從異鄉飄過～～回頭你在笑 埋藏眼內那不安～～」

無咪嘅都跟住一齊唱。

我哋唱完忘川之後，點咗好多以前中學唱K聚會會唱嘅歌，幾乎首首都識唱，個個都係度爭咪

「我識我識！」

「喂！呢首我嗌㗎。」

「你啊～～女仔都唔讓㗎！」

我都好耐無見過咁樣嘅場面，自從離開咗中學之後，無論嗰陣時嘅經歷係好定係唔好，呢種熱鬧嘅場面只係會買少見少。

係課堂入面上堂嘅，唔係真係一個「班」，只係一個中轉站。

《天梯》、《夠鐘》、《那誰》、《恥恥於懷》、方力申同鄧麗欣嘅歌：《好好戀愛》、《好心好報》、《我的最愛》、《七年》、《十分·愛》

**「我們分開～～怎麼始終行不開
想捉緊當日精彩～～」**

呀Ken係度唱得起慶，側邊又有個幾ok嘅，又幾玩得嘅女仔陪佢唱，佢唱方力申，個女仔唱鄧麗欣。

「或是害怕完全淡出你那份愛～～」

基本上依家都無人理唱得好唔好聽，識唱就會係隔嚟唱埋。

而且嗰個女仔叫Iris，之前都唔知佢英文名，都係叫佢兩隻字，後尾好多都淨係叫英文名

得返少數會Keep住叫花名嘅，好似蕃薯仔咁，通常先比較熟。

講起蕃薯仔，佢遲嚟。

我正奇怪點解今日無蕃薯仔嘅？雖則一段時間無聯絡，但佢平時都會出席呢啲聚會，我心係有啲覺得唔係幾好意思，唔應該同蕃薯仔咁耐無聯絡。

要斷聯絡，其實唔難。

「唉，點估到方力申同鄧麗欣都會散啊？」打麻雀班友講起。

好多入大學嘅，都學識咗打麻雀。

「係囉，佢哋都好耐㗎嘛。」

「十年啦，真係唔結就分」

呢一年，方力申同埋鄧麗欣呢對金童玉女都宣布分手，宣告一個嘅時代嘅終結。

以前好多人都話佢哋兩個好靚，鄧麗欣仲係我哋男仔一眾嘅女神，佢清純嘅樣真係好正，羨慕死方力申條賓周。

大家都以前佢哋會結婚，點知都係收皮不過係人都知方力申玩開女，今次鄧麗欣終於忍唔住掛？

話題隨即轉落嚟我度。

「係喎，強仔！你同隔離班啲個咩詩，仲一齊緊啊？」有個八婆問道。

「係啊，唔得咩？」我反問。

「得！只不過估唔到你哋咁耐姐，痴心情長劍。」個八婆叫Mary。

「係喎，你哋一齊咗幾耐啊？」其他人紛紛係度問，一個二個眼神都充滿住八卦！

「差唔多4年？好似唔夠，3年幾啦。」我如實咁講。

「哇！！都幾耐喎。」眾人一臉不可思議咁嘅樣，可能對佢哋嚟講，未試過拍咁長拖掛？

「咩啊，蕃薯仔同啲子睛都差唔多耐啦」我反駁。

「係喎，佢哋都好似由中學拍到依家喎？」

「係呢，子睛佢依家點啊？聽講佢之前好似repeat咗一年喎。」

中同聚會，無非都係知下其他人嘅去向，睇下人哋死得未，但查實呢啲係唔關自己事。

「係啊，聽講最後入返U。」有人代咗我答。

「蕃薯仔咪好囉！食到女神。」就咁聞啊，都聞到男仔把口陣酸味啊。

「咁蕃薯仔都幾好喎，人哋repeat都陪住人，咁都捱得過。」打麻雀班女仔搭話。

「係囉，啲人話中學拍拖嘅都唔會長，估唔到佢哋拍到依家，真心勁！」

「西！」個女仔打咗個西出嚟之後，就俾人食咗了。

「六番啊！」佢哋已經熟曬，而我對麻雀一竅不通。

「係呢強仔，你有無諗過結婚啊？」把口未停過嘅八婆係咁問我

「係囉，咪好似方力申同鄧麗欣咁啊，拍咁耐，真係唔結就分。」

鮮有地諗起「結婚」呢兩隻字，對我嚟講仲好長遠，好長遠。

「痴線，咁撚早咩？十劃都未有一撇啦，又未出嚟做嘢，錢都未有得儲，無錢點結婚啊？」對依家嘅我嚟講，結婚真係我從未想像過嘅事。

但你問我，我係會想同呀詩結婚，同佢婚後嘅生活都都幾美好啊？

我個腦開始築起同呀詩結婚後嘅影像。

「幾年好快過咋，你哋都拍得唔算短啦，慢慢諗下其實差唔多嚟嚟啦，碰啊！碰話咗碰囉，仲睇牌？

J

呢次佢又講得幾有道理。

唱緊K既一啲人仲係度講緊蕃薯仔，我走埋去聽下啦，都係講緊類似嘅嘢，之後蕃薯仔就嚟到啦

所有人都係嘩然，然後又有人講咩「日頭唔好講人」、「一講曹操」之類既對白，幾乎每次都會係咁，咁我咪笑下囉，哈哈哈。

「主角終於都到啦！」我和應。

蕃薯仔成個look俾人嘅感覺唔同曬點講呢，好似係識打扮咗，個人有型咗，你真係好難想像到佢以前中三、中四嗰陣個蕃頭樣，你依家同其他人講佢以前好毒，真係講都無人信。

「哇，搞咩嚟啊？遲到！陪女神啊？」呀Ken個音量長期都係所有人都聽到嘅音量嚟。

「唔係啊。」蕃薯仔get到呀Ken想問啲咩，靚腆一笑。

「靚仔咁喎蕃薯仔！」啲女係咁眼甘甘咁望住佢，啲眼睫毛係咁眨嚟眨去，發曬姣咁。

「係囉，無見咁耐，型仔曬喎。」

本來佢中四暑假之後，佢飆高咗之後，就已經成個人脫胎換骨，依家更甚。

蕃薯仔好自然咁行過嚟坐我隔離。

「好耐無見喎。」我潤一潤佢。

「都真係幾耐嘅。」蕃薯仔真誠咁對住我笑。

「你知嘅咩？你條友重色輕友！眼入面無朋友㗎啦你」我講笑。

真係fd嘅話，隔一排無見，都仍然係咁fd。

「無啦以後都唔會重色輕友啦。」蕃薯仔皮笑肉不笑咁同我講，唔難睇得出佢個樣係認真嘅。

但我都係好懶鳩咁問咗：「認真㗎？」

我的確係呆一呆，愕然咁望住佢，估唔到事出咁突然，而且我仲要係知情嗰個嚟，忽然有種唔知點面對佢嘅感覺。

子晴之前先話無諗住散㗎？依家忽然又轉軛？

「係啊，早兩日嘅事。」蕃薯仔壓低聲線。

「咁大件事唔同我講？好地地點解會咁㗎？」我都細聲講，而且佢仲要揀呢啲場合同我講，難怪頭先入嚟嗰陣無乜笑容，成個人有少少憂鬱咁。

「我都唔知。」坦白講，我好耐無見過蕃薯仔咁sad了，就算中學嗰陣，都無依家咁sad。

「佢點同你講㗎？」於是我問。

「佢話我哋感覺淡咗，佢唔係第一日察覺到呢個問題，佢有試過繼續一齊落去，但最後都覺得再咁落去唔係辦法」

「佢最後同我講，原來有啲嘅去到真係無辦法落去啦，感覺再繼續落去只會越嚟越差嘅時候，就會分手。」

「佢話，就好似肥咁，當你見住自己越嚟越肥，到自己頂唔順嘅時候，就會走去減，你一日未去到嗰個位，你都未識停。」

「當佢咁樣同我講嗰陣，我完全唔知講咩好」

「乜我同佢，真係去到咁嚴重咩？」蕃薯仔捉亂曬自己頭髮，我知佢努力想控制自己嘅表情，但係睇嚟佢做唔到，都係出賣咗佢。

「其實你呢個問題，子晴有同我講過」後面嗰句，我講得小心翼翼，膽戰心驚。

「吓？」蕃薯仔首先成個人停頓咗一下，然後繼續問：「佢同你講咗啲咩啊？」

我將嗰晚嘅事同曬佢講。

「我以為呢段時間一路陪係佢身邊就夠，佢重考嗰一年，我真係唔想打擾佢，我都想可以正正常常咁拍拖，難得佢考完，之後啲時間多返曬啦，我哋一齊出去拍拖，做咗好多sweet嘅嘢，我以為咁樣就會Okay，點知無啦啦又。」

「其實我feel到，我feel到子晴對我係點，但我以為考完之後就無嘢，事實我同佢嗰段時間都真係好開心，我點估到我真係對愛情無信心啦。」

呢個角落，同外面狂歡繫嘅世界形成一個好強烈嘅對比。

「一係依家換個地方傾下？」同中學時期一樣，我都做咗安慰蕃薯仔嘅角色，做乜我成日都要做感情輔導員？

蕃薯仔搖搖頭。

「真係？呢條傾唔到啲咩喎。」我道。

「我呢啲度就係想玩下，等我唔洗再諗子晴啲嘢，等完之後再講都未遲。」蕃薯仔抖擗精神，重新振作！整理下髮型，又一條好漢。

「你又有道理喎！嚟，去玩盡佢！」我支持佢啊，玩完先再諗嘛。

蕃薯仔企起身，行埋去人群度，望住佢背影，有點基基地

死啦，佢會唔會因為咁樣搞基㗎？

我黑心咁諗啲基佬好㗎呢一type㗎喎。

我估唔到子晴會同蕃薯仔係呢個時候散，老土咁講，啲人話中學上大學好易散，大學出嚟社會好易散。

初頭唔係好信，天真咁以為只要有心就一齊到落去，會散嘅話只有是但一方唔再鍾意。

直到自己都經歷完啲階段，發現好多問題，唔係自己控制到，大個咗，唔再係話有愛情就可以解決一切困難。

屌！就好似以前睇動畫啲男主角，一句鳩叫，或者熱血就力量提升，打低曬啲對手一樣咁嘛。

以前會對呢類漫畫深同感受，自己會想好似入面嘅男主角，保持熱血，保持噃顆心。

但係之後會慢慢發覺呢套根本就唔得，每次熱血完嘅下場，都係一舊屎嚟嘅，所以做事就會經過大腦，而唔係一味靠衝動。

佢哋衝動唔累事係因為佢哋係男主角。

愛情都係咁，我諗，蕃薯仔同子晴唔單單因為無愛情咁簡單，相處上啦、大家想要嘅方式唔同、性格等等，都係問題嚟。

「我為佢已經改咗好多！你睇下，我同我哋班嘅人玩得幾埋？佢覺得我悶，我依家咪唔悶囉！蕃薯仔滿臉通紅，已經唔係微醺嘅狀態。

佢出到嚟，都仲係繼續係度飲，我已經同我哋班嘅人講話我哋兩個走先，遲下再出嚟玩過！

亦都同呀詩講咗。

「下？蕃薯仔佢搞咩啊？」呀詩聽到蕃薯仔飲醉咁度發酒癲，然後就問咩事。

「佢同子晴分咗手。」我無奈地說。

「下？？」呀詩提高幾個音貝，震驚程度都幾大。

「點解嘅？」

「我晏啲再同你講啦，一係你去問下子晴囉，蕃薯仔呢邊我搞得掂。」

之後就收咗線。

「點解啊！！！啊啊啊啊！！？？？」另一邊廂，又有一位人兄問點解。

「我知點解你可以為佢改，但佢都仲係同你分手啊嘛？」我道出個問題。

諗返起以前分手，個世界都好似蕃薯仔依家咁，崩塌咗落嚟。

依家心臟強大咗掛，對於一啲唔夾，無辦法強求嘅事，唔會再好似小朋友咁任情，要強行留係自己身邊，因為自己清楚，個玩具會玩厭，甚至唔會再咁鍾意玩玩具。

你哋有無試過細細個玩具嗰陣，扭計話要買玩具，其實屋企已經有個差唔多嘅，只係佢出咗另一款特別少少嘅，就想叫屋企人買。

其實屋企嗰個差唔多厭，但以前曾經某段時刻好鍾意好鍾意玩，所以想買個差唔多嘅返去，繼續想去返以前好鍾意好鍾意嘅階段。

無諗過嘅係，買完返去，比以前更加快厭。

或者係一份執著，有啲時刻，喺屬於以前就係以前，就算搵個類似嘅替代品，都搵唔返。

執著完，一切就會淡。

「我真係好愛子晴為咗佢我每日都好努力，好努力做好佢心目中完美嘅一個所以嗰陣時子晴要溫書，要retake嗰陣，我都盡量陪住佢，唔打擾佢，想佢可以專心溫書，拎返自己之前失去嘅。」每一句說話，蕃薯仔都會參雜一啖苦澀難嚥嘅ice啤酒。

「但係換嚟嘅，就係佢嫌我悶！無感覺！」

「所有女人都係雞嚟！！！！」佢鳩叫。

「噃，呀詩唔係啊」我強調。

「扁你嘔嘔嘔嘔嘔」都未講埋後面嘅兩隻字，就嘔咗啦。

蕃薯仔嘔完之後，明顯個人無咁醉，清醒好多。

「點解你知道咗，但唔同我講？」蕃薯仔認真咁問。

「嗰陣時同你講，你個心會舒服啲咩？」我反問佢。

「我走你同你講，你就要選擇，甚至乎會俾你覺得，我係離間你哋感情嘅一個，呢啲咁吃力不討好嘅事，以前做過，依家就唔會再做。」

「你仲記唔記得？當初我啱啱同呀詩一齊無幾耐，你就問我點樣先可以拍到拖，我仲做雞仔媒人撮合你同子晴，年少無知嘅我哋，見住人哋幸福，自己都會開心」

「但一手撮合你哋兩個嘅我，見證住你哋由一齊，到散，我就諗點解我要插手入呢件事度？搞到好似我都有份，我都有責任咁，當然我知你哋由頭到尾都無怪過我，甚至一唔一齊，都係你哋嘅抉擇，但參與咗嘅人，註定會有痛苦呢種感受。」

「所以，我都唔知點同你講，話你就嚟俾人飛？男人嘛，有啲嘢就應該擺係心，係女人先需要咩都講出嚟姐。」我都拎起罐酒，輕輕敲下蕃薯仔罐啤酒。

我飲嘅係Jolly Shandy。

我哋係個海旁度，吹住風咁樣飲酒，無再講啲咩，香港地最容易搵嘅就係海旁。

男人嘅浪漫，唔洗講咁多嘢，我哋都真係慢慢大個

嗰一晚之後，蕃薯仔學識咗食煙。

呀詩佢都有同子晴約出嚟傾下偈，佢哋去啲高級地方度食下午茶，嗰啲cake仲貴過啲lunch咁濟。

佢有影相俾我，我諗姐係叫我下次帶佢去食呢啲下午茶。

「子晴佢點講啊？」之後同呀詩食飯嘅時候，我再問起。

「佢似乎諗得好清楚啦，佢話呢啲好難改變，就算蕃薯仔真係改變咗，都已經唔再係以前當初佢鍾意上嘅蕃薯仔。」呀詩平靜咁講返出嚟，期間無任何覺得可惜。

唔知點解，我就有點無名火起。

「蕃薯仔佢真係好愛子晴，佢亦都為咗子晴改變咗好多嘢，放棄咗好多嘢，點解可以分得咁狠？」我認真到有啲嬶。

「唔分手嘅話，對蕃薯仔嚟講，仲狠。」呀詩講呢句嗰陣，無帶任何情緒。

「要改變都要有個過程，其實知唔知咁樣對蕃薯仔嚟講，條件好難，同埋係好大突破嚟？」我登蕃薯仔唔抵，搞到有啲激動。

「所以子晴先唔想咁，兩個人要一齊，就係要舒舒服服咁做自己咋嘛，要改呢樣改嗰樣，最後變到唔似自己咁，而且段關係亦都變得唔再舒適，變成一種煎熬，有咩謂呢？」

「但係見到住佢咁，真係唔知佢做錯咩咩，佢只不過簡單咁鍾意一個人，甚至為子晴付出曬所有嘢，點解會有咁嘅下場，我真係唔明。」成件事好似好簡單咁，但我真係諗唔明。

「老土咁講，愛情乜有分對同錯嘅咩？」

「我知係無所以先」我語塞，我諗唔通。

「我知你點解會咁唔忿氣，亦知你因為朋友先咁嬶。」呀詩安撫我，佢到呢一刻都好平靜，自從上咗高form，呀詩慢慢唔再係MK妹嘅時候，佢就一路都成熟過我

「我唔想講啲咩愛情大道理，其實唔洗諗得太複雜，子晴佢係喊住咁同我講佢同蕃薯仔啲嘢，係呢段關係入面，無必要分邊個抵邊個唔抵，你唔會清楚得曬咁多，佢哋段關係無背叛，只係到一個位，大家都行唔到落去咋嘛。」

「你有無幫下啊蕃薯仔啊？」我認真問。

「無啊，我淨係聽下子晴點講咋，佢哋兩個嘅事，我唔想干預太多。」

我無出聲，低頭食飯，都無任何表情。

我瞓瞓地，覺得點解唔幫下蕃薯仔姐？我知唔係話幫就一定幫到，但幫下，試下，有呢個心都好啊。

呀詩過咗一排，轉下其他話題，見我都無咩回應，都知我瞓緊。

「就算你係度瞓，對件事都無咩幫助，就算我去幫，最後點決定都係佢之間嘅事。」呀詩苦心婆心咁同我講。

我仍然都無理到佢。

通常都係我激瞓呀詩，然後我要去氹返佢，真係甚少我會瞓同發脾氣

但我清楚，通常呢啲平時好少瞓，好少發脾氣嘅人，一發起上嚟，係好難收科的。

我就係呢種人。

呀詩想安慰我，但我道氣始終都係谷住谷住，我仍然為蕃薯仔感到不忿。

雖然我都仲瞓緊，但係我都堅持送呀詩返去。

一路上，我都冷冰冰咁。

就嚟送到佢返hall嗰陣，呀詩係咁氹我，慢慢我個心開始軟，開始溶化。

我就係又硬頸，又容易耳仔軟嘅男人。

記得中學嗰陣，呀詩話俾我執返劑，我即刻龍精虎猛！

但依家呢招已經無效了。

「唔好瞓啦～～我錫返啦好無？」呀詩不停咁係我臉上打印。

「你唔瞓嘅話，我俾你做乜都得。」呀詩輕輕咁係我耳邊講。

我已經無乜點瞓，但我仍然係度扮高竇。

我見到呀詩為咗氹我，真係好落力，其實我知道理係呀詩度，我只不過係固執地係度發全世界脾氣，但呀詩佢仍然選擇放下身段咁氹我

就係呢種感覺。

感覺就係呢個女仔，可以陪我行埋人生後面段路。

「仲未瞓完啊？咁小氣嘅咩你？」佢突然拉我去咗個偏僻位，呢個公園燈光唔多，所以好多情侶都會係度拍拖，恩愛。

呀詩攬住我，拍係我心口度，佢個心口壓住我個心口，我感受到佢心口之巨大。

「瞓完就咪扮曬嘢喎！」呀詩抬頭望上嚟，用對水汪汪嘅雙眸穿透我成個人，月色混淆埋燈色，幫呀詩清純無化妝嘅臉容打燈。

我即刻，係即刻！向呀詩嘅櫻桃小嘴吻去。

呢陣間，係我哋呢段時間難得嘅甜蜜。

最後我亦都瞓完，返去嗰陣冷靜返，就會知呀詩講嘅其實係啱，可能只不過係當下唔想承認罷了。

即使依家平安無事，但係我有啲感覺到，我同呀詩嘅關係，慢慢有啲轉變。

一個月又一個月，時間好快過，你問話經歷咗啲咩嘅話，其實又無乜咁特別，個個都衝緊啲成績，唔似得大學咁多嘢玩。

呀詩嘅大學生活幾多姿多彩，佢住hall嗰度識咗啲fd，後尾又換到房，成日好似開party咁，呢個學期佢嘅堂排得好靚，佢不瞓都係嗰啲玩還玩，功課啊成績嗰啲實會顧得掂嘅人嚟。

聽佢講，佢以前屋企無人理佢，又唔會有咩補習，所以自己唔理嘅話，就無人會理你。

而我就不停咁樣去趕gpa，就係唔明點解啲人可以輕輕鬆鬆咁過3爆4，而我就讀到死下死下咁。

鬼叫我以前懶，唔讀書咩，再係咁落去，上唔到大學就前功盡廢㗎啦。

「今年聖誕有咩搞啊？」呀詩依偎係我心口度，我哋咁啱係尖沙咀食完飯，行下個尖沙咀海旁。

「唔知啊，你有無咩想做啊？」我反問返佢。

「中學嗰陣，唔記得聖誕定係倒數，你條友係咁多人面前鳩嗌真係笑鬼死我，哈哈哈！」

「唔準笑啊！！」呀詩臉上泛起紅暈，用力咁打我。

「依家先知道柒啊？」

「以家唔會再咁做㗎啦，以前真係癲嘅。」

「咁你聖誕有無咩特別想做啊？」

「乜呢啲唔係男仔諗嘅咩？」秋天稍稍來臨，次次都係嚟得不知不覺咁，涼天吹落衣著單薄嘅我哋。

呀詩凍到震曬，我兩隻手攬實呀詩，不停咁摩擦佢身體，希望佢暖和啲。

「都一齊咁耐啦，仲要男仔俾驚喜啊？」我笑笑口咁問。

「一齊耐咗就唔洗啦？咁之後結婚點算啊？」第一次，係我哋口中嘅對話入面，出現結婚呢兩隻字。

「咁都未咁快結婚姻姐依家先year2咗喎，哈哈。」為免尷尬，我用講笑嘅口吻講。

「諗得嚟都差唔多啦，除非你無諗住同我結婚姻姐。」哇，佢咁講即刻死狗咁。

「唔係點會唔想姐？只不過，會唔會太早？」點解會扯到咁遠？

「哼！早喺諗定唔得㗎咩？你有無幻想過我哋真係結婚之後嘅樣啊？」呀詩悠然自得咁捉緊我隻手。

「點會無？我幻想過我哋可以一齊住，瞓醒嘅時候可以望到你，可以同你嚟個晨早Q，再整埋早餐俾你食，先出去返工，淨係諗下都覺得幸福。」我滔滔不絕咁講我腦海中幻想嘅美好，但我望一望呀詩，見佢無乜反應。

於是問：「做咩啊？你唔想咁咩？」

「想，但係結婚唔會淨係得咁」佢講。

「結婚就係好多現實，好多殘酷嘅嘢，我同你諗法唔同嘅係你會係想結婚條件好事，好幸福咁，而我嘅諗法係，就算結婚之後，人生之後嘅時間幾苦都好，至少都有你。」聽完之後，我真係唔識點回應，呢種感覺唔止一次，每次呀詩講嘅嘢都會令我眼都凸埋。

「我好想要個家我前半生已經無㗎啦，我想我之後嘅日子，可以有個屋企，有個家俾我依靠。」

「尤其是呢段時間住hall，我更加想啊係hall入面，好彩我遇到啲好好嘅朋友，大家都玩得埋，我第一次感受到屋企嘅感覺，我可以好放心咁去依靠呢個地方。」

「當然，有啲真係好亂嘅，開曠眼界。」

「所以我想我哋之後都可以有個屋企屬於我哋嘅屋企。」

「當然可以啦，我都努力緊，我哋最後嘅目標唔係都係呢樣咩？但但係依家對我哋嚟講，真係太早啦。」

「我知，我只係想知你有無呢個心姐，如果」呀詩停頓了一下，再道：「如果你無咁樣諗嘅話，我就會離開。」

呀詩咬著下唇，又以溫柔無比嘅殺傷力同我講。

呢件事深深咁刻係我心入面，我知呀詩最想要啲咩，時刻提醒住我，我想做一個可以背負起呀詩嘅男人。

聖誕節，我哋真係臨尾先決定點樣過，雖然話就話係我諗姐，但我講出嚟，呀詩又話呢樣唔好噃樣唔好咁。

女人真係好麻煩，呢個係我拍拖咁多人得出嚟嘅結論。

幾經辛苦，我哋先決定話過澳門玩返兩日一夜。

旅行，真係考驗情侶嘅一環，相處得好唔好，就係睇呢個時候。

「就嚟開船啦，依家先到。」我焦急咁係港澳碼頭度等呀詩嚟到，見佢拎住一袋二袋，就唔怪佢啦。

「瞓過龍啊，唔知點解個鬧鐘都無響到」呀詩向我抱怨，我哋雞手鴨腳咁上船。

上到船我哋整理下自己啲嘢，講唔出嘅狼狽。

「嗰！我都知今日唔會有時間食早餐㗎啦，所以頭先係下面買咗個M記包俾你，你依家食少少嘅頂下肚，然後瞓陣，落船就去搵嘢食啦。」我遞咗個M記袋俾呀詩。

呢條友仔琴晚同我講佢同佢啲roommate打麻雀所以我估到今日佢實起唔到身㗎啦，唉。

「哇！多謝你啊強b！點解我男朋友咁貼心嘅？又咁勁估到我哋真係食唔切早餐嘅？」先前仲實牙實齒可以出發前係附近食個早餐，依家真係食條撊。

落船之後，搵酒店擺低啲嘢，就周圍去行下，搵嘢食。

估唔到澳門都咁多聖節氣氛，周圍都係啲聖誕嘅佈置啊同埋燈飾。

「依家好似我哋兩個渡緊蜜月咁啊，你覺唔覺啊？」我同呀詩行緊去大三巴，呀詩撓住我隻手，臉上洋溢住幸福嘅笑容。

呢排，呀詩有意無意咁提起結婚有關嘅嘢，我唔係唔知佢嘅用意只不過有陣時可以唔洗咁。

「傻啦，真係渡蜜月嘅話，唔會同你嚟澳門啦，唔驚你殺咗我咩？」我自嘲。

自嘲永遠係自保最好嘅方法之一。

「算你啦！」呀詩滿意兼得戚地說。

「實會同你去轉法國，行巴黎鐵塔，夠曬浪漫啦掛？」呢一刻嘅承諾，唔敢作咁大，只怕係一閃即逝嘅流星。

動人，但殘忍。

「你係先好！」

「係噶，澳門呢度都有巴黎人噶，頂住檔先囉？哈哈哈」我自以風趣。

「去死啦你！賤強！」

我同呀詩係澳門影咗好多相，多到我執都執唔曬。我已經唔知仲可以影到咩角度啦，但呀詩仍然唔滿足。

「你睇下後面咁多人。」我無言以對，明明冬天嚟，我都影到出曬汗。

呀詩係靚噃的確，有幾張我覺得影得佢幾靚啊但係佢偏偏唔收貨。

係大三巴後面，有個戀愛巷，多人到輪咗好耐，期間我哋都有影响情侣相，將來呢啲相就係成為wall paper嘅材料嚟。

跟住同佢去食啲街邊嘢，行程呢家嘢，都係我做咋嘛，佢負責審視呢啲啲唔唔噃，滿唔滿意。

佢有講過話唔想食咩西多士之類，ban咗我個idea。

夜晚呢，就book咗間葡國餐廳，算係食大餐啦，啲嘢食上齊後，擺好位之後，就梗係相機食先㗎啦。

基本上，呢啲都係近排港女必做嘅步驟嚟，呀詩由MK妹進步到成為一名港女。又唔可以話係進步嘅，只不過係由一種流行嘅風格，轉另一種風格姐。

幫佢影好相，佢擺好曬post之後，佢話開餐先可以開餐

佢要先審查啲相先食得，我好似個太監

相入面嘅呀詩，著作一字膊嘅白色衫，短裙仔，好性感，呢種知性美同過往唔同，我望住佢經歷完旺角嘅MK look，再到咁一齊返嚟清統look，最後呢幾年慢慢轉變嘅性感look。

唔同時期嘅佢，我都有份參與。

我哋食飯無乜話特別要搵話題，啱先講，唔啱嘅話，呀詩就會玩電話，而我好少會邊食邊玩電話，我會望住佢，靜靜地諗下嘢。

呢種隨心所欲嘅相處模式，唔知幾時開始大家都默認咗咁樣，久而久之就習慣咗。

就算今日係平安夜，一年咁特別嘅日子，都可以特別得嚟，唔算太特別，個感覺唔識點形容。

好似呢種日子，隨時搵一日咁過就得，只要個對象係呀詩就可以。

同埋呀詩係會專登打扮，呢一日嘅佢係比平時更加靚，你會察覺到更多嘅唔同。

飯後，就行下有別於香港嘅聖誕，不過就無乜太大期待罷了。

澳門真係細，行嚟行去都係嗰啲位，最後行下行下返返嚟大三巴，係個廣場度有架雪糕車。

「哇！澳門都有雪糕車喎。」呀詩好驚訝咁講，我真係唔好知好瞓定好笑。

「澳門有雪糕車有幾出奇啊？你以為淨係得香港有啊？」條友嚟搞笑。

「哇！！我要食」呢個細路仔嘅樣，就好似中學嗰年聖誕節咁，冬天係咁嘈住話要食雪糕。

呢啲回憶，係我哋兩個。

「你啱啱先話好飽，依家又要食雪糕？」

「女人有第二個胃㗎嘛！」

買完，佢食咗兩啖之後，就話飽唔食要我食曬佢。

我哋好多行完，行到尷就返酒店，我哋揀中呢間價錢適中，但係幾高質，入到去間房覺得幾正，短短地一個trip，對我哋嚟講幾好。

我哋係酒店攤陣，好鬼尷，我哋就咁係度各自玩自己嘅手機，開住酒店嘅電視機聲，等個環境有返啲聲音。

我悶到係度打機，呢排手機出咗款類似LOL嘅手機版，叫夢三國，打機嘅模式都開始轉。

我好快手打完幾鋪機，碌下ig嘅時候，就見到呀詩出咗post，係佢今日影嘅相，後面都有我同佢嘅合照。

唔知由幾時開始，呀詩會好俾心機經營佢個ig，揀入去佢個ig，會見到個排版風格好統一，相入面嘅佢全部都好靚，連啲色都係有配過咁，好明顯睇得出呢個唔係iphone原本有嘅色。

佢ig嘅follower直線上升，佢係較咗public㗎。

係我打緊機嘅話，呀詩就好努力咁執緊啲相，然後出post，個post已經無再好似以前咁打水蛇春咁長嘅句子，而係通常都係短短幾行，或者一句就收筆。

忽然間由散文轉咗去新詩。

重點係佢無tag我，我無通知出嚟。

「你出post都出得幾快喎？」我轉下轉下個身，然後瞓落呀詩大脾度，我哋依家兩個人成一個「L」形狀。我抬起頭就望到佢低頭望手機嘅樣，呢個角度嘅佢，好靚，但佢啲頭髮垂直落嚟整到我個頭，我將佢啲頭髮撥去後面。

「好多人都出post啦，依家成個ig係度洗版。」我諒佢指嘅好多人，係指佢大學嘅班吧？

「你做咩唔tag我嘅？」我問。

「啊我唔知後面嘅相點樣tag啊。」

我教完佢之後，佢用好神奇嘅眼光望住我，做咩喎啊條友？

「咁勁嘅？點做到㗎？我頭先研究咗好多都唔識整。」一開頭我懷疑佢派膠，但佢似真心膠。

「下？呢個好簡單㗎喎。」我繼續膝枕。

「你好叻啊～～～」呀詩嗲我，然後玩我塊面。

然後係呢個角度錫上嚟，唔係無試過，但依家係酒店嘅催情下，無錯！酒店個環境就係催情，要人扑嚟。

諗住開始前戲，點知呀詩就截停咗我。

「今日我好効啊琴日已經唔夠瞓啦，我今日無力搞嘢。」呀詩嘅疲態出曬嚟。

呀詩平時好少拒絕我，係性呢方面，我哋有默契地夾，佢滿足到我男仔性慾大嘅需求。

我停手，將做到一半嘅動作硬生生地截停，然後將衣衫不整嘅呀詩整返好。

任由自己扯到硬一硬嘅賓周仔，辛辛苦苦咁係度作戰。

「對唔住啊」可能呀詩睇到我臉上失落嘅表情，淨係留低呢句說話。

「傻啦，對咩唔住先，等你抖夠先啦。」我一個鯉魚翻身，瞓返落床，攬住佢，但我條巨龍無諒住軟落嚟。

「不如我幫你啊？」呀詩唔係feel唔到的，所以佢先咁講。

但係我今日唔想，辛苦啲唔做一次半次無咩所謂。

「唔洗啦，你瞓足，聽日抖夠嘅話先再算啦。」我輕撫呀詩柔軟嘅頭髮。

「但係你硬到咁」

「得啦，一陣就無事㗎啦。」

呀詩最後都妥協，去沖涼。佢沖個快涼之後，好快就瞓著咗，可想而知佢真係有幾効。

今日個日子咁特別，係有啲可惜，但我唔想勉強佢。

我自己去沖涼嗰陣先冷靜到落嚟，呀詩瞓咗我就玩陣手機，就瞓咗。

朝早起身，呀詩早醒過我，佢背住我，而我從後攬住佢，我隱隱約約咁見了佢玩電話。

「你咁早起身就玩電話？琴日唔係話好効嘅咩？」我仲迷迷糊糊，不過都識笑住講。

「琴晚唔知點解瞓得好舒服噃，可能有你攬住㗎，依家好精神噃。」呀詩無過返嚟，反而繼續玩電話。

「係咩？精神噃？」

我攬住佢條纖腰嘅手不斷咁向上游，呀詩入面咩都無著，我唔急住伸手入去，始終呢個區域遲早會俾我攻陷，我唔需要急於一時。

我淨係喺佢件衫出面徘徊，隔住件衫都覺得到佢嘅敏感位，我輕輕咁，不急不忙就搓圓撤扁，呀詩無反抗我，任由我咁樣做。

「喂我話精神姐，唔係晨咁早咁猴禽噃？」

我諗返起中學嗰陣，呀詩係我屋企同我做埋啲曖昧㗎，佢都有話過我猴禽，嗰陣時嘅我仲係一個少男，羞澀嘅青春一下子就過去，依家已經唔會了。

我放肆咁抱住佢上下其手，挑釁佢話：「再猴禽啲都仲得啊。」

只係用咗幾下，呀詩身體開始抖動，微微氣喘。

我知佢鍾意我用呢啲不慍不火嘅節奏去挑逗佢，我熟悉到不得了。

咁醜——

一記鎖機嘅聲音，呀詩就咁瞓係度，無任何動作，佢背住我，搞到我睇唔到佢咩表情，但係佢見唔到佢咩反應，就越想搞到佢有反應。

呢種男人嘅心態真係唔要得，but！嘻嘻，我鍾意。

我指尖輕掃佢乳頭，慢慢，一下、兩下、三下

佢身體微微用後縮，開始有反應，氣喘聲嚟了，我一時快一慢嘅變速搞到佢頂唔順。

佢背住我，但唔知點解好似識得感應我個位置咁，佢一伸手，就可以摸中我嘅命根命中率高達100%。

然後撫摸佢，我用咩速度對待佢，佢就用返咩速度對付返我嘅命根。

到佢頂唔順想同我渴求嘅時候，一個翻身，就趴咗係我身上。

一個美好嘅朝早，一個男人嘅美夢，就係自己嘅伴侶主動咁撲上嚟，用性感嘅聲音叫醒你。

一翻激戰過後，將琴晚嘅份量擺返曬返嚟，額外滿足。

運動後，我哋無乜點抖，就要趕住退房，因為已經夠鐘。

係澳門搵個地方食啲嘢，去多個地方影相，就上船返去了。

每次知道差唔多完嘅一下，失落感都會好大，呢種快樂會延續幾日，然後淡忘。

不過之後我聽其他人講，蕃薯仔佢好似變咗另一個人咁，坦白講，嗰陣時間，我係幾瞓子晴嘅，私心覺得點解可以咁樣對蕃薯仔。

不過一段時間後，就無了，要花時間去瞓一個人，好効。

蕃薯仔佢變到好爛玩隔離班間唔時有聯絡下嘅朋友話佢聖誕嗰排成日出去玩，去識女。

原因再明顯不過，出於一種報復嘅心態吧？同埋理想墮落。

我聽到之後有啲唔係幾相信嘅，咁電視劇，難啲相信呢啲嘢會發生係自己周邊。

直至臨除夕嗰陣，佢自己Whatsapp我，問我去唔去飲酒，話個場仲有其他朋友，叫我一齊嚟玩下。不過未到除夕嘅，我就唔洗陪呀詩，但之前蕃薯仔係從來都無問過我呢啲嘢，唔好話佢啦，我自己都無諗過咁樣出去蒲。

不過我唔係蕃薯仔，我唔明白佢嘅感受，佢可能需要咁樣放縱先可以舒緩到佢内心嘅不甘。

最後，我同呀詩講咗。

「洗唔洗我陪你去啊？」呀詩喺電話裡頭問我。

「下？唔洗啦你去咗嘅話，我同蕃薯仔傾偈都無咁盡興啦，男人嘅對話，女人插落嚟好容易火遮眼。」

「我淨係擔心你飲到貓咗，無人係你隔離姐，你覺得蕃薯仔會睇住你咩？佢都講到佢個場有佢的朋友，佢同啲朋友玩到癲曬，邊得閒理你啊？你到時候盞癱屍咁癱係度。」

「你又啱嘅，但你真係嚟？」我問多次。

「嚟啊，唔睇實你點得啊？唔通俾你亂嚟啊？」呀詩個語氣充滿要脅。

「我會點亂嚟啊？」我無奈咁係度笑。

「點知你會唔會酒後亂性㗎？又或者去溝其他女㗎？」無啦啦佢好緊張我咁，搞到我個心甜一甜。

「有你仲洗乜去溝女啊？」

我哋又係度講埋啲無聊嘢，咁我同蕃薯仔講呀詩都嚟，佢話無咩所謂，最緊要人多好玩。

蕃薯仔連講嘅語氣都輕挑咗好多，佢呢下轉變令我有啲摸唔著佢諗緊啲咩。

去到佢個場，同普通酒吧嘅格局差唔多，但光線多咗好多，五顏六色咁，入面都幾多人下，我同呀詩都搵唔到蕃薯仔係邊。

係好入面嘅包廂度終於見到佢，不過係佢見到我哋先。

「Hello~~~~~你哋咁遲先嚟㗎？過嚟坐啊。」蕃薯仔係人堆中央起身招呼我哋，然後介紹我哋俾其他人識個感覺好唔自在。

「Eric啊，佢哋就係你講一齊咗好耐嘅情侶啊？」入面其中一個男仔問道。

「係啊，由中三一齊到依家。」睇嚟佢口中叫嗰個Eric，係蕃薯仔。

「哇」在場嘅男男女女都紛紛驚嘆，「一齊咁好耐喎咁！」

佢哋咁樣起哄法，我同呀詩只好陪笑，第一次見，真係唔知俾咩反應好。

「咁姐係幾耐啊？」有人問。

心諗：自己唔識數咩？

「差唔多4-5年啦。」呀詩幫我答。

「仲要一齊嚟咁Sweet，羨慕死人咩？」個個女仔都著到鬼火咁靚，男嘅都係playboy咁款

最重要嘅係，蕃薯仔都係咁。好老實，我唔係幾想出席呢種場合，覺得呢啲唔啱我玩，自己亦唔鍾意同呢類人social，明明平時蕃薯仔都無乜朋友，唔知點解依家可以有成堆酒肉朋友。

所以話，要出嚟玩嘅話，總有方法。要玩，實有得你玩，唔會無㗎喎。

佢哋又話咩祝我哋呢對新人一杯先，凳都未坐暖就嚟飲酒。

然後就一齊玩酒game，抽啤牌啦，由1-K都代表住唔同規矩，全部都同飲酒有關，大家輪住抽。

我以為我要保護呀詩，幫輕下佢，照顧下佢咁啦，點知佢仲勁過我

咁又係，呀詩不瞓都玩得，由中學開始就已經出嚟同班MK仔癩，上咗U都有同啲fd出去玩，諗諗下，係得我先咁摺。

中間有個大杯，抽到K嗰個可以加酒，加幾多，加咩都得，但係最後一個抽到K嘅，就要飲曬佢。

考驗人品嘅時候。究竟係咪會自作孽呢啲人？

我見到杯㗎都覺得癩，溝溝埋埋實唔少酒如果我飲嘅話，一定仆硬街。

成場蕃薯仔都好outgoing，好high，佢呢個樣，根本唔似係我識嘅蕃薯仔，佢都著到好型啊。

仲周不時攬住隔離個女仔，搭曬人哋膊頭咁。佢其他朋友唔覺得有咩尷尬，就算見到我哋呢新面孔，都對答自如，睇嚟真係出嚟見識人多，知道點樣打破嗰種隔膜。

同埋估唔到蕃薯仔啲酒量咁好，飲極都面不改容，輕鬆自如咁同其他人有講有笑。

呢一刻，我覺得我係風水輪流轉嗰個

係呢個場合入面，我先係蕃薯仔嗰一個。蕃薯仔已經唔再叫蕃薯仔，而係叫「Eric」，而我飲酒又唔係叻，玩game又唔係叻，又唔識同佢啲朋友social，要扮曬㗎咁溝通。

啊！！！毒撲真係唔應該嚟呢種場合啊！！

「哇！你真係唔好彩啦，咁咁都抽到最後一隻K喎！！」後面嗰句，加重咗個音量，搞到依家全世界都聽到。

個八婆同我唱通街。

呀詩捉住我隻手，我知佢緊張我，但我未去到咁條女幫我頂酒。

「點估到會係你啊K仔？」我對住隻K講。

其他人嘅笑聲貫徹全場，個個都起曬哄，食花生咁款。

佢哋唔會理我死活，最好我飲完之後醉咗添，然後繼續灌其他人。

唯獨蕃薯仔同我講：「唔飲得唔好格硬嚟啊。」

呢一剎那，我先見返蕃薯仔嗰個善意嘅眼神，我熟悉嘅蕃薯仔。

其實佢本質係無變到嘅，係一時迷惘咁姐，我睇得出嘅。

「我唔會走數嘅。」我咁樣答佢。

之後我好似飲苦茶咁閉上眼，閉埋呼吸，一嚜飲落去。

扁個喉嚨好似俾火燒咁，終於知咩叫烈，而且陣味好怪，我真心唔明點解啲人咁鍾意飲酒，難飲到佢街，一飲落去就知好重酒味。

我唔急住飲，但唔急嘅話嗰陣味卡係喉嚨好辛苦，但我知太急嘅話，加上又溝酒，我陣間實醉。

從來未試過醉嘅我，真係唔知咩體驗。

因為我根本唔會飲酒。

飲後之後，個個係度歡呼，飲緊嗰陣已經係度叫囂啦，的確咁先似係酒場嘅氣氛。

「真男人！」

「一口氣飲曬佢，犀利！」

「好撲型啊！！」

飲完之後無咩事，都仲撐到，個意識仲係度，呀詩係隔離關心我：「無事啊嘛？」

「無暫時無事掛。」我坐返低。

不過，過一排就出事了，我開始感覺到自己嘅意識開始模糊，暈暈地咁囉，我需要用意志力去抗衡，俾自己清醒。

後尾，佢哋繼續玩game，但係已經無再理我，呀詩都有俾下面同佢哋玩，呀詩每次飲完酒之後，眼角都會瞄一瞄我，睇下我有無事。

我知佢真係好關心我有佢係度，我放心好多，好彩佢話嚟睇住我，的確如佢所講，到時候真係無人理鬼我。

可能得返蕃薯仔，但係蕃薯仔有著落嘅話，仲鬼會理我咩？

忽然間，呢啲喜愛夜蒲嘅劇情，會出現係我身邊，人生如戲，畢咗業出嚟，真係可以好多變數，你以為唔會發生嘅嘢，都會發生，你以為唔會變嘅嘢，都變緊。

原來係我未學識長大，未學識去接受呢一切。

我後尾係喺嗰度閉目養神，睜開眼嘅話，我會好暈，反而閉上眼就無乜事。

後來無乜事，又玩咗一輪，但我無飲得頭先咁激烈，同埋飲少咗嘅。

好快，去到3點幾4點，大家開始散，個狀態都差唔多收皮，有啲係要走去嘅，其中一個係蕃薯仔。

佢係玩到嘅曬，係度亂咁噏，係我哋面前抽啲女仔水，又攬腰啊，又錫咁。

不過最誇張嘅，都唔係佢，而係其他人都係咁之餘，有啲仲要揸曬波，而啲女唔抗拒

我拉開呀詩，用僅存嘅意志，將佢拉過嚟，坐我隔離，攬實佢，護住佢。

痴線，真係俾呀詩咁樣落呢啲酒場，真係會渣都無得剩。

最後蕃薯仔仲醉過我，睇得出佢已經神智不清咁，亂咁係度笑啦，亂講嘢啦，行路都唔穩。

我頭先抖一抖反而無事，蕃薯仔就以為佢好飲得，點知最後都係貓咗。

「點解喎」蕃薯仔講。

「點解都仲係咁空虛。」蕃薯仔講完，個樣有啲奇怪，下一秒就已經係街邊嘅。

我同呀詩扶住佢㗎啦已經，但我唔知點搞好，由佢係嘅，嘅清啲舒服啲嘅。

嘅完，佢真係精神啲。

「我成個人都好空，個心好空」

「你咁落去你覺得好咩？你覺得子晴會咁樣返返嚟？」呀詩理智咁講道。

「我唔知啊，我淨係知我唔會再信咩愛情，咁樣玩唔好咩？大家都出嚟開心咋嘛。」

前面有對情侶係街燈底下卿卿我我，而再遠處，有對情侶拖住手咁行埋嚟。

係呢啲臨近節日時份，見住人哋咁羨煞旁人，蕃薯仔眼內更不是滋味。

「挑！就睇你哋行得幾耐，愛情係信唔過㗎！」

「再真心咁又點姐，咁不如一開始玩弄感情？」

中學嘅佢，相信純純嘅戀愛，因為不甘而選擇咁樣，開始覺得，扭曲緊嘅，其實係蕃薯仔。

佢哋段關係，無背叛，曾經真心過，由頭到尾子晴都係真心對待蕃薯仔，唔適合亦都大大方方講出嚟。

之前我會瞓，都係登蕃薯仔慘，佢咁努力去愛子晴。

因為我都相信，努力咁去愛一個人，會有好結果。天真咁認為。

但依家諗諗下，兩邊都無話邊個啱邊個錯，只不過要接受，需要時間。

睇住佢咁辛苦，咪俾啲時間佢囉，依家嘅佢，只係喺度宣洩自己嘅不甘，同自己想要結果唔同。

總有那麼一個人，曾經幻想過同佢一生一世，諗過同佢老咗嘅日子，會仍然對佢咁好；然後低估咗一生一世有幾長，高估咗自己嘅耐性。

「你估你堅持到咩？總會有一個盡頭，你玩女都會有個終點，你同子晴之間嘅感情，都會有個終點。」呀詩同蕃薯仔講。

「到站，你就要落車㗎啦，如果唔係，架車都一樣唔會行㗎，唔好諗住可以坐回頭車返反過去，其實係一個重新嘅開始。」

每次聽到呀詩呢種出人意表嘅說話，我都會覺得有種唔係好了解呀詩嘅諗法，啲說話、想法，呀詩從來都無同我提及過。

蕃薯仔用沈默做回應，佢不停嘔，好似要將所有思念嘔返曬出嚟咁，咁樣心就可以無咗子晴，一乾二淨。

「就算放唔低佢啊，都唔洗用咁嘅方式嘅，如果因為咁而傷害到一個女仔嘅話，你覺得會點？其實係一個惡性循環嚟。」唔擅長安慰嘅我，紋盡腦汁都淨係講到咁嘅說話。

「你忍心因為咁而傷害下一個對感情認真嘅人？」我問道。

「子晴對你呢段感情都唔係唔認真啊，佢依家唔愛你都同你講，而唔係派帽俾你，其實你哋可以好嚟好去。」呢個時候嘅蕃薯仔，的確需要人陪伴。

希望醉緊嘅蕃薯仔可以稍為清醒落嚟，依家嘅佢，一樣都辛苦，我唔覺得佢因為咁而開心咗，反而令自己跌入更沉重、更無盡嘅深淵。

「好返啲未啊？」呀詩關心佢。

「嗯。」蕃薯仔企返直個人，抖一抖先回應。

我哋送佢返去，就結束咗今日個酒局。

不過最後，蕃薯仔都照樣有去酒吧啊，有落club玩，snapchat上成日都見到佢po喺昏暗環境下嘅場合。

依家真係越嚟越多app，有時同朋友傾嘅對話會出現係唔同嘅app度，各自會有唔同嘅話題。

當我見到蕃薯仔咁嘅時候，證明自己嗰陣同呀詩一齊講嘅嘢，佢並無聽入耳。

我亦都只可以同自己講，已經盡咗力，咁唔代表自己講嘅一定啱，佢一定要聽我哋講。

最終，呢一個都係佢嘅選擇。

即使作為朋友，見到佢咁樣都會感到心痛，同埋無助。但係亦都只能夠咁樣，唯有等佢經歷下，過一段時間，慢慢就會好。

我都無剝削蕃薯仔成長嘅權力，人係需要啲歷練。

開始接觸得多殘酷嘅社會，努力唔等於有好結果，盡心為人好唔一定會領你情，朋友唔再係成日係你身邊，終究你需要為自己好好地打算。

畢咗業只不過唔夠2年，但可以想像到往後只會遇到更多呢啲徒勞無功嘅嘢。

過後，臨近新年嘅時間，我兩老開始發功

係一餐平平無奇嘅晚飯入面，老媽子率先開口問：「幾時帶女朋友仔上嚟食個飯啊？」

「下？」我食食下飯，聽到老母咁講，即刻停低，望一望佢表情。

「聽講你都拍咗好耐拖，都差唔多俾我哋見下啦下話？」老媽子講呢句嘅時候係笑笑口咁講，但聽緊嘅我會感到一服寒意。

「好耐啦咩？」我扮嚟。

「個女仔係咪就係之前上嚟我哋屋企嗰個呢？」老媽子好似咩都知咁

「咪得閒帶佢上嚟食下飯俾我哋識下咁囉。」老媽都講到咁，都無得唔帶啦。

不過我哋的確拍得耐，要見家長都係遲早嘅事，我哋算大個又未算真係大個，但話細，都已經唔細。

至少屋企人唔會再反對啲咩。

因為屋企人咁樣輕輕提過，我夜晚都有同呀詩講呢個問題。

「哦，去囉。」呀詩好爽快咁答應。

「哇！咁爽快？」我懷疑自己係咪聽錯。

「下？有咩好諗啊？」呀詩笑住咁反問我。

「你唔會緊張咩？見家長喎。」

「之前都見過啦，同埋遲早都會見嘅，不過話唔緊張嘅話係呢你嘅，我唔知你哋屋企會唔會接受我嘅出世，而且我都唔知點做先至得體」

「同埋我驚我之前俾你屋企嘅印象唔好，你估我無諗過呢個問題咩」呀詩嘅語氣充滿擔心，佢並唔係佢口講嘅咁震定。

真係想威又要戴頭盔。

「依家就嚟驚啊？」我輕量級咁挑戰佢。

「你講咩啊？我幾時有驚啊？」依家呀詩講句嘢已經知佢想點，老夫老妻咁，所以嚟到見家長都好正常。

「無啊，你點會驚呢？」反話中嘅反話。

「哼！你專係嚟搗事㗎喎？你真係呢都唔知點解我會鍾意你。」

我哋夜晚傾電話嘅時間開始少，間唔中有特別事先會傾耐啲，甚至去到呢啲位，我哋都有共識我哋都拍到好穩定，老夫老妻咁。

頭先餐飯，老媽子都語重深長咁同我講，其實佢只不過係長氣。

「仔，你哋拍到咁耐都唔易㗎啦，依家啲後生子女，幾多人離離合合，我公司有同事話，佢個女成日拍拖唔夠三個月又換人，無一段感情行得耐。」

「又係咩你哋以前嘅感情係維修，我哋依家係換過個啲啲嘢？」

「扁你個衰仔，唔係啊！」老媽都無我咁好氣，兜噏打落我個頭度，由細到大佢都係屋企最大，最霸道嗰個。

「我只係話，你要好好珍惜個女仔姐，一個女人，陪你行咁耐，唔容易。」

「呀媽無咩文化，係以前好彩，同你老豆一齊買咗呢間屋，生活先至好啲，依家啲樓係咁升，要再買多間嘅話，唔好講你啊，我哋都好難啦。」

「所以出面啲女仔有幾現實，呀媽唔係唔知，我都想你搵到個好依靠。」

「呀媽老㗎啦，一把年紀求嘅唔多，你同老豆開開心心就夠。」

確實，呀媽呢幾年啲小病周不時都有，雖然唔係話好嚴重，但睇得出佢一病，都要一段長時間先好得返我呢排都發現呀媽老咁咁，慢慢，先正視屋企嘅問題。

以前中學淨係識向外跑，同朋友出去玩，去拍拖，打機，屋企嘅嘢，基本上唔會理。但係當正視返呢個屋企嘅時候，先發覺個壓力，同埋責任，非一般嘅重。

當晚呀詩上嚟食飯，我陪佢去買啲果籃啦，佢真係隆重對待，化靚妝啦，著咗條得體嘅深藍色連身裙，我第一次覺得呀詩佢可以散發出咁靚噃氣質。

我唔需要啲出身太好，飽讀詩書嘅大戶人家。

我只要好似呀詩咁，得體、識得分場合、識得為我諗嘅女仔就夠。

「點啊？咁樣著好唔好啊？」呀詩一臉緊張地說。

反而覺得咁樣嘅佢好可愛，呢排佢要面到死，但骨子裡脆弱到不得了。

「好，點會唔好，今日全場最靚係你！」我氹下佢，拖住佢，錫啖佢。

「唔洗咁緊張喎，家常便飯咁咋嘛，不過過年前咁樣食飯，我諗新年再叫你上嚟食就少不免㗎啦，唉遲下係班親戚面前，實左問右問。」

「唔係怪？咁點好啊？我唔識應付啲親戚㗎喎我屋企無乜親戚，啲親戚唔係上嚟借錢，就係叫我老豆還錢。」

「咁多年，我都唔識應付佢哋，咪由得啲三姑六婆講囉，一年先見佢哋一次。」我輕撫呀詩個頭，安慰佢。

只有呢啲時候，呀詩先似返個小朋友咁。

「話就係咁話姐，但我都想留個好啲印象啊嘛，如果你屋企人好好，我都想佢哋鍾意我㗎。」佢認真得很可愛。

「你唔好諗咁多啦，我鍾意你咪得囉，你同我過人世定同佢哋過人世？」

「口甜舌滑！不過你今日係幾靚仔嘅。」

「哇？依家就賣口乖，氹人啊？你唔洗收賣我㗎，我不瞓都企你嗰邊嘅。」我俾佢整到笑，條友都Kai地。

「你梗係要企係我嗰邊啦！」

我哋好似有咗前進嘅動力，開始覺得結婚對我哋嚟講，近咗。

我哋只要有心，就可以一路keep住。

我係咁諗。

「哇乜客氣啊？」老媽子一開門，好熱情咁打招呼，從未見過老媽咁樣嘅我，一碌木咁企咗係度。

呢個女人城俯究竟有幾深

「要嘅要嘅。」呀詩有禮咁同老媽講。

「咪同你講咗唔洗買嚟上嚟囉，又唔聽，我哋邊好意思呢？」老媽子訓斥我。

你邊有講過啊？

但我只能夠用生命值硬接。

我落一陣街嘅，屋企就好隆重咁，因為好明顯見到乾淨咗好多，同埋整齊咗，再加上枱面嘅飯饌

我只不過落去接一接呀詩，買個果籃，返上嚟咁多樣嘢唔同曬？哇老媽子真係唔話得。

「你哋坐下啊，好快有得食㗎啦。」老媽子急急腳咁入返廚房。

「嗨！你好啊。」老豆坐係沙發度睇電視，好休閒，佢總係可以有方法做到同個氣氛格格不入。

當我哋所有人都緊張到乜咁，好大件事咁，佢總係會冷淡到好似無一回事咁，畢業禮又係，去旅行又係，甚至乎自己做啲小手術又係。

「啊你哋坐啊。」老豆並唔係叫我。

「我去睇下廚房有無啲幫手先啊～～」呀詩擺一擺低啲嘢，就諗住入廚房幫手，我都估唔到呀詩會有此一舉，相信老媽子實開心死。

「你女朋友仔比之前靚咗喎。」老豆見呀詩去咗廚房，然後同我講。

「梗係啦！我揀㗎喎。」我得意洋洋，起碼比老豆你揀得好先啦。

當然，呢句說話我無講出口。

佢哋有佢哋忙，我同老豆就度睇電視俾老母鬧

「你兩個！咩都唔幫手，淨係識坐係度睇電視。」老媽子又發功了，佢終於都整好曬。

今晚好好餸，果然我老媽落足心機，呢餐都唔知係咪鴻門宴嚟。

「有老婆係度就得啦嘛。」老豆係度賣口乖，咁又係，又食又拎，佢就爽曬啦。

「好！開飯。」

呀詩佢客氣咁慢慢食，以我所知嘅佢，平時絕對唔會食到咁斯文！

感覺，呀詩已經係我老婆咁，當我哋行到呢一步嘅時候，其實已經行到好遠好遠。

試諗下，當初點會諗到會有依家嘅光景，就連複合嘅時候，都無諗過。

依家自自然然，感受到個重擔。

係未拎起筷子食飯嘅時候，呀詩靜靜地係枱底下面捉住我隻手，隻手傳遞出嘅冰冷亦顯示出佢嘅緊張。

我哋就好似古代人咁，係等待父母長輩認可嘅小情侶。

「呀詩，食菜啊。」老媽子難得慈祥咁講。

「唔該Auntie。」呀詩禮貌上回應。

「Uncle，Auntie，你哋都食嚐肉啊。」呀詩回禮返俾佢，的確，呢餐飯呀詩食得好拘謹，但係印證住我哋嘅成長，一個我哋從未接觸嘅領域，未曾想過嘅領域。

呢餐飯，幾溫馨。我以為我老媽子會問長問短，我怕呀詩會難堪，但出奇地，老媽並無咁做。

以我平時老媽問長問短嘅性格，同埋係屋企邪惡兼強硬嘅勢力，佢絕對可能咁做！

「你平時鍾意做啲咩多㗎？」老媽問。

「你成日咁多嘢講，你唔驚嚇親呀詩啊？」老豆插把嘴埋嚟。

「你個衰樣夠嚇親人啦！」老媽絲毫唔俾面。

「無啊，會跑下步，睇下書咁。」呀詩不慌不忙。

「老媽啊，你唔好搞到好似interview咁先得㗎！」我笑道。

「挑！你識咩啊？你呀媽我要好好多謝人哋平時咁照顧你啊，你咁嘅款有人肯要你，你執到啦。」呀媽又嚟了。

呀詩食住啖飯，轉個頭望一望我，用一個別有意味嘅眼神，盯著我。

我諗個意思係：聽到啦？連你呀媽都係咁講啊，仲唔對我好啲？

「係嘅，係嘅，你睇下我平時對佢幾好？」我將啲蝦殼剝好，然後放落呀詩個碗度，以表誠意。

我瞄到呀詩嘴角泛起嘅甜意。

我都見到老媽係度陰陰嘴笑，笑到含春咁撥樣。

比我想像中和諧。我原本都同呀詩有一樣嘅擔心，唔好以為嗰個係自己老豆老母就咩事無，但去到當日嘅時候，我都一樣唔知我老豆老母點諗。

以前中學嗰陣帶咗個MK妹返嚟屋企，依家仲同佢一齊，帶佢返嚟屋企食飯，以我屋企平時咁舊守，咁傳統嘅思想，真係唔知會演變成點。

好怕佢哋會覺得呀詩係嗰啲一早就出去學壞嘅女仔。

點知好似TVB咁嚟個大反轉搞到我笑起上嚟有啲搞笑，老媽同老豆都幾接納呀詩，睇怕佢哋真心覺得除咗呀詩，唔會有人再要佢個仔。

咁又係嘅，由細到大都無令老媽老豆驕傲過。

佢哋只不過係想有個人真心對待佢個仔，一齊行埋人生後面嘅路就夠。亦都知道依家出面啲人對待感情係幾咁兒戲，依家知道我同呀詩一齊咁耐，都無乜特別嘢發生，已經令佢哋好安心。

「我幫你哋洗啊。」呀詩食完飯之後幫手執枱。

「唔洗啦，你係客人嚟㗎啦，我洗得㗎啦。」老媽笑到見牙唔見眼，隻眼都笑到變咗個腰果咁，望落成個簡淑兒咁。

呢排係我見老媽笑得最開心，最開懷嘅一次。

感覺佢後生咁，但老媽嘅兩鬢，已經滲入咗白色嘅色素。

頭先坐係度一齊食飯嘅，原來係我最重要嘅人，我都意識唔到。

「唔好嘅，我幫下手好，唔想白食。」呀詩有啲堅決。

「你睇你呀媽幾開心。」老豆食完飯，行埋去沙發睇電視嘅時候講。

「之後多啲帶呀詩上嚟食飯啦，一齊食餐家常便飯，唔洗太過拘謹嘅。」老豆語帶輕鬆。

「你老媽子啊，佢依排多咁啲老人病，成日又話呢度痛嗰度痛，我自己身體都唔同以前啦，三高入面我都佔咗兩樣啦。」

「你都要好好睇住自己身體先得啊，咪以為後生就亂咁嚟啊。」老豆食住水果，同我傾起呢個話題。

聽完之後，我有種無力感。唔想咁，但又無辦法，只能夠係咁，亦唔知點做好，而且佢哋自己都知自己要做啲咩，唔輪到我教佢哋點做。

「咁醫生點講？」我緊張地問。

對於老豆老媽子嘅情況一無所知嘅我，我覺得自己好不孝。

「醫生咪話要戒口囉，多啲做運動囉，我哋依家好養生㗎啦，得閒就去跑下步，你呀媽就游下水，不過成撫日游游下水走去打麻雀。」

我竟然都唔知添可想而知我平時真係無乜點關心過佢哋。

「好啦，遲下同你去跑下步啦。」今日佢哋每一個，都觸動到我内心，動搖到我，無喊，亦都無表現出嚟，我嘅表情仍舊平和，但好幾次令我起雞皮疙瘩，仲洋溢住幸福感。

只不過係呢一種幸福感，並唔刻骨銘心，好似以前一啲以前刻骨銘心嘅事，都會淡忘，諺返起都會猶疑噃個人係咪自己嚟？

我哋總會重生。

所以我並無覺得今日餐飯好難忘，難得自己緊張嘅人一齊食到餐飯，因為我知呢一個moment總會過去。

無特別眷戀。

飯後坐低睇一陣電視，佢哋日常就係睇下TVB啲劇集，得閒就加把嘴，睇咗一陣我就話送呀詩返去，走先。

我知呀詩唔係咁想長留，以佢嘅性格會驚打擾到我哋。

不過呢個和樂融融嘅屋企，都會因為幾年後發生大單嘅而嘈大鑊呢單嘅牽涉成個香港。

「都夜啦，聽日呀詩仲有嘢要做，我送佢返去先。」我同兩老講。

「哦哦好啦，小心啲喎，唔洗咁急返嚟喎，去拍下拖先囉。」我老媽食住瓜子同我哋講，明明啱啱先食完飯

「係啊，咪淨係送到樓下就算啦！」佢哋一人一句真係好鬼死長氣。

臨別秋波，呀詩同佢哋客客氣氣，有禮貌咁道別。我老媽呢，就一切如舊，一樣好似一開頭咁熱情。

係咁講話：「下之再嚟啦，唔洗怕羞喎，當自己屋企得啦！」

好似已經當正佢係新抱仔咁

媽啊人哋都未知係咪肯嫁俾我啦

最死火係，我老豆都附和埋一齊，話我有咩對佢唔好，記得要同佢哋講，佢哋會幫呀詩出頭嘅！

總之就成個走廊都好嘈啦，羞家到呢我都唔知隔離鄰舍點睇我哋啊真係，又笑得好鬼死大聲喎，好想搵窿搵。

終於都走咗啦，我送呀詩返去，趁兩個人嘅時候，當然會問起頭先餐飯。

「下？無咩點啊，頭先餐飯幾好啊，我不瞓都話羨慕你屋企㗎啦。」呀詩平靜地說，呢個反應令我有啲意外，我以為呀詩心驚膽戰完添。

睇嚟佢頭先得心應手。

「我以為你會俾我老媽嚇親添。」我直言。

「係啊，有嚇親啊我以為佢會唔鍾意我，因為電視啊網絡上面啲人都話婆媳關係好複雜，好多啲呀媽都唔鍾意自己。」

「甚至呢啲關係成世都係咁僵硬，所以我一開頭會咁驚就咁解，但係頭先食飯嗰陣，我就唔係咁諗。」

「我第一次感受到有媽咪嘅好。」

我醒起呀詩係單親家庭，一向都無媽咪陪伴嘅佢，我無辦法完全明白。

我沉默。

因為我唔知講咩好，講啲懶係搞笑嘅說話又唔啱場合，安慰又驚到喉唔到肺，索性唔講。

「所以其實幾好，餐飯係我久違嘅溫暖，我唔知幾耐無同屋企人咁樣食過飯，我同我老豆不瞓都唔會一齊食，我煮完，都係擺係度，唔知佢幾時會返嚟食。」

「就算我同朋友出去玩得幾開心，中學嗰陣出去蒲，大學搬出去住，有朋友陪，出去玩得好開心都好，我屋企始終都係孤伶伶一個。」

「最後其他朋友都會返屋企，當然，有啲屋企唔係咁和諧，我知嘅，至少佢哋返去係有人等，而我係唔會有。」

「我真係未體驗過天倫之樂係點，不過我今日感受到，雖然你會嫌棄你媽咪長氣、囉嗦，但其實係福份嚟，因為有人關心你，屋企人嘅關心，同朋友係唔同。」

「朋友嘅關心，係短暫嘅，有事起上嚟，你唔會奢求佢關心，佢無咁嘅義務，有嘅話，係好彩；但屋企人嗰種關心，係一種依靠，你知點都好，背後返到去，都有佢哋。」

「你去餵流浪狗，同你屋企養隻狗仔，都係唔同嘅。」

「你可以當呢度係自己屋企咁喝。」我沿路同呀詩講。

呀詩無回應，只係莞爾一笑。

然後我哋又講下其他嘢，佢睇啲喺衫啊，話咁樣靚唔靚啊之類。

我成日都笑呀詩佢幸福肥，的確佢對比起中學，明顯係肥咗少少，佢成日都講話自己好肥啊好肥啊

同時好彩噃係，佢個波又真係有漲到，個手感比之前明顯有增加，玩到愛不釋手

我覺得以前呀詩噃身材係更加豐滿，應有盡有，佢都話有喺衫佢著唔落，要買過一喲，連喺bra都係。

身為男朋友噃我，呢啲係福利，同時間亦都有義務。

陪佢去行女性內衣店，條件好撫尷尬噃事嚟，一開頭。

呀詩拖住我入去，然後睇得好投入，仲問我邊套好睇喺

「Er.....我唔識睇女人內衣㗎喎。」我咁樣答佢。

我點會估到女人諗乜啊，佢眼神睥住我，斜斜地咁，眼神噃用意不明。

然後佢係我耳邊輕輕咁同我講：「咁我咪又係著俾你睇。」

我扁我即刻畫面出曬嚟，忍唔住偷笑。

「咁係咪好應該你揀先？」呀詩講得好有道理。

之後我先發覺自己做咗水魚，因為咁樣呀詩就唔洗煩要諗買乜bra好，只要係我揀完之後，佢再揀個噃心水噃就可以了。

呢個機關算盡噃女人。

呀詩身材豐滿咗之後，越嚟越有女人味，喺男仔噃角度其實係啱啱好，但喺女人眼中，就係點都唔夠瘦，唔夠靚。

「點算啊，好肥喎。」呀詩佢拉開半邊簾，探出個頭嚟問我。

呢種若隱若現就算同佢拍咗好耐拖，都覺得好正，好吸引。

我唔知呢間店俾唔俾我咁做，我都照探個頭入去望下。裡面有一塊落地噃大鏡，呀詩全身同埋我個頭噃倒影都照曬出嚟，呀詩全身得返內衣，佢全身上下都俾我睇過曬，無咩好大驚小怪同埋怕羞，所以可以用客觀平靜噃態度去觀望。

「唔會啊，唔會好肥啊，身形比例好好啊。」我真心讚美。

「但係你睇下」呀詩係個肚腩度擠咗舊出嚟，扁曬嘴咁講。

「你無非都係想我講：『無論你變成點都好，我都係會咁愛你啊嘛？』，係咪？」我笑住講。

「知你仲問！」呀詩成日俾我激到反曬白眼，高潮咁嘅款。

「真係呢我真係覺得還好呢，邊度肥姐你。」我如實作答。

「你啊，成日身在福中不知福，呢啲先幸運啊。」我講完之後，呀詩好明顯唔想理我，不過就笑笑口咁囉。

我哋嘅拍拖日常就係咁，時不時就笑下咁囉。

「唔理你啊！出返去啦你！」呀詩推我塊面，趕我走。

可能就係有呢啲不可多得嘅日常，我哋先可以拍拖拍到依家。

下半年好快過，新年嗰陣有帶呀詩同我屋企人仲有幾個親戚一齊飲茶，個個都讚佢又靚女又乖，第一次見面講到好似好熟佢咁，啲親戚把口真係乜都講

其他朋友問起我同呀詩點嘅時候，都會講起話我哋都見咗家長，佢哋都會講話：「哇，你哋咁快啦？咁快就見家長？可以結婚啦喎。」

當佢哋咁講嘅時候，我就唔明啦

乜見家長同結婚係掛鈎嘅咩？

不過佢哋有樣嘢講得啱，就係估唔到我哋year2都未完就見家長，同埋係佢哋現階段想像唔到嘅事嚟。

因為有啲都仲未拍拖然後用啲又羨慕，又酸嘅語氣同我講，搞到我都唔知俾咩反應好。

去到year2嘅sem尾，我哋最擔心，最頭痛嘅一段時間，驚自己嘅成績啦，我知好多中學無乜點讀書嘅，上咗嚟ass都好睇重成績，因為個個都想爭返上去。

出完成績後又要去in學校啦，又唔知搏唔搏到啦。

呀詩陪住我，成日聽我呻，我平時係好少會呻嘅人嚟，男仔其實無咩好呻，通常都係聽呀詩呻多啲。反而咁樣呢，呀詩知我真係好驚，更加陪住我。

雖然無做啲咩好特別嘅嘢，就咁係電話度聽我講，安慰下我，俾啲信心我咁樣。

但我已經覺得夠多。

有咁嘅心係度，已經難得。

呢段期間，我哋圍內比較熟嘅就互相俾料，睇下大家嘅去向，雖然得小雞三四隻，好過無嘅時候最慘就係孤軍作戰。

好彩嘅係，我入返U，總算無辜負呢兩年係咁努力讀，又多project，又多測驗，考試唔排無得同呀詩見下。

我搏返係九龍城嘅U，啲種難以置信嘅感覺，keep住咗好幾日興奮，不過就同呀詩唔同U

「幾好啊！！入返U已經好好啦！」呀詩聽到呢個消息，都好登我開心。

「但我無得同你同U喎」我扮可憐。

「同唔同U又有咩所謂啊？咁樣我哋可以去大家嘅U度行下都幾好啊？」呀詩講得有啲牽強。

「點同姐！我哋無得一落堂就過嚟搵下，或者一齊係個校園度拖住手拍拖，都唔同。」

「你真係笑鬼死我，邊有幻想得咁美好啊？落堂就返hall㗎啦，係校園行？咪玩我啦，落去買個飯，頹look我都覺得尷啊。我諗你係咪睇啲咩劇睇得多？現實嘅係噃校園行嘅話，只會係頹T踢拖，不知幾多去上堂嘅人都係著住ocamp件營T。」呀詩赤裸裸咁道出事實。

佢講嘅我都知大學唔係自己想像中咁美好，但係呢個係我讀兩年ass上嚟嘅動力，點知一得悉呢個消息，就打破曬了。

「今晚出嚟慶祝下啦！咪咁sad啦，哈哈哈哈。」呀詩反而笑得好鬼開懷。

呢個暑假，吹起一陣熱潮

就係pokemon go。

呀詩係我面前玩緊pokemon go，佢出到嚟，佢話：「呢個地方我仲未嚟過，頭先捉到幾個新嘅pokemon。」

「洗唔洗啊？講到好偏僻咁，明明平時拍拖都係咁姐。」

「我捉得好少咗，我hall啲fd都捉咗唔少，佢哋話搭車都會捉，仲多咗出去行添，我哋學校有啲特別版嘅pokemon，個個都係度搵緊。」

乜唔係出嚟幫我慶祝咩？我屌啊？

「我都有玩，之前搭丁丁成架車啲人都係度玩緊pokemon go添。」

「係喎！搭丁丁都幾唔錯喎。」呀詩雙眼發光，我都唔明呢種熱潮真係有咁吸引？

「乜唔係同我慶祝入U㗎咩？」我望住佢，用最熾熱嘅目光。

「係啊！我男朋友咁叻，梗係要好好獎勵佢啦。」佢由望住手機mon嘅眼，望咗上嚟，個眼神呢不自覺咁令我聯想起歪噃。

「點獎勵先？」我哋前排因為忙，都無乜點見，自然唔味噃，就好耐無做，我都忍咗一排噃，儲儲埋唔少貨。

「你想點獎勵啊？」無論依家呀詩做咩表情都好，我都認為係淫噃啦，一定係想搞噃。

「你知嘅！」我輕撫佢嘅手背。

「收皮啦咸濕仔！餓咗好耐啊？」呀詩睇穿我嘅心思。

「都真係好耐啦，不過你唔想，我唔會勉強你嘅。」我以退為進。

「今年可能係我最後一個暑假啦，可以嘅我都想享受埋佢。」呀詩倏然說起。

「咩咩最後一個暑假啊？依家唔係year2咩咩？」我問道。

「我下年暑假想去實習，所以計返嘅話可能就無暑假啦。」佢咁樣講，我就明啦不過接落嚟佢講嘅，我就真係唔知點好。

「同埋呢，嚟緊year3，我想下半年嗰個sem去exchange。」呀詩瞄兩瞄我個反應。

「姐係下年？」我一時之間個腦未係好諗到啲咩，覺得好似好多問題咁，一時釐清唔到。

「係。」呀詩斬釘截鐵咁講。

「但係你夠錢去噃啦？」以我所知呀詩屋企嘅家境，要負擔佢去其他地方exchange唔係咁易。

「我有申請獎學金，同埋之前打工我都有儲落一筆，都夠嘅。」呀詩依家咁樣同我講呢啲噃，今晚餐飯出嚟嘅目的已經唔同咗，我寧願呀詩揀過第二啲時候同我講仲好。

「去幾耐啊打算？」我聽到已經覺得唔捨得。

「半年咋嘛，我無咁多錢去咁耐。」我諗呀詩同我講得嘅話，證明佢都諗咗好耐，諗清楚先同我講。

「咁我呢？」我忽發奇想。

「咩你啊？」佢問道。

「如果我都同你一齊去呢？」我真心噃。

呀詩頓一頓，然後認真同我講：「強，我唔想你因為我去而跟住我去。」

「我去係除咗想見識多啲之外，仲因為我有獎學金，我覺得唔去會曬咗，同埋我可以抵咁啲學分，我係真係諗過㗎。」

「你唔會唔捨得我咩？」我唔想太過理性，因為我知理性上，我絕對贊同呀詩去exchange，但我唔知我哋long d維唔維持到，呢個係我哋從來都無面對過嘅問題。

我無足夠嘅信心。

我將我内心所有諗法同呀詩講。

「我哋將來會有好多我哋未曾經歷過嘅嘢等緊我哋，會變成點，我哋都話唔埋，唔會等到你準備好曬，先至開始。」

「都係睇我哋有無咁嘅心行落去姐，當一面對啲唔知點好嘅難關，就驚驚青青咁，其實都好難行落去。」呀詩收起部手機，無好似頭先咁玩pokemon go，本來輕輕鬆鬆嘅氣氛，因為呢個話題而變得嚴肅。

「我想早啲話俾你知，好等你有個心理準備但可能我真係講得唔係時候。」呀詩低頭，輕咬著唇。

「冇陣時，我都會做得唔好。」好地地，做咩無啦啦搞成咁？今日出嚟我並唔係想咁。

「唔係啊你無咩做得唔好喎。」我嘗試氹佢，餐飯我都無乜胃口食添。

「咁你覺得我哋捱唔捱得過long d？」呀詩問到我不知所措。

「我我我都唔知啊，唔試過點知姐。」我答。

「但我覺得我哋捱得過，我有信心。」我唔知點解呀詩會咁堅定，但我聽到係開心，同埋安心。

原來係呀詩心目中，對我哋呢段感情咁有信心，無猶豫過。

「我」其實我想講嘅係，就算係去幾個月都好，我都會唔捨得你。

但我無講到出口，原因係咩，我都唔知點解釋，原來就算一齊咁，都唔代表有勇氣講出自己想講嘅說話。

「都係無嘢啦。」活生生吞返落肚。

除咁呢一個消息，我哋呢晚係開心嘅，但係腦海時不時就會閃過「時限」呢個命題。

無論呀詩講定唔講，都會影響到我哋嘅關係，由呢個決定開始噃一刻起，就已經注定咁會傷心嘅結局。

咁究竟係長痛好？定短痛好？我都唔知。

呀詩話呢段時間佢都會返屋企，暑假hall度都無人係度，之前有段時間變得平淡，忽然間依家黏埋一齊，我哋嘅關係又再次沸騰起嚟。

一開始我有啲唔慣，但好快適應返。

同時無可避免地諗，我哋時間好似得返好少咁，當下嘅我其實仲未諗通。

「我哋搭叮叮好無啊？好耐無搭啦喎。」呀詩忽然問道。

「好啊。」

有時係愛情人面，都需要有啲唔一樣嘅地方，先會滋潤枯燥乏味嘅生活。

我哋就咁搭搭下地鐵，過完海噃一個站，就行出去搭叮叮。

即興比起安排好曬嘅快樂，會加到好多好多倍。

即興，考驗嘅係當下嘅氣氛，心靈相唔相通。大家都有咁嘅心，一齊話行就行，噃種一拍即合嘅感覺，實在叫人陶醉。

可惜嘅係，現實唔會好似電影咁，一上到叮叮上面，就有兩個位空咁出嚟，俾男女主角坐係度，互相捱住，享受繁忙都市中嘅慢生活。

我哋係逼上叮叮度，係上層度企，係無冷氣嘅叮叮度感受咩係侷促。

「有無後悔搭叮叮啊？」我笑問呀詩。

「咁快就後悔？我哋有排搭喎。」呀詩佢不以為然，就算又熱又焗，佢都無怨言。

叮叮上面嘅人都係度捉pokemon，呀詩都拎出嚟玩

我開始覺得佢話要搭叮叮並唔係想我哋段關係可以特別啲

沿路搭叮叮返去捉pokemon先係呀詩嘅目的

Sor係我諗多

搭咗一陣，側邊嘅位置度有人落車，咁啲就係我哋附近。

我俾呀詩坐，然後我捱係佢隔嚟。

我企係高位，而呀詩坐係度，佢靠過嚟捱住我啱啱好係心口位再落啲，而我睇到曬佢手機畫面。

佢捉幾次都捉唔到隻pokemon，最後又要餵嘅先捉到。

捉到之後，佢切換畫面，係相機影相嘅畫面。

我個樣因為佢低炒而變得扭曲，而呀詩拎遠少少，依舊係低炒，不過呢個畫面我哋兩個嘅樣都清晰咗好多。

我同呀詩都笑住咁望住鏡頭，我諗起我哋自拍都已經係幾個月前，一齊出去玩，有特別節目嘅時候先會。

我哋係唔同角度影咗好多相，完全唔理後面嘅途人啲目光。

過多陣，坐係後面嘅路人都落車，我就順理成章咁坐係呀詩後面，望住呀詩嘅背影，原來佢髮型都變咗好多

由以前MK嘅負厘子髮型，變到依家自然咗好多；同埋以前頭髮留到好長嘅佢，頭髮都越剪越短。

我記得佢中學嗰陣個馬尾無咁短，我對比緊佢頭髮嘅長度，真係短咗好多。

今日呀詩都鮮有地紮起馬尾，頭先佢話太熱，所以綁起咗啲頭髮，自從中學之後，就好少見到呀詩紮起頭髮，就算萬年一次紮起頭髮，佢都係會紮起個髻，唔係話唔好睇，係好靚但同馬尾係有分別，好似馬尾記錄咗以前嘅回憶咁。

我玩弄佢嘅馬尾。

輕輕一撥。

「喂啊！」呀詩嬌柔地轉身鬧我。

呀詩嘅回眸，瞬間同中學嘅佢重疊埋一齊，一時之間我都計唔到我哋離開中學係兩年定三年。

「仲細啊？仲整人條辮！」呀詩係典型口裡說不，身體但好誠實嘅類型。

然後轉過身，背住我係度fing條辮。

我係撥呀詩馬尾，中學唔係無玩過，但呀詩好幾次都坐我隔離，唔係坐我前面，我無咁嘅機會坐係佢後面玩佢馬尾。

呀詩又再轉身，帶著愛意地睥住我：「仲影唔影㗎？成日掛住整人！」

「好耐無整啦嘛。」有時投入咗個氣氛裡面，會唔記得啲唔開心嘅事，至少當下我無諗起頭先呀詩同我講嘅事。

「超！快啦。」呀詩催促。

我靠近電車嘅窗口度，伸個頭去呀詩膊頭，呀詩好自然咁拎高部手機，開啟前置鏡頭，露出迷人嘅笑容。

佢自拍嘅表情同佢以前facebook入面啲MK相都仲係一模一樣，如果俾佢知我咁樣講佢，佢一定打柒我，所以我收埋係心入面，無講到出嚟。

呢啲相又可以換嚟做wallpaper啦。

電車路去到後期，好多位都吉咗出嚟，我同呀詩換咗去兩人座度，就咁靜靜地，望下外面嘅風景，吹下風，頭先悶熱嘅感覺已經消散曬。

無乜搵新嘅話題，然後一靜落嚟，就算呀詩係我隔嚟，我都會忍唔住去諗。

諗咗好多，越諗越亂。

好快就埋站，我哋買咗啲食返去，佢又肚餓，好明顯佢只係口痕，會幸福肥唔係無原因。

喺晚，我哋久違地做咗兩次。

我記得以前係做得好快，然後次數可以好幾次，一次邊度夠皮啊？

但慢慢去到最近，我哋扑嘢嘅時間耐咗，玩好幾樣花式，但遲遲未能完事，當我哋完咗之後，成身出曬汗，真係劇烈運動咁。

我不禁問自己，真係屌厭咗？

其實我都仍然覺得呀詩好正，仲係好快起到機，但就係唔知點解會咁

然後我同呀詩嘅前戲亦都長咗，應該係話更加享受前戲。

係咪一齊耐咗，有啲事情就慢慢變得唔一樣？我哋又需要花幾多時間去接受呢種變化？

諗返起初初同呀詩埋牙嗰陣，嗰種緊張嘅心跳，一早換成平淡嘅公式，變成一種程序。

然後難以全心投入落去。

本來我仲好期待期待同呀詩翻雲覆雨，話曬咁耐無做，同埋各自都忙，連見嘅時間都好繩緊。

但一上陣，嗰種期待一下子落空咁，有可能係我過於期待？

我唔明我自己仲有咩唔滿足？我知我有啲朋友條女唔俾佢扑添，佢日日都有得望，無得食；而我已經好好啦，呀詩將我餵到飽飽。

呢啲諗法，我無表現出嚟，我攬住呀詩，某方面的而且確係滿足咗，但我知唔同咗，有啲嘢

就算得知呀詩佢半年後會離開香港，我都無好似我想像中咁，諗住會好好珍惜同呀詩相處嘅一分一秒。

我以為自己會成日都搵佢啊，可以見就見多啲，我以為係會咁樣

但點知我無，我開始覺得自己生活入面唔淨係得愛情，我一日嘅時間入面分配咗俾其他嘅，平均地。

返part time啦、打波、打機、打飛機、煲下劇、玩下手機

當呀詩搵我嗰陣我會即時出現，當時間長咗唔搵，醒起嘅時候就會搵佢。

我都想搵個原因去解釋自己呢個行為，我搵唔到我都唔知點解會咁。

不過你問我有無唔開心？有無唔慣？我又唔會，反而覺得咁樣相處好舒服，自在。

可能咁樣，我哋可以更加有能力去應付long D？

「今年生日你諗住點過啊？」係一次拍拖中我問起呀詩。

一開始嗰幾次都係我幫呀詩安排生日，當過咗好多次生日之後，就點都會變，真係無乜可能年年生日都要搞到好盛大咁，終有一日會平靜落嚟，對呢一日嘅期待感會逐漸降低。

「其實無啊只係想簡簡單單咁過。」呀詩嘅反應好似佢講嘅咁——平淡。

「咁簡單嘅話就唔慶祝㗎喎？」我玩嘢。

「你可以試下嘅，好似幾好玩咁喎。」呀詩用銳利嘅眼神望住我。

算係呀詩最後一個暑假，佢搏命返part

time搵錢，補習啦，返嘅時間亦都長咗，咁我有時間就會去接佢收工，佢往返自己屋企就近好多

附近嘅公園同埋海皮都係我哋成日拍拖嘅地方，呢啲地方hea走我哋唔少時間。

呀詩佢唔想呢個暑假淨係得返工，佢想個暑假过得精彩啲，佢咁樣同我講。

「如果呢之後我多咗出去同班朋友玩嘅話，你會唔會唔開心㗎？」佢試探性咁問我。

「其實，你想嘅咪去囉，我的確無理由去阻止你，因為你有你諗法，同埋你咁樣做會開心嘅話咪夠囉。」

我補多句：「就連你去exchange我都無阻止到。」

我承認，我唔係無時無刻都做到咁謹慎，我有陣時都仲係噃個長唔大，傻更更嘅呀強，都會講嚟衝口而出，講埋曬啲慳鳩嚟。

所以我會令呀詩發脾氣，我兩個少不免都會鬧下嘴，嘈下交。

「姐係你唔想我去exchange？」呀詩眼神無比尖銳。

「我我唔係咁嘅意思。」又講錯嚟。

然後我下意識又想解釋，跟住就連我都有啲憎自己咁樣，因為連自己都覺得自己又係度搵籍口。

「咩叫你無阻止到我？姐係其實你係唔想我去？咁你前面講咩我想去咪去囉，懶係俾我自由咁。」呀詩呢個狀態好恐怖，事隔幾年，我哋甚少又再嘈到呢個地步。

「你唔想我去，我明喫喫，咁你噃陣時講咪得囉，啊你又好嘢喫，但你又唔講喫，收收埋埋，依家先嚟講？」

「對對唔住啦」我唔想俾呀詩一種我係度搵籍口嘅感覺。

「我唔係懶係俾自由你，而係我好清楚，只要係你想嘅，無論係你想要，定係你想做嘅，你都會做得到，其他人唔會攔得到你，包括我。」

因為咁樣嘈一嘈，我逼住將自己呢段時間嘅諗法都一次過講曬出嚟。

常言話：嗌交都係一種溝通方式。

應該好多人都係，去到嘈交、甚至不可挽回嘅地步噃陣，先肯將自己心入面嘅真實諗法講出嚟。

明知嘅道理，卻一直重複地犯著。珍惜眼前人，總係失去嘅一刻先知道要珍惜。

「好似以前中學，你話要脫離呀彥，唔再做一個MK妹，你做到啦；你話你會戒煙，你都做到；你話你想讀大學，最後你都做到。」

「其實你係一個好出色嘅女仔，雖然平時睇落好似慳慳鳩鳩，但係好識為自己諗，所以當初你同我講噃陣，我就知其實你都諗咗好耐，先決定。因為咁，我更加知唔會攔得到你，即使心入面幾唔情願。」

講完之後，我哋都靜咗一段時間。

我以為呀詩會好快反駁我，因為每次係呢啲時候，我都拗唔贏呀詩，我自己都會覺得佢講嘅，道理都係啱嘅。

但今次，呀詩出奇地平靜，先令我更加驚。

「我想要嘅，從來都唔係因為你知攔我唔住，先俾我去咁，我知咁樣好老撏土，好tvb嘅對白，但真係㗎，個個呢個時刻都係想要個真係了解佢，明白佢，繼而支持佢嘅人。」

「唔係啊」越係講，我就唔知點解好似有理說不清咁，好似更加表達唔到我想講嘅。

「我真係明白點解你要去啊」我講到口水都乾，但就係唔知點樣都無辦法將自己心意傳遞到呀詩心入面。

「我點會唔了解呢？呢個都係一個好好嘅機會，我知道咗之後嗰幾日，我甚至有諗過如果你係嗰邊唔夠錢洗，我係呢邊返part

time嘅錢都可以俾你係嗰邊用住先，難得去一轉啊嘛，有乜可能會唔洗錢。」

「只不過真係去到問心，作為一個男朋友點會捨得自己女朋友去咁遠嘅地方喎，咁理智真係話俾我知應該俾你去啊嘛。」

「我都係呢排先學識點樣權衡呢啲事。」

我就嚟講到我暴跳如雷啦，呀詩都仲係好似舊石咁企係度，用佢嘅大眼睛瞅住我。

「咁你仲敢唔敢唔話我知啊？你覺得將呢啲情緒收埋好好玩啊？唔捨得咪講唔捨得囉，講出嚟好失禮男人你啊？」呀詩語氣緩和返，佢臉色掛曬係度，好容易理解。

每次就返佢嘅前奏都係咁，點都要擺返啲彩先得，但我好清楚佢。

大大話話都一齊咗好幾年，佢嘅一笑一顰我都知。

「咁你捨唔捨得我啊？」我反問。

「唔捨得。」如閃電衝線般，迅速咁答我。

我俾佢毫無猶豫，飛快衝擊我心嘅溫暖搞到好感動。

因為咁，我先知其實只要兩個人仲有心，感情唔會點淡，一切都可以好似之前咁。

當然，有好多嘢，我哋都習慣曬，變到我哋唔需要再花啲咩功夫同精神再去了解大家。

只要再花啲功夫係大家度，咪一樣都會好似之前咁。

「我去到外國嗰陣啊，你唔可以再咁樣收收埋埋㗎啦！」呀詩將個頭埋係我心口，係咁磨，好可愛。

「我知啦，每日都會打俾你，每日都講下大家發生咗啲咩事，咩都講，咁就唔會收收埋埋㗎啦！」我好順手咁摸起呀詩個頭。

暑假，我俾呀詩想做咩就做咩，盡情留低啲回憶。

因為我哋唔會知道，呢一刻嘅美好，會唔會成為日後日想夜想嘅舊回憶。

佢同我講今日去邊去邊，又去下沙灘，又去下啲聚會，又打工，總之好鬼充實。

我都有同呀詩去沙灘拍下拖，曬下太陽，影下相，po上ig曬命，我諗呢個暑假係我哋兩個呢幾年，投入得最搏命嘅一次。

Part

time賺返嚟嘅錢，全部用曬我哋兩個度，去好啲嘅嘢，去搵下有咩我哋有興趣做，而之前未試過做，想一齊去做嘅。

試過去攀岩，亦有玩一啲好耐無玩過嘅嘢，好似溜冰啊之類，我哋兩個都想自己最後嘅青春入面，瘋狂啲，去盡啲。

我下年暑假都想去intern，攞啲經驗啊，同埋想早啲試下返工嘅生活。

後來的我錯了，因為返工嘅生活係一個無間地獄嚟，做乜鬼咁早落地獄呢？

不過綜觀呢個暑假，我好enjoy，基本上每日都好充實，雖然好劙，但身體仲支撐到，冇陣時通頂玩完再去返part time都無問題。

不過去到暑假尾聲嘅時候，出現咗一次危機，亦令我相信香港地真係好多狗公。

「強b！」呀詩平時都係咁樣叫我。

「有樣嘢我想同你講，但係你唔準聽㗎喎。」呀詩忽然間咁樣講，搞到我有啲緊張，唔知佢要講啲咩呢？

「你講咗先，我再睇下聽唔聽。」我唔正經咁講。

「邊有得咁㗎！你講咗我先講。」好明顯佢唔想俾我恰。

「好啦好啦，我唔瞓，你講啦。」通常咁樣講，一定係啲會令人瞓嘅嚟先，係咪先？

「真係？勾手指尾啊。」呀詩伸出佢可愛嘅手指尾。

「得啦。」我微笑一下，我笑係因為呀詩偶爾個舉動好細路女。

「就係呢最近有個男仔好似想追我咁。」呀詩拎部手機出嚟俾我睇，我直接睇到佢哋嘅對話紀錄。

「可能呢排多咗呢啲聚會呢，有好幾個男仔都對我有好感，點同你講呢個行為同埋眼神好明顯㗎，近距離啲你就會感覺到，個眼神就好似想食咗你咁。」

「一個人嘅眼神係最藏唔住動機。」呀詩真誠咁同我講返。

拍咁耐拖，呀詩都無乜呢啲緝聞，我以為係佢無同我講，原來如果有嘅話佢係會同我講。

「佢哋會借啲意想同你單獨兩個人相處，全部我都會搵籍口避開，但最癲嘅位係，我一早已經表明自己有男朋友，佢哋都照咁樣做，而且佢哋都係有女朋友嘅人。」

「我終於相信中學畢業之後，啲人唔會咁純，係學校入面好少會遇到或者聽到呢啲嘢，呀彥喺班都係學校外面嘅事㗎，所以話社會上真係咩人都有。」

「咁要多兩要，佢哋就無再纏住我，反而有一個，不停咁搵我，約我，就算我再點樣hea覆都好，都無用。」

我正想講話：「咁block咗佢咪得囉。」，呀詩似乎知道我想講咩，就打斷咗我。

「我知，你想講話block咗佢咪得，係咪？」

「嗯，係啊。」

「但我同佢有好幾班fd，有啲佢都識，同埋都幾熟下，我唔想搞到咁薑。」

「你咁靚女，有狂風浪蝶係好正常嘅事㗎，但係依家啲狗公都幾猖狂，啊我幫你覆佢啦。」

「咪啊你，就係唔想搞到啲關係咁麻煩先無block到佢，如果咁簡單我就一早block咗啦。」呀詩阻止我。

然後我再睇下佢哋嘅對話，哇真係唔睇過嘅話，都難以置信啊。

「hi，你記唔記得我啊？」個男仔第一句話咁樣同呀詩講。

然後我見呀詩係hea應佢，好簡單咁覆佢。

「之前我有留意到你身上帶住啲XXX嘅嘢，你係咪好鍾意XXX㗎？」喺樣嘢係呀詩一路都好鍾意嘅卡通嚟。

基本上，每一個女仔都有一個自己好鍾意，或者好有代表性嘅公仔。

「係啊。」呀詩就咁樣簡短地覆佢。

「最近有個呢個公仔嘅展覽，有無興趣一齊去睇啊？」

「我最近都好忙啊。」

「但係等你忙完嘅話個展覽就完啦喎。」再外加個表情符號。

越後面，我就碌得越快，無仔細問，因為呀詩嘅對答都好正常，都係好婉轉咁say no。

不過個男仔就好似開咗個頭，不停問，然後又再R水吹。

「睇完未啊？睇咁耐。」呀詩係隔離催我。

「要睇得仔細啲啊嘛，如果唔係點查到線索呢？」我講笑嘅語氣。

「扁你！」呀詩又打我。

「睇完啦。」我俾返部手機佢，依家啲男仔咁樣溝女㗎咩？我心諗。

「點啊，睇完覺得點啊？」呀詩問我。

「其實無嘅，就算你同其他男仔出去，我都唔會阻止你嘅，有啲社交係要去嘅，我都唔想你嘅生活重心淨係係我度，正正常常嘅男仔嘅話，做朋友都無乜問題啊。」

「同埋啊，如果你要瞞我出去偷食嘅話，我一定唔會知道嘅，我覺得一段關係要行得耐，就要有基本信任，而且仲要唔好隱瞞。」

「你唔係香港喺陣，我哋咁樣先唔會鬧咁多交」我認為咁樣對我哋兩個遲下long d嚟講，會條件好事。

「知啦！知你最錫我啦。」呀詩聽完冇到成個貓仔咁噃我，係咁痴埋嚟。

如果你真心錫一個人嘅話，對方一定感受得到。

「咁你點睇？有咁多男仔係你身邊，想溝你喎？」雖然係試探性嘅說話，用著講笑嘅語氣問，但其實真心想知嘅嚟嚟。

「你自己覺得呢？」呀詩用佢迷人嘅大眼望住我。

「你自己對呢樣嘢都無返啲信心咩？」呀詩係我面前舉高隻手，用兩隻手指仔做出「啲啲」嘅手勢，真係好瞓打。

「點都有嘅，但我都想要知，究竟我有咩原因令你一直留係我身邊咁耐都唔走。」

「習慣囉，應該咁諗，無乜原因令到我想離開你。」呀詩佢咁樣講，令我矛塞頓開。

係噃，講得好有道理噃！

冇陣時就係無一個好強烈嘅原因想離開，咪姐係等同於留係度嘅原因囉？

「估唔到你講呢句我又覺得幾sweet噃，哈哈哈。」

「你會嘅咩？平時都唔講下呢啲嘢，成碌木咁。」呀詩擺出一個嫌棄嘅表情。

「咩啊？我之前準備咗幾多嘢俾你，你生日啊嗰啲，唔浪漫咩？你講！」我唔忿氣。

「er....少少囉！少少！」然後呀詩又係度大笑，以整蠱我為樂。

「今年生日你又話唔想浪漫，我就唔諗有咩節目，哼！」我不甘示弱。

「你唔搞我都無乜問題，唔知係咪人大咁呢，個心態真係會轉，我依家唔會再諗話咩生日要過得好好，心入面會好期待有人同我慶祝啊之類。」

「真係簡簡單單過就ok，前面都好好地慶祝過，咁樣就夠㗎啦。」呀詩嘅諗法同我一樣。

基本上我都無乜點慶祝自己生日，又唔一定話要有fd幫自己慶祝啊，要搞到幾大啊，然後又要post相啊之類嘅

我覺得我係唔洗，但以前呀詩會想。

即使佢無講到好出面，但會隱隱約約感覺到其實佢好重視、好期待個生日。

應該話係大時大節。

只不過依家佢會想簡簡單單，可能有我哋兩個人，一齊就可以，做乜都可以，咁樣。

當其他人，I

mean中學以前望落好摺，無乜點social嘅人，上咗U，個時間大約係中學畢業後一兩年，會不停見佢出現係ig、facebook上面，總之逢係大時大節就會po相，打一串嘢，然後慢慢由打一大串，變到得一兩行咁。

反而呀詩已經想低調，約嘅朋友開始係固定啲幾個，因為聽嚟聽去都係啲幾個。

明明佢都係啱啱上year3。

呀詩比我行得實在太超前了

今年呀詩嘅生日，過得比之前平淡。仲記得上年係陪佢去迪士尼過，然後我仲應承咗佢一樣嘅，但今年真係好大轉變。

到咗呀詩生日，我先發覺原來咁快就一年。呢一年我投身係啲功課啊、project度，然後仲有閒時返下part time，一個月又一個月咁，好快就過咗去。

呀詩亦都係咁，大家都識得俾自由同埋時間大家，又唔會話一穩定就犯賤，係要搵嚟嚟嘈下咁，所以其實都無乜太特別嘅嘢。

而且仲要每次有啲開心嘢，特別事發生，I mean拍拖嗰啲呢，間唔時一兩次會覺得特別甜蜜，特別開心。

然後第二日訓醒要再趕功課啊，要返part time啊，就覺得個轉變好撲大

有陣時轉變唔切，我仲沉醉係啲一個moment，仲未享受真啲嗰個味道，就要入返嚟呢個繁忙嘅伺候器。

「今年帶我上嚟整蛋糕啊？」呀詩佢事前唔知佢生日會有咩節目，因為我死都唔肯講，但其實無乜特別，唔係啲咩驚喜嘅嘢。

只要唔講，就會令佢有幻想，有期待。

做到咁嘅效果已經ok。

「估唔到呢！」

「驚唔驚喜！」我派膠。

「驚喜，實驚喜，我根本都估唔到你會想做啲咩。」我見佢表情都開心，我先安心啲。

「今年無乜點特別準備啊，後面都唔會有啲咩忽然間俾啲驚喜你嘅節目，今日淨係整蛋糕，食個飯就無㗎啦。」我事先聲明，我廢事佢有啲咩期待。

「得啦，我真係OK㗎，我似啲死港女咩！要你食你好貴嘅high tea咩？整下蛋糕都幾好啊。」呀詩滿意地笑一笑。

「兩位呢邊啊。」我哋等咗一陣，個服務員就帶我哋去自己嘅位，簡單介紹下啲儀器啊、工具啊點樣用，有埋Ipad教我哋點樣整，我哋只要跟住嚟整就可以。

我哋聽完之後就開始了。

「喂！唔係拎呢個啊，呢個係用嚟量嘢㗎，我哋都唔洗用住。」呀詩一開波，真係咩都未做，諗住拎嚟開始整蛋糕

就已經俾佢屌，屌完又俾佢笑

我哋依家嘅活動已經減少咗刺激嘅成份，以前會追求嗰啲可能令自己心跳加速，同埋腎上腺素飆升嘅活動，例如好似啲機動遊戲咁，咁就最正啦。

但依家已經唔同，多咗啲靜態活動；以前鍾意熱鬧，然後慢慢覺得悶，無必要，個次數就減少。

講咁多廢話，最後想講嘅，其實係我同呀詩都好enjoy佢嘅生日。

我已經覺得唔需要做太多嘅刺激嚟去證明我有幾愛呀詩，我只需要用細水長流去印證我哋段感情就可以了。

「小心啲！唔好太多，太多唔好睇㗎！我一陣仲要影相㗎！」呀詩仲緊張過我，因為佢睇實曬，搞到我手都震撚埋。

「你又打卡啊？」我笑問。

「咁我要俾其他人知我男朋友有幾好啊嘛！」屌啊佢又幾識講嚟㗎，呢句直入我心，即刻成個人甜曬。

「哎啊哎啊！幾識講嚟㗎。」我控制唔到自己個嘴啦，係度笑到停唔到。

「知我勁啊呢？」佢得戚，然後我唔小心，擠得多得濟添

「喂啊！！！呢頭讚完你，呢頭就搞啲咁嘅，你話你係咪唔讚得㗎？」

然後又係度打打鬧鬧，我哋無一刻會停，又嘈又笑咁，至少我哋兩個一齊，唔會無聊。

間鋪播住我哋熟悉嘅歌，以往嘅經典，個嘴自動識跟住唱。

怎麼了 你累了 說好的幸福呢
我懂了 不說了 愛淡了 夢遠了

其實佢唔係淨係播呢首，只不過係入面其中一首，然後又有我同呀詩嘅回憶，呢種巧合間唔中會如幸福咁降臨係每一個人身上。

聽住首歌，更加有動力整蛋糕。

我同呀詩都係度哼住呢首熟悉嘅歌。

「依家仲有無聽周杰倫啲歌？」我唱住周杰倫嘅歌問佢。

「有啊，不過少聽咗嘅，同埋都會聽佢啲新歌。」

「我記得呢首係我第一首聽周杰倫嘅歌，而且仲要係你俾我聽嘅。」我回憶返以前嘅歌。

「係咩？係我俾你聽嘅咩？」呀詩半信半疑。

「係啊！係車上面㗎，嗰陣你俾我耳機我，然後我聽你聽緊嘅歌。」我解釋返，不過可惜，都無用。

「下？我真係唔記得㗎。」呀詩笑住同我講。

「我以前好唔鍾意周杰倫啲歌，都係因為你，我先有聽佢啲歌。」

冇陣時，歌就係有咁樣神奇嘅力量。可以因為一首歌，而橫跨咗時空，短暫體驗穿梭時空嘅滋味。

我依家同呀詩講緊嘅事，已經係差唔多五、六年前嘅事。

原來已經過咗咁耐，嗰一刻，到依家我都仲係記得好清楚。

當呀詩拎起個蛋糕，佢個樣無乜點變到，除咗周邊嘅嘢。

佢嘅衫啊，打扮啊，髮型啊，妝啊之類，多咗好多嘢，但最主要嘅樣，其實無乜點變到。

仲有半年到，佢就會唔係香港，我唔知下年仲幫唔幫到佢慶祝生日，如無意外呀詩已經返咗嚟嘅，但我都係會擔心

到時候我哋會點呢？

如果可以的話，梗係唔想有咩意外嘅，我都唔想呢一次係我幫呀詩慶祝嘅最後一次生日。

整好咗個蛋糕之後，我拎咗部即影即有出嚟，同個店員講可唔可以幫我哋影張相。

我影咗一張，只此一張。

「下？乜淨係一張咋？」呀詩嘅意思係話，咁我呢？

「啲底相貴啊！」我講大話。

因為我已經諗好，呢啲即影即有會係呀詩臨上機嘅時候，整本嘢送俾佢。

而我，只要有手機入面嘅相就夠曬啦。

所以我無同佢講，呃佢話啲底紙貴，影一張好啦。事實上，我又點會同呀詩慳啲錢啊，呢啲回憶嚟，我都俾咗咁多錢嚟整蛋糕啦，唔通我會慳啲一張紙咩？

但係呀詩信我，亦都好為我著想，一張就一張，無再撒嬌。

我希望之後同呀詩去多啲唔同嘅地方，玩下其他嘢，影多啲即影即有，咁樣我哋就有多啲回憶。

等佢去到外國，見到本嚟都諗起香港有我，同埋俾多啲安全感佢。

我可以做嘅，好有限，呢個已經係我可以做嘅最大限度。

我哋拎走個蛋糕，去食飯，食完飯，我哋去返附近屋邨，以前細個成日去坐嘅乒乓波枱。

我諗起呀彥同佢條新女，我仲同佢哋打交，依家諗返起，嗰陣時嘅打交只不過係隊幾嚿就算數，好撚細路哥

我哋就咁拎個蛋糕出嚟，然後就咁係呢度慶祝，我哋無拘泥話要係咩好好嘅氣氛下慶祝，開心就好。

佢呀爸係屋企先唔上去，唔係嘅話應該係佢屋企慶祝就算。

「你許咗咩願啊？」生日步驟都做齊之後，循例都要問一問嘅。

「話俾你知咪唔靈囉，邊有人問人生日願望係咩㗎？」呀詩好不滿咁講。

「個願望咁巴閉咩？講下就唔靈㗎啦？」我摸摸呀詩個頭，佢有時好鬼死得意，就好似依家咁。

「係！就係咁巴閉！」呀詩死都唔講佢個願望。

佢許願嗰陣，係笑住嚟許願，咁睇嚟佢都開心咁，起碼佢係笑到含曬春咁樣。

我哋就咁坐係個乒乓波枱度食，依家啲仔啊，無乜人打乒乓波㗎啦，以前呢個場滿曬人㗎，好多無乜嘢做嘅細路會係度玩。

我都有落過去樓下打乒乓波，細細個放學，睇完電視，而未開始識玩online game嗰陣，就係落街搵朋友玩，打乒乓波，玩樓下啲遊樂場，係玩到成堆老母落嚟捉我啲fd返屋企食飯㗎。

依家仲點會見到呢啲仔。

坐係乒乓枱度食，望住個蛋糕大大個，食唔曬喎。呀詩就用好熟悉嘅眼神望住我，然後睥住我。

Ok，fine！

今年佢生日就咁平平無奇咁過，但係生日入面應該要有嘅，我都有俾到。

「我仲有份嘢要送俾你。」我先係自己背囊度拎出嚟。

係佢想要好耐嘅港女袋，牌子嚟嚟，係希望佢遲下exchange嗰陣會用得著，然後知呢個袋係佢嘅生日禮物，係我送俾佢嘅！

「哇！我仲以為今年會無禮物收添。」呀詩雙眼發光，佢嘅表情同一舉一動都證明咗佢係鍾意呢個袋，同埋佢係估唔到，嘻嘻！

「點解你會咁諗呢？」我反問。

「咁原本諗住細搞㗎嘛，我諗住一齊整蛋糕已經係我哋嘅生日禮物嚟添。」呀詩滿足地說。

「咁送多份禮物，都唔係好多姐？」我滿意地笑。

「同埋你點知我想要呢個袋㗎？」女仔果然係女仔，係鍾意袋。

「我見你留意呢個袋好耐㗎啦！通常呢，女仔會睇好多樣嘢，睇袋、睇衫、睇化妝品，但唔係樣樣都會想買，雖然好多都靚嘢，但真係邊有咁多錢買曬咁多樣啊，係咪？」我分析得頭頭是道，而呀詩係我側邊望住我傻笑，唔知做乜鳩。

「係啊，無錯啊，講得好啱啊！但係你點知我會想買呢樣㗎？」我就係等呀詩呢句。

「因為？只要留意你睇邊款減價，留意好幾次嘅，噃一樣就係你最想買到嘅嘢。」我好撲巴閉咁講，因為真係幾撲威，而且呢招幾乎百發百中。

「知道咗之後我都唔會理係咪減緊價，照買咗佢就啱㗎啦！」

呀詩佢拎住個袋，心花怒放咁痴埋嚟，開心到佢呢

而我係度目無表情，任佢痴住我，但其實心入面暗爽得很。

「雖然你係好細心，好留意我，呢樣係好抵讚嘅！」

「錫曬你！」然後錫咗我一啖。

「但係你唔知嘅係，其實我有留意減價嘅話，我係一定會買，而我係自己買到，同埋呢，佢過幾日就減價了，姐係你依家其實係買貴咗。」呀詩講完之後，莞爾一笑。一個冷水潑埋嚟。

「不過你咁有心，差啲幾百蚊咁就係你嘅心意囉！」老實講，呀詩仲識氹人過我。

咁今年佢滿意就得啦，平淡又一日，唔淨係佢生日先重要，查實係每一日都咁重要。

過往呢啲日子，呀詩會係ig啊facebook上面曬幸福，咁當然啦，我都開心嘅，如果佢社交平台上面無出現過我嘅話，我先需要擔心。

但今日佢無開過post，啲相就咁儲落係手機度，好低調。

我反而幾enjoy依家呢個階段，係好舒服，了解大家，看似無乜火花，但只要細心一睇，任何一個舉動都係深愛，都係記掛。

我哋忽然好似都有共識咁，無夾過，但明顯地，出嚟嘅次數多咗，以前大家都會忙課業，忙功課，就少咗出嚟。

可能漸漸課業無咁重，而且識得安排啲堂，安排啲時間。

唔會再好似之前咁chur堂，甚至乎無得揀咁焗住要上天堂堂，依家我哋兩個啲上堂時間都排曬係禮拜二、三、四上，然後禮拜五一路放到禮拜一，真係多咗好多時間，而且啲堂都會排曬係中午前後啲時間，絕對唔會早起身去上堂，如非必要。

就連返part time都好，都會隔住返，要chur就chur係暑假度，閒日就返少少咁樣。

咁樣我哋兩個啲時間就多返出嚟，會周圍去行玩，玩下，影下相咁。

Part time賺返嚟嘅錢，好多都洗曬係度，仲有啲係買嘢嘅呢？

呀詩都洗唔少錢係佢自己打扮上面，中學嗰陣幾何話要去行化妝品？去睇呢睇路㗎？

依家周不時行過，都會話入去睇下睇唔啱就話避過一劫姐，睇啱嘅話，就係落重本㗎啦。

淨係唇膏都好似買咗幾隻一樣㗎

「又買？你上次已經買咗支一模一樣㗎喎？」我真係諗極都諗唔明。

「咩一樣啊？你色盲㗎？同上次嗰隻都唔同色。」呀詩即刻係佢個界波袋度拎咗上次支唇膏出嚟，係我面前show出嚟。

「咪一樣囉，有咩分別啊？」

「所以話，你哋啲男仔唔會明女仔要買嘅有幾多，我夠唔明你哋玩嘅game，買嘅模型有咩分別囉！咪一撏樣？」

「點同呢？模型一睇就知啲分別。」我即刻駁嘴。

「咁唇膏夠係囉，你睇唔出姐！呢隻係3號色，我依家睇緊呢隻係7號，你話係咪一樣啊？」呀詩大條道理串返我。

呢啲就係變成我哋兩個行街嘅日常，同啱啱一齊嘅兩小無猜已經好唔一樣，但亦都習慣咗。

依家處於一種狀態，要有美好嘅回憶，就必須要由自己創造。如果懶，然後又咩都唔做，只會白白咁過。

所以一得閒，我哋就會出嚟拍拖，漸漸地，身邊嘅朋友都少約，淨係靠啲app嚟維繫。

屋企嘅影即有，唔經唔覺都儲埋好多，我都買咗兩底相紙了。

轉眼秋天，陪呀詩去買衫，佢話想換過以前中學啲MK衫，同埋想買啲新衫遲下去exchange用，但話無乜錢了，為咗去exchange，所以盡量揀啲又平又靚嘅。

旺中呢啲地方就啱曬啦，我又唔明啦，旺中啲衫出名MK，呀詩又話想換過曬啲MK衫，但又去行最多MK衫嘅地方

? ? ? ?

做乜鳩呢

距離呀詩準備去exchange嘅時間越近，呀詩已經準備緊自己要帶啲咩過去啦，睇得出佢係興奮嘅。的確，可以去其他地方住下，去見識下，有別於一般旅行，佢係嗰邊可以有多啲時間感受下異國風情，已經足以興奮。

儘管我一早同自己講，要理性啲，不過係去半年姐，暑假嘅時候佢就會返嚟，我哋都成日見啦，無乜問題嘅。

理性嘅我係咁樣諗無錯，但當靜落心神，重新再諗起呢件事，感性上話俾我知，我唔捨得呀詩走。

於是乎，我係夜晚就趁我思念爆炸，將所有嘅情感

用嚟整禮物。

一張張相，整係張卡紙度，然後寫嚟落去，寫我嘅叮嚀，寫我嘅感受，寫我哋嘅回憶。

雖然雖然真係好撥MK，以前係啲MK仔做埋曬啲咩爆炸盒啊，用嚟溝女，每逢唔知邊個邊個生日，就一定有啲爆炸盒，或者叫做驚喜盒嘅嚟出面係各大社交媒體上面。

估唔到依家我都做緊呢味嚟原來又唔係想像中咁差喫喎，哈哈哈哈！

我已經預視到呀詩收到份禮物係咩表情，實感動到爆。

不過我諗住留到最後佢上機前先送俾佢，而呢份禮物係未完成嘅，我會將每一個重要嘅時刻都放埋入去。

差唔多聖誕，聖誕左右就係我哋完sem嘅時候，意味住差唔多開sem嗰陣，呀詩就要去英國exchange。

我心情好撥忐忑，成日15、16咁，都咪話唔煎熬，又唔想講太多傷心嘅嚟，又唔係一去就去四年，只不過半年左右姐，但反而屈住唔講，個心仲更加唔好受。

最後就連普通散下步，都帶點傷感。

「點啊，你啲嘢準備好曬未？」我哋行完尖沙咀，就提議話不如坐船過港島，我哋就咁去坐船了。

係船上面，我望住維港兩岸嘅景色，咁樣問佢。

「你好想我走啊？」古靈精怪嘅佢，最鍾意就係人哋認真問佢嘅時候，係度派膠。

我攬住呀詩，用力咁攬實佢，我哋一齊咗都幾多年下，原來我打從心底係好愛呀詩，經歷過咁多嘢，個感覺都可以仲係咁強烈。

我都唔知點解釋，當下最直接俾我嘅反應就係咁。

「點會想你走喎！」我攬住佢，係佢耳邊講。

「喂喂喂，做咩攬咁實姐，你真係呢喂啊咁唔到氣啦」

「呼呼呼呼」

然後呀詩又一拳打埋嚟，而我沾沾自喜噃樣搞到佢生蝦咁跳。

「你想整死我啊？」呀詩隻手仍然仲攬住我。

「係咪整死我，等我走唔到啊？」

「我真係唔捨得你啊嘛」我頭先帶住呀詩嚟到無乜人噃地方，而且呢邊個景可以望到銅鑼灣到灣仔一帶，呢度噃夜景真係好靚

「我都係」我估唔到呀詩會咁樣回我，我以為佢會安慰我話：半年姐，好快就會返嚟之類。

「你都唔捨得我咩？」我問返佢，但心入面暗暗竊喜。

「點解唔會啊？你係我男朋友嚟，我梗係會唔捨得你啦，你都唔知我幾想你都同我一齊嚟exchange，我哋可以去新噃地方，嘗試新噃嘢，不知幾開心。」呀詩係我懷抱度，訴說出佢噃幻想。

「點解你唔同我講喎，你又唔叫」如果佢有咁噃心意噃話，我一定唔會理咁多，搏老命都同佢一齊去。

「你啱啱先入U，仲有好多嘢要適應，如果你就咁決定話要同我去噃話，我驚你會defer咋，所以我唔想影響到你。而且我見你對exchange都無乜特別意欲，我就無同你提過。」

「我知我都明嘅，所以我都係呻下姐。就算我幾想，都知自己唔好再衝動，可能真係慢慢大個呢，識得排個優先次序，同埋知道後果可能牽連有幾大。」

「以前啲人講咩咩咩後果，講到咩後果幾嚴重咁，其實後果真係唔會好似想像中咁嚴重，天塌落嚟咁，只不過一步步，牽涉嘅係後面啲幾步棋，然後就要用半年為單位咁去行。」

「慢慢堆埋堆埋條數，就好幾年過去。」

我嘆一口氣。

想像同呀詩係嗰邊嘅日子，很美好，我諗，我哋會因為咁而更加愛對方，一諗到咁，我就有好多動力同埋衝勁。

「我知如果真係衝動同你去咗exchange，我要追返啲分就唔係咁容易，我知你計過條數，就算返嚟都唔會defer，但我啱啱入返U，照咁樣睇，我係會defer，到時候我哋嘅感情唔知會點。」

「而且呢樣嘢唔係我計劃入面，但你有。一時三刻要改變自己嘅計劃，唔係咁易都需要諗過，不過都唔咁嘅時間俾我，只好咁樣囉。」

「得啦，我知你依家識諗啦！」呀詩聽完後，鼓起笑容，撲我塊面。

「我都知你會唔捨得我，我係嗰邊都會掛住你嘅，但你識諗就好」

「因為係呢件事上面，我哋都做唔到啲咩。」

「可以做嘅，就係臨去之前，多啲留係對方身邊。同埋去見一見重要嘅朋友，因為會好耐唔見。」

飯後，呀詩拎住部手機影相，影snapchat。

呢排，好多人都係度玩snapchat，係度儲火，總之就分享自己身邊嘅嘢，乜鳩都影一餐，然後乜鳩人都send，然後人哋又會send俾你，唔可以有一日斷，一日就有一個火，慢慢咁樣儲。

但每次開app，啲嘢就會唔見，所以有人話係偷食app嚟，自動刪走曬啲記錄。

呀詩亦都不例外，佢都有儲

「噃！到時候你都用snapchat，去到就每日都share下身邊嘅嘢，儲下火，儲幾百個，我就返嚟㗎啦！」呀詩咁樣同我講，唔知係安慰我定咩呢？

「你係先好！最好一日三餐都影俾我睇啦！」我帶點興奮噃口吻。

唔理佢係咪安慰我，但我聽落已經無咁不安，我更多噃係唔放心佢自己一個人係嗰邊，唔知佢係嗰度會唔會搞得掂，唔知佢自己一個照唔照顧到自己，唔知佢係嗰邊會唔會俾人恰。

如果

如果我都係嗰度噃話，就唔會搞唔掂。

因為我一定會照顧好佢，呢幾年嚟，我都係咁做。

我見住呀詩準備嘅嘢越嚟越滿，就姐係話，佢差唔多起行。

臨別秋波，實會約埋班朋友食飯，當係送佢咁。

但好撥怪係好到喉唔到肺，因為只係去半年，你話人哋去成4年就話好依依不捨姐，而呀詩其實好快就返嚟。

所以真係食個飯，聚下舊，聽講好似無特別送啲咩。

佢有同佢班熟嘅大學同學食飯，然後都有約子晴同蕃薯仔

當初話要約嘅時候啊，我淨係諗，一定尷尬死！

我哋明明以前好fd，做乜事依家要輪落到咁？約出嚟都驚面阻阻咁。

長大真係好撥煩

「真係約？」我問呀詩，「我覺得蕃薯仔未必會嚟喎，唔知佢放低子晴未姐。」

「都隔咗耐啦，無咩好放唔低掛？」呀詩係電話度講，嗰個語氣都唔肯定蕃薯仔係咪放低咗。

「好難講得埋㗎，你都睇到佢上次咩樣㗎啦？」

「你都啱」呀詩好無奈咁講，唔單止佢無奈啊，我都覺得好無奈啊。

「咁點好啊？約定唔約好啊？我怕無乜時間，而且佢哋又未必得閒呢？」

「大個咗真係好難約出嚟」我都好明啊，好似身邊嘅人會一個個咁疏遠咁，一路陪伴住嘅，得返呀詩一個。

「照約囉！佢哋唔出嚟再算啦。」呀詩終於落定案。

「好，咁我約蕃薯仔，你約子晴啦。」

我哋即刻拎部電話出嚟whatsapp約佢哋，預咗佢哋唔會即刻覆喫啦，所以最後我哋各自返屋企，佢哋先覆我哋。

子晴好爽快就應承咗我哋，但態度冷淡；而蕃薯仔就話佢要諗下先。

「都話喫啦。」我咁樣係電話入面同呀詩講。

「估唔到對蕃薯仔咁大影響喎。」呀詩以為過咗大半年，蕃薯仔都應該放得低姐。

「可能佢要再多啲時間啦。」我無奈地說。

「但我覺得佢都係時候要死心」呀詩無啦啦咁樣講。

「下？點解無啦啦咁講嘅？」我奇怪點解呀詩咁講。

「因為子晴都已經有男朋友。」

「哇！咁爆？」我都估唔到添

不過都係嘅，佢哋都已經係過去式，我哋其實都需要向前行，而唔係想拎返過去嘅嘢。

我覺得子晴已經對上一段感情負咗佢應該有嘅責任，亦都足夠。

「佢同你講喫？」我問呀詩。

「佢whatsapp同我講話，佢係ok嘅，不過都要問下男朋友先，佢咁樣講，就知佢已經有男朋友啦。」

「哦明曬，哇！咁佢都幾尊重佢男朋友喎。」我坦言。

「其實子晴真係好女仔嚟。」我知呀詩仲想講啲嘢，我略略估到，但呀詩無再講落去。

對於蕃薯仔嚟講，幾唏噓。

對於子晴嘅做法，無乜好質疑，依家反而覺得蕃薯仔應該似返個男人。

過幾日，蕃薯仔應承咗我，話嚟同呀詩食餐飯。

我即刻同返呀詩講，於是好快就揀好曬餐廳，都廢事拖。

咁嗰日蕃薯仔話遲嚟，我哋三個已經到咗，我哋就入去拎咗位先。

「唔知蕃薯仔一陣嚟到點呢？」我同呀詩講。

「扁你啦，子晴係度㗎。」呀詩扁我戇鳩鳩咁。

「所以我先同你講咋嘛。」查實係因為我好想知，同埋想打定個心理準備俾所有人姐。

「我無乜嘢喎，我想我哋好似以前咁，可以咩都講，唔洗就住就住。」子晴嘅大方，更顯得蕃薯仔之前唔似一個男人。

但係可能真係如啲人話，飛人嗰個傷害無咁深，而被人飛嗰個先難放低。

始終要被人飛嗰個從深深嘅感情中抽離出嚟，真係唔容易；而提分手嗰個，一早已經有呢個諺法。

「嗨！」係我哋睇緊有咩食嘅時候，蕃薯仔啱啱好到。

我同呀詩坐埋一齊，而對面，淨係得返子晴同埋蕃薯仔嘅位置。

呢間餐廳，係我哋中學時代每逢啲大節日就會嚟食嘅放題。

蕃薯仔一嚟到，無好似我哋諺咁樣，咁拘謹，反而好fd咁同我哋傾偈。

「你哋嗌咗嘢食未？」蕃薯仔唔係同我哋兩個講，而係同子晴講。

我同呀詩都打咗個凸，估唔到蕃薯仔一嚟就咁，有啲超乎我哋想像。

「未啊，我哋都係啱啱咁。」子晴都無特別覺得驚訝，好自然咁同蕃薯仔對答。

「嗌咗三文魚未？我要多啲三文魚。」蕃薯仔又好似去返以前咁，但我睇唔出佢係真心啊，定還是扮嘢。

「我哋有嗌啊，呢啲放題必嗌㗎嘛！」呀詩同蕃薯仔講。

「咁幫我嗌個雞軟骨啊，係炸物嗰度。」蕃薯仔同我講，因為我依家做緊負責劃單嗰個俾人推咗出嚟做。

「一百蚊。」我伸手問呀詩擺。

「超！俾你咪俾你囉。」呀詩好唔忿氣咁講。

「做咩啊？」子晴同蕃薯仔異口同聲咁講，令本來唔尷尬嘅氣氛，忽然變得尷尬兩個人即刻互望住對方，唔講嚟。

我心諗，你哋兩個有無咁同步啊？果然一齊過，係有啲默契。

「我哋頭先呢，就輸賭你哋會唔會有嚟，呀詩就話一定好老鑑，我就話未必嘅。」我用講笑嘅口吻。

「我無啦依家，都過咗去。」曾經沉重嘅事，都會有變輕嘅一日。

「我知你哋係一班好好嘅朋友，我已經無咗段好好嘅感情，我唔想連你哋都無埋。」蕃薯仔咁樣講一講，肉麻到我都唔知點接好，但的確係感動嘅。

「咁呢一百蚊值得俾啦，係咪？」我潤下呀詩。

呀詩當住佢哋面又上演暴力場面。

雖然痛嘅係我，但至少舒緩到尷尬嘅氣氛。

然後，我哋嘅話題就唔再講蕃薯仔度，直覺話我知，如果問得越深入，蕃薯仔只會越唔知點好，到時盡更加尷尬。

「你幾時飛啊？」子晴問得好好，同時亦係呢餐飯嘅重點。

呀詩答咗個日子，係兩個星期後。

「哇，都幾快喎！」佢兩個都咁樣認為。

「姐係成大半年都見唔到你囉？」子晴露出不捨嘅眼神，我諱蜜就係咁？

「係㗎都大半年無人陪你行下街，去食下tea㗎啦。」

面對離別，我哋總係會用呢種半開玩笑嘅方式，去遮掩自己内心嘅不捨。

因為唔想係呢個場合，充滿住傷感。

「我唔制！」子晴任性咁講。

我係隔離睇，其實知佢哋兩個感情真係好好嘅，一路以嚟。原本係應該兩個大纏都扯唔埋嘅人嚟嘅。

一個乖乖讀書派，一個就成日出去蒲嘅MK妹，就連打扮都完全唔同嘅兩個人，好難想像佢哋會好似依家咁，fd過打band。

「得啦，知你哋女人之間嘅友誼係要咁誇張㗎啦。」蕃薯仔加把嘴埋嚟

好快，我哋又好似以前咁嘈嘈閉。

「你識乜啊，我同呀詩情比金堅！」子晴反駁返蕃薯仔，佢哋嘅隔閡無曬，所以有陣時真係好睇人嘅心態。

我唔知蕃薯仔佢係放低咗未啦，呢樣嘅得佢自己心知，但係至少我覺得蕃薯仔係用啱態度嚟處理呢件事。

「似你哋男人，咩都收收埋唔講就以為好型咩！覺得咩都自己揀返飛先係真男人啦喎？」呀詩都幫住子晴，無啦啦就變咗男人同女人之間嘅鬥爭。

一輪打鬧之後，我哋都笑自己膠，講埋曬啲膠嘅。

「係喎，咁你兩個諗住點啊？之後long d啦喎。」子晴問我哋。

我靜默咗落嚟，因為我想聽呀詩答，想知呀詩會點樣答呢條問題。

其實我係專登唔出聲，睇呀詩發表。

「我覺得我哋無乜嘢啊，咁多年囉，long d唔難嘅！有時我哋忙起上嚟，都好似long d咁㗎啦。」

忽然間，我放係枱底嘅手感覺到一陣冰冷嘅觸感，然後又有一股暖意漸漸散開嚟。

好快就反應到係呀詩隻手，然後佢慢慢反轉我隻手，係枱台下面伸開我每一隻手指，然後用佢嘅手指梅花間竹咁扣落去。

佢呢一下嘅十指緊扣已經表明咗好多嘢。每一次，係呢啲場合，呀詩都好似會察覺到我嘅不安，然後用佢冰冷嘅手，溫暖我哋兩個。

呀詩呢句說話，彷彿打咗隻強心針咁。

我都信我哋會克服到嘅，唔係啲咩好大件事姐，我對呀詩有呢個信心。

「係咪啊？」蕃薯仔唔係好信。

「梗係啦，我哋咁多難關都過到嗰！」

「好啦，希望呀詩去到外國都順順利利啦！」

「嚟！我哋飲杯先！」我哋一齊舉起罐汽水，都半個大人，但我哋仲做緊啲中學生嘅嘢。

「你去到外國有鬼仔嘅話，記得試一試啊，人生物一世，哈哈哈哈！」子晴同呀詩笑說。

「喂喂喂！你咪教壞人先得，外國嘅容乜易食壞肚㗎？」我要捍衛返男人嘅地位。

「冇靚仔鬼佬可以介紹埋俾我。」子晴講笑咁講。

「你唔係有男朋友啦咩？」我記得子晴依家有男朋友，仲諗住食洋腸？？

「講笑姐，最緊要呀詩去到識下鬼佬嘛～～」

我哋傾得興起嘅時候，蕃薯仔係隔離飲緊嘢，皮笑肉不笑咁，唔知可以點樣反應。

我見到佢嘅表情就知碌柒啦。

我覺得蕃薯仔係知子晴已經有另一半，但當下親耳聽到嘅衝擊確實係大嘅，唔知俾咩反應先好。

當佢表情出現不知所措嘅一刻，我估佢自己心入面都知，其實佢都仲著緊子晴。

嗰種曾經重要嘅位置，已經有人填滿嘅感覺，一比較落去，自己已經變成無咁重要嗰一個。

除咗呃自己，我唔知有咩更加好嘅方法可以令自己個心好過啲

跟住蕃薯仔都無俾個場面尷尬，Join埋一份話：「係囉！難得去到外國，唔食洋腸唔好返嚟添啊！」

「喂啊，乜唔係香港腸好食啲咩？」我都自嘲埋一份。

我有懷疑過頭先蕃薯仔嘅反應，但我始終唔敢肯定。

「香港腸咪姐係臘腸！」子晴笑說，今日唔知點解，子晴講嘢有啲反常態，以前佢，講嘢會留有餘地。

好少講嘢會咁用呢排流行嘅詞語，姐係「mean」。

總之佢俾我嘅感覺就係怪怪地，不過我都明，我哋唔再好似以前咁，有咁多時間陪係大家身邊，我哋點都會有自己嘅生活。

而各自嘅生活，除非特定約出嚟，如果唔係唔會有咩重疊

去到最後，個個都食唔落，但眼前仲有好多樣嘢，我哋玩返啲中學會玩嘅on9 game，輸咗嗰個就要食。

哇屌最後食最多嘅，係我同蕃薯仔。

飽到頂住個胃，勁唔舒服。

食完之後，子晴同蕃薯仔都拎咗份禮物出嚟，話係小小心意噃，話曬去外國一段時間，都見唔到呀詩，會唔捨得，就準備咗呢啲嘢。

估唔到蕃薯仔都咁有呀詩心，平時佢係絕對睇唔出，因為佢成舊蕃薯咁。

子晴係餐廳留下攬住呀詩，話咩唔捨得佢之類，又話要送佢機啊

搞到呀詩哭笑不得。

「得啦，你哋有心啦，我好快返咋嘛，洗唔洗咁啊？」呀詩拍拍子晴嘅背。

感覺上，子晴俾我嘅感覺係佢開朗咁嘅，以前佢好少會咁直接表達自己嘅内心感受，依家佢會講出嚟。

我覺得條件好事嚟嘅，係一種突破同成長嚟。

完咗之後，我送埋呀詩返到樓下，就同佢講要走，但其實係想快啲返去準備份禮物。

呀詩都無再多講啲咩，就返咗上去，但係個眼神，咁多年都如一。

我返到屋企，準備呀詩份禮物，我知呀詩好快返嚟，我只不過係想趁呢個機會，整理自己嘅心情、情

緒、感受。

回想起，我都好耐無咁樣整禮物俾呀詩，一齊穩定咗之後，好多其實好重要，但我哋覺得唔起眼，從而忽略嘅事；好似整下禮物仔，俾啲驚喜佢啊，失去嘅並唔係一個行為咁簡單，而係當初嗰份熱情。

當我意識到自己將有好長一段時間再見唔到呀詩嘅時候，我先回想起嗰份熱情，時而旺盛嘅熱度。

準備失去嘅過程先最痛苦，因為想再珍惜嘅時間太短，悔恨嘅同時亦要面對即將失去佢嘅事實。

離別總會有先兆。

到底短短個令禮拜，我幫呀詩執整曬啲嘢，擔心佢呢樣噃樣，好怕佢係噃邊會唔慣。

「好多謝你啊bb，除咗你，無人會咁樣幫我做嘢㗎啦」呀詩係我執緊嘢噃陣時，無啦啦係背後攬住我，然後同我講。

「你知就好啦！咩都幫曬你做，仲想點啊你？」我甜笑著，不過佢睇唔到。

「呢排無好好地補償你咩？」呀詩用氣聲係我耳邊講，把聲極為淫邪！

「補償咩啊？」我問。

「你呢幾晚出盡力咁屌我喎，你唔爽咩？」呀詩隻手由攬住我條腰，慢慢順勢往下摸

的而且確，呀詩講得無錯，呢幾日我哋好多時間都係埋一齊，有陣時仲過埋夜，知道佢呀爸長期唔係屋企，唔知去咗邊嘅情況下，我就留咗係呀詩屋企，而且仲幫佢一齊執嘢。

佢依家個廳就係擺咗個噃係度，啲亂七八糟，但係佢咁樣整埋嚟，我係度整緊早餐，都係啲好簡單嘅早餐，點知就又撩起我啲性慾。

尤其是早上起身嘅時候，相信各位男士都明白，早上係幾有咁生龍活虎。

而男人最大嘅性福，莫過於喺美好嘅早上，有你心愛嘅人滿足你一切嘅慾望同遐想。

我放低手上嘅嘢，唔想個早餐會唔會凍，因為我嘅早餐已經爬緊係我身上。

我哋一路攬住出廳，係呢個細小嘅環境入面，盡情地探索對方嘅身體。

呢個公屋size嘅廳，行兩步就已經出到嚟。

我哋隨手撥開亂咁放係沙發上面嘅衫，如入無人之境。

就咁係廳度扑起上嚟，佢唔想叫得太大聲，一路壓制住自己嘅聲線。佢就咁坐係我上面，佢淨係著咁件上衫，下面咩都無著。

「你唔凍咩？」我問佢。

「依家變過火屎！」我原以為呀詩個攻勢會急急腳啦，佢都講到咁。

點知佢無佢反而不慌不忙咁錫我嘅同時，用軍速不停來回咁挑逗我嘅子孫根。

一齊咗咁耐，呢啲嘢唔需要再好似中學咁，怕怕醜醜，咩都唔講，只需領悟。

反而想要就出聲，唔舒服就停，邊度舒服就講。

我幾愛呢種舒服而坦誠嘅關係。

呀詩嘅口部一路由上而下咁慢慢進攻，呢種速度先叫人心癢癢，整到你好舒服，同時間你心入面又好想快啲到下一步，你期待嚟緊嘅環節，你又想好好地品嘗當下嘅快感。

呢啲煎熬，亦係一種刺激嘅快感。

佢順勢除埋我條褲經過呢幾日嘅加操，好多嘢已經不言而喻。

呀詩無急住享用，反而慢慢玩弄。

我只需要閉上雙眼，將注意力擺放係最敏感嘅位置，就可以。

佢慢慢把玩我全身最敏感嘅位置，時而輕吻，時而套弄。

然後一口送入佢溫暖嘅口腔，舌頭都無停落嚟，忙碌地係周圍打轉。

佢已經學識咗賢內派裡最上乘嘅武功——蛇添神功。

頂真係好撚正，明明已經唔係第一次，但都未有厭嘅感覺，我都唔知點解。

因為聽啲人講話呢，會扇到厭啦，會對得厭條女，就算幾靚、身材幾正都好，都一樣會厭。

但係目前為止，我又未有呢種感覺。

我都唔係好知點解，總之我依然覺得呀詩好正，有時攬埋一齊瞓，我都仲有反應，好想即刻同佢大戰一番。

我慢慢享受呀詩帶俾我嘅刺激，每一下進進出出、深入淺出，更加令我唔捨得呀詩。

身體同心靈上嘅融合先至係最美妙。

我俾佢咁樣搞一搞，我覺得自己好快又忍唔住，我需要分散一下注意力嚟增長自己嘅時間。

但係好反智為咗自尊，而令自己唔集中享受舒服嘅位，唔覺得條件好癱瘞嘅事嚟嘅咩？

就係咁樣天人交戰之下，我決定跟隨自己嘅感覺，好快就有想射嘅感覺。

平時呀詩好清楚我啲位，當我就嚟射嘅時候，佢會變返用手，平時埋牙嗰陣，佢都會攬得我好實。

但今次唔見佢有收手嘅打算，反而更加賣力，我知佢唔鍾意口爆，呢啲係我哋拍拖長年嚟嘅默契。

「我差唔多啦」我提醒呀詩。

佢聽到之後加快速度。

「喂」我輕叫。

唔得掂，忍唔到啦，然後係呀詩溫暖而濕潤嘅口腔噴發曬出嚟，一滴不漏。

好爽嗰個感覺好似上咗天堂咁。

正當我餘悸猶存嘅時候，我哋忽然間聽到清脆而響亮嘅鎖匙聲

痴撲線我真係從來都無諒過呢啲AV嘅劇情會發生係自己身上，尤其是過往嗰幾日，甚至乎呢一兩年，佢屋企人都無返過嚟。

所有嘢都好老定，點知無啦啦殺埋嚟，真係嚇到個魂魄都飛埋出嚟啊！

我即刻收埋條軟咗嘅賓周仔，光速著返條褲，一邊衝返入房一邊執正自己。

我個心未試過跳得咁快，比起我啱啱同呀詩一齊嗰陣，跳得仲快好多好多。

「做咩啊？搞咩啊？」係低沉嘅聲線，語氣中無帶感情。

「終於返嚟啦？」我聽到呀詩帶有悔氣咁講。

「去邊啊你？執啲走？」我終於見識到佢呀爸係點樣嘅一個人。

「養到你咁大，有毛有翼就淨係識得走啊？」佢呢句真係搞唔掂當呀詩係咩？

本來驚魂未定嘅我，唔知點解我就自己產生出好多嘅保護慾，多到洩曬出嚟。

我頭腦一熱，就咁打開度門，衝咗出去。

「世伯，我之後會照顧呀詩，你可以放心。」我語氣係有啲狠，但係不失禮貌嘅，始終都係女朋友嘅爸爸，該有嘅尊重我都有俾，但我唔可以俾我女朋友受到委屈。

我無辦法做到匿埋係房度，睇住佢哋咁樣鬧戰。

我知我衝動嘅，呢個舉動都有啲柒柒地，但我清楚咁知道其實呀詩心入面，係想有個人可以錫佢，保護到佢。

記得有一次，我哋去銅鑼灣戲院睇戲，睇間平平地嘅戲院，叫總統戲院，嗰度啲飛好平，我哋平時去睇戲都會揀呢間嚟睇，平靚正，個場好細，得兩個場嘅姐。然後睇完又可以係銅鑼灣行街，基本上係我哋平時拍拖嘅習慣嚟。

咁我哋嗰陣去SOGO行啦，其實行嘅嘢唔多，純粹行到無嘢好行就去行SOGO，行到差唔多夠鐘，我無啦啦肚痛，就去廁所爆石。

嗰陣真係爆咗勁耐，差唔多夠鐘，我就同呀詩講話不如佢去住先，佢就死都唔制，點都話等埋我，要睇就一齊睇咁樣喎。

咁我都差唔多得啦，我就懶醒咁，可能因為趕啦，個人都有啲亂，我就叫佢話係SOGO門口等我啦，我差唔多搞掂啦。

後尾諗返，係廁所外面等同係SOGO門口等都係一樣姐，做乜無啦啦要佢係SOGO門口等

我一㗎完，就狗衝落去啦。

去到SOGO門口，應該係話後門，嗰個門口係最近戲院嘅。

點知去到唔見人，左搵右搵都唔見人，咁我打俾呀詩啦，佢都話佢係門口，但唔見我。

『你係邊個門口啊？』

『我係平時嗰個門口囉，好多人等嗰個。』我屌原來佢係正門。

『頂！我係後門啊，我過嚟搵你啦。』然後忽忽收咗線。

我跑過去正門，啊屌！又唔見佢嘅？？？

我又再打俾我：『喂？你係邊啊？我係正門唔見你嘅？』

『下？我過咗嚟搵你啊，我依家係後門啊。』事後先知，我係入返SOGO穿過商場去正門搵佢，而呀詩係兜外面過嚟後門搵我。

『你唔好郁，我依家過返嚟你。』

『嗯』呀詩嘅語氣聽起來怪怪地。

『你唔好收線啊，廢事又搵唔到你。』

最後佢呆呆地企係門口隔離等緊我，正當我以為佢會對我大發雷霆嗰陣，佢隱約想喊咁。

『做咩事啊？無啦啦想喊咁樣嘅？』我正一烏鵲口嚟，一講完佢就滴啲淚珠落嚟。

我哋一邊趕過去戲院，佢一邊急促而帶委屈咁講：『我好驚搵你唔到，好驚你走咗去好驚剩返自己一個嘅感覺』

『平時都無乜嘢，但頭先俾我嘅感覺好強烈係咁多人裡面，搵唔到自己想見嘅人，好徬徨無助。』

呀詩凌亂嘅頭髮反映出佢嘅真心，佢嘅眼淚反映出佢嘅驚恐，佢用力嘅擁抱反映出佢對我嘅著緊。

呢件事我有一路記住，嗰陣時我覺得，可能因為佢企俾咁一啲連佢自己都未必覺嘅陰影俾佢。

仲有其他一齊嘅少少細節，慢慢就咁紮根係我心入面。

當我驚魂未定，鳩都縮埋嘅時候，我又企返出嚟，面前咁嚴肅嘅空氣。

「哦！依家識到條新仔，就諗住跟人走佬啦？學你老母咁走撚去？你哋啲女人真係信唔撚過！」呀詩老爸大力咁放低串鎖匙，一返到嚟，就搞啲咁嘅嘢。

嗰啲話咩要孝順父母嗰啲呢，前提係要好嘅父母。我哋都無辦法選擇自己嘅父母，所以好難對人哋嘅不幸感同身受，而我儘管知道呀詩屋企係咁樣，但都無辦法想像得到，直到個畫面擺係你眼前。

「世伯！佢係你個女嚟。」我伸手過去攬住呀詩。

「係啊！咪同佢老母一樣囉，跟佬走囉！我無講錯到㗎，一撘樣㗎。」佢個嘴臉同態度，實在難以想像呀詩以前係點生活。

「你自己都一樣拋低呀詩唔理。」我反駁佢。

同一時間，我一邊幫我呀詩合理個喺，準備帶佢走，可能仲有嘢未執好，但都係身外物嚟，到時可以再買，但唔走，真係唔知會發生咩事。

「我哋屋企嘅事關你咩事啊？？」佢好大聲咁兇我哋，嗰個聲線係會令人震動，個心都抽離咗一下咁樣，好恐怖。

「我係呀詩男朋友，佢嘅事點會唔關我事？既然你保護唔到佢，咪我保護佢囉，你俾唔到愛佢，咪我俾囉。」

老實講，我唔敢再刺激佢，唔知佢會做啲乜事出嚟。但係呢啲都係我心底話，我想講出嚟。

「走啦呀詩。」我拉起佢，無換到衫，拎齊自己啲嘢，就咁一隻手拖住個喺，另一隻手拖住佢。

就咁穿過世伯，行去大門口。

我都唔敢相信事情會發展成咁，真係好撚憊鳩，邊有人咁㗎，但現實嘅情況係，香港真係充斥住好多呢啲人和事，越底下階層就越多，人可以無素養到一個無得救，講極都唔會明嘅地步。

兩年後，我會以「藍絲」嚟稱呼世伯。

世伯無阻止我哋，可能估唔到我哋真係夠膽咁樣做啦，行出走廊之後就聽到佢係度叫囂，但聽唔清楚，就當係有人係度吠咁樣囉。

衣著單薄嘅我哋一行出去就覺得好鬼凍，我即刻攬住呀詩，唔想佢凍。

「搭的士去我屋企啦，我哋依家著到咁，係得返的士㗎㗎。」

「嗯。」呀詩好放心咁回應我。

係的士度，我已經打電話返屋企，將呢件事話俾我老媽知，咁我就無將呀詩同佢爸爸啲嘢話俾老媽子知，始終呢啲家事都係由呀詩親自講好啲。

呀詩係的士度捱落我膊頭度，咩都無講，就咁捱落嚟。

我輕拍呀詩手背，就咁坐到返我屋企。

「哇入嚟先入嚟先，搞邊科啊？你哋淨係著住睡衣過嚟？」老媽一開門見到我哋兩個咁樣，嚇親。

雖然呢個家唔太特別，唔係好有錢，老母平時又好撚煩，但係呢啲時候，先真實咁樣感受到屋企嗰陣溫暖。

呢樣嘢先最重要，咁樣先叫做一個家。

我帶住呀詩入去，老媽就好緊張咁樣度左講右講，無停過口。

「要唔要水啊？」

「飲唔飲嘢啊？」

「口唔口乾啊？」

「隨便坐住先啦。」

「啲嘢擺呢度等㗎啦。」

「得啦媽，我哋搞得掂嘅，你唔洗擔心咁多啦，我幫呀詩執一執啲嘢先啦。」我邊行邊抬住呀詩啲行李，你都咪話唔重啊。

「唔該姨姨，唔洗咁客氣啦，我咁樣突然嚟打擾你哋都唔好意思，唔洗招呼我啦，我OK㗎。」呀詩客氣咁講，但所有嘅情緒都寫曬係臉上面。

老媽子挑通眼眉，點會唔知啊？

「好啦，你哋整理下先，我執下入面間房先。」

我見老媽行開咗，我就行過去諗住安慰呀詩。

「你無嘢啊嘛？」

我一講完，呀詩就放軟曬手腳捱埋嚟，呀詩嘅身體本來就好柔軟，好似水造咁，一路以嚟我都咁覺得。

「好似終於鬆一口氣咁。」呀詩背住我，捱係我膊頭度。

「點解可以咁大分別？」

「你屋企人真係好好。」明明一朝早嗰陣，我哋都仲好溫馨，但係發生完呢啲事，好似搾乾曬成個人

啲精力咁。

「你背後，唔係無嘢依靠。」

「呀仔執好曬入面啦」老媽突然殺入嚟，專破壞氣氛。

不過我哋咁老夫老妻，唔會覺得牙癢癢，日後呢啲溫馨甜蜜嘅氣氛大把啦，所以就算被破壞，都唔特別覺得可惜。

「得啦！」係無乜心情想應佢咁解姐。

屋企唔算大，老媽都好接受我哋兩個瞓同一間房，估唔到佢都幾開通，我都做好瞓廳嘅心理準備。

呀詩入去擺低啲日常嘅，我係個廳幫佢整理下個喺。

執執下發覺唔對路好似有啲嘢漏咗？但係一時之間又醒唔起係咩事。

係咩呢？好似係啲好緊要嘅事嚟。

然後沿住條線慢慢思索，終於知係咩事啦！

我即刻衝入房，當我記起嘅時候。可惜啊一切已經太遲，mo la mo la

呀詩已經係度睇緊我打算送俾佢嘅禮物。

「咁無禮貌㗎你，一入嚟就睇人哋啲嘢。」我已經阻止唔到事件嘅發生了。

「你擺曬係度，好難睇唔到喎。」呀詩溫柔地掀開啲相。

呢個係最近流行嘅爆炸盒，好多人都po咗呢種盒嚟曬命。有陣時我都想俾到呢啲嘢呀詩，我諗女仔收到點都會鍾意，盡可能做到嘅，咪做囉，只要佢開心。

你問我，身為男人唔會鍾意呢啲咁麻煩嘅嘢，只有為自己在意嘅人開心，先心甘情願去做。

「依家無曬驚喜啦。」我無奈地說。

「唔會啊依家都好有驚喜啊。」呀詩溫柔咁同我講，「見到啲下就係驚喜嚟㗎啦。」

呀詩行埋嚟，攬住我。

今日嘅佢，格外溫柔。

「依家搞到我更加唔想去exchange，你話點算？」呀詩嬌柔咁係我耳仔邊講。

因為佢咁柔情似水，連帶我都放軟埋。

「點解嘅？」

「唔捨得你」佢攬得更實。

呀詩咁樣講一講，佢就快要離開我一段時日嘅真實感更加強烈。之前都未咁覺，佢都仲未要走，而且自己會說服自己：好快就會返，唔係好耐姐。

然後突然俾呀詩一講，接住落嚟嘅一個月、兩個月、三個月都會見唔到佢。

我以為自己會慣，會OK的。

有陣時，會高估自己嘅堅強，卻輕易被小事觸動。

「我都好唔捨得你。」我回應佢。

新嘅一年俾自己其中一個目標就係好好咁經營ig

以前隨緣嘅我覺得都要進步吓

嚟緊會更新多啲散文同埋story

有興趣可以follow埋

@_book.s0n

https://www.instagram.com/_book.s0n/

最近成日都感受到時間流逝得好快，眨下間我哋已經year3，仲有一年我哋就畢業，而year3已經過咗一半，我仲好努力咁追緊啲成績，上到嚟真係讀得辛苦咗，多功課、多present。

呀詩下半年又要去exchange，返到嚟可能已經year4開學，到時候大家又忙要出嚟社會嘅嘢，諗要做咩啦，搵啲咩工好，執cv。

日常嘅瑣碎事越嚟越多，越嚟越煩心。

「係我面前做埋份禮物係咩感受啊？」呀詩潤鳩我。

「我為咗邊個啊？我咪又係為咗你。」

「嗯幾好！望住你係我面前一步步咁做埋份禮物佢，幾開心嘅！」

呢幾日，佢就係度執自己啲嘢，我除咗陪佢執，得閒仲要做下功課，整理剩底嘅禮物。

裡面就係我呢段時間同呀詩去唔同地方，影到嘅相。

「死啦，好多嘢我都未帶到出嚟添。」呀詩蹲係個喺前面，苦惱著。

「係咪啲日常必需品啊？去到再買都得姐。」我安慰佢。

「去到買貴啊而且嗰啲係我一路用開嘅牌子嚟。」佢扁嘴。

呀詩扁嘴個樣好鬼可愛，每次只要佢擺出呢個樣，我就會心都軟埋，耳仔都會軟埋，佢想要咩，想點就聽佢話啦。

但係我唔會話俾呀詩知，如果唔係佢次次都用呢招仲得了？

「我同你出去買過啦，反正仲有一兩日時間我都想陪你多啲。」

「唔要！」呀詩斬釘截鐵咁拒絕我。

「下？點解？」我唔明。

「唔想麻煩你咁多，我自己解決到㗎，你已經幫咗我好多，我發覺自己某程度上越嚟越依賴你，唔知由幾時開始。」

「咁樣唔好咩？我哋以後咁多日子要過，我做唔到可以俾你依靠嘅男人嘅話，仲得了嘅？」我自信地道。

「強b，你比起以前，真係成熟咗唔少，第一次感覺到你大個咗好多，以前嘅你仲好青澀，仲俾我笑你青頭仔，依家已經俾到人安心嘅感覺。」

聽到呀詩咁講，我心入面真係暗爽得好緊要！！！認真㗎！無乜嘢俾呢個讚笑更值得開心了！

但係我無呀詩講得咁偉大，我只不過係做咗男人應該要做嘅嘢，係呀詩需要我，同埋無助嗰陣企出嚟，就算要扮，都要扮到出嚟，唔好穿煲。

久而久之，習慣咁出嚟撐住，就會成長。

「一路以嚟你都咁支持我，我都開始怕去到嗰陣無你係隔離會好唔慣，原來臨出發前，要離開一段長時間，先會察覺到邊啲人對自己嚟講係重要。」

「係我心目中，唔係子睛，唔係屋企人，淨係得你。」

呀詩係我懷抱入面講，佢直頭趴係我心口，有種錯覺係佢係直接講入心。

「傻豬嚟嘅，見到去我都會陪住你㗎嘛，我哋可以face time，可以skype，你唔會見唔到我㗎喎。」

我心入面都有啲怕，就算我做齊呢啲嘢，都未必安撫到呀詩嘅情緒，呢排冇陣時佢都會情緒底落。

我都不禁係度諗，去exchange係咪一件好事呢？對呀詩嚟講。我都唔知。

「你會唔會瞞住我出去搵第二個㗎？」呀詩用啲bb語氣問我。

「下？係都驚你出去搵洋腸先啦。」我哭笑不得。

「答我啊！」呀詩打我心口，然後移動自己身體，直接跳落我大脾，而我就坐係床邊。

* * * * *

有興趣可以follow埋

@_book.s0n

https://www.instagram.com/_book.s0n/

「痴線啦，你覺得仲要答你咩？你覺得會咩？」我點點佢個鼻，有陣時都唔知佢個腦諗咩，成日都會問我愛唔愛佢，會唔會唔要佢咁樣。

女人係咪都咁奇奇怪怪？

「點知你！」佢轉一轉個頭，匿埋咗入去，正正個位對正我個小強強

突然間俾佢整一整到我有feel，有啲控制唔到咁扯扯地。

「做咩又扯旗啊？今朝早先幫完你咋喎。」呀詩好識挑逗我。

「對住你幾時都扯得起㗎啦。」其實我都唔識點答佢，我求其啲幾句分散我個注意力。

「係咪淨係對住我㗎？對住其他女會唔會都變成咁㗎？」呀詩用手輕輕摸一摸我個龜頭。

「梗係唔會啦！」我好肯定咁答佢，呀詩咁樣講更加令我感覺到佢嘅不安。

可能係對我、對段關係、對long d不安

我彎腰諗住錫落呀詩度，點知我彎唔落條筋太硬，彎唔到落去，而個嘴差咁少就錫到佢。

「嘆！」

「哈哈哈哈哈哈！男人最緊要條腰啊！」呀詩俾我咁樣搞到係咁笑，但又唔想太大聲喎笑得，就壓抑住自己嘅聲浪。

真係破壞氣氛。

呢個係呀詩離開前嘅日常。

喺機場度，有子晴、有薯薯仔、有佢大學某一班知心好友、有我同埋我呀爸呀媽送佢機。

入境前嗰一張相後，我哋輪流同呀詩擁抱，佢笑住咁流眼淚，我最後先攬住呀詩，唔理其他人點樣睇，攬咗好耐，然後親吻佢嘅臉頰、額頭、最後到嘴唇，溫柔而有力。

見住佢嘅笑容，轉身離開。

其實大家無咁大傷感，知道呀詩都係去短暫嘅一個exchange，但對我哋嚟講，係第一次分開咁耐，除咗中學分手嗰段時間，只係因為我哋都係學校，都仲會成日見到，先至無感覺離開得太緊要。

我同呀詩都好長一段時間啦由中學到依家，我哋互相陪伴咗一段唔短暫嘅時光，我哋經歷咗好多嘢，有記憶以嚟，呀詩都陪係我身邊大半人生。

我希望我哋可以捱得過呢個long

d，之前所有幻想出嚟嘅自信，喺呢個時候、呢個地方，通通掌摑緊我塊臉。

原來係會咁不安

原來係會咁掛住，原來佢轉身離去入閘嘅背影，係會咁深刻，咁不捨。

直至見唔到呀詩，嗰一刻本來好澎湃嘅情緒瞬間冷清曠，其他人見呀詩入咗去，留係度只有呆等，紛紛諗住走。

只有我唔捨得，仲想留係度

「行啦，留係度佢都唔會出返嚟住。」子晴行過嚟，同我講。

「估唔到你哋一齊咁多年，仲可以咁難離難捨，睇嚟依家嘅我係唔會明。」

「我都唔知點解。」我同呀詩真係可以做到十年如一日，我知唔係每對情侶都做得到。

「走啦痴心情長劍，你諗住留係度做望妻石啊？」子晴取笑我。

我慢慢跟返大隊，但我嘅視線仲離唔開個閘口，嗰種隱隱約約嘅失落感越撐越大，有種感覺係覺得呀詩走咗之後，好似凶多吉少，唔知會發生咩唔好嘅事咁。

所以我企係度咁耐，除咗不捨，仲有擔心。

坐返車出去嘅感覺，係最唔好受

帶著強烈嘅情感入去機場，然後帶返冷清、失落、空虛嘅感覺返去。

生活一切都唔同曬，我只可以靠手機、電腦同呀詩聯絡。

我係屋企度等，等呀詩落機，等佢去到嗰邊到步，然後打俾我。

忐忑不安嘅心情，時不時就醒起呀詩，佢到步未呢？然後又望下手機，check下佢班機嘅時間，仲有幾耐呢？會唔會有咩意外呢？

我就係喺屋企諗埋曬呢啲嘅嘢

等到我瞓著，我攤係張床，我部手機就擺係我心口，係等到部電話震醒我。

鄧登凳、鄧登凳、鄧登凳、鄧登凳

喺聲音同震動下嚇醒咗我，我拎起部手機，見到自己個樣，嚇得仲撲勁心諗做乜嘢，然後有一刻唔知邊撲個嚟，再望真啲，原來係自己嚟。

俾自己帥醒原來係咁樣嘅感覺。

喺呀詩facetime過嚟，望一望個鐘，凌晨5點幾。

大學生，平時點會咁早起身啊？我先啱啱瞓咗兩個鐘都無，我仲好眼瞓。

眼瞓到只能夠用好撲眼瞓嚟形容。

一接聽，呀詩唔係個畫面度，我淨係見到機場個天花板。

佢個人唔知去咗邊。

「喂？」我問佢，等咗咁多個鐘，一開cam就俾我睇啲咁嘅嘢？

隔咗一排，都係唔見佢，淨係聽到好多雜音，好吵。

我知佢係度忙緊，笠笠亂，所以靜靜地係度等，好快佢就拎返起個電話。

「喂？你瞓咗啦？」呀詩第一句就問我。

「瞓咗㗎啦，但俾你嘈返醒姐。」我笑說。

可能只樣嘅對話，會係我哋之後聯絡嘅常態。

「Sorry啊，我啱啱到啦，我諗你應該都瞓唔著㗎啦呵？」

呀詩嗰個「你應該都瞓唔著㗎啦？」真係可圈可點笑到個人精神返。

「係！俾你咁樣搞一搞，點瞓啊？」但我卻自虐地享受呢種甜蜜的折磨。

「嘻嘻！咁陪我啦，我想一到步，第一次可以同你分享。」佢耷低頭望住部手機，呢個視角嘅呀詩都好好睇。

見佢咁精神嘅樣，佢一撲定係機度瞓夠皮。

「有無係機度睇下片啊？」我問佢。

「無喝，瞓得好爽！」佢舉埋個手指公俾我睇，我都話㗎啦，「最衰佢會叫我起身食嘢啊，如果唔係我真係可以有排瞓㗎。」

我都知，平時你瞓教嘅樣我見得少咩？

「一落機開唔開心啊？」

「開心啊，可惜無你。」呀詩無表露啲咩，忽然間轉咗佢個前置鏡頭，我透過佢部手機，望到前面有個金髮鬼妹，佢再將個鏡頭轉一個圈。

「做咩無啦啦轉cam啊？」我問佢。

「想share俾你囉，等你好似都係我隔離咁。」到依家，我都仲係好愛呢個女仔。

「你轉返去頭先嗰個位」我叫住佢。

「做咩啊？」呀詩不解，「呢個位？」佢轉返正，係呢個位。

「係啊，你前面嗰個鬼妹幾正喎。」我唔識死咁講。

「李！建！強！」呀詩嗌我個名，然後轉返個cam，係佢個樣，瞓爆爆咁望住我。

「咩？」我挑釁佢。

「唔準啊！」佢可愛地說。

「你返嚟我咪無得望囉。」我講笑咁講。

「你就想！」

如果此刻呀詩仲係我身邊，我就可以攬住佢，可以錫到佢，可以撫摸到佢。

依家通通我想嘅，只能夠對住個螢幕，強忍心中的衝動。

總有啲嘢，係無辦法替代得了。尤其是上一輩嘅人話，依家科技咁發達，就算大家天各一方，有視訊就可以見到面啦。

點同呢？

見到面而無辦法觸碰，少咁啲溫暖，就會少咁幾分熱度。

「咁你依家點啊？係度等？」我換個話題，壓制住我頭先嘅衝動。

「無啊係度等學校嗰邊嘅負責人嚟接我咋，佢話佢就到啦喎，叫我係度等下先。」

有興趣可以follow埋

@_book.s0n

https://www.instagram.com/_book.s0n/

我係咁樣同佢係度傾天光，然後傾到瞓著咗，我入睡前仲隱約聽到呀詩把聲係度講緊嚟。

我瞓醒已經係下晝，第一眼起身，我仲下意識覺得呀詩係度，想嗌佢個名。

去到喉嚨邊就已經打住咗，先醒起，係喎，琴日送咗呀詩機，啲記憶先至慢慢拼湊起嚟。

嗰種感覺就好似我哋第一次分手咁，好唔真實，但慢慢認清個現實。

手機上面有海量嘅訊息，好多都係呀詩send俾我，有風景圖，有佢嘅自拍，真係去到邊，佢都會影相俾我睇。

食咗啲咩都會同我分享。

呢啲嘢我哋一齊咁耐都無做過，平時又唔係唔見，忙嘅話大家都會體諒，反倒今次真係一段長時間唔見，其實只係比平時做多少少，但個感覺可以好同。

感覺呀詩都係我隔離，而我，好似我都係嗰邊一樣。自欺欺人？的確有些少，我都認同好似小學雞，但我一諗到要做到呢啲嘢，一啲易，就覺得一陣感動。

有個女仔願意為我咁做，而且嗰個係我深愛嘅人。

去到邊，第一個諗起嘅就係你；食到好西，第一個諗起嘅就係你；見到咩好笑嘢，第一個想同你分享。

佢大可以諗到其他人，大可以懶得做，大可以po ig，咁佢都有po ig嘅，但唔係樣樣都有po，有好多淨係得我知。

我鍾意呢一種偏愛。只屬於我一個嘅愛。

同埋呀詩佢努力咁想keep住呢段long
d嘅關係，可惜嘅係，到我起身，佢已經瞓著咗，係一個鍾頭前。

有時佢會叫我呀蛋，有時叫我呀強，叫我呀蛋嘅次數唔多，只有sweet啲嘅moment，佢先會用啲半搞笑嘅tone叫我「呀蛋」。

大家都知「強」同「蛋」嘅速食碼好近㗎啦，有次佢打錯我個名，佢自此就成日將錯就錯咁叫我呀強。

我同呀詩仲有好多回憶。佢唔係身邊嘅時候，就特別容易諗起同佢一齊嘅回憶。

回憶先係讓人難捨嘅位，最扎心。

呀詩佢搭巴士好鍾意坐前面，一定係坐巴士上層最前面嘅位，如果㗎車會上高速，可以望到海嘅話，一定會揀嗰個位。

佢話咁樣睇嘅景先係最廣，而且一程巴士幾蚊雞可以望到海嗰，人哋海景套房都要成千幾蚊㗎，咪又係望住呢個海，有咩唔同先？

我又駁唔到

佢唔係中學先咁樣，佢係我哋一齊返之後，先發覺佢有呢樣特質。

我亦都俾佢無意間感染咗，自從我知道佢有咁嘅習慣之後，我搭巴士都會坐前面。

「坐咁前你唔驚死咩？」我聽完佢講之後，坐係佢側邊問佢。

「驚咩啊，架車要翻側你先會死，咁你坐後面翻側唔通就唔會死？？？」我分唔清佢嘅係歪理定係哲理

呀詩佢唔係成日都咁鳩，佢係間唔中先係咁，所以我對呢啲特別有記憶。

有興趣可以follow埋

@_book.s0n

https://www.instagram.com/_book.s0n/

同一個人一齊得耐，身邊有好多事，唔多唔少都影響咗對方。

我由一個唔食菜嘅人，俾呀詩成日塞啲菜過嚟；由一個飲珍珠奶茶唔會嗌少甜嘅人，到依家嗌襯都微甜；由一個中學唔太注重衛生嘅人，到依家有潔癖。

影響真係可以好大。

我哋人生有幾多個呢啲相伴嘅日子？呀詩唔係我身邊嘅時候，我更加察覺到個落差，同以前嘅自己分別有幾咁大。

佢嘅習慣已經融入曬我嘅生活，好似周圍都仲有佢嘅影子咁。

我亦都開始明白long d嘅煎熬。

之前唔太明人哋所講嘅long

d好難捱，係咩一回事。不過我都慢慢明白，除咗見唔到之外，個時間根本難夾到仆街。

我日頭做緊自己嘅嘅時候，呀詩係嗰邊瞓緊教，唔係成日都就到時間skype。

我明嘅，所以我都嘗試俾自己適應呢種節奏，唔打擾都係一種愛嘅表現。

初頭我以為都ok啦，我哋keep住咁樣維繫都無乜問題的確嘅，一開始呀詩都無乜嘢，過到去所有嘢都新鮮，所有嘢都如夢般美好，同自己想像嘅生活一樣。

但慢慢就唔同了。

早知如果係咁樣嘅話，早知最後會搞成咁，我絕對唔會應承，會想盡辦法同佢一齊過去。

喺之後，每次我諗返起呢件事，我都會有同一樣嘅諗法，係每次！

呀詩佢嗰邊仲未開學，佢settle緊身邊嘅嘢，而我要開學。

好彩嘅係我上個sem遇到啲肯做嘅嘅組員，真係上咗u之後啲人正常好多，唔係話無，至少比例上好啲。

開學頭，就差唔多決定好學期中嘅去向，有好多嘢煩，而我哋嗰期煩緊嘅，就係好唔好暑假嗰陣實習。

呀詩去exchange之前，我有問過佢實習點樣，社工唔係要實習咩？通常都係year3暑假。

佢話佢揀咗year4嗰陣實習，忙係忙啲，佢都預咗之後chur嚟啦，咁佢點都想出去試下啊嘛。

基本上佢一返嚟，就要忙往返學同埋實習了。

我都已經可以想像佢有幾忙

我自己都係啦當然，我都諗緊好唔好去實習，儲咁啲經驗，畢業之後搵工都易啲啊嘛。

「你喺邊屋企點啊？」就算要忙，都要搵時間同佢傾個電話。

有時係我傾耐啲，寧願瞓少啲；有時係佢會傾耐咗而遲瞓。

「呢個寄宿家庭幾nice，佢話佢哋成日都收留唔同地方嘅留學生，已經慣囉，上幾次好似都有香港留學生住佢度。」呀詩分享佢嘅事嘅時候特別開心。

「咁幾時開學啊？」我問佢。

「差唔多啦，月中就開學啦。」我哋就連好小嘅事都可以傾一餐。

我哋都知道因為long

d先會係咁樣嘅狀態，因為平時係香港，個感覺就係覺得反正都成日見，隨時都有得見，唔會好似依家咁格外珍惜每一次通話。

打個比喻，細細個屋企人成日限住你打機，喺一兩個鐘頭打機時間特別珍貴；大個咗，你想幾時打都無人理你，反而就無乜想打機嘅意慾。

小別勝新婚，形容依家嘅我哋最貼切。

「你喺邊凍唔凍？」

「時凍時唔凍啦，香港地睇溫度著衫㗎嘛，有時熱到可以著短袖㗎。」

「我呢邊日日都凍到仆街，呢排仲落雪添，我咁大個女第一次睇到雪！」呀詩好興奮咁講。

但我有啲失落

我想呀詩第一次望住雪嗰陣，我係隔離。

「如果你係度就好啦。」呀詩講完呢句，真係痛入心，無奈嘅感覺係可以令人心痛。

「日子咁長，實有機會再同你去睇雪嘅。」我安慰佢，同時都係安慰自己。

「喺呢度我真係見識到好多我未曾見過，或者未曾想像過嘅嘢，係好開心同好興奮，但係异地開始耐呢會發現呢度始終唔係自己地方，無辦法真係融入。」

「哇！你都係啱啱去到無耐咋喎，講到好似你留咗好耐咁。」我笑佢，唔講仲以為佢係喺邊幾年，其實只不過係個令禮拜咋嘛。

「喂啊！又串我」佢係鏡頭前面高舉個拳頭，想一啲打落嚟。

呢幾年我食唔少佢嘅拳擊，條友仔打人真係好痛好彩我皮硬肉厚先無事。

估唔到嘅係，明明隔住個鏡頭，我都仲下意識咁避一避，縮一縮。

「你做咩縮啊？你夠膽縮？？」呀詩兇我，瞪大雙眼嘅佢都好可愛。

我竟然想呀詩可以打到落嚟，一如既往。

「係喎，我做咩縮？夠薑你咪打過嚟囉！」我挑釁佢，有幾瞓打就有幾瞓打！

「真係激鬼死我！」

我哋慢慢明白long distance嘅痛苦，就係有一剎那你以為對方就係你身邊，你想好似往常咁樣同佢互動當你清醒啲一下，先係最痛苦嘅根源。

「有無掛住我咁樣成日激下你呢？」我問佢。

「冇啊。」

「咁犯賤？」

「我唔知點同你形容好，喺呢度係好新鮮，係好開心嘅體驗，但就係有種你唔屬於呢度嘅孤獨感，你會想係度搵返啲香港人陪你。」

「只有同一個地方成長嘅人，先有共同語言。」

「所以我先允許你咁大膽！」

的確，我都發覺呀詩搵我嘅次數其實係多咗初初我都以為佢會忙啦，無咁多時間搵我，同埋又有時差問題，但佢比起喺香港嗰陣，搵我嘅頻率高咗好多。

有興趣可以follow埋

@_book.s0n

https://www.instagram.com/_book.s0n/

可能我真係唔明白身在異地嘅孤獨感忽然咗呀詩嘅情緒。

佢開咗學之後，就開始樣樣嘢都唔順心，喺西方電影或者劇集會發生嘅事，雖然無咁嚴重，但都降臨係呀詩身上。

嗰日起身，收到佢好多msg，全部都係講佢第一日開學去上堂，入面一個華人都無，裡面全係外國人嘅面孔，要分組嘅時候，無人想同佢一組。

我聽到之後心諗，唔係掛？以呀詩嘅性格同埋樣貌，點會無人想同佢一組啊？

雖然分組唔關樣事，但係整體嚟講，呀詩都未至於話去到俾人排斥姐？

但佢就好焦慮，搵唔到原因，只可以簡單歸納係種族問題，亦好擔心之後啲成績，唔知會唔會因為咁而過唔到。

自從升咗上U之後，我好明佢依家嘅處境，有啲科唔pass，係關乎到你畢唔畢到業。

我估佢已經瞓咗，嗰段時間我都趕緊啲功課，差唔多又嚟midterm exam，嗰日我全日嘅心思都係呀詩度，因為係异地，我唔知可以點樣實質上幫到佢，我諗咗好多方法，但無邊幾樣啱用。

最後我犧牲瞓教時間，瞓少啲，都係同呀詩傾耐啲。

「你醒啦？」我心痛佢。

「我無乜點瞓過，瞓下醒下咁」呀詩個樣望落真係無乜精神。

「點解咁嘅？聽講英國啲人都nice㗎喎。」我想快啲入題。

「我都唔知。」佢自己都納悶。

「我呢邊接觸嘅外國人都好nice，呢樣都真嘅，後來諗諗下可能佢哋一早已經有組呢？最後老師安排咗我入其中一組度。」瞓醒無耐嘅呀詩要花啲時間去組織返成件事。

「嗰陣我諗，有組都好嘅，我只要搞掂啲嘢就算，識唔識到朋友就由佢啦。」

「我嚟exchange的確係想見識多啲，識下啲外國朋友，但原來係咁難，唔係你話想識就識，好多對你一早已經築起高牆，無害你已經好好。」

「講遠咗，咁去到傾project嗰陣呢，佢哋係一樣嘢都唔分配俾我，好明顯佢哋已經同組咗一排㗎啦，好有條理咁分好曬啲嘢。」

「到我問佢哋嗰陣，先係咁意俾咗個整合資料我我真係唔該佢啦！」呀詩越講越激氣。

「呢啲時候我都好想係你身邊。」

因為我自己都唔想咁無用，睇住自己女朋友有咁樣嘅遭遇。

「我都係度諗，選擇嚟exchange係咪啱呢？為咗過嚟，已經洗唔少錢。」呀詩納悶著。

「呢啲事其實都一樣會令你變好，好嘅同唔好嘅事都體驗過，先叫完整㗎嘛，係咪？」我試圖安慰呀詩。

「咁你都啱嘅。」

我都明白要俾啲時間呀詩諗通，但我最估唔到嘅係呀詩嘅情緒，竟然會慢慢變差

我察覺到，真係察覺到呀詩嘅唔妥。

由佢開始同我放負嘅時候開始，我就知道唔係幾對路，我亦都同咗老媽講，話諗住呢排打工打耐啲，想儲機票錢過去探下呀詩。

「去囉！你有咁嘅心佢實感動嘅，作為女人，自己鍾意嘅男仔為咗佢遠道而嚟，點會唔感動？」我好記得老媽同我講嘅一句，因為佢俾咗唔少信心我。

細細個佢總係惡過老虎，但大個咗，先發現老媽原來都係個似水柔情嘅女人，唔怪得老爸死死地氣咁係佢身邊。

以前我都好唔鍾意老媽，覺得佢管得多，唔俾我呢樣嗰樣，又惡，又煩。

男仔嘅成長好似就係咁，總係慢人一拍先察覺啲唔同。

諗起以前中學時代，我都成日慢一拍先明白呀詩嘅心意，依家我慢一拍先知老媽嘅好。

我去英國嘅錢，老媽有幫手出大半，我打算完咗midterm exam就去。

老媽看似係錫呀詩咁，但其實背後為嘅，都係我。

呀詩佢啲排睇落好悶悶不樂咁，有啲似細路仔，成日扭計，當然我都盡力滿足。

好似一啲無厘頭嘅問題，都會重複地問。其實呢啲本來係我哋日常嘅情趣嚟，係維持我哋咁多年感情，必不可少嘅問題嚟，對女仔嚟講，我就唔係幾需要嘅。

好簡單，例如係「你愛唔愛我？」、「有幾愛？」、「如果有其他比我更好嘅女仔出現，你會點？」之類嘅問題。

呢排放出嘅頻率多咗好多，隔幾個鐘就問一次，每日嘅視訊都會問，msg都會問，就算唔係成日覆返佢，都一樣會問。

總之我一起身見到手機上面嘅msg，都實會見到有類似嘅句子喺入面。

頻率出現得太多，就容易生厭、生煩。

所以我都係決定去一轉英國探探佢好啲。

* * * * *

有興趣可以follow埋

@_book.s0n

https://www.instagram.com/_book.s0n/

好快我就訂好曬機票，呢一程真係貴到心痛，不過無辦法嘅，有啲錢點都係要洗。

我訂咗下個月嘅機票，搞掂曬啲功課先，呢排都真係好chur，多project要跟，仲有啲自己嘅功課同埋考試，邊個話讀大學容易話？

然後仲要keep住更新下實習嘅嘢，最近先搵到間啱嘅，聽講好似有個同學係同我一齊去同一間公司度實習，算係大公司嚟。

我係真係忙到一個點係連諗起呀詩嘅時間都無，係每件事我都需要投入去做，先會做得好嘅嚟嚟，唔好會出事嗰隻。

咁呢段時間我都有同呀詩溝通過嘅，呀詩口講就okay，但其實呢個係一種妥協嚟。

一種愛你嘅妥協。

正正嗰個時期，呀詩係好想我陪佢，就算佢唔明講，我都感覺得到佢嗰下係無辦法，知我都忙，唔想阻我，然後委屈自己。

由佢嘅訊息量同埋字裡行間嘅溫度，係睇得出呢啲嘢。

我只可以盡量快啲做完曬啲嘢，陪佢，執過去英國搵佢，我嘅打算就係咁。

此時此刻嘅我，係無辦法想像佢係有幾煎熬，但我知佢好辛苦

因為從來都唔會咁樣嘅佢，會有咁大轉變，可想而知佢真係捱唔住。

我驚嘅係佢心理上嘅健康。

所以我依家講嘅每一句都小心翼翼，更加唔想嗌交，再加上依家long d呢，會好難搞。

個心結亦都會因為距離而拉遠。

同一時間，呀詩都一樣要忙考試，佢覺得比香港更加難搞

就好似自己想咁樣，但點都順唔到落去咁。

有陣時，我都唔知可以點安慰佢。

係呢段期間，我有去問子晴。

「呢排呀詩有無搵你啊？」我whatsapp佢，而且我都想搵個人傾訴下。

以前細細個嗰陣，覺得啲女仔成日都要呻，要抱怨嚟做咩姐？

同埋有種好大男人嘅諗法，就係男人應該就係要頂天立地！真係唔知邊個教我㗎但總係覺得有咩事發生都好，男人係應該揹起曬所有嘢係膊頭度。

呢種先係我欣賞嘅真男人！

所以我就更加唔明點解女仔周不時都要呻，呻完對件事又唔會有咩幫助嘅，呻嚟做乜？不如搵方法解決好過啦？

好似生存得越耐，就越係知道有啲事情係解決唔到，係唔輪到我哋去解決，但啲問題又會影響到你喎，咁你可以點？

就好似依家咁，呻下，係因為知道自己無能力解決件事，只係但求自己心理好過啲。

「間唔中囉，佢都有搵我啊，做咩啊？」子晴同我哋一樣，都忙到癱，但見佢多咗係ig上面po相，好似見佢都過得幾多姿多彩。

佢亦都慢慢走出同蕃薯仔嘅感情。

記得當初分咗手嘅佢哋，有好一段時間各自都無更新自己啲社交媒體，接近一年吧？無記錯。

子晴同佢男朋友嘅關係都好似幾唔錯，大時大節都有見佢po相，平時就好少po嘅，加上自從ig推出咗story之後，po相嘅習慣就變咗純粹嘅記錄性，而po story即變成日常生活嘅分享。

我自己就甚少經營自己ig，男仔真係好懶得打理，反而都係我身邊女仔fd用得密ig story。

呀詩都係㗎，佢啲相除咗sd俾我，就係po係story度。

我諗咗一諗，然後問佢知唔知呀詩係啲邊嘅讀書情況，子晴表示都唔清楚。

最後我都係決定將呀詩所有嘅情況都同子晴講，事關我自己都唔知點算。

我最驚係呀詩唔知會唔會有啲咩情緒問題

「我覺得真係要睇實呀詩嘅情況喎，我都有聽講過話有啲人過到去其實唔適應啲邊啲生活，而有情緒病」

「頂，我俾你講一講我都好擔心呀詩嘅情況。」子晴無打emoji，證明佢真係認真嘅。

「你飛過去睇下佢啦。」子晴同我講。

「我有啊，我已經買咗下個月機票啦，等我完咗個midterm我就飛㗎啦！」

「哇，都好快喎。」

「你同呀詩講咗未啊？」子晴隔咗一陣問我。

「未啊，你覺得我講唔講好？」我唔知點決定好，人哋就心中有數，我依家真係無，完全無諗法。

「你未講喺原來？」

「我覺得如果係啲特別日子，情人節啊聖誕節、週年之類嘅呢，而佢又係呢啲時候表明掛住你，想同你講，然後又因為距離遠，機票貴而見唔到面，呢個情況你唔話俾佢知而飛過去呢，就好攞sweet慨。」

「但依家你係擔心呀詩慨情緒而過去探佢，我覺得無乜事唔好搞啲咩驚喜好啲，到時變驚嚇你就收唔到科。」

難得子晴打成串長慨唧俾我，千字文已經慢慢沒落累，除咗有誠意，亦都有道理。

我都認真諗過佢段說話，與其搞呢啲無謂驚喜，不如令呀詩安心啲仲好啦。

有陣時，真係靠自己個腦呢，係未必諗得咁周到，諗太多方面慨唧，反而會漏咗至為關鍵慨點。

喲晚視訊，我將呢個消息話咗俾呀詩知。

「真係㗎？你真係過嚟？點解慨？點解慨？」佢個反應都好驚訝，碌大隻眼，噃個開心慨表情收唔埋。

見到佢咁，其實都唔洗專登唔講，飛過去俾個驚喜佢啊，可能俾著我都會係咁。聽到另一半話要過嚟噃一刻，點都好雀躍，忍咗好耐慨思念，瞬間充滿住期待。

「仲有咩點解姐，你想有好多原因咩？」我甜笑著。

「想啊，你講嚟聽下？」呀詩對眼發緊光咁，佢真係好興奮。

「掛住你啦，想見你啦，擔心你啦，想探下你啦，想同你出去玩啦，仲夠唔夠？」多啲講下甜蜜慨說話，會滋潤到段關係。

但礙於大多數男人嘛，唔鍾意呢啲骨庫慨說話，講唔出口，段關係就少咗愛情慨甜言蜜意。

當然係可以靠其他嘢做到呢個效果，不過要花更多功夫。

「夠。」呀詩滿足咁講，仲點埋頭，佢個可愛樣又再出返嚟。

好似之前慨憂鬱一掃而空咁。

果然，我呢個決定係做啱咁，就算真係貴到仆街，都覺得值得。

* * * * *

有興趣可以follow埋

@_book.s0n

https://www.instagram.com/_book.s0n/

如果喺一個月係忙碌中渡過，係可以過得好快。

今次輪到我準備飛過去英國嘅嗰段期間呀詩周不時都患得患失，都一樣會抱怨，仲會同我講，想我快啲過嚟。

完完全全睇得出佢唔適應喺邊同埋後悔。

我上網查過心理病嘅資料，我對返啲普遍嘅特徵，呀詩依家咁嘅狀況係有啲憂鬱症嘅症狀。

我唔敢肯定，因為我同佢相處得最多，最能夠直觀感受佢帶俾我嘅。

見到自己另一半咁樣，其實好心痛，個心會因為擔心而跟住忐忑不安。

「唉」呢個字，已經成為呀詩經常性嘅口頭禪。我從來無諗過離開，就算日後知道佢有去睇醫生，醫生都話佢有憂鬱症，需要用藥物治療，我知佢都好辛苦，好難捱，承受住好多嘅壓力。

作為男朋友嘅我，我都好想可以幫佢分擔一啲，我一定唔會係呢啲難關度選擇拋棄自己嘅另一半。

* * * * *

我估唔到嘅係，會係佢想選擇離開。

我明白佢嘅苦衷，我知佢唔係唔愛，只係唔想大家咁樣辛苦落去。

但我唔想，佢覺得我辛苦，但咁樣分手，我仲辛苦。行下得下，我哋差唔多跨過咗中學同大學階段，計計下都成5-6年嘅感情。

我接受唔到我哋兩個係咁樣嘅結局。

同埋我接受唔到keep得咁好嘅我哋，突然間因為咁樣而搞成咁。其實我哋一路以嚟嘅狀態都好好，聽講過唔少其他人嘅愛情故事，對比之下，我哋嘅問題都真係唔多。

間唔中嘅甜蜜，適當地調情，就連性生活，都協調到，無因為呢啲問題而產生分歧，真係好難再搵到個樣樣嘢都咁夾，然後又咁愛嘅人。

克服咗好多樣嘢，亦唔係因為第三者嘅出現，就算long distance都好，我都清楚無呢樣嘢出現。

當所有嘢都好難得，你亦都有好好珍惜嘅時候，然後要你放手。

點放？我有咩可能眼白白睇住佢自己一個人捱呢？

我哋竟然會卡係度。

呀詩最後同我講：「你唔會真係明白到我感受，就好像當初我都係對憂鬱症有呢啲睇法一樣，我亦都清楚咁樣落去，只會兩個人更加辛苦。」

係我返嚟香港之前，呀詩選擇係機場入面同我分手。

不過係之前，我哋都傾好曬，溝通過，大家有共識，表面嘅共識，但表情都係控制唔到咁展露出我哋嘅内心。

呀詩曾經係網上睇到呢個句子，然後同我分享：

『點解當初兩個人係埋一齊嘅時候，需要兩個人同意，但分手，只要一個人選擇離開就可以？』

到依家我都唔知點解。

但我哋做到兩個人都同意。

* * * * *

時間返返嚟出發前

臨出發去英國前，呀詩好多嘢都千叮萬囑我要帶齊邊啲嘢，然後又叫我幫佢買嘢啦，仲有買啲香港零食俾佢，搞到我個喺有大半都係佢啲嘢。

我係一邊搞啲功課，一邊執行李。

子晴同我講，佢話佢都打算儲錢暑假嗰陣去搵呀詩，咁樣可以輪流陪下佢，但英國嘅機票同埋洗費好貴，佢都唔知要儲唔儲到。

以嗰陣時我哋返part time嘅收入，可能要返成半年先儲到我就好彩有老媽幫輕下。

子晴有咁嘅心已經好唔話得。

喺出發前一日，我依舊同呀詩skype，skype個紀錄喺呢幾個月多咗超多，有陣時呀詩打俾我無聽就會係上面搵我。

人呢？去咗邊？在哪？

我都有咁樣覆佢，基本上我哋嘅對話大致上係咁樣。

出發前嗰一日，佢抱怨得好犀利。

「我同你講，我同個老師反映啦，話班groupmate好多嘢都自己做咗，我自己參與唔到啦，你知唔知佢哋點啊？佢哋將大部分嘅嘢都堆曬俾我做。」

「我知去到邊都會有呢啲人，係香港都一樣會有，但喺自己地方，我方便為自己發聲，係呢度咩都要就住就住，除咗語言上嘅唔同，仲有就係驚有啲麻煩，我真係好驚，唔知佢哋係咩人，好驚得罪佢哋然後俾人搞」

「係呢邊又無人無物嗚嗚嗚」呀詩將心入面嘅委屈講曬出嚟，然後把聲嗚咽地講埋最後嘅一句，我更加覺得淒涼。

唔知可以點做，唯有講話：「我聽日就過嚟，你就唔係無人無物啦。」

依然無辦法止住呀詩嘅哭泣聲。

一向堅強嘅佢，好少會喊。喊得最多嘅，就係為咗佢屋企，其他時候，無論佢係出面遇到啲咩事，佢都唔會怕，佢唔係嗰啲俾人恰到上心口嘅人，血液裡流緊嘅係MK妹無懼怕嘅熱血。

我都係第一次見佢驚到個人震曬。

呀詩只會對住自己親近嘅人柔弱，亦因為咁，我覺得呀詩對外咁堅強，去外國應該都無問題，所以先俾佢去，佢唔係內心唔強大嘅人。

反而我覺係內心唔強大嗰個成日因為少少嘢受影響。

「依依家就就算你過嚟我嗚嗚嗚我我都要趕功課」

「唔緊要，我會陪你，你放心做啦，我都會幫你做嘅，做完先再去玩囉。」

「對對唔住」呀詩愧疚地說。

「痴線咩，對咩唔住喎？」我呆咗，呀詩呢啲時候仲因為咁而覺得內疚，佢真係好善良。

見到咁善良嘅佢，搞到咁唔開心，我就更加登佢唔忿氣。

「你嚟到我都無得好好地陪你」呀詩收唔到聲，嗰兩行鼻涕毫不掩飾咁係我面前流落嚟，場面又有啲滑稽，我只好強忍住笑意。

「你傻咗咩？冇咩所謂啊，只要見到你就做乜都得㗎啦，我唔介意去做啲咩喎。」

「無得出去玩咪無囉，以後有得再嚟㗎嘛，去到啊，就算落去樓下行個公園我都覺得新鮮添啊。」

「係咪啊咁我哋每日朝頭早都去行公園囉？」氹人呢，只要氹到人哋識得自己搞下笑，就已經係成功了。

「你起到身先算啦！」總算係安慰到呢個破涕為笑嘅女仔。

不過，我知道呢一刻氹到佢笑作用不大，轉過頭收線佢又會唔開心。

除咗陪住佢，係佢身邊氹下佢笑，我都唔知仲可以做啲咩，亦唔知佢需要嘅係咩。

其實咁樣出發係少咗期待去旅行嘅心情，多嘅係擔心，仲有伴隨些許嘅壓力。

本應係開開心心過去搵佢，會帶住思念呀詩嘅甜蜜過去。

依家去我都唔知會發生咩事亦唔知我去到，事情會唔會因為咁樣而變好。

上機前，我都只係影下閹口，俾自己紀錄下就算，並無post上ig。

原本我打算嚟搵呀詩嗰陣，係想影相post上ig，曬下命喫。難得我去咁遠嘅地方，洗唔少錢喎，唔留念下點得喎？

但係依家已經無咗啲種心情。

上到機，我keep住同呀詩whatsapp緊，佢好緊張咁我點樣啊之類，我就同佢報備我上咗機啦，啱啱坐低，等起飛。

我買嘅呢班喺英國朝早落機，依家呢邊係夜晚嚟，我只要瞓一教就可以見到呀詩。

可惜你唔會咁順利可以大教瞓，因為中間會有人叫你起身食嘢，咁我咪順路睇個電影囉，我睇咗黃秋生嗰套《淪落人》，係套幾好睇嘅港產片。

睇完又繼續瞓。

我係俾落機嘅震動聲嘈醒，望一望窗外，天空灰濛濛一片，係我唔熟悉嘅環境。雖然出發前心情麻麻，但啱啱落地，見到未曾見過嘅畫面，心情都有啲舒暢嘅，再諗諗一陣就可以見到呀詩，心裡面有啲甜。

我係期待見到呀詩。小別勝新婚嘛，我只係想一見到佢，就即刻行過去攬住佢。

電影入面嘅男主角咁樣做咪好似懶係型咁樣嘅？我並唔係刻意要咁樣扮，不過你當我係咁又無妨

我明點解要咁樣做，因為太耐無見，啲下衝動去過去攬住對方，係想有接觸到對方嘅實在感。

因為遠距離俾太多唔實在嘅感覺我哋，似有還無。

貪求嘅，就係一刻對方真真實實咁係我心口度，我可以感受到對方嘅體溫、觸感。

呀詩一早已經係機場等緊我，係我期待已久嘅面孔，我見咗成3個月嘅鏡頭，話短唔短，話長唔長，但足夠煎熬。

我哋真係好似電影，不約而同咁快步行去對方度，第一時間就係攬一下先。

最令我感動嘅位，除咗感覺到真實之外，仲有呀詩同我有一樣嘅反應，證明佢同我嘅心情係一樣。

只有一個人上演嘅獨腳戲，只能夠自我滿足，係無辦法產生共鳴。

* * * * *

有興趣可以follow埋

@_book.s0n

https://www.instagram.com/_book.s0n/

呀詩比係鏡頭前嘅佢，憔悴咗好多，成個人都瘦咗。

「終於可以見到你。」呢個係呀詩嘅第一句。

「估唔到幾個月嘅時間係咁耐我以為，對比起我哋一齊嘅時間，幾個月時間其實好短暫，但原來比我想像中耐。」

「我終於可以感受到你心口嘅心跳。」

係呢啲時候，呀詩嘅心情、行為，成日都令我覺得我好似做極都唔夠多，呀詩對我嘅愛深過我愛佢嘅。

「我係度啦，你唔洗成日心掛掛啦？」我撫摸住呀詩嘅頭頂。

「喺呢一刻我先可以唔記得啲唔開心嘅嘢，個人有返啲力量。」

係呢度嘅周圍，全部都係外國人面孔，至少我哋依家咁樣，唔洗理咁多人哋嘅目光。

錫落佢嘅嘴脣度，回應緊嘅，係上次同埋喺機場度嘅離別之吻。

離別嘅吻，心入面總有啲丁點期盼，期待下一次重逢；而重逢之吻，就係忍過種種煎熬，可以一下子釋放出嚟。

終於等到呢一刻嘅感覺，賦予「意義」俾啲段等待嘅時間。

我哋book咗airbnb，呢段時間，呀詩住係我度，佢依家寄宿喺人哋度，我過嚟點都唔方便。

佢亦都同佢嗰邊嘅人講咗，呢段時間出去玩，聽呀詩講，啲家人幾好，都算錫佢同埋幾通情達理。

係佢喺呢邊唯一「美好嘅回憶」。

我記得佢講過一句，令我明白曬佢係英國嘅啲感受，印象深刻。

『佢俾到我屋企嘅感覺我，但唔係我屋企。』

我哋去到airbnb之後，擺低啲嘢，就打算出發去其他地方玩。

「我淨係得今日可以陪你去玩我之後就要趕功課啦」

呀詩抱住我，一臉謙意。

我知咁樣只會加深佢嘅情緒負擔，其實佢唔需要因為咁樣而內疚，因為唔係佢嘅錯，佢自己都唔想。

但佢覺得我一場嚟到，無得出去，係佢造成，始終都係因為佢。

「唔緊要啦，到我真係好想出去嘅話，我咁自己一個人去囉。」我輕撫呀詩嘅頭頂，仍舊柔順，同埋散發住佢獨有嘅氣味。

「咁樣我都會好想出去囉」佢扁扁嘴。

「唉」然後就開始發脾氣。

我明嘅其實，可能我頭先講嘅方法唔啱，但係我又唔知點講先至好。

答左又錯，答右又錯咁。

呀詩擰完頭，係度拍床，發悔氣。

初頭我以為佢只係扭下計，氹下就可以，呢啲已經成為我哋兩個平時嘅小情趣。

然後當我埋去氹下佢嘅時候，掂都唔俾我掂，可能佢真係好介懷呢一樣嚟。

「好啦，我唔講啦，Sorry啦，頭先係我唔講，講錯嚟，唔好瞓啦好無？」我喺呀詩側邊，柔聲地說。

佢仍然對我不瞅不睬。

我唔講嚟，諗住攬住佢，佢都唔俾。

其實只不過好小事，但就搞成咁我唔想山長水遠，咁貴嘅機票過到嚟，係同呀詩嘈交。

我知佢依家嘅情況好差，只好默默咁陪住佢隔離，諗下有無咩解決方案。

情緒嚟嘅時候，係阻都阻唔住，呀詩亦都唔想，我明。

但係點樣處理呢個情況，可以列入最令男人頭痛嘅top3。

我靜靜咁咩都無做，其實呢個時候做咩都死，連唔做都死

(你仲有心情玩手機！)

(你真係唔氹我喫喫！)

(走啦走啦你！)

(唔好掂我啊！)

當然以上呢啲都唔係呀詩講嚟啦，佢點會講呢啲嘢啊，哈哈哈哈哈哈。

呢啲都係我預想出嚟嘅情況。

最後呀詩就留低句：「我去做功課啊！唔好理我！」就真係走咗去做功課。

見到佢仲係嬲爆爆嘅樣，我心情都灰咗，明明真係好小嘅事。

我以為咁多年感情，大家都會識得處理呢啲細節位，我理解佢嘅情況特別，但係依家我真係唔知點做好。

咁佢唔想我一個人出去，我唯有留係度。

只係個心，好唔平衡

如果我走咗去，就到呀詩個心唔平衡

天啊！！！！！

唉點搞好？問得嚟意見，都日落西山。

呀詩認真咁係部電腦面前埋頭苦幹，我知佢都好辛苦，就算我嚟到，對件事都好似無乜幫助咁

我以為佢會開心啲，但得開頭啲甜蜜。

我望住呢間公寓，的確幾有家嘅感覺，我稍為有啲明白呀詩噃句，有屋企嘅感覺，但唔係屋企。

再望下窗外，外面係英國嘅景色，英國嘅大街小巷係有啲特色，個風景都係我未曾見過，搞到我有種想出去嘅衝動，覺得好似嚟到好曬咁嘅感覺

不過！我分得清楚邊樣重要！女朋友嘅情況始終都係排第一。

呢啲風景，無咗佢，會無咁靚。

我決定咩都唔做，就等。等到呀詩話想出去行下，先出囉。或者等到佢做完。

總之就等，亦都係我唯一做得好嘅嘢。

201

執完啲行李，安頓好之後，我就同呀詩係間房度各自做自己嘅，我就無乜好做，都係玩下電話，打下機咁。

時間過得好慢，慢到我以為過咗好耐，實際只係唔夠半個鐘。

直到晏晝，呀詩行過嚟，扁住嘴咁講

「係咪出去啊？」呀詩警扭地說。

個氣氛有啲怪異，捉摸唔透，同埋唔知幾時會爆發大家嘅情緒。

因為連我嘅情緒，都受到牽連。

「唔係話唔去咩？」我反問。

「依家去得啦。」呀詩並唔係熱情咁講，而係冷冰冰咁講。

我知道呀詩嘅情況嚴重，喺頭先呀詩去飲水嘅時候，我見到佢有食藥，佢啲樽藥，係啲抗抑鬱藥嚟。

自從知呀詩可能有呢個病嘅時候，我都有搵啲相關資料，樽藥啲樣我都有印象。

食得多藥，會食到個人無乜感覺，壓抑住曬啲情緒。

呀詩無同我講過佢有食藥，佢啲事都係略略同我講過下，當我想問深一啲嘅時候，唔係扯去第二個話題，就係唔出聲，唔想講。

的確，有啲事，一路以嚟無問題，唔代表之後唔會有問題出嚟。

我同呀詩一早習慣咗坦誠相待，因為大家都唔鍾意有條刺係心入面。但係呢個情況，呀詩選擇唔同我分擔，獨自承受。

我可以想像到，佢自己一個去睇醫生，自己一個去買藥，自己一個照顧自己。

一諗到咁，就好似有個細刀片仔，全身一刀一刀慢慢割咁。

唔太痛，但係種好難受嘅折磨。

「好。」我都起身。

「咁去邊？」我問，微微一笑。

「你有咩地方想去啊？」

「無㗎，只要出去一齊行下，去邊都得不過，我哋都係食咗嘢先啦？」

「好啊。」此時嘅呀詩，一臉輕鬆寫意。

我都唔再將頭先嘅事放係心度。

呀詩換好衫，化埋妝，都搞咗一輪。見到佢精心打扮嘅樣，知佢重視呢次約會，有陣時男仔等，係值得喫，你都想另一半靚，然後重視自己喫？

好耐無咁樣嘅感覺，為咗保持呢份驚喜感，我專登無去睇呀詩，坐遠啲，自己玩手機。

終於！等到佢出到門口嗰陣，我餓到仆街。

我餓到只要求其食一餐，乜都好，填飽個肚就得嗰種。

但係呀詩好似唔識餓咁，整咁耐都未嗌過一句餓當然，我都唔敢嗌餓啦。

呀詩嘅精心打扮，著條性感嘅短裙仔，係我期待嘅嘢！

「我都好耐無咁樣打扮過，係呢度返學都唔需要點樣打扮，又唔需要去見啲咩人。」

「靚唔靚啊？」呀詩問我。

廢話，有得話唔靚喫咩？從來呢個都係得一個答案嘅問題嚟。

「靚！」佢需要嘅係轉換一個心情。

快快手出街，已經係晏晝時段，係香港呢個時間可以食下午茶了。

「乜你唔餓咩？」我餓到腳仔軟。

「唔係好餓啊，我係呢邊好少食好多嚟，都慣咗。可能啲人唔啱自己食啦，同埋嚟到呢度之後都無乜胃口。」

「咁又係，你成個人都瘦咗唔少，本身已經瘦㗎啦，我見到都覺得心痛」

呢種瘦削其實好唔健康，我唔想見到呀詩咁估唔到呀詩嚟到呢度之後，無一個好嘅發展，反而個人嘅狀態越嚟越唔好，我諗呢一點我哋兩個都無預想過。

將好多嚟都諗得太美好，亦將外國嘅諗得太美好。

唔係話外國嘅生活唔好，本質上係無問題，如果你本來係身為嗰個地方嘅人，但我哋外來人，要融入實在係一件好難嘅事。

「我都好掛住香港。」

「但仲有好耐先可以返去，我唔知捱唔捱到。」呀詩抱怨著，撓住我手臂，無力地捱落嚟。

「捱到嘅，無咩嘢捱唔過。」我哋就咁係英國嘅街頭漫步。

灰濛濛嘅天氣實在好難令人心情舒暢，不自覺就會覺得鬱悶。

「聽講呢度嘅天氣成日都陰陰沈沈，真係㗎？」我問呀詩

「係啊，好少見到好天氣，而且周不時都會有濛濛雨。」可能呀詩嘅心情都因為咁受影響。

「去食下好嘢，等心情開心返啲？」我只能夠用最溫柔嘅聲音同呀詩講，希望咁樣有用，可能令佢開心返啲。

唔知呢度有咩好食嘅我，即刻上網搵餐廳，無openrice嘅我最後搵咗兩間，唔知好唔好嘅，睇啲相都係西餐樣，好似間間都差唔多咁。

「我搵咗呢兩間，唔知好唔好食，你有無想食嘅餐廳？」

「無啊，求其得喫啦。」我側身望望呀詩，佢表情仍然係鬱鬱寡歡。

去到食飯都係一樣，係我印象入面，咁樣嘅呀詩係好陌生。

以前就算屋企嘅事，經歷過呀彥，入U後讀書壓力大，都未曾見過呀詩咁樣。

佢唔係唔會唔開心，而係過一排，或者有時出嚟散下心，總會有一個時刻，佢係可以放低唔愉快嘅心情，開心起嚟，繼續發揮佢開朗活潑嘅本性，係我面前鳩下鳩下咁。

我亦都好多次，俾佢呢種時而懸鳩嘅性格感染。

依家呀詩俾我嘅感覺，係佢未必再咁樣嘅
moment，我理解到佢噃種，連笑起上嚟都覺得勉強，都覺得尷，索性唔好笑，反而仲輕鬆。

「你無事啊嘛？」我關懷備至地再三問呀詩。

「我連呃自己重視嘅人嘅力氣都無，我唔想同你講我自己其實無事，我係有事，但我無力去改變啲咩，我亦都知道我咁樣會影響身邊嘅人，我就好似一個黑洞咁，會吸埋身邊嘅人落去個漩渦度。」佢望住個餐，個樣睇落無乜胃口，雙手拎住餐具，卻久久不動。

此刻我好想攬住對面嘅佢，之前因為long
d做唔到嘅嘅，我依家可以做到，我想擁抱佢，俾啲力量佢，希望佢可以從中感受到溫暖，唔好俾自己一直咁無力。

「你唔洗驚會連累到我，我做嘅就係喺你身邊支持你，其實我同你都一樣咁無力。」

「不過我知依家我哋唔可以一齊拉入黑洞入面，至少其中一個要正面啲，咁樣先可以拯救到另一個。」呢個係我嘅諺法。

呀詩沈思咗一陣，轉頭望住街外嘅風景。

我哋坐係室內靠街嘅位置，側邊係一度門，敞開，出面仲有擺幾個位，有幾個外國人坐係出面，好寫意咁一邊食嘢一邊飲酒，無受天氣影響，有講有笑。

好撲chill。

最chill嘅都係對面公園嘅人。

呀詩嘅視線，停留係對面嘅公園。個公園唔大，但好多人坐係公園度，唔一定係野餐，有啲只不過係一條友坐係度睇書，無鋪野餐墊；有啲就一男一女係度拍拖。

呢一幕真係好似直接望穿部電影咁，如幻似真。

然後呀詩用憂鬱嘅眼神，吐出一句：「希望可以。」

「依家就連出嚟食個飯，我個腦都仲係諗住啲功課。」終於呀詩都起筷。

「其實搞唔掂咪搞唔掂囉，可能呢排成績唔係好掂，返去香港再追返囉，唔係好大件事，大到成日俾咁重壓力自己嘅。」我只好試圖用其他觀點嚟到說服呀詩唔好亂諗嘢，唔好咁多壓力。

「當你去到對住啲功課嘅時候，你就會好驚，驚做得唔好之後就點點點，同埋唔知班人想點，做得唔好俾佢哋話，捉到痛腳，最最重要嘅一點係，我真係唔想衰俾佢哋睇，想證明俾佢哋睇，佢哋嘅做法同諗法都係錯嘅。」

「你明唔明啊？」呀詩嘅眼神，此刻係想有個人可以明白佢，理解佢，體諒佢。

而呢個人，佢想係我。

「明嘅樣，我都係想你唔好咁大壓力姐，我都盡咗力。」

然後我哋就默默咁食完餐飯，大家都係沉思嘅狀態，無玩手機，無睇外面嘅風景，真係純粹低頭食完餐飯。

我哋各自都唔知對方諗緊咩，呢一個狀態實在好陌生，亦係我一路以嚟都想像唔到嘅事，然後就咁樣發生咗。

其實唔知對方諗緊咩，明明大家都各自有心事，但係選擇自己一個人係心入面思考，甚至乎俾唔好嘅心情屈住係入面，唔打算講出嚟，俾對方了解。呢種心情好令人煩躁。

好想知，亦都好想問，但你知道再有下一步動作，對方只會唔耐煩同燥你底，你只好將所有嘢都吞嚥落肚。

食完飯，我哋就去倫敦啲出名嘅景點行下，去睇大笨鐘，搭英國嘅地鐵，比我想像中落後，卻令人莫名其妙。

之後再去倫敦塔橋、倫敦眼，我初頭以為咩嚟啦，知道係摩天輪，但佢叫倫敦眼，應該有啲特別嘅掛？

點知乜都無嘅，其實好普通，去到望一望搭一轉嘅價錢。

「哇屌你老母，咁撚貴嘅？」我同呀詩講，我真係好驚訝。

「哇，痴撚線，真係好撚貴唔係講笑，搭一轉都夠我去海洋公園啦，我去坐成日摩天輪唔好？」佢嘅反應令到我大笑咗。

之前嘅唔開心，一瞬間就掃走曬，呀詩真係有咁嘅能力㗎。

「得，係得你一個咁傻會坐成日咗嘛。」我見機會難得，梗係搵位入，串一串佢啦。

「痴線，就係咁傻啊，仲抵過係呢度坐一轉啊。」呀詩唔服氣。

呀詩的確係唔服輸嗰種典型嘅MK性格，隨時都可以起曬剛。佢亦都只有係最親嘅人面前，先會柔弱。

「你都係第一次嚟咩？」我有啲愕然咁問呀詩。

「係啊，我都話咗我都無乜點去其他地方囉，無人陪我嚟，我都淨係自己一個去過睇大笨鐘咋嘛。」呀詩講中間嗰幾句嘅時候加重咁個語氣，然後斜眼瞪住我。

好似我做錯咁咩事咁

「係嘅係嘅！」認低威係我本份。

「咁依定去啦！」我忽然興起，決定就同呀詩坐返轉摩天輪，雖然會洗唔少錢，但當係一個補償，我覺得值得。

「吓？去邊啊？」呀詩一臉茫然，眼仔碌碌咁望住我，瞪大隻眼。

「上去囉！」我指一指個摩天輪。

佢好驚訝咁「吓」咗出嚟，「唔係話貴咩？仲上去？」

「難得嚟一次，而且你都未嚟過，一次半次咪去囉！」我解釋道。

「頭先你先話貴，又話咁樣好唔抵唔係可以去轉海洋公園玩成日摩天輪咩？」呀詩揶揄我，用蔑視嘅眼神對住我。

「超！你真係呢難得同你去一次恩愛下係咪唔得啊？」

我唔俾呀詩再講廢話，攬住佢行去摩天輪嗰度排隊。

呀詩咁樣俾我半推半就先肯同我嚟排隊。

喺臨到我哋入去摩天輪嗰陣，呀詩忽然講起：「我哋好似拍咁耐拖，都無一齊坐過摩天輪噃。」

「你咁講又好似係。」俾佢咁樣講一講，我回憶返我哋以前拍拖嘅事，諗下諗下，我哋渡過我好多甜蜜嘅瞬間，不過又真係無一齊搭過摩天輪。

「依家第一次一齊去搭，唔好咩？」

呀詩微笑著，我以為咁樣甜蜜下，可以尋回呀詩嘅笑顏，但我依家仍然見到呀詩憂傷嘅神色。

我好想知呀詩依家係點諗

唔通我哋真係搵唔返以前嘅感覺？即使我大老遠過嚟都無幫助？可以嘗試嘅我都會去做。

「好啊。」呀詩嘅笑容，唔似得以前咁開懷，以前呀詩笑起上嚟，對眼會眯成一條線，雖然我有時都會笑佢成日將自己隻眼收埋，但我真係百看不厭，次次都覺得咁樣嘅佢，好可愛。

呀詩佢笑起上嚟，雙眼無乜點變化，好似只係擠出一個笑容咁。

所以話，一段感情嘅變化，身邊嗰個只要用心，一定可以感受得到。

坐上去摩天輪，啲英國姐姐好鬼nice，而且身材真係好豐滿，有前有後，凹凸分明，香港見得多嘅都係好瘦噃，直線為主。

頭先有個靚女鬼妹姐姐安排我哋坐邊一卡，我承認我有多兩眼。

但就咁樣佢街啦

「頭先個姐姐好索啊呵？」呀詩咬住嘴唇，用平淡但極具殺傷力嘅語氣同我講。

「吓？還好啦。」我意識到唔對路，死啦，次次呢啲位都好鬼刺激，你要好快地拆解呢個危機，只要你有幾秒嘅停頓，佢就會識穿你。

然後問你：做咩諗咁耐噃？

到時你仲死，更加唔知點答。

「係咩？你望咗人哋好耐噃。」呀詩斜視住我，眼神無比兇狠。

「我哦！我頭先望緊後面啲卡位咋嘛，其實我想揀後面嗰啲，唔想前面有人係度，好似會成日望到我哋咁嘅感覺，所以先咁樣咋嘛，你會唔會諗多咗啊？」我真係出盡奶力咁兜。

「係啊？係啊？」呀詩搞怪地笑了笑。

扁我都俾佢搞到笑咗，係狂笑停唔到嗰隻，然後攬住佢，講：「梗係啦！我係想我哋可以上到去無乜人，可以恩愛下姐。」

呢句係出自真心噃，我想透過呢種方式搵返我哋以前拍拖嘅感覺，尤其是依定我哋都係異地，係一次難得嘅旅行，我都想好好地享受。

摩天輪緩緩升過，地面嘅人漸漸遠去，遼闊嘅景色開始呈現係我哋眼前，英國嘅風景真係好靚，我攬住呀詩欣賞呢個片刻嘅風景。

呀詩亦都依偎係我心中度，係呢一刻之前，佢回應咗句：「邊鬼個要同你恩愛！」

然後就俾個風景吸引住咗，趴咗係我心口度，一齊睇住出面嘅景，而我輕輕咁撫摸呀詩柔順嘅頭髮。

幸福嘅感覺嚟得好突然，亦係我期待好耐噃噃，每次有呢啲時刻，我都想佢可以一直一直咁停留。

「原來上嚟嘅感覺係咁樣。」呀詩淡淡地講咗一句。

「你之前無坐過摩天輪咩？」我問到，對於呢點，我真係唔係咁清楚。

「無啊，你幾時有同我坐過啊？」呀詩反問我。

「海洋公園都無坐過？」雖然我都好似無坐過海洋公園嘅，因為見到嗰陣覺得吸引力唔大，去到梗係要玩啲刺激嘅遊戲嘛。

「我都無去過海洋公園我淨係同你去過迪士尼咋嘛。」呀詩咁樣講一講，又好似係。

「Sorry啊，係我做得唔好我竟然咁耐都無同你坐過一次摩天輪。」心入面內疚起上嚟，原來仲有好多嘢，我係未同呀詩一齊做過

內疚係因為覺得自己做得未夠好；

同時亦有種心痛嘅感覺，想日後同佢經歷更加多嘅嘢，帶佢去體驗更加多美好嘅嘢；

漸漸大個，我哋兩個嘅腳步都急促起嚟，為咗想快啲向前奔跑，只不過，有陣時我哋都唔知為乜而奔跑，只係唔想不安嘅將來，降臨係我哋身上，為咗咁而想自己做更加多嘅保障。

我哋少咗好多呢啲，可以暫停一下腳步，靜靜地停係度，享受屬於兩個人嘅時間。

而且，我做咗一樣自己一路以嚟都想做嘅事，就係喺摩天輪嘅最高點，同自己心愛嘅人擁吻。

係好偶像劇嘅嘢，呢啲係畫面睇好唯美，但現實入面，其實唔係咁咩咁特別嘅嘢。

不不過如果身邊有一個你想同佢經歷好多嘢嘅人，你就會心癢癢想同佢體會下各種情節，會係咩一回事。

呢種習慣，我一路都有同呀詩做緊，可能因為有呢啲事，我哋先會keep住有趣，keep住有啲新鮮嘅。

摩天輪不急不慢地升到最高點，倫敦嘅一大片景色盡收眼底，縱然天色不佳，但唔影響呢個壯觀嘅景色。

我都忍唔住會想望多幾眼，因為摩天輪嘅時間，其實好短暫。

我輕輕扭轉一下頭部，呀詩嘅臉龐就係我左近，我同佢嘅距離只需要轉一下個頭，可以kiss到。

呢個角度輕鬆得嚟，附帶點曖昧嘅空氣。

輕輕一個kiss，我覺得就足夠。打茄輪同埋蜻蜓點水都需要分場合，咩場合就用咩方式應對，呢個係成熟嘅人應有嘅表現。

我原以為呢個甜蜜嘅時刻，呀詩嘅心情會同我相仿，但我觀察唔到佢表情有咩變化，可能係因為佢嘅抑鬱症？可能係因為頭先嘅說話？可能係因為食藥嘅後遺症？

定還是真係已經無感覺？

對我所做嘅再無感覺？

無論幾多年嘅感情都好，10年、結咗婚未結婚，就算拍拖幾個月都好，遇到呢啲事情嘅時候，都會有一種好強嘅無力感係度。

意識到好似自己做咩，都挽回唔到咩，都徒勞無功咁。

呢個就係我嚟英國，最大嘅感受。

可以體諒嘅我都有體諒，我明白呀詩嘅處境，我會係佢身邊陪佢，扶持佢。

但係呢個難關，最終都係需要呀詩去克服同埋衝破，旁人做嘅好有限。

我唔知需要等幾耐

係呢個唔知點樣形容嘅氣氛，呀詩趁摩天輪下降緊，回到原點嘅時候，好似忽然想起某樣嘢。

然後係書包度搵，拎咗樣嚟出嚟。

即影即有。

「哇，呢樣嘢都好耐歷史啦喎，依家好似越嚟越少人用。」我取笑佢，瞬間個氛圍變得輕鬆。

因為啲回憶瞬間出返曬嚟。

呢部即影即有，係中學畢業嗰陣，呀詩自己買嘅嚟。

Last

day嗰日，我哋仍然冷戰緊，其他人爭先恐後咁搵人寫字條件校服度，然後同好朋友影即影即有留念。

而我係無同到呀詩影過即影即有，我後尾先至知。呀詩淨係同某幾個好朋友有影到即影即有，而嗰陣時呀詩只係同我用手機影咗張合照。

『你嗰陣做咩唔同我影即影即有喎！你睇下，都無我哋啲相嘅！』嗰陣時係呀詩屋企，忽然見到佢為數唔多嘅即影即有相片，擺咗係間房嘅一角牆度。

但呢堆相入面，無我哋兩個。

暫時係得呀詩著住校服，清純嘅模樣，想像唔到佢曾經係有咁MK嘅一面。

『嗰陣時覺得同你未必會再見，先無同你影，你都知啲底片貴㗎啦，嗰一刻真係無諗咁多，一路嘅思想係自己放低咗，先無影掛？如果嗰陣時真係用咁珍貴嘅即影即有同你影，我就連自己都呃唔到自己。』

『依家同你影返咪得囉，我都估唔到最後都係會同你一齊返，嘻嘻！』

『你話㗎！要影好多喎！補返中學嗰啲喎！』

『好啊，反正大把機會！』呀詩笑容滿面咁講。

後來我哋好多相都貼咗係嗰個角落，連我同呀詩用手機影嘅last day相，都用部機打印咁打印咗出嚟變做即影即有。

嗰張相擺咗落我銀包，一路保存到依家，已經變到有啲乜色，邊位都染上黑色。

對於中學禮物嘅回憶，手繩同埋條頸巾，手繩已經通過我哋嘅同意，爛爛地之後就一齊換成戒指，係一對平平地嘅情侶對戒嚟，有時會將佢整成頸鏈，有時會戴係手上。

將個意義，換成其他形式存在著。

而條頸巾，一路陪住我好多個冬天，都已經有啲歷史嘅味道係度添啦。

我哋嘅樣慢慢喺底片度浮現上嚟。

影咗兩張，一張俾我，一張係呀詩度。

好短暫，好多嘢想做，但嚟唔切做，而你又深知只有呢一次機會，因為價錢太貴，唔會再坐第二次。

唔想就咁結束嘅惆悵感係踏出摩天輪嗰一刻蔓延開來。

望一望個時間，已經6點幾，但個天仲未有暗落嚟嘅跡象。

「你仲有無咩地方想去啊？」我問呀詩，就算6點幾，我都唔想咁快完咗呢一日。

呀詩之後要忙功課嘅嘢，要趕進度，我亦都無可能咁自私要犧牲呀詩嚟陪我遊一轉英國。

所以想用盡個時間。

以前都有過呢種感覺越想珍惜、越想用力捉緊就越無力。

「無啊，可能係呢度一排，開始覺得唔太特別？」我同呀詩跟住人流離開。

然後就沿住河邊散步。

「我發覺我嚟到英國要去好多地方，先不枉大老遠洗咁多錢過嚟，但呢一刻我真係覺得唔需要去咁多地方，依家我諗唔到可以去邊，明明倫敦咁大，我咁多地方都未去過。」

好多遊客混雜著英國人係我哋身邊經過，有聽到熟悉嘅廣東話，更多嘅係講普通話，一眼就會認得出佢哋係邊度人。

「但我更加想係你身邊，呢個先係我過嚟呢度嘅目的。」

「我頭先有諗過，如果你係呢度心情真係咁鬱悶，仲係咁嚴重嘅話，不如同我一齊返去啦？學業嘅嘢咪由佢停住先囉，就算因為咁樣遲一年畢業，都無乜問題姐？最緊要你無事。」不知不覺我捉住呀詩嘅手慢慢變得用力。

「好無？」我柔聲問，「一齊返去啦？」

呀詩沉默，低著頭，將耳邊被風吹過嘅頭髮重新整理，然後隨意地撥向耳後。

露出半個側面嘅佢，被風輕撫過，更顯迷人。

呀詩係我面前，好似從來都無變過，但當某一刻，你腦海將第一次見面嘅佢重疊後，先察覺早已成長為另一個模樣。

青澀、稚氣、MK、間中粗魯、爆粗；成熟、穩重、有個性、有方向、有屬於自己嘅魅力。

我覺得呀詩好型。真㗎，真心覺得佢型。呢個字唔係淨係形容男仔，我覺得形容女仔都好貼切。

呀詩甩開我隻手，用我比快幾步嘅節奏向前行。

我突然有啲驚，呀詩要走？佢去邊？做咩事？下？喂？

點知原來只係行去前面嘅凳度坐低，張凳係兩棵樹中間，甚是寫意。

個畫面好似《秋天的童話》入面周潤發同鐘楚紅坐係公園度談心嘅畫面，西方國家嘅景象對於一直身處係亞洲嘅人嚟講，係夢幻嘅地方嚟。

我行過去坐係呀詩隔離。

此刻嘅光景，就係我一路想像，我同呀詩老咁嘅模樣。

呀詩坐低之後，一樣無講嘢，我痴痴咁望住佢，一路幻想我哋慢慢經歷歲月嘅洗禮，跟住一齊老去。

呀詩開口講嘢，先將我從幻想拉返嚟。

「我明你嘅感受，同時都知你係為我好，想我好返，過到嚟都好努力咁想我開心返，我唔係無感受到你頭先話叫我返去香港，留係度咁唔開心，而且因為咁樣而搞到自己病埋，無咩緊要得過身體。」呀詩呆呆地望住前方，依家呢個視線好似望緊維港對面咁。

「但我真係唔想放棄。」呀詩忽然話風一轉，堅定咁講。

「我犧牲咗好多先至過到嚟，我儲咗好幾年前，完成咗我一路想完成嘅嘢，老實講，呢段時間無你嘅支持，我係做唔到，你俾我放心去追求自己想做嘅嘢，雖然你會因為我離開唔捨得，但呢啲都係因為你愛我，你著緊我。」

呀詩彎低腰，佢嘅秀髮因為地心引力而下垂，加上河岸嘅微風營造出一種飄逸感。

呀詩側一側個頭，望住我。

對住我笑。

我第一次，望住呀詩嘅笑容會感到傷感

「我頭先都爭扎咗好耐，一路以嚟對外國嘅憧憬，我終於都做到自己想做嘅嘢，但好多夢想嘅樣貌，當完成咗後就變得截然不同，發現咗唔同之後就又放棄？」

「呢個諗法已經存在係我腦海度好長一段時間，直到你嚟到，我更加覺得唔應該就咁放棄，MK啲講啊，『條路自己揀，仆街唔好喊。』」

我俾呀詩突如其来嘅引言逗笑：「又真係幾MK。」

「我想堅持埋落去，想睇下個結局，我知辛苦我一路以嚟都辛苦慣，唔差在呢段時間啦。」

跟住呀詩用佢冰冷嘅雙手摸我塊面，請我食「凍柑」。

凝望我雙眸，道：「但我唔想你咁辛苦。」

「我哋之前相處得好好，我好明白，如果唔係我哋都唔會一齊咁耐，經歷過中學、大學，我亦都相信就算出嚟做嘢，我哋都唔會點變。」

「只不過依家我唔想見到你因為我而辛苦我知以你嘅性格實會陪我捱」

「你會，我知你一定會。」

「中學嗰陣就知，你係會堅持落去嘅人嚟。」

「記唔記得我哋中學分手嗰晚？你係補習樓下等我。」呀詩若無其事咁講返起以前嘅事。

已經過咗五、六年啦，唔數下都唔知原來過咗咁耐，有種記憶錯亂嘅感覺。

「記得，點會唔記啊？」我苦笑道。

我哋甚少講起分手嗰陣時嘅嘢，好似不約而同大家都有個共識，唔開心嘅事就唔好提返起，對現實無任何幫助。

「喺晚由補習社出嚟，我就知你點都會跟埋嚟，雖然你嗰陣係巴士度無追上嚟，但係喺重要嘅位上面，你唔會走咗去。」

「所以我信你點都會陪我捱過去。」

「但我唔想。」呀詩坐返好，又再直望河岸。

「依家嘅我就算同你出嚟，我都開心唔起，我都以為你過到嚟，情況會有所改變，但我就係咩都諗得好負面，我無辦法真正咁開心起嚟，覺得你好快就會走，到時候我又自己一個人係度，我不停咁要自己唔好依賴你咁多，同埋我都唔肯定自己返到香港就一定會好得返。」

「我唔想因為咁綁你係我身邊，我唔想你跟埋我一齊辛苦。」呀詩盡力令自己平靜。

「我唔想做累人累物嘅個。」

「由細到大，我都唔想做累人嘅個，因為我已經俾人拖累個人生拖累得好緊要，所以盡可能唔麻煩到人，我都會自己嚟。」

此時此刻，我忍唔住打斷呀詩講嘅嘢，唔單止係佢，我都有啲激動。

其實呀詩講到好明，我心入面好清楚呀詩依家想點樣。

「但係你唔會咁樣維持一世㗎嘛，到你好返嗰陣，你唔會覺得可惜咩？做呢個決定？」我個腦快速咁轉緊，諗緊有咩方法可以令呀詩回心轉意。

「可能會，但至少依家唔會。」呀詩依舊用佢迷人嘅笑容望住我。

一晃眼，我已經望咗呢個笑容好多年，未曾睇厭過，依然都係咁楚楚動人。

佢同中四嗰陣一樣，離別嘅時候，講嘅說話總係令我無言以對。

呀詩提得出啲個時間點，我都大約估到接住落嚟要講啲乜。

我哋無將所有嘅講到好明，但事情嘅由因，比起上一次，我哋冇拎出嚟講。

對於呢件事，亦無當初係中學嗰陣時，咁難以接受。

時間真係會改變一個人嘅諗法、心態。

唔知點解，對於呀詩咁樣講，即使無將「分手」兩隻字明確噃講出嚟，我心入面無中四嗰陣咁難受。

係時間沖淡咗？係我已經唔再愛呀詩？

之前呀詩講「分手」呢兩隻字嗰陣，我個心絞住絞住痛，嗰種痛記得好清楚，個人無力爭扎，呼吸都覺得好重好重。

完完全全唔想分開，唔甘心，愛得好強烈。

呢啲都係出於自己嘅感受。

依家真係想對方好，我覺得係一種昇華嚟，我哋並唔係唔愛，但亦都唔忍心見住對方受苦。一齊唔見得會令件事好咗，唔見得有所舒緩，卻因為仲愛住對方，其實想自私啲，想佢多啲陪自己，想佢係自己身邊，一樣都有佔有慾。

不過喺呢個情況，只會令呀詩有更多嘅壓力，佢都唔想。

但呀詩唔知咩？佢察覺唔到咩？

正正因為佢知，所以佢對於我亦都有愧疚感，因為依家嘅佢俾唔到我，佢根本都做唔到。

所以先至覺得折磨，自己一個反而無咁多嘅束縛、掣肘。

我都感受得到，只係成個過程，諗法，我係之後先至諗得徹底明白。

同埋，依家嘅我，對於呀詩嘅決定，多咗好幾分尊重。

之前嘅我，會將呢一切視為全世界，無辦法將我同呀詩分離。經過呢幾年嘅洗禮，我哋各自都成熟咗，獨立咗，因為經過asson同大學嘅相處，我哋一早已經有咗自己嘅步伐，學識咁無咗對方，我哋都有自己嘅做，唔會將對方視為自己嘅安全感來源。

可能我哋經歷過分開，再一齊，都真係有將珍惜兩隻字做到曬。

唔再覺得唔甘心，對呢段感情，更多嘅感激。

我愛呀詩啊，呢種感覺一早已經唔同中學嘅純純而又激烈嘅愛。

呢種會更長久，亦都更沉重。中學嘅愛情，直白而輕盈，我都好想停留係啲個階段，不過我更慶幸嘅係，自己有經歷過。

「你真係想咁？」心入面好多感受，但一時之間整理唔到，更加唔知講咩好。

「以前我會相信無咩係一齊捱唔過，兩個人總有方法可以解決。的確幾天真，依家我更傾向，真係跨唔過嘅，就跨唔過啦，格硬因為呢啲信念而令兩個人都痛苦，好慙居。」就算萬般不想，覺得我哋好可惜，因為咁樣而停低咗我哋腳步。

其實都幾沉重。

唔再係強烈嘅傷感，唔再係徹夜難眠嘅痛。

係你面對現實嘅沉重，最擺命嘅，係你好清醒。

你知道自己做緊乜，你係有深思熟慮過，唔再跟住感覺走，知道咩係輕重。

「之後嘅時間，你都可以揀呢幾日去邊。」呀詩面帶笑容咁講。

「下？」我唔理解做咩咁樣。

「我只係試下學識放手，用呢段時間。」

「同埋我都真係無乜時間，我都要做功課，而且咁樣我哋先無咁痛苦。」呀詩抬頭望望灰濛濛嘅天空，釋然地說。

「睇吓我哋可以行到幾遠？」

無奈底下，我只好接受。

我未搞得清個情緒同埋情況，係咪真係咁樣會好啲呢？我唔知。

我唯有試吓呀詩提出嘅方案，既然大家都無方向，暫時都無辦法，俾啲時間緩衝一下，再去深層思考，會對件事更有幫助。

一直係度捉住呀詩係度傾都唔係辦法，佢有自己嘅嘢忙，而我都需要時間去諗清楚咩一回事，需要消化吓。

剩底嘅，我唔識點回應，當下個腦一片空白，轉唔到。

有句說話喺網上睇返嚟，覺得幾啱，用嚟形容依家嘅情況再好不過。

『愛情從一開始就是在巔峰時期，相遇便是最美好的狀況，之後就是一路走下斜。無論是不是平線在行走，也是一路往下走。』

我哋只係不斷地邁向唔同嘅人生階段，形成一種錯覺係一路進步，一路向上發展緊。

呢段時期，消磨最後嘅耐性，唔係彼此間嘅感情，係對呢段關係，無等待落去嘅耐性。

仍然為對方著想㗎，仍然唔想見到對方傷心個樣㗎，但係當我哋連返去嘅路程上，因為呢啲說話攤曬出嚟講，之後連拖起隻手都尷尬尷尬咁，失去埋啲一種動力。

就意識到可能我哋真係返唔到轉頭。

生活嘅細節挑唔起我哋愛意，只係需要解決嘅一件事。

「買啲嘢食返去？」

「好啊。」

「買呢個好無？你鍾意食噶。」

「無所謂啊，你都可以買你鍾意食㗎。」

原來一段關係喺最後嘅階段，細心嘅溫柔會變成虛假嘅戲碼。

只係顧慮著對方感受，而唔敢將最赤裸嘅事實坦白出嚟。

可能講出嚟，我哋都會因為咁而崩潰吧？

買咗啲嘢食，我哋就返咗去，其實我嘗試想係呢啲生活嘅細節上搵返一啲愛意。

嘗試去營造一啲浪漫嘅情節，依家呢個定位好尷尬，亦唔知點樣定義，或者用咩角色面對呀詩。

都仲係因為唔甘心？定係純粹想試下我哋係咪真係無愛意？

最後我係呢一切嘅反應度，都肯定唔到。似有還無，但我覺得呢一切要咁樣嘅話，已經變得毫無意義。

一入屋，呀詩就去做功課，啲都唔打算食住。

我不禁想像，可能我哋各自出嚟社會，忙起上嚟嗰陣就會咁？

連同愛情一齊死亡？

我自己一個食飯，睇住自己鍾意嘅食飯，呀詩仲係度忙緊功課，好專心。

我自己已經好効，唔知係咪時差問題，我好眼瞓，幾乎到控制唔到嗰隻。

咁我食完就拎埋啲嘢食，擺係呀詩度。

「你再忙都要食㗎。」我的確心疼佢，我唔理我哋關係係點，我只係單純地關心佢嘅身體，出自基本禮貌嘅關懷，無論換轉邊個，都會咁樣。

淨係呢一點，我諗已經有個分別係度了

我嘅出發點，已經唔再係佢係獨一無二嘅存在。

「唔好捱壞自己身體啦。」

我企係呀詩側邊，望住佢，佢依家都仲打緊份功課，但個樣已經變得憔悴。

係好明顯㗎，佢眼皮都變得好重，不停咁要自己集中精神，又無得唔做，啲功課又趕緊要交。

我唔知自己可以做啲咩，幫唔到佢啲咩，然後想令自己女朋友開心返上嚟都做唔到，我只能夠棟咗係度，唔識俾反應。

「食啲嘢啦。」我再問一次。

然後呀詩先抬起頭，望一望我，好似終於意識到，「終於要食嘢啦」嘅感覺。

「你食完啦？」呀詩停低啲嘢，伸個懶腰。

「食完好耐啦。」我答佢。

呀詩聽後，望望前面張食飯枱，我唔理解佢嘅表情，失望？定還是從容？

「你咁樣落去對身體唔好喎，隨時病都唔出奇。」

「唔會成世都係咁嘅，你定啦。」

「咁你唔打算食飯？」我好奇問佢。

「我都做到無曬胃口，我遲啲食都得嘅。」呀詩雖然咁講，但佢都拎啲食過嚟食，「多謝你。」

呀詩都真係有按我要求乖乖地食嘢，但隻眼都係不離電腦裡面嘅功課。

我沖埋涼就走咗去瞓，已經用盡我最後嘅精神，呀詩佢都仲搞緊。

我明佢噃種忙碌，對自己有要求就要用盡方法，同時會有好多情緒，大壓力啦，焦慮，急躁。

呀詩嘅情緒已經俾呢啲影響曬，加上佢之前係呢度又無人無物，仲要long
d而造成嘅各種問題係度。

我係度諗緊有咩辦法可以解決得到嘅時候，個腦已經運作唔到，瞓到死咗。

我依稀記得有人唔知係邊段時間上咁嚟，瞓係我隔離，無攬住我。

只係拖住我，十指緊扣。

第二日我好早就起咗身，6點都未夠，呀詩做啲張枱仲亮住盞燈，但係人已經瞓係我隔離。

呀詩熟睡緊，除咗十指緊扣之外，佢仲攬住咗我隻手臂。

我嘅心情當下有啲唔係咁開心我察覺到啲異樣。因為平時，或者咁講，以我哋拍拖咁多年嘅關係，我哋瞓教唔會限於攬手臂or拖手瞓。

攬住大家入睡，噃種心安入睡嘅感覺，係好舒服。

但自從琴日講開咗之後，我哋之間已經有微妙嘅變化。

當講開咗，就係慢慢實行嘅階段。

我哋無一下子抽離，而係好似燒炭咁，慢慢步行死亡。慢慢淡出對方嘅生活，一點一點地。

明明佢就瞓係我隔離，但我都唔敢伸手過去攬住佢。其實我好想好想，攬住呀詩瞓條件好舒服嘅事。

因為佢都做到呢個地步，佢已經係有咁樣嘅決心係度，我亦都唔想表現得猶豫不決，或者會令我哋斷得更快。

個心口有啲up住up住咁，微微地刺痛著你。

我任由呀詩係度瞓，無諗住打擾佢，我就自己係度望住個天花板，自己傷春悲秋。

回味緊我哋以前啲回憶，不過依家無之前咁過度放唔開舊回憶，可能因為想向前行。

諗嘅係，佢依家啲功課搞唔掂，可能影響佢返去啲成績，唔知會唔會defer，佢仲有實習。

「嗯？」呀詩佢嬌柔地輕叫一聲。

我俾佢打亂我諗嘅思緒，我感覺到佢捉得我更緊，我忍唔住輕輕咁撥弄佢嘅頭髮，然後一路掃落去，摸摸呀詩臉龐。

就係呢啲小細節同埋小動作，令人難以一下子放手。

好可惜。

但係睇到佢瞓教都皺曬眉頭，瞓都瞓得心神不寧咁，離開可能係俾彼此喘一喘氣。

就係見到呢一幕，我就突然諗通曬咁。

所有糾結嘅煩惱一下子順曬咁唔想呀詩瞓教都要皺曬眉頭，見到佢咁樣好心酸，我越想靠近，就俾咗好多壓力佢，因為佢亦都要照顧埋我嘅心情、感受，但已經所有嘢都照顧不瑕。

係呢個階段，咁嘗試一下自己一個人行下先囉，你都唔知自己會行到邊度。

無咗一個你深愛嘅人陪你，難免會寂寞難耐，但換個角度諗，會唔會係一個新嘅開始？

結果會唔會未必好似我哋預想咁壞？

咁樣分手，一定係一件壞事？

我同呀詩嘅人生從此會過得潦倒？

我又覺得未必

好多動力湧上嚟，我會趁呢段時間試下自己一個人過，陣間咪出去行下囉。我拎起手機，搵下附近嘅地點，安排自己嘅行程。

然後又再瞓咗陣。

呀詩瞓到流曬口水，佢真係一隻豬嚟，咁多年都無變過。

我輕輕甩開隻手，慢慢從呀詩手中抽離。

梳洗下，用埋間房整咗個簡單嘅早餐，都係啲麵包啊，腸仔煙肉咁，琴日都有買埋今日早餐嘅料。

嗰陣已經朝早11點，我整完呀詩都未起身，我就自己食，打算食完就出發。

到我搞掂曬所有嘢，呀詩都未起身，睇嚟佢真係好効。於是我就自己一個人出門口，留低咗呀詩嗰份早餐，同埋一張紙條，就走咗。

我自己都覺得個轉變都有啲快，明明琴日聽完呀詩咁樣講之後仲係度鬱鬱不歡，今日就已經諗通咁，而且真係實行起上嚟。

覺得此時嘅自己好不可思議。

就算我自己一個人出去，我都會時不時會諗起呀詩。

並唔係因為見到路人成雙成對，然後都想自己隔離有個人陪，而係見到某一樣嘢食，我第一個諗起嘅係：呀詩鍾意食呢個喎。

一早已經融入曬係自己生活入面。

我去咗唔同嘅地方，用手機記錄咗好多風景，有啲亦有用即影即有記低落嚟。

手機無響過，呀詩無send過一句msg過嚟。

老實，我呢次出去嘅旅程的確係開心唔起，基本上係帶住sad嘅情緒遊走英國街頭。

但係至少有輕鬆、鬆一口氣嘅感覺。係呀詩身邊，經常唔知點算，揸唔住主意，唔知點樣做先為之對佢好，呢種好，係咪正正佢想要嘅。

一個人反而無呢種拘謹，其實可能自己並唔係需要將來都自己一個人，或者真係徹底分手。

而係好似依家咁，有自己一個人好好地喘喘氣嘅空間同埋時間。

我好似明，點解結咗婚嘅男人，有時寧願係樓下公園流連，都唔即刻放工就返屋企。

因為呢種空間，可能令自己重獲力量。

今日無乜特別嘅事發生，但我好享受呢段時光，同時都擔心呀詩，所以我無出去太耐，半日左右，我就決定返去。

我買咗啲嘢食，有啲可以即食，有啲可以煮嘅，係英國買嘢煮都幾方便。

返到屋企，呀詩佢已經起咗身，佢如我所想，坐係電腦前面，做緊功課，枱面上留低嘅早餐，已經清空咗。

我期待佢會好似以前咁，傻裡傻氣咁衝過嚟，抱住我，向我撒嬌。

不過此時嘅佢，選擇坐係電腦前面同功課奮鬥。

小小嘅失望並唔影響我，我放低啲嘢，就坐低碌下手機，放鬆下。

老實講，係呢啲位，我完全唔知可以點做，每時每刻都天人交戰緊，每行一步都好小心翼翼，成個人變到好緊張。

我行過去陪下佢？
但係又驚俾佢話，佢趕緊時間做功課，叫我唔好煩住佢。

煮啲嘢俾佢食下？
又唔知

最後諗諗下，算啦，都係整啲嘢俾佢食下。

我煮嘢食唔叻，只好煮啲基本嘢，將佢煮熟已經好唔錯啦。

我搞掂完就將佢嗰份擺係佢枱面，而我自己就唔係好肚餓，索性晏啲先食。

我拎過去，擺係佢枱面嘅時候

呀詩對住我甜甜地笑，瞇瞇眼，得得意意。

呀詩呢個舉動嚇親我，我哋呢排啲關係咁僵，一時之間我唔知點應對。

然後佢仲攬住我一下，好溫柔咁講住聲：「多謝你。」

「唔洗你俾心機做功課啦。」呀詩個頭正正係我腰噃位，我好順手咁摸住佢頭。

我內心震住好幾下，而且有啲內疚。

可能係我諗多咗，但亦有可能係我咁樣走咗出去，佢無安全感？所以返到嚟先有咁樣噃轉變？

唔理點都好，我更加心疼佢，聽日我唔會再出去啦，其實要去噃，今日都已經有去，我回夠氣啦。

嚟英國係難得，但係可能我陪呀詩噃時間

得返呢一陣間。

同一個空間裡面，各自忙碌。

可能呢啲係大個咁嘅寫照？同自己想要嘅將來有出入，我會想我哋兩個人再忙碌都好，我哋嘅關係都可以好溫馨，再忙都抽時間出嚟，照顧一陣對方。

唔洗好耐，短暫回過氣，令自己有返向前行嘅動力，咁就可以。

其實條件好簡單嘅嘢，並唔係要自己將來有車有樓，只係想要咁樣嘅生活模式。

可能係我諗得太過美好，過於理想化，簡單嚟講姐係FF。

因為呢一次經歷，我都諗深咗一層自己想要啲咩將來，原來自己對未來係有藍圖。

只不過我更趨向接受呢個無奈嘅現實，無力去改變啲咩嘢，任由呢種想法、追求一路係腦海裡面遊蕩蕩。

陣唔時，我會走過去問下：「點啊，做成點啊？」

就算之前傾好咗，我都唔係幾忍受得到咁死寂嘅空間。

「都仲有好多啊」呀詩悔氣咁講。

從語氣聽得出佢嘅唔開心、怨氣、想發脾氣。我好似問錯嘢，踩錯咗地雷咁。

我無出聲，只係掃掃佢背脊，摸一摸佢個頭，就走返去hea。

然後中間除咗基本生理需要，食嘅啊沖涼嗰啲有交談之後，就無啦。

第二日，我無出去，我照原定計劃係度9hea一日，不外乎都係睇下片打下機，呀詩瞓到好晏先醒，佢醒咗之後係床度碌咗陣手機。

我煮好嘢俾佢，今日煮咗個公仔麵俾佢，食完佢就又做功課。

中間我都好怕問題嘢，又牽動佢嘅情緒，戰戰兢兢嘅環境搞到我唔係幾敢講嘢。

一日好快過去，去到今日，我嚟英國嘅時間已經去咗一小半。

我都思考緊接住落嚟點樣運用呢幾日好呢？

上網搵下資料，睇下邊度買嘢方便，期間好想呀詩可以跟埋嚟一齊join。不過正如前面所講，不如意嘅事實在太多，無都無辦法，唯有面對現實。

「你今日唔出去咩？」呀詩好專心咁做功課，做做下突然問我。

「唔出啦。」我坐係呀詩視線可以見到嘅範圍。

「下？點解啊？」呀詩發自內心咁驚訝，佢停低手上面嘅功課，睜睜地望著我。

「因為」我一時之間都唔知點答好，遲疑咗一陣，答唔答真話好？定係敷衍過去？

我覺得原因唔需要咁老實交代，同埋唔知點開口講好。

「我驚你自己一個係度。」扁我最後都係講咗出嚟。

呀詩第一下笑咗出嚟，然後又回復正經嘅模樣，講：「你難得嚟到唔出下去？」

「琴日都去咗好多地方啦。」可能我下意識都係認為，坦白對雙方都好吧？

「同埋我今次過嚟，係搵人。」呢次旅行轉變真係大我個心都有啲効。

「哼！」呀詩個鼻噴曬氣咁，然後就繼續做嘢。

我哋又再回復平靜嘅空間。

去到傍晚，成日都係屋企無所事事嘅我，終究感到百無聊賴。

「我落去買啲返嚟整啲俾你食啊。」我行過去同呀詩講。

呀詩係度埋頭苦幹緊，佢真係朝早到依家都係度搏命做緊，做到個人頹曬。

「好啊。」

「咁你想食咩？」我問道。

「意大利粉？」呀詩興致勃勃咁講。

見呀詩咁有雅興，都無得唔遵從啦？就咁決定啦。

「咁你乖乖地係度等我。」我摸摸佢個頭，就出門口買料。

但係直到依家，我都摸唔著呀詩想點樣

依家呢種狀態究竟係點呢？我哋仲一齊緊？之前又講到要分開咁

咁我哋係咪呢次英國之旅完就會分手呢？

我真係唔知，依家我個腦得一個諗法，就係享受咗當下先，可能我哋會搵得返愛嘅感覺，可能我哋最後都會唔捨得大家呢？

我就係抱住呢種諗法，打算咁樣渡過呢次旅行。

其實我煮嘢食唔係好叻，叻嘅係我老母，我都諗住陣間睇下youtube學下點煮，照板煮碗。

點知一返到嚟，呀詩應該係聽到鎖鑰聲，因為我一開門，佢就企係門口，迎接住我。

呢個呢一幕就係我期待咗好耐，亦係將來好想見到嘅畫面。

「做咩事出嚟啊？你唔係要趕功課咩？」我藏唔住個笑容。

係佢面前，由中學開始就係咁，收唔埋自己，坦然咁將自己所有嘅模樣都展露曬出嚟，係想收都收唔埋。

所以頭先我係下意識咁講出嚟，但係原來咁樣嘅狀態，可以將自己投入係另一個人度，係得呀詩先做到。

將來就算有另一半都好，都可能再做唔到好似依家咁，傾盡所有。

我知，咁樣係對將來嘅佢唔公平，所以我唔會咁快再拍拖，甚至做好將來一世單身嘅準備。

「想等你返嚟啊嘛。」呀詩講完，就一嚜抱上嚟。

好似隻樹熊咁，攬住我。

而我兩隻手都拎住嚜，根本都無手抱返佢。

「喂喂喂我兩隻手拎緊嚜㗎，好易跌㗎。」我盡力平衡自己身體。

呢排呀詩嘅情緒時好時壞，係夜晚我有時都見到佢自己偷偷地食藥我留意到嘅時候其實好心痛。

只要佢開心，我都一定會遷就，就算係要我離開都好。

「嘻嘻，你捨得整跌我㗎啦？」呀詩壞笑，調皮噃眼神，昨看一切係幾咁熟悉。

「係會整跌我先囉，你點都唔會整襯噃。」我無奈地拆穿佢噃用意。

「快啲去廚房啦！唔準放低我啊！」呀詩命令我。

「好好好。」呢個姿勢根本就係龍舟掛鼓，只不過我無用手扶住咋嘛。

我輕輕咁郁動條腰，輕輕咁扁咗佢一下。

「啊！！！」呀詩嚇親之餘，把聲仲有啲嬌喘。

「喂你做咩啊？」佢明知故問。

「唔知啊，隻手無力，借一借力咋嘛。」我整蠱佢，平時整蠱佢係我哋兩個噃情趣之一嚟。

「係咩？」呀詩反問。

「係啊。」我又再扁多次。

「李建強！」呀詩諗住兇我，但佢依家唔知邊個先係主場。

我係反客為主。

我又再扁多次，搞搞下都整到自己扯扯地，而且我都好耐無同呀詩搞過了，因為long d噃關係。

咁樣整一整，搞到自己都斃恰恰，先搞掂呢個「主餐」先。

「嗯嗯喂啊」呀詩越講越細聲。

「我諗住要你抱下我咋我我都我都唔係想咁」呀詩噃語氣究竟係求曉？定係挑逗呢？

無論佢係咩都好，我都墮入咗佢嘅圈套。

呀詩已經撩起咗我熊熊嘅慾火，將積積埋埋，長達半年嘅慾望一下子爆發曬出嚟。

之前唔係無㗎，只不過呢幾日都有忍住咗嘛，而且呢排都唔係一個好嘅時機。

我哋之間，仲有其他問題比起呢樣嘅更加嚴重。有係bonus，但無咪無囉，我都係本住呢種心態嘅其實。

呢幾日有時會扯起咗好辛苦咗嘛，女仔應該想像唔到男仔扯到行有幾咁辛苦，而且仲要扯住瞓呢好煎熬啊！！！

依家有得反守為攻，我當然唔會咁輕易放過。

我除咗唔咁易放過之外，我仲要慢慢享受，然後要整到呀詩同我一樣，慾罷不能，唔會咁容易就滿足佢，等佢體驗下俾人吊住鋪癮嘅滋味！

我擺低啲材料，就抱住佢個小小翹嘅屁股，托住佢，一路行一路吻佢。

「嗯嗯李巧岩。」佢俾我封住咗個嘴，唔係好出到聲，但係我已經知道佢進入咗個狀態。

我哋依家嘅體位根本上係隔住條褲互相摩擦，活用身體上任何一個部位，唔會停落嚟。我抱住佢行去我哋張床度，呀詩都有返咁上下重量㗎，我要食曬佢嘅力量，我又唔係啲咩大隻仔，係有點吃力。

我放佢落床，然後繼續我嘅攻勢，我無好快咁chur盡佢，而係每個位都慢慢地、深深地留低痕跡。

係抱住呀詩入嚟嗰陣，我知道呢次機會可能係最後一次，因為唔知仲會唔會有下一次。

原來做愛都可以咁無安全感

所以我想盡可能每一刻都刻係腦中，呢一個動作我已經由好早之前有做了，就算知道依家拼死去逼自己記住，一段長時間後，都係唔會成日拎出嚟重溫。

人就係咁得意，明明知道個結果係點，都仍然選擇跳落個氹度。

今次唔同呀詩臨離開香港嗰次，呢次係前所未有的感到傷感。

我好溫柔咁吻呀詩每一個敏感部位，我相信咁樣做將來回想起來會更加深刻。

因為我尋求嘅唔係肉體上嘅激情，激烈嘅碰撞只會令自己覺得好似個野獸咁，只係滿足一刻嘅發洩。

我哋好快咁除曜衫，呀詩好似隻貓咪咁，細聲但帶點命令嘅玩味，叫我拉埋個窗簾，開咗盞床頭燈。

呀詩係呢種昏黃色曬燈光下，更顯得唯美，有種半成熟嘅女人味同埋少少知性美。

我真係吻盡呀詩每一吋肌膚，同時不忘玩弄佢啲敏感位，而呀詩嘅叫聲唔係平時激情般咁，會講下dirty word。

但今次呀詩只係微微喘氣，雙眼閉合著，咬著下唇。

我知道，佢好鍾意我好玩佢個波，佢話咁樣好好feel，所以我倒留係呢個位好長一段時間。

呀詩嘅表情都好enjoy，我好撲鍾意見到佢呢個表情，反而咁樣會令我更加興奮。

然後我開始向下展開攻勢，一吋一吋咁向下吻，呀詩俾我嘅舉動嚇親，輕輕抖顫咗幾下。

我撐開佢雙腳，開始要享用佢最私密嘅部位。

呀詩抬起頭望住我，嬌羞咁望住我，個樣明明就想要，因為真係好舒服，但又怕羞到唔知點樣面對。

呀詩嘅身體係抗拒緊我，用緊力想合埋隻腳。

「放鬆啲，我唔介意，你唔舒服我就即刻停。」我爬返去佢耳邊，細細聲係佢耳仔邊講。

我估佢感到一陣酥麻，縮咗一縮。

然後佢側個頭埋嚟，大大眼，水汪汪咁望住我。

呢一個樣真係好吸引，好想吸佢入自己體內。

佢錫埋嚟，又係一個茄輪。突然俾呀詩一個反攻，我有啲始料不及。

因為我壓係佢身上，我估唔到嘅係，呀詩伸手落我個強仔度

然後對準自己嘅敏感位。

屌我知佢想做咩，佢已經想我入嚟，但係仆街我仲未帶dom

「嗯嗯嗯」我想開口講嘢，但俾呀詩壓住咗，我想起身嘅時候，呀詩都跟住抬起頭上嚟，無俾我一點抖氣嘅空間。

然後呀詩拉住我，然後我就順勢入咗去

「啊恩」呀詩舒服地呻吟一聲，然後鬆開我哋嘅嘴唇。

一鬆開我就講：「我未帶dom啊。」

「我知啊。」呀詩壞笑，一切原來都係佢如意算盤入面。

我嗰刻腦入面有個諗法唔係要我埋單啊？

「我只係想留低啲更特別嘅回憶。」呀詩略帶傷感嘅表情，唔似係要我搵便宜老豆。

如果係嘅話就更加唔會話要分手啦？

但都唔好啦一陣有咗咁點算？

呀詩好似睇得出我嘅憂慮，雙手輕撫我臉龐，吻咗一下，然後講：「唔好諗咁多啦，好無？」

我頭先俾佢咁樣嚇一嚇，本來硬到碌竹咁，軟咗落嚟，依家我自己都唔想諗咁多。

可能因為自己之前嗰段時間諗咗好多好多掛？遇到呢啲moment就更加唔想諗太多。

我稍為郁動下，好快就俾呢種感覺搞到扯返行曠。

真係爽到好快就想射，我想專注對手嘅反應，但我覺得我會率先忍唔住。

呀詩攬得我好實，溫柔嘅呻吟係我耳邊強而有力咁響起，成間房都係我哋嘅氣喘聲。

我自己都要郁下停下，回下氣，如果唔係好快就會擦槍走火。

「大力啲啦。」呀詩用雙腳夾住咗我。

「想抖啊？」呀詩挑戰我身為男人最後一道防線。

呀詩捉實我，唔俾我換姿勢。

喂喂喂乜唔係應該換姿勢咩？咁樣先至爽㗎嘛。

佢真係唔俾我換姿勢佢用手攞住我屎忽位，哇大佬，好難忍啊！

真係㗎？我心諗。

我唔知呀詩想點但時間上並唔允許，基本上我真係好快就會交貨，我keep住咁樣嘅速度。

然後同呀詩無隔膜咁樣做緊係舒服好多。

咁多年嚟唔係未試過唔戴，但都係試完，點到即止就算，主要係因為我哋兩個都驚。

好似依家咁放飛自我，一嚟去到底，都係第一次。

「快啲啦俾我啦」我聽到呀詩咁樣哀求我，個樣好誠懇，好渴求。

點解會咁想？真係唔驚？

最後係無太多時間俾我反應嘅時候，我忍唔住，全數射曬入去，真正意義上俾曬呀詩。

我抖顫咗好耐，我都feel到自己射咗好多，我見到呀詩露出滿足嘅神情。

今次係我人生第一次中出。

我趴咗係呀詩身上，兩條肉蟲就咁貼住，呀詩光滑且幼嫩嘅肌膚，我埋係佢嘅髮堆入面，一切都太美好。

髮香，體香，肌膚貼肌膚嘅感覺，令人覺得好溫暖同埋陶醉。

而我哋都仲係緊緊相連，我仲未拎出嚟，一直係溫暖嘅呀詩體內。

休息咗一陣，呀詩係我全數奉獻出嚟嘅時候，鬆開咗雙腿，跟我一齊攤軟咁攤係床。

過咗一陣，呀詩係我耳邊問我：「爽唔爽啊？」

「你話呢？」爽係爽嘅，但最終回味返件事，點都會帶點恐懼。

「點知你喎！聽講男人都好恨中出㗎嘛。」呀詩伸手放係我頭後面，輕輕掃掃我嘅後腦。

確實反駁唔到，嗰個爽感仲一路維持緊，好似身處係夢入面嘅感覺。

就好似當年啱啱破處嘅狀態一樣。

「真係好爽。」我攤軟係呀詩隔離，呀詩滿足咁望住我，隔咗一陣我決定起身幫呀詩清潔一下身體。

可能因為激情過後，原本我以為睇得好開嘅感情，剎那間糾纏埋一齊。

唔捨得原來自己都仲係好愛眼前呢一個女仔。

我知道實有人屌我男人老狗變嚟變去，但係我實在控制唔到自己啲情感，唔係貪圖扑唧一下嘅快樂而係當快樂過後，你之後就要面臨失去，係更加令人難以接受。

我哋度過好溫馨嘅夜晚，呀詩佢撒嬌咁要我抱佢，仲話要抱佢入沖涼房。

我廢盡九牛二虎之力將呀詩公主抱咁抱入去沖涼房，然後兩個人嘻嘻哈哈咁沖涼，呀詩可以開心嘅時候，就唔提啲傷心事。

感覺一切都無問題，好似返返去以前，我幫佢擦乾淨個身體，佢又幫我洗頭，兩個人凍到係度呱呱嘈。

嗰晚我哋又嚟多劑。

我個人好想瞓，然後攬住呀詩，好幸福咁樣瞓著咗。

去到一半，我發現自己好似無攬到嘢，睡懵之間，我見到呀詩繼續係度埋頭苦幹。

一路以嚟累佢，都好辛苦。

比我更加努力，呢樣我由中學就知。相比之下，我自己真係好廢

見到呢一幕，我好想喊，心口一股勁咁想喊，然後眼眶就咁樣濕咗，一路流落個枕頭度。

積落嚟嘅情緒一下子爆發曬出嚟，我成個腦都係呀詩。

上一次喊嘅感覺同埋係幾時，我已經唔記得，男仔真係唔係咁易會喊。

但有時就係因為咁細嘅事，惹起更多嘅傷心事，就破功。

呀詩佢無論幾時都用盡全力，愛一個人又係啦，對自己前途又係啦，對佢屋企人啦，就連依家對待自己嘅功課，床上嘅表現

到最後尷到半死嘅，都係佢。

我心痛咁辛苦嘅佢，卻幫唔到佢啲咩。

自己更會諗埋一邊，可能佢需要更加出色嘅男人，佢先會無咁辛苦。

Feel到自己個枕頭濕咗一片，個人亦都好尷，睡意慢慢又上嚟，瞓著咗。

第二日我瞓醒，呀詩唔係我隔嚟，而係喺張枱度瞓著咗。

我就諗起琴晚嘅事，好似發咗場夢咁。

心情無琴晚咁惆悵，但係都係佢可以有個好結果，如果佢選擇嘅結果唔係我，我都心甘情願。

我同之前一樣，煮咗啲嘢食俾佢，我數一數，我淨底嘅時間得返三日半。

其實真係過得好快快到我唔知可以點做。

然後我都係無所事事咁係呢度陪住佢，我都講過，我會留低係度陪呀詩。

直到呀詩瞓醒，嘴角全部都係口水漬，慵懶嘅佢望落有種女人味，幾性感。

加埋佢把偏高音嘅懶床聲，咁多年望住都仍然令我心動。

呀詩魂不守舍咁去梳洗自己，出嚟食我整嘅嘢，都係啲好普通嘅三文治，雖然面帶笑容，但係俾我嘅感覺好似返返去之前咁。

我更加懷疑我琴晚係咪發夢

「我一陣想出去買啲嘢。」呀詩食到一半同我講。

「嗯？買咩啊？」我問道。

「事後藥啊。」呀詩略有怨恨咁睥住我，話俾我知我係衰人咁。

我愕然，都的確係嘅，琴晚真係危險，同埋唔應該嘅。

「但係」我想講食事後好傷身。

「我知，所以我之後都唔會。」呀詩直白咁講。

直到我離開英國，我先知呀詩話之後都唔會係咩意思。

係之後都唔會再同我發生關係嘅意思。

我陪呀詩去買藥，明知傷身都親眼睇住佢食藥，我更加內疚。

返到去佢若無其事咁快快趣食咗藥，然後又繼續埋頭苦幹，又重複著之前嘅日子。

我諗唔通點解又要發一場夢。

個心口好似俾嘅壓住咁，而又唔講得出嚟，係幾咁辛苦同埋爭扎。

任由時間係度一點一滴咁渡過，我只好計劃淨低喺兩日我要做啲咩。

我都決定好聽日去買手信㗎啦，然後就都留係度陪呀詩，執下嘅，最後

希望可以好好講聲再見。

呀詩除咗喺次係街上面講過分手之後，佢無再講過呢兩隻字，跟住我哋又好似情侶咁樣一齊。

呀詩嘅行為都唔係我熟悉嘅佢，拖拖拉拉咁，一時一樣，好多嘅情緒都選擇收埋，感覺到佢有心底話係度，但唔講出嚟。

所有行為都看似正常，但諗深一層係俾到一種奇怪嘅感覺你。

所以我預咗今次旅行嘅結束，亦都係我哋嘅結束。

可能佢真係唔想再行落去，可能真係大壓力，可能佢需要嘅唔係我，佢想自己一個。不過無論邊一個答案都好，只要有咁樣嘅諗法，一齊再行落去，會越嚟越無意思。

唔會係一段健康嘅關係。

我哋係由一段健康嘅關係，慢慢變成唔健康。

唔知呀詩係咪想係唔清楚嘅情況下分開，不過我唔想，因為係佢，因為係我生命中佔據好重要位置嘅關係入面，更加唔想就咁不了了之。

我哋都大個啦，我哋真係連好好地說聲再見都做唔到？

我並唔期待大人嘅世界係咁懦夫，係咁廢，所以我唔想俾不了了之呢個情況發生。

我係腦海度慢慢計劃緊點做，空氣入面充滿住難過嘅味道。

又一晚，又沉沉咁瞓死咗。瞓到一半，我夢到廁所下意識知道唔係好事，通常發夢夢到廁所，然後好舒服咁㗎呢係一個陷阱嚟！千其唔好中伏啊！

我就係喺呢度拉住咗自己，醒一醒，諗住去廁所解決生理問題。

我仲遊緊魂，但我feel到我背後有人，坐咗係度，我瞓嗰陣呀詩仲做緊功課，張床得我一個。

我知我背後嘅係呀詩，我想起身嘅時候，忽然有隻手係我頭上面，然後輕輕咁掃我個頭。

一下、兩下、三下

不停來回咁掃，好溫柔，亦都好舒服。

我諗呀詩以為我瞓著咗，所以先咁樣嚟摸我。

如果唔係我突然想去廁所，我應該真係唔知，因為我係瞓得好熟嗰嚟嚟，唔會因為少少㗎就醒。

「對唔住。」呀詩一邊撫摸我，一邊對住「瞓熟」嘅我講。

「我知咁樣做，會令你受唔少傷，好似俾完希望你，然後又要離開你。」

我強忍住自己嘅呼吸，努力扮到好平穩，要好似個石頭人咁，一動不動。

但係個心跳跳得好快。

「最後我都係好自私咁選擇咗自己，為咗令自己留低個回憶，係因為呢啲嘢係我一路以嚟都好想同你去做。包括想同你結婚生小朋友，呢啲我唔係無幻想過。」呀詩好輕柔，佢嘅聲線同語氣，都好似佢摸我咁輕柔。

成個過程，我都聽到曬。

我大約知呀詩嘅想法係點，兩個人相處，唔會咩都感覺唔到，總會有啲蛛絲馬跡可以發現得到。

只不過當你聽到呀詩親口係你耳邊講佢内心嘅感受，個心係會因為跳動而感到傷心。就好似你明明都做好心理準備人哋同你講分手，但你聽到嘅當下，都係忍唔住崩潰一樣。

呀詩續道：「我知呢一切對你嚟講可能無辦法理解我點解咁樣做，可能仲會瞓埋我添」

呀詩跟住冷笑一聲，然後開始嗚咽著

「我唔係想話自己經歷嘅嘢有幾咁慘，依家放手有幾咁偉大，只係唔想你辛苦。你專登過嚟搵我，但係我連最基本嘅陪伴都俾唔到你，我都有諗過不如唔好做啲死人功課啦，炒曬咪返去再補返囉，問題係我唔想衰俾佢哋睇，咁樣實在太柒，話人哋擺曬啲嚟做，但去到自己手嘅時候，就變成咁，所以所以」呀詩好細聲咁樣喊，最後都係忍唔住喊咗出嚟。

「當連陪伴都俾唔到你，我都會諗，咁樣落去仲有咩意思呢？」

「其實我清楚，你唔介意㗎，你打從一開始過嚟英國搵我，你就預咗，我之前都知，有陣時唔係話對方唔介意就得，好多時都係人哋唔介意，最介意嘅通常都係自己。」

「人哋嘅嘢，好容易就寬容到，但係自己喺關呢，就成日都係卡鬼住。」呀詩講下講下，就瞓咗落去，我感覺到背後有重量咁壓咗落嚟。

「所以其實唔係你嘅問題，係我問題。」呀詩繼續講。

「對唔住，只要你唔好瞓我就得。」呀詩軟弱無力咁講。

我頭先都一直係度諗緊，究竟轉唔轉身好，話俾佢知其實我好想知佢心點樣諗，我爭扎緊。

「所以去到最後，明明都忍下心講咗分手，都好似拖住你，唔俾你走咁，其實都係因為我自私姐。係呢一步，我無諗過你點諗，我淨係想留低一啲深刻嘅回憶，因為我都唔想就咁結束。」

「呢個階段、呢種狀態，一齊落去只會辛苦，我的確唔想再忍，唔想再咁樣辛苦落去，我好似去到邊都係一個負累咁，由細到大都係咁。原來以為唔會再有咁樣嘅感覺㗎，直到你出現咗之後。」

「最近呢種狀態又搵返我我綁住咗你係度，我點會唔知你愛我姐，你卻因為咁，而犧牲咗好多㗎。我明㗎，我睇得到，但係我接收到嘅係沉重、壓力、無辦法回應嘅愛。」

「當你無辦法、無能力回報嘅愛，就會換轉成為痛苦。」

「所以放手對你我係一件舒服嘅事。」呀詩輕輕咁摸摸我個頭。

我最後都係忍唔住，因為我唔想好似電視啲橋段咁，咩兩個人嘅心事默默咁收埋係心底好多年，彰顯

自己有幾咁鍾意對方，仲要一講就係講緊十幾年咁。

我一向都好唔鍾意咁，我想大家有咩心底話，都可以講清楚佢。

於是我就做咗呢個決定。

我伸手去捉住呀詩隻手，然後翻身望住佢。

佢下意識驚到縮返起隻手，然後我見到佢個樣係呆咗兩、三秒，然後跳起身，坐咗係度望住我。

個樣好驚訝。

問：「你唔係瞓咗咩？頭先仲見你瞓到好㗎。」依然吃驚咁望住我，唔識反應。

「我頭先急尿想起身去廁所。」我笑笑口地解釋，心諗，咁樣玩下佢都幾過癮，嘻嘻嘻。

「你聽到曬？」呀詩問我。

「我去完廁所返嚟再話你知。」然後我起身去廁所，我依家就係要佢心囉囉攀。

呀詩由怕醜變到騁，好似俾人睇到裸體，然後無反應，仲要串串貢咁走咗去。

我真係好急尿啊嘛！！

去完廁所返嚟，呀詩坐係張床度，騁爆爆咁。

個氣氛成功俾我逆轉，我柔聲問：「做咩事啊？騁啊？」

佢唔睬我。

「講啦，做咩事騁喎。」我再問。

佢都係唔睬我。

「係咪騁我聽到曬你講嘅嘢？」

「係啊！」佢拎個枕頭遮住自己塊面。

「啊！！！！」然後自己鳩叫，拎個枕頭嚟打我。

「你幾時開始聽到㗎？」

「我？我由一開始就聽到啦。」我笑住講。

「你仲笑！」呀詩撼我，好痛，真係好痛。

「我真係諗住你瞓死咗先係你隔離講㗎！」呀詩就係呢點太天真，又天真得可愛。

「咁好彩我聽到你心入面啲句說話，如果唔係我咪無機會知？」我拎開呀詩個枕頭，攬住佢。

可能之後未必可以再咁樣攬得到，但呢啲已經無所謂，唔再重要，重要嘅係依家嘅我哋。

「啊！！！點解會咁㗎！」呀詩仲好介懷頭先嘅事。

「如果你真係如你頭先咁講，真係要放手嘅話，我會尊重你，依家我至少都明你嘅想法，亦都無話怪你啲乜，應該咁講，之前諗唔明你嘅用意吧？依家知道咗之後，我會更加想珍惜埋到底呢一兩日，然後返去就好好地再開始過。」

呀詩兩行淚痕又再次補返色。

接住落嚟，呀詩由慢慢地哭泣，變成嚴聲抽泣。

更加忍唔住攬住我，捱落嚟喊。

搞到我都好想喊埋一份，但係我心入面只有一股股感傷，卻喊唔出嚟。

我明白呢種欲哭無淚嘅感覺，好唔想再經歷一次，但現實又再嚟多鑊，好痛苦。

所以之後我都好唔鍾意sad

ending，因為每次都會令我諗返起呢一刻。我哋坐係昏黃嘅房間裡，只有呀詩張工作枱上面嘅燈照亮成間房，我就咁睇住呀詩失聲痛哭。

我個膊頭濕曬，呀詩偶爾抽搐著自己個身體，喊到收唔到聲，控制唔到自己身體。

呢一刻我就清晰

呢個就係我哋之間嘅結局。

至少係最後，我算係做到對自己無悔吧？

我唔知時間過咗幾耐，直到呀詩喊到無曬動靜，我個腦都仲係好清醒，一啲睡意都無。

我輕輕拍一拍佢，無都無反應，於是將佢放返落床，我見到佢塊臉喊到好多淚痕，隻眼腫腫地咁。

我係呀詩額頭度印上一吻，然後我出咗去樓下周圍行，我好想自己一個靜下、諗下嘢，整理一下個情緒。

我拎咗少少嘢就出咗去，落到樓下，發覺得幾涼，著到薄薄地嘅我忍唔住打咗個哈癡。

凍凍地反而讓我更加清醒，可以專心投入咁諗我哋之間嘅嘢。

我求其鳩行，漫步呢個英國街頭。

漸漸發覺，我落嚟諗我哋嘅嘢係一件好撲錯嘅事。

因為諗返我哋好多以前嘅事，嚟呢到嗰幾日發生嘅事，原來無我自己想像中咁灑脫。

我嘅情況只會係，我唔想分開，但最後都係會分開。姐係我去到最後，就算幾唔捨得都好，我都係會做分開呢一個決定。

因為呀詩都做到呢個份上，呢個地步囉，我仲可以點？

我嘅挽留只會令佢更加不知所措，徒添佢嘅壓力，最後就算無分到手啦，都難保將來唔會有，到時我哋又loop一次？定還是每日活係誠惶誠恐嘅日子裡面，繼續相愛？

好似每一個選擇，都不能盡人意。

嚟到呢度，我好似都成日自己一個行街。

行行下，諗諗下，情緒就慢慢平復返啲，男人會越嚟越多呢啲時候，傾向自己咩都一個人承受。

行到無咩嘢好諗，決定享受埋剩底嘅旅程，我就返去繼續瞓。

瞓醒之後，呀詩如常係電腦面前埋頭苦幹，但話留個晏晝同我出去行下買手信。

我自己已經係度執捨緊細軟，心裡面已經換緊另一種心態，希望可以正面啲樣面對呀詩。

因為我哋唔再係細蚊仔，唔係下下都要唔捨得，死去活來咁離開。大個嘅感情，會瀟脫啲喫嘛，係我嘅幻想入面。

「就得！俾多個一陣，我打埋呢段先。」呀詩焦急咁同我講，我呢段時間聽得最多就係啲鍵盤聲，「得得撻撻」咁。

「慢慢啦，唔急啦，3點幾咗嘛，唔晏喎，無嘢喎。」我說話有骨，專登潤下佢。

「得啦！知啦，煩氣，俾我打埋佢就搞掂一份啦！」呀詩又急，又嬲爆爆咁睥住我。

我慢條斯理咁坐係佢前面玩手機，睇住佢，成日都激撲死佢。

我哋嘅氣氛完全唔似過兩日就離別，心照不宣嘅默契，係我哋一齊咁多年嘅產物。

「搞掂！行得啦！」呀詩得戚咁同我講。

「玩玩玩，仲掛住玩電話！仲唔快啲行？」佢串我。

「OK！」我無奈地笑笑。

可能我哋避免唔到離別，但係我哋可以選擇用咩方式面對離別。

我哋去倫敦啲出名嘅地方買手信，全部都係呀詩帶我去，而且條友呢

「你依家落到嚟先google？係英國邊度買手信好？」我笑鳩佢。

「咩姐！我真係無時間啊嘛。」呀詩拍我背脊，熟悉嘅痛感。

「你早講啊，你叫我搵啊嘛。」

「唔得，我講過話要帶你喫嘛」呀詩有時就係咁，會有莫名嘅堅持，亦係佢可愛嘅位。

然後佢傻裡傻氣咁帶我跟住個google map去搵地方，而且佢自己又無乜方向感，路痴嚟。

跟住個google map都可以行錯方向，我想笑，但係見佢咁認真，我又收返埋。

心入面都打算好，就算佢帶我去邊，行錯路都好，都唔緊要，見到咩啱就買咩囉。

佢有咁嘅心，同埋只要一齊行就夠。

呀詩兜咗好耐先兜到我去佢原定嘅地方，行錯路啦，仲笑笑口咁講話個google map出錯啦，話咩分叉路指唔啱，係度同我講數。

係路上，我有借啲意問佢：「你依家心情有無好返啲？姐係你之前嘅情況咁嚴重，抑鬱到要食藥，我本來都無打算問，因為唔想係你面前提起呢啲事，但係我又就走我有啲擔心你之後唔知會點所以都想問下」

「我都唔知㗎，呢一刻無嘢囉，同你相處不瞓都好開心、好舒服嘅，有時就係無來由地失落，又唔知為乜而失落，我嚟到之後就成日都係咁你令我重拾返久違嘅開心。」

「但係同時，亦無形地俾咗壓力我，與你無關，係我自己俾自己嘅壓力，所以先」呀詩無講落去，亦都講到咁白，就係度停頓咗。

「我唔知之後點啊，你走咗之後我諗會打回原形，不過我自己想俾自己沈澱下，然後完成埋我想做嘅目標，其他嘅我無再諗啦。」

當下嘅感受，我唔知點形容，二十令歲之後嘅經歷，原來有好多嘢都係咁樣，唔識點形容，尤其是係聽到人哋嘅故事、反應、說話，會唔識點講。

唔係唔理解，唔明白啊，而係聽完之後，好無奈，然後又無好嘅辦法同理意見可以幫到佢，會因為咁樣而感到惆悵。

有時聽到朋友唔順心嘅事、香港發生嘅事、再次面對返呢段初戀，都係有同樣唔識形容嘅感覺，無辦法用一個字詞精闢咁去解釋曬所有事，係夾雜咗好多嘢係裡面。

「咁你之後自己照顧到自己就好。」句說話去到喉嚨，已經feel到酸。

「放心啦，我會嘅。」呀詩笑著，並唔真誠。

去到呢一個地步，唔會再突然破鏡重圓。點解咁肯定？因為我清楚呀詩點樣諗。

決心已經下定，一時三五時變只會兩頭唔到岸，咩都做唔到之餘，仲會咩都做唔好，搞到一鑊泡。

我亦都覺得咁樣嘅決定，都係一個好嘅選擇㗎。

我同呀詩去啲手信店度睇，呢條街都幾多呢類型嘅鋪頭，終於有返啲係英國嘅感覺。

我用啲唔咸唔淡嘅香港英文去問老闆㗎，最後都係要呀詩lead返我，佢拍拍我膊頭，淺笑。

無傷害，但侮辱性極大。

意外地，我哋今次無拖手，只係好似朋友咁，輕鬆地相處。

我仲未習慣呢種轉變，不過我壓低咗我内心嘅衝動。成個買手信、揀手信嘅過程其實好舒服，不過有時我哋都會無話題，就咁望下街上面嘅風景。

我聽日夜晚機返香港，其實仲有一日多啲嘅時間相處，但係對我嚟講，我哋嘅「旅程」已經去到尾聲。

係某個時候，我察覺到呀詩流露出鬱悶嘅神情，我以為有咩事，跟住又無乜事。

我唔清楚係咩事嘅，亦唔想追問落去，只會令人哋覺得煩。

可能離別嘅種，唔會咩感受、感覺、說話都可以一次過表露曬出嚟，總會藏起一部分情緒，原因可以有好多，但唔需要挖到出面。

「幫我影下相啊。」呀詩拎部手機出嚟，前面嚟遠係大笨鐘嚟。

「好啊。」我接過部手機。

我熟悉地幫佢個好角度，靚位，呀詩企係街上面，擺好姿勢，然後影咗好幾張。

相入面嘅呀詩，都仲係咁靚。

「你真係唔識影相㗎，影到我咁肥都有嘅？」呀詩用取笑嘅口吻同我講。

「下？咩啊，我影到你不知你靚㗎，影到你腳長長咁。」我心諗，無可能！我對自己嘅攝影技術好有信心。

「你睇下啊你呢度影到我隻手幾肥，個手臂啲肉出曬嚟啦！」

「邊有啊」我望真啲，屌又真係有。

我無出聲。

「唔出聲姐係點啊？」呀詩終於反應過嚟。

「喂啊！！死人強！」

「咁我都無辦法啦。」我又唔識死，暗指佢肥，哈哈。

「你咁樣遲下點幫你女朋友影相啊？」呀詩忽然爆咗呢句

我遲疑咗，我唔識點接落去。

我可以冚返啲巧妙嘅方法去接，但我怕接咗落去，會係一啲我唔想聽到嘅說話。

所以我唔識反應，加上句嘢，帶住刀刃咁插入我心。

言下之意，姐係我哋唔再係情侶關係？雖然如自己所料，但係當事實再次擺係面前，我仲未可以做到豁達咁去面對。

「唔知仲會唔會有女朋友呢？」今次換我有意無意咁望住呀詩，直勾勾咁望住佢。

我都有啲想知佢會點答，心底裡預想咗佢點答㗎啦，但又暗自期望佢會答我想要嘅嘢。

「你之後點會無女朋友啊，實會搵個比我更好嘅，你會搵到幸福。」呀詩想個氣氛無咁尷尬，仲做埋個「加油」嘅動作。

佢都知自己講出嚟尷尬呢？

句說話酸到不是味兒，又有少少含砂影射，知佢有點不捨。

「我諗我唔會咁快想拍拖」因為我知道佢心點諗，所以我都認真答。

我俾返部手機佢，然後邊行邊講。

「拍長拖好効，我都用唔少精神同精力係呢段關係度，我想俾自己休息下，我又唔急住拍拖，去完成自己想做嘅嘢先，享受下單身先。」

「我諗我好難再遇到個人會好似同你咁夾，然後亦都咁鍾意，你話遇到個比你更好嘅人？遇到個同你一模一樣嘅人都難啦，更何況比你更好？」

「真係㗎，你已經係最好嗰個。」

有陣時，做人好難，經歷過呢段感情，唔多唔少都會對下一個女朋友唔住

所以為咗唔想有呢種嘅愧疚感，等自己真係好好沈澱一段長時間先啦。

「都唔知係咪真嘅！」呀詩又講反話，要知佢係咪講真話，留意佢啲表情就得㗎啦。

我哋慢慢淡出情侶關係，喺呢個旅遊嘅尾段，亦都係我意想不到嘅事，係短短嘅期間。

今日返到去，我哋嘅相處有種距離感，刻意地。

我係度執緊喺，佢又係度繼續做緊功課，而呢度聽日退房，都要執返好啲嘅。

臨返去前好多嘢要搞，已經去到唔搞唔得嘅地步。

我以為呢間房係我哋甜蜜嘅地方，我諗住係可以增進感情嘅地方嚟，呢個旅程係可以俾到安慰佢。

個喺度裝住好多嘅傷感，係俾我用嚟帶返去。

瞓教我哋都係各自瞓，我就點都係瞓先嗰個，因為呀詩又係度埋頭苦幹，中間唔知幾時先瞓落床。

以往我哋都會有身體接觸咁瞓，但係依家已經無，我唔係瞓得好沉，所以隱隱約約都feel到。

亦都知聽日就要走，我就瞓下醒下，瞓下醒下咁。

係鬧鐘響之前，我就已經醒咗，經過呢幾日嘅感情跌宕，我漸漸無太大嘅感覺，反而有種空洞。

我坐咗係個廳度，等待著時間嘅流逝，差唔多夠鐘就去整早餐，整得豐富啲，印象深刻啲。

嗰陣我係咁諗。

「嗯？」瞓到成面都係紅印嘅呀詩行過嚟，佢睡懵懵個樣可愛得嚟帶點小性感。

「又整早餐啊？」佢未load到機。

「啊！你今日飛啦喎」呀詩自己轉個身，見到個廳啲行李，一袋二袋同埋個喺。

然後魂不守舍咁係度左轉右轉，唔知佢自己想做咩。

「幾點啊？啊晏畫」佢自問自答。

「晏啲我換衫化妝先。」佢手忙腳亂。

「你係忙唔送我機都得嘅，不過間房就聽日先check out，所以你可以慢慢執好啲先再退房。」可能有人會嫌佢傻更更，但係我眼內，係好可愛嘅舉動。

「算啦，我最近都慣咗斷斷續續咁樣做嚟，點都送咗你先。」

有啲感動，因為知佢尷，疲倦嘅姿態好耐隱藏，最直觀嘅感受嚟。

「唔洗都得啦，我自己一個嚟，都可以自己一個走，無乜問題姐。」

「我ok㗎。」我有啲唔知點好，呀詩又咁堅持，但佢又咁尷，我都唔想佢咁尷仲要話嚟送我。

「我驚你尷咋，你睇下你瞓得咁少，個樣尷到」我講咗心底話。

「但我想送你。」呀詩一句殺埋嚟，我直接無聲出，俾佢收咗我皮。

有呢個理由就已經足夠，而且包含咗好多含意

食完個早餐，執埋剩底啲嘢，呀詩出門口前又要化妝換衫，佢打扮得都幾靚，睇得出佢今日係有用心打扮的。

呀詩MK妹還MK妹，只要佢用心打扮，係有好大分別的。

真係去到差唔多要出門口啦，拖住啲喺準備出門口，每次呢啲moment呢，拖喺走，就覺得特別傷感。

忍唔住會回頭再望多兩眼，呢個旅程，就咁樣完結。但無時間俾我係度傷春悲秋，好快就要閃閃出發，只有停留係心入面幾秒嘅時間，足以令我記好耐。

我哋去機場嘅路上，呀詩明顯地多咗啲講，但係講嘅都係無乜內容可言。

我都唔係幾知啊，好似又隱約估到佢嘅用意，又唔係咁肯定噃，成撲日搞到進退兩難，唔知點好。

係搭車期間，我竟然開始感覺到焦慮。

因為我想像唔到，搭咗班機，返到香港嘅時候，我同呀詩就唔再係情侶關係。

喺我嚟英國之前，我估唔到嘅係，會係佢想選擇離開。

我明白佢嘅苦衷，我知佢唔係唔愛，只係唔想大家咁樣辛苦落去。

但我唔想，佢覺得我辛苦，但咁樣分手，我仲辛苦。行下行下，我哋差唔多跨過咗中學同大學階段，計計下都成5-6年嘅感情。

我接受唔到我哋兩個係咁樣嘅結果。

同埋我接受唔到keep得咁好嘅我哋，突然間因為咁樣而搞成咁。其實我哋一路以嚟嘅狀態都好好，聽講過唔少其他人嘅愛情故事，對比之下，我哋嘅問題都真係唔多。

間唔中嘅甜蜜，適當地調情，就連性生活，都協調到，無因為呢啲問題而產生分歧，真係好難再搵到個樣樣嘢都咁夾，然後又咁愛嘅人。

克服咗好多樣嘢，亦唔係因為第三者嘅出現，就算long distance都好，我都清楚無呢樣嘢出現。

當所有嘢都好難得，你亦都有好好珍惜嘅時候，然後要你放手。

點放？我有咩可能眼白白睇住佢自己一個人捱呢？

我哋竟然會卡係度。

呀詩最後同我講：「你唔會真係明白到我感受，就好像當初我都係對憂鬱症有呢啲睇法一樣，我亦都清楚咁樣落去，只會兩個人更加辛苦。」

係我返嚟香港之前，呀詩選擇係機場入面同我分手。

不過係之前，我哋都傾好曬，溝通過，大家有共識，表面嘅共識，但表情都係控制唔到咁展露出我哋嘅内心。

呀詩曾經係網上睇到呢個句子，然後同我分享：

『點解當初兩個人係埋一齊嘅時候，需要兩個人同意，但分手，只要一個人選擇離開就可以？』

到依家我都唔知點解。

但我哋做到兩個人都同意。

我諗我哋都唔想咩都唔講清楚，就咁不辭而別吧？

分手係痛苦，但不辭而別咁分手，仲痛苦

咩都唔清楚，得返自己一個人係度左思右想，點解佢會就咁走咗去，嗰種煎熬係不停咁樣折磨緊你。

與其係咁，點解唔講清講楚，比一個機會大家都對呢段關係釋懷，可以唔洗經歷呢種折磨，咁樣係對真正愛過嘅人的一種尊重。

個過程其實唔係要你說服對方分手，當然如果可以兩個人同意就最好啦，但係至少要將你自己呢一個決定話俾對方知，咩原因，就算對方係被逼接受，都好過係一個咩都唔知嘅漩渦入面。

係機場度，呀詩就好似一個普通朋友咁樣送我機，陪我check in，陪我去到離境大堂。

佢捉住我個衣角，我轉身面對住佢，佢粒聲唔出，淨係低住頭

當我同呀詩面對面嗰陣，佢由捉住我嘅衣角，變咗捉住我嘅手指尾。

氣氛十分凝重就算大家唔出聲，都feel到就嚟想喊咁

首先係呀詩忍唔住，哭泣起上嚟。

到最後都係忍唔住又係以為自己做得到，每一次都想像到自己好堅強，卻不堪一擊。

呀詩好自然咁向前行咗一步，企係我心口前面，無進一步嘅動作。

我亦好順勢咁攬住佢，而呀詩呢下舉動亦都係同我講，我哋已經無嘢

呢一個擁抱係出自朋友，出自多年感情嘅擁抱，唔係情侶間嘅愛意。

呢樣嘢，我係分辨到的。

呀詩之所以會喊，都係因為複雜嘅情緒交雜起上嚟吧？我自己啲情緒都上到心口啦，但我的確喊唔出，我感覺到好沈重、好沈重嘅傷感。

我心口俾呀詩喊到濕曬，我當下其實無諗咁多嘢，個腦空白一片，但係内心嘅感受好大，多到處理唔到。

該要狠心嘅時候，唔好拖。

「我」我一開聲，就已經聲沙到卡係喉嚨。

「咳我差唔多夠鐘入去啦。」我溫柔咁同呀詩講。

呀詩抹一抹啲眼淚，「嗯」咗一聲。

「你自己小心啲啦。」呀詩都仲係有啲嗚咽。

欲言又止，然後「嗯」咗一聲。

「你先係啊，自己係英國小心啲啊，如果你真係捱唔住嘅話，就打俾我啦，我都好擔心你自己一個係搞唔搞得掂，遇到衰人記得識得反抗同埋報警啊。」我語重心長咁同呀詩講。

好矛盾㗎其實，又擔心佢一個人搞唔掂，但若然佢搵到個照顧到佢嘅

我又唔想，如果俾我知道嘅話，我係會介懷。

「我會㗎啦。」呀詩乖巧地點點頭。

「我驚啲鬼佬見你靚白淨，就食鬼咗你啊，你知外國好多啲戀童癖㗎啦。」

「扁你啦，我咁撈成熟，邊似細路女。」講就咁講，佢個樣根本就童顏。

「係啦係啦。」

「如果如果你係度搵到個人照顧你，我我都會比較放心嘅。」我仲要口不對心咁爆出嚟。

「我自己一個都ok㗎，對我有返啲信心啦，話曬我都係度生活咁耐耐囉。」呀詩同我一樣都係口不對心。

原來係會咁明顯㗎？

係離別嘅時候，反而更加扭擰。

不過我開心，因為口不對心而試探到呀詩嘅心意，我偷偷地樂著。

「咁我都真係夠鐘入去啦。」我都感覺到係時候了。

「好，你返到去send個msg同我講聲啊。」宛如朋友般嘅祝福，有啲唔太習慣。

「知啦。」係最後，我伸出軟柔無力嘅手，摸摸呀詩個頭，揉搓著佢嘅頭髮。

呢一下真係唔好亂嚟，會更加唔捨得。

我就自虐般係要搞到自己sad住咁離開。

然後我就轉身入閘，入到去後，我擰轉頭，再望多次呀詩

佢一路企頭先個位，伸出個小手，擺係胸前同我揮手。

去到呢度，就無咗佢嘅畫面。

上機坐低，飛機緩緩駛離停機坪，去跑道，慢慢加速，然後飛快，最後起飛。

無咗呀詩之後嘅moment，所有嘢都過得好快，唔經唔覺我就已經盤旋係上空。

英國返嚟香港嘅時間真係好長，其他人一係睇戲一係瞓教。

我既無睇戲嘅心情，亦無瞓教嘅意欲。

鬱悶嘅心情直到上機，先至出現，而且久久不能散去。

忽然間，我想睇返係我手機入面，我同呀詩嘅相。

平時都唔會點打開嚟睇，成日慢慢拎嚟J咩？反而依家一打開

仆街原來有咁多㗎？

仲有少部分我同佢中學嘅相，嗰陣中四啲啲開學無耐，佢嚟我班房度搵我，然後同我影嘅相㗎。

張相嘅背景係班房㗎，後面有啲on9壁報勁撥MK。

我同呀詩青澀嘅臉容，好真摯，亦都覺得好後生。

我慢慢碌啲相，有下啲對話cap圖，中間穿插咗啲無聊嘅日常，我同佢嘅回憶就係曬度。

以前舊手機啲相back up咗過嚟，同佢啲點滴搞到我啲情緒一下子爆曬出嚟。

仲有啲同呀詩嘅無聊片，整蠱片，好笑得嚟既溫馨又甜蜜；同呀詩大蕃薯子晴佢哋去台灣嘅相，係我哋嘅中學grad trip；經歷過大學拍拖時嘅相，原來我哋都慢慢改變緊，對比返中學時期嘅我哋，我哋都成熟不少，係個外型上面。

太多嘢啦，終於都忍唔住。

我唔捨得呢啲回憶感受原來都可以咁強烈，我係覺得好可惜，但又好無奈。

我唔知呢個決定係啱定錯，但我只可以選擇行落去。

我盡力細聲啲，我驚嘈住隔離位瞓教。

一張張相咁睇，好想del，卻狠唔落心，唔捨得。

真係喊到効就瞓陣，瞓緊都係呀詩嘅畫面㗎，唔誇張。

直到俾人叫起身食嘢，都有幾餐飛機餐可以食，我醒咗之後個人都呆呆濟濟咁。

然後又諗返起，再望下啲相，感受雖然無頭先咁爆，但嗰種傷感，久久都散唔走。

我就係飛機度望住呢堆回憶，去到後期，我已經喊唔出，個旅程去到中後段，都係啲傷心回憶，我想喊，但喊唔出，我都唔知自己係度做緊啲乜，就搞成咁。

最後喊到啦，一喊就喊到好勁成隻手都濕曬，全部都係我抹落嚟嘅眼淚。

喊完一次之後，就喊唔出，睇下啲相，啲相真係用嚟勾起啲回憶喺佢街。

每一個細節位都仲記得，連呀詩嘅觸感，都仲縈繞係心頭，亦清楚呢種熟悉嘅感覺最後都會散去，不過此刻，呢樣係我痛苦嘅來源。

我好鍾意坐係窗邊位。

我望完啲相，勾起啲回憶，然後就望住窗外，沉醉係回憶嘅世界入面，真係美好，唔捨得出返嚟。

就咁呆呆咁望住外面，再睇下一張，好記得張相係幾時，係邊度影。

今次分手，我哋真係徹底玩完，不過唔知嘅係，無咗呀詩，呢個新開始係咪好事呢？

一路以嚟，人生最開心同無憂無慮嘅兩個階段，都有呀詩嘅陪伴，依家我真係唔習慣，亦唔知點好，唔知自己面唔面對到。

到臨落機，提示我哋差唔多返到香港啦。

我亦都做咗一個決定。

係我決定開呢啲相嚟睇，嚟回味嗰陣，就同咗自己講。

『睇完就好del啦』

我由頭再碌落嚟，一張張擦開佢，一張張del。

每一張，都係我親手del。

我都知咁樣好快，捨得㗎啦？

唔捨得㗎，但我都想之後嘅路可以好好地行落去，唔好因為時不時嘅留念，而選擇行行停停。

決定好，就好去做。

落手嗰陣好爭扎，但越del越快，因為已經無後路，第一、二張最有紀念價值嘅相都無咗，唔會再搵得返，就索性就咁講bye bye。

返到香港，個人特別沉重。

我同佢嘅合照，同埋幫佢影嘅相，已經無咗，我淨係帶咗一啲英國街景嘅相返嚟。

到步後，我同呀詩講咗聲，我返到啦。

佢一如既往，好快就online，輸入中

呀詩：好，返到去好好生活啦

然後，就無然後呢一回事。

好想覆佢，但一拎上手，就覺得無再覆嘅必要。

如果今日我係純粹鍾意，我唔會諗，我會直接覆，因為我想表達自己嘅喜歡，唔需要其他人嘅認同，比起認同，我更想佢感受到我對佢嘅鍾意。

但依家，我想為佢好。

既然選擇咗呢一個結局，就應該有佢結局嘅方式。

不打擾，對我哋嚟講，都容易放低吧？

即使我仲成日都心思思想搵返佢

想問下佢，係嗰邊點啊？

想見到佢

想知佢有無人關心佢

想知佢係咪都同我一樣，會諗起對方呢？

但係我忍咗落嚟。

辛苦地忍咗落嚟。

如果經歷過第一次分手，係撕心裂肺嘅痛；咁之後嘅分手，就係綿密嘅痛。

返咗嚟幾日，好唔習慣無咗佢，同時間又知自己會捱到過去。

我無出過街，手機少咗好幾個call，看似熟悉，但又可以完全唔適應。

屋企人問我去英國去成點，我唔識應，選擇講大話呃屋企人。

「幾好玩啊，啲景真係靚，但係啲嘢食好貴。」

「咁呀詩呢？」都預咗你㗎啦，老媽。

「佢幾好啊，過得幾開心。」為咗令大話講得逼真，要眼都唔眨，有一絲猶疑都會俾人懷疑。

深夜，因為時差瞓唔著嘅時候，全部都用嚟諗起佢。

呢啲時候，自己覺得特別孤獨、難受。

朋友，好似亦都越嚟越少，依家可以搵得上嘅，我又數唔出。

好多嘅心情，只能夠屈係心入面。

或多或少，我依家終於感受到呀詩係英國鬱悶嘅心情，我覺得依家就好似英國嗰陣佢咁吧？

睇咗好多套笑片，去睇下劇、打下機去分散自己注意力，但都好難令自己放鬆得到落嚟。

我依家唯一可以搵嘅，係得子睛。

蕃薯仔佢之前搞到咁，我都唔係幾敢搵佢。

之前先勸佢放低，重新出發，依家再望下自己？真係有風水輪流轉呢回事㗎屌。

無人知我同呀詩分開咗，所以亦都唔會有人嚟關心我點樣

唔識點樣堅強，你叫一個無助嘅人可以點樣堅強？

學識點樣去面對呢啲情緒，好難控制，亦好難睇得透。

我都係屋企摺咗幾日，但其實我知無太多時間俾我咁樣係度虛度

之後又要面對實習啲嘢，完咗之後其實就要最後一年了，之後就畢業了。

要出嚟做社畜。

一諗起呢樣，前面條路看似已經穩穩地鋪好曬，實情係無選擇。

可能忙起上嚟，我會無乜時間諗起呀詩呢，我咁樣諗

但原來唔會，忙起上嚟嗰陣，只要一停低，我個腦就會好自然咁諗起。

一落堂又或者返完part

time，一拎起手機，好幾次就停留係打俾呀詩前嘅畫面，一切都那麼熟悉、自然。

呀詩一早已經成為我嘅反射動作。

呢段日子，過得特別漫長。

每日都有啲做，但每日都感覺過得好慢，我仍然默默咁留意住佢ig

我經歷過兩次失戀，兩次都係同一個人。

前一次，係天塌落嚟嘅痛；而呢一次，係長期病患。

我時不時都會仲諗起呀詩，不能自控咁想去關注佢，佢每一個post，都會猜想佢依家點。

經常心癢癢咁想搵返佢。

明知唔應該搵，唔可以搵，但就係會手殘。

佢有時都會係ig

story度po啲sad嘢，黑mon，嗰邊落雨天嘅景況，啲句子都係啲鬱悶嘅文字，而歌，亦都好sad。

近排佢成日分享周興哲啲歌，睇嚟已經取替咗杰倫嘅地位。

唔知佢係咪情緒又唔好？係嗰邊過得辛苦呢？

我冇覆過佢story，嘗試關心下佢，但佢無俾太多回應我，只係平淡幾句嘅回覆，比朋友更加陌生。

返到嚟自閉咗幾日，又要返學了，接住落嚟好多啲做，我之後嘅傷心嘅時間都無。

唔似得中學嗰陣，仲可以任情地乜都唔理，依家唔理，會無得順利畢業，啲科又要再重新讀過，唔想再俾自己啲成績咁差，唔見得人。

煎熬又辛苦，連悲傷嘅權利都無，就逼住你要向前行。

以前係呢啲時間，我都仲可以去搵呀詩，去叉叉電，仲有佢可以撐住我。

依家佢唔係度，就覺得咁樣嘅狀態特別難捱，無助感更加大

日子如常要過，身邊嘅人開始察覺到我哋兩個好似分咗手。

因為我ig上面同呀詩啲合照唔見曬，我典藏咗姐，去到後來我先知原來有典藏呢一樣嘢。

而呀詩po呢啲story，亦同我一樣唔見曬啲情侶合照，應該盲嘅都睇得出。

跟住係忙碌嘅日子裡頭，蕃薯仔同埋子晴係同一日搵我，大家分別係晏晝同夜晚姐。

不外乎都係婉轉咁問下我點啊之類，但其實我都知佢哋搵得我會係咩原因。

我唔係幾想面對佢哋，唔知點答佢哋。

所以拖咗大半日先覆佢哋兩個，佢兩個真係咁有默契？

子晴就比較溫柔，蕃薯仔真係唔避忌，第一句劈頭就嚟：你分手啊？

真係好想煎巴佢！

相反子晴就借啲意講下其他嘢，問下我呢排點，有意無意咁囉。

點都比蕃薯仔舒服㗎啦。

後來同子晴傾傾下，先知佢都同佢男朋友散咗了。

再忙都夾咗一日約出嚟食個飯，傾下偈。

無可否認嘅係，我哋都唔再好似以前咁，大家約出嚟好爽快，即興約又得，幾時約都得，大家見面嘅頻率，真係好密。

依家要約一餐飯都係奢侈，要問好幾個日子，擇個良辰吉日先食到餐飯。

我哋是但揀咗間餐廳，主要睇子晴有咩想食。

食咩係其次，出嚟傾下偈訴苦更難得。

子晴同我一樣，都係忙internship嘅嘢，同埋啲功課。

子晴又比以前中學靚咗因為更加識得打扮，同埋有化妝，都幾明顯睇到個分別，但又唔覺得濃。

佢一句就同我講話：「哇，你望落咁頹嘅」

雖然我都知，但聽完之後打擊都幾大。我笑一笑回應咗子晴，算係一種默認吧？

「你仲放唔低呀詩？」子晴啱啱坐低係餐廳，第二句就係問呢個。

我唔知笑定唔笑好，唔識反應，我明子晴問都係唔想避而不談咁，反而仲尷尬，仲更加唔舒服。

而且我出得嚟，我都預咗會傾呢個問題，先至會選擇出，如果唔係根本唔會約得成。

我個心仍然仲有呀詩嘅影子係度，我亦都想同其他fd傾下呢個問題，可以聽下啲有用嘅意見，究竟我應該點做？

「未啊，唔知點先可以放得低，我唔識啊」

「你有無同呀詩聯絡啊？我想知佢依家點同埋我都想知佢其實點諗。」我真係厚顏無恥咁問㗎啦。

「有啊，點會無聯絡啊。」子晴睇緊餐牌，一邊答我。

「其實呀詩都有問下你，你哋兩個真係如出一轍，你哋嘅事我都有聽講過，我明白你哋嘅無奈，亦都覺得好可惜」

「而且我哋幾個啲關係，好似都返唔到去從前，我同蕃薯仔啦，依家到你同呀詩。」子晴低頭睇餐牌，雖然睇唔到佢表情，但句句說話都好感慨。

佢講得啱，好似真係返唔到轉頭除非我哋全部都各自無嘢，先至可以再次出嚟，都保持住歡愉嘅氣氛吧？

「都係，唔知要幾耐先可以無事呢？到時候我哋出嚟，可能都各自有另一半呢？」我苦笑著。

我不敢想像。

子晴終於望住我，原來係想問我食咩，我哋落完單，子晴仲記得領先個話題。

「到時候一講返當年嘅嘢，就大把嘢講㗎啦。」咁佢又講得啱。

「咁你聽完之後，你覺得點我應該點做先好」我忍唔住開口問佢了。

子晴思索咗一陣，佢先講：「其實都無乜辦法，始終呢個係佢想要嘅結果，佢唔想拖累你，再加上佢都處理唔到自己情緒，佢讀社工係需要接受好多負面情緒，唔一定個個都消化得到，佢一時之間要面對太多嘢啦。」

「佢咁樣嘅選擇未必會令佢感到開心，但至少無咁大負擔同埋內疚先囉」

「將來你哋真係仲有心嘅話，話唔定會再好似之前咁一齊返呢？亦都可能唔會，都唔一定。」

「選擇等，或者唔等，都無乜問題，唔好睇得咁重，唔好expect人哋會等，亦都唔好排除呢個可能，仲要自己都有呢個心，咁樣先難。」

我感覺到，子晴呢番說話係有過一番體悟先講出嚟，佢同蕃薯仔先前先經歷過類似嘅嘢。

佢肯分享，證明佢都係真心想我好。

「咁你會唔會等蕃薯仔？」我話鋒一轉。

我知道呢句係問正子晴嘅痛楚，但我好想知，原因係我可以藉此機會大約估下呀詩點諗。

因為你叫我諗，我係咩都諗唔到。

「睇到時情況點啦，可能再遇返，大家都仲唔keep住有感覺啦？有人嘅情況係分開咗之後就已經死心，唔會再有機會返撻，但有啲係仲有保留，通常分手嗰陣仲有依戀。」

「我對蕃薯仔係後者嚟，我會有保留空間囉，但唔勉強。」子晴講呢句說話嘅時候，我覺得有啲怪怪地。

後來細心一諗，我知怪嘅位係邊。

「你男朋友知唔知㗎？」印象中子晴係拍緊拖㗎喎。

「我同我男朋友散咗啦。」子晴又講啲爆嘅嘢。

「下幾時嘅事？」

「個令兩個月前咋嘛。」子晴氣定神閒咁講，已經唔係問佢有無事嘅時候，過撚咗了。

「搞到我嚇一嚇，咁今次又因咩事散嘅？」自己fd啲消息開始知得越嚟越慢，已經唔再係第一手知道嘅人。

「無嘅，大家嗰方面唔夾而且佢都有出去搵第二個。」短短幾句看似交代咗成個故仔，但係當中skip咗好多嘢，好多辛酸嘢。

我一時語塞，唔知點接落去好，驚問深啲又好似唔識做咁。

「咁你有無搵蕃薯仔？」

「啊唔係應該咁問，蕃薯仔仲有無搵你？」

「無好耐啦，睇佢ig好似都有女朋友啦。」子晴呢句，有些許嘅醋勁，至少證明子晴仲在意蕃薯仔。

本來想問子晴關於呀詩啲嘢，傾傾下反而更加想知多啲子晴嘅現況。

人生真係好迂迴曲折。

「佢係咪有女朋友我真係唔知啊，我都有一排無同佢聯絡啦」我咁樣覆子晴。

「你會唔會想約埋佢啊？」我試探下子晴。

「er.....我無所謂啊，你約到你咪約囉。」由子晴猶疑噃一下，我就抱有疑惑。

「哇，你真係唔驚尷尬㗎？」我問佢，亦都無所畏懼，咩都夠膽問。

「都咁耐啦，仲有咩尷唔尷尬啊，不過」子晴略有所思咁停一停頓。

「不過老實講但你唔好同返佢講喎」原來子晴停一停，係諗緊應唔應該同我講。

我不奇然地FF係咪關於蕃薯仔啲咩呢？第一下直覺俾我噃反應係，係咪仲對蕃薯仔有感覺？

我當然好仆街，亦都係官方答案咁覆子晴：「我梗係唔會同佢講返啦。」

屌啦，個個要八人啲嘅尷尬陣都話唔會同人講啦，呃撚咗你講先㗎啦。

但我好明顯唔係呢種會四圍講噃人啦，係咪先？

「蕃薯仔同我一齊尷尬陣其實都對我好好，就算上一個男朋友都無蕃薯仔對我咁好，雖然呢啲無得咁樣講，但係心入面始終都有佢噃位置，只不過清楚呢啲唔再係愛情，斷開咗噃愛情唔一定修補得返。」

「咁尷尬陣佢肯花時間等我已經唔係咁多個人做到，無足夠噃愛係好難捱到落去。諗返起尷段時間，真係我最難捱噃日子」

「所以如果可以的話，我都會想同佢keep返聯絡，我無估到分手對佢噃影響咁大，尷陣覺得大家想要噃嘢唔同，離開中學之後，大家想追求噃嘢會唔同，但係蕃薯仔佢個人太念舊啦我知佢好努力維繫我哋噃關係，甚至想keep住中學尷種狀態，我唔想咁我想向前，我已經停咗一年啦，我只要一停又係度曬時間㗎啦。」

我望住子晴雙眼，係睇得出佢噃感傷，蘊釀緊個情緒，想喊咁款。

「分手後我以為佢會頽一陣啦，我狠心啲，佢就可以好快走返出嚟，而且出嚟見識世面多咗，會識到其他人，或者有其他諗法，會易啲放低啦。」

「估唔到後尾咁長時間令到蕃薯仔變咗第二個人咁。」子晴佢停低手上嘅餐具，想食但又食唔落。

「嗰陣見到咁我都好傷心，係我係乜都無做，只不過嗰陣搵返佢，又有咩意義？出於同情？然後呢？又再傷害多佢一次？」

「有時溫柔都會傷害到人，無情未必絕情。」子晴最後嘅一句，有啲MK嘅味道，由佢把口講出呢啲說話，又幾滑稽。

「你咁講都啱嘅，我以為你嗰陣對蕃薯仔已經無其他諗法，同埋唔知你會唔會覺得佢廢，嗰陣我係冇咁諗過。」我都老實當年嘅睇法，咁依家已經推翻曬啦。

「點會呢。」子晴緩緩一笑。

「我之所以咁樣講，唔知你會唔會好似蕃薯仔咁樣，畢竟我哋嘅經歷都有啲似。」

「放心啦，呀詩佢唔會覺得你廢囉。」子晴揶揄我，條友最尾個嘴角，係度陰陰嘴笑。

「扁你啦。」我串返佢，續道：「我又無諗到會好似蕃薯仔咁嘅，佢嗰陣真係愛得你太深，嗰種狀態我同呀詩第一次分手都試過，係唔好受到自己都控制唔到。」

「但依家已經唔係咁，呢段經歷會伴我一世，隱隱約約咁浮現，抹唔走。」

「唉，諗下諗下又好似真係同你哋嘅經歷差唔多，又唔係因為鍾意上第二個，而係因為大家追求嘅嚟唔同，分開對大家嚟講都輕鬆啲。」

「嗯，你知啊呢？」子晴得戚咁講。

「總之你呢，有咩覺得唔開心嘅，就搵我傾啦。」

大致上感情嘅傾嚟傾去都係嗰啲，我同子晴傾完之後，我都舒服啲，因為自己一個嗰陣，會自己揣測一啲嘢，然後落一啲定論，簡單嚟講都輕鬆啲，依家起碼安心咗一啲。

食完餐飯，我同子晴傾偈亦都密咗啲，我哋都唔係會成日約出嚟，各自都有嘢要忙。

我都要去一間公司度實習，蕃薯仔有約過出嚟，意外地佢成熟穩重咗，之後強裝爛玩嘅姿態亦都唔見咗。

知道咗佢有女朋友，聽佢講個女仔都對佢唔錯。

好自然咁覺得唏噓，好似啲事會出乎你意料咁交叉行走，時機總係咁巧妙。

我無同佢蕃薯仔講子晴嘅事，當然嗰番說話都無講啦，就由佢成為石沉大海嘅祕密啦。

我自己都開始慢慢地俾生活侵蝕緊，一個暑假話咁快就過

實習嗰陣有個一齊入嚟實習嘅同事，大家都差唔多年紀，女仔嚟。成間公司實習係得兩個人，就係我佢。

一開始大家都好靦腆，怕怕醜醜咁啦，我只係想和平咁相處，同埋提前體驗一下返工生活。

「Hello，Eric，我係Emily啊。」呢位同期嘅實習同事主動過嚟搵我，我哋都各自坐係老細前面，慘到仆街都無得蛇王。

Eric係我返工嘅英文名，諗住返工之後換個正經易叫嘅英文名算。

形容下眼前呢位同事先，佢係可愛型，雖然身高唔算好嬌小，但佢整體俾人嘅感覺偏柔弱。

「係，咩事呢？」我客客氣氣咁講。

「想問下你陣間會唔會想一齊食lunch姐？」其實我心入面都諗緊好唔好約食lunch嘅，始終都覺得需要同同事聯繫一下感情嘅，但忐忑緊我去問會唔會俾人覺得狗公咁

就係我猶疑緊嘅時候，佢就過嚟問我啦。

「好啊，無問題啊。」我都好爽快咁應承咗。

睇到呢度，大家唔好誤會我同同事有路，戴定個大大個嘅頭盔先，係乜嘢事都無。

開始知道同事係咩一回事嘅時候，就有好多你唔想了解嘅事，逼住你需要慢慢了解。

咁當然，我對佢無嘅一回事，我仍然未準備好開始一段新關係，而同Emily食飯嗰陣，都feel到佢對我有拉開一段距離，都明顯地表明咗立場，分開咗同事之間嘅界線。

亦都知道佢本身係有男朋友，因為佢嘅wallpaper係佢同佢男朋友嘅合照。

我哋傾嘅多數都係公司裡面嘅嘢同埋八卦，同埋講下大家啲背景。我哋實習期好短，個半月左右，而且返工嘅時間都唔係多。

完咗實習之後其實都無乜點聯絡，唔止Emily嘅，其他同事之間都係築起一個包圍網，各自有自己生活，唔會咁輕易俾人介入自己嘅生活，有別於學生時期，唔會咁輕易築起個牆，好容易就打成一片，無乜隔膜。

踏入社會嘅第一課就係要保護自己，條件好自然嘅事，自然就學識咗。

好彩嘅係，至少我仲有year4呢一年可以好好地享受埋佢，先再畢業。

Year4反而得閒咁，無咁多堂，但就要趕final year

project，由於asso升上嚟無乜朋友喺我，無乜點諗grad trip呢樣嘢，但見身邊啲同學有傾開grad trip，唔多唔少都有啲羨慕。

諗起以前我同呀詩、子晴、蕃薯仔去台灣grad trip，嗰陣時大家咁開心，依家各散東西，就down咗落嚟。

Year4多咗好多時間，但摺咗好多，一個人嘅時間多咗，我開始去游水，發掘下一啲興趣。

游水可以自己一個都唔尷，同時係水中嘅時候好安靜，好鍾意呢段片刻嘅寧靜，可以諗好多嘢。

250

有次post咗去游水嘅story，呀Ken覆咗我個story，佢問我游水？然後話佢自己都有游，問我一唔一齊。

中學嗰個世界仔呀Ken，已經好幾年無聯絡啦，但有互相follow ig嘅，有啲人就係保持住咁樣嘅關係，唔咸唔淡咁樣維繫著。

我記得我係婉拒咗，可能真係人大咗，唔想咁多social，同埋同佢唔係咁熟，而且中學嗰陣又唔係咁鍾意，亦都唔想勉強自己。

而我亦都係透過ig story，知道一啲呀詩嘅事，佢已經唔再佔據我嘅生活，開始習慣無佢嘅生活，同時亦都希望佢可以過得好。

我同佢嘅分開係悲傷，但唔係不快，所以先可以做到咁吧？

生命中有過呢一段感情，對我嚟講，條件特別且有意義嘅事。尤其是分開後嘅時間點回望返，會感激曾經有過呢段經歷。

可以分手後換嚟正面嘅影響，有幾多段感情可以做得到？

我透過ig story知道呀詩已經返咗嚟香港，佢都開始緊佢忙碌嘅last year

因為都見佢成日post佢實習嘅嘢，我心入面其實都好奇，同埋都在意，佢分咗手之後係點睇我嘅呢？

係已經放開咗？定還是都仲有些牽掛？

會唔會好似當年咁樣，係海旁嘅時候，係同一樣心情呢？

喺臨近聖誕嘅季節，凍凍地嘅天氣，係最想有個人陪伴自己，溫暖自己嘅時候。

而且香港聖誕好有氣氛，鋪天蓋地嘅擺設令一個人嘅孤獨感更加強烈。

我同呀詩分開都已經過咗大半年，我哋一直都無聯絡，我知佢有睇我啲story，亦都無block對方任何嘢，就咁樣靜靜地關注著，不打擾對方。

直至我同佢偶爾再相遇返

我覺得咁樣相遇好好笑

年尾嘅時候，Asso嘅同學仔諗住搞返個聖誕party，大學無乜朋友，反而asso識啲班keep得仲好啲，咁佢哋話要玩交換禮物噃，每逢呢啲時日就好多呢種活動，只不過中學啲班搞咗一兩次之後，就無乜聲氣。

都明嚟，大家圈子唔同咗，都唔係成日夾到時間，同埋開始有啲人幾次嗌佢都無出席，明顯地佢都唔太想參加呢啲中學聚會，我哋之間只不過係過客。

呢啲嘢唔需要講出面都明白嚟。亦無特別強求畢咗業之後一定會常聚啊，呢種諗法過於天真。

一年一年咁篩選身邊嘅人，彷彿好似定律咁，每個人都會經歷咁。

我出完銅鑼灣買禮物，準備好份膠禮物俾班仆街仔，屌你我每次都抽中伏噃，我第一年仲要送得好好噃，我依家唔會咁做㗎啦。

目標係可以用份最膠嘅禮物換人哋一份好禮物，就算換到伏都無蝕啊。

我買完禮物就返屋企，因為都無特別約人，諗住返去打下機煲下劇，享受埋最後一年大學生活，下年出嚟做社畜就未必有咁嘅時光啦

我如常地搭巴士返屋企，搭條快線，因為架車會上高速公路，好快就會返到屋企。

基本上我依家只要搭巴士，我就會揀坐車頭，不過條隊比較多人，我都預可能無位坐車頭噃啦，點知我上到車，去到上層，大部分都full咗嘅情況下，車頭仲有個埋邊位俾我坐。

不過坐最出面嘅係個呀婆，仲將個手袋擺係入面個位度，心諗：哇你都幾撫無品噃。

「唔好意思。」我講完之後，佢先識拎返走個袋。

大佬啊，呢個站咁多人上車，你咁都要霸鬼住？

我坐低之後，就聽住歌睇風景，我甚少一邊搭車一邊玩手機，多數都係聽歌睇下風景或者瞓下教。

但就係過兩個站，係我毫無心理準備之下，嚇著我。

係維園出面，隔離亦都停咗架巴士。

同樣嘅位置，佢亦都坐係車頭，一個熟悉嘅身影。

一開始我都無為意，不過慢慢開始意識到個人咁熟口面嘅？通常只會望一眼就由佢，但係今次一望，我就定咗係度。

佢側身咁望住前面，車頭嘅風景好廣闊，呢個係佢話俾我知嘅噃，所以佢好鍾意望風景。

當我見到佢嘅時候，我好想嗌住佢，但係架車度佢唔會聽到。忽然間我有種衝動好想落車搵佢！

就算我唔知應該同佢講啲咩都好，但呢個係竟然係我第一個諗法。

望過嚟啦望過嚟啦

我心裡面不停祈求。好想俾佢知道我就係度，我就係你對面，估唔到會係呢種方式遇返。

然後呀詩緩緩轉個頭，我哋架車停係前面，眼見就嚟轉綠燈，我都好心急。

最柒嘅係我揮埋手添屌啦星。

呀詩先見到，我哋嘅視線終於對上。

佢先係錯愕咁望住我，然後笑起上嚟，係啲個該死嘅笑容，熟悉嘅記憶。

然後我哋就咁係度笑，佢對住我做口型，我略略睇得出佢係問：點、解、你、係、度、嘅？

我都未答得切，架車就要開走，我眼前嘅畫面開始郁動，我知道我架車要轉左，而呀詩架車係向前行。

呀詩眼見我架車要轉走，要消失，然後係度同我揮手say bye bye。

我視線始終離唔開佢，直至大家個畫面都消失。

我架車直駛上高速公路，放眼看去係成個維港，日落繁嘅咸蛋黃照靚成個維港，我仲係頭先個畫面意猶未盡。

我手機震一震

呀詩已經即刻WhatsApp過嚟，佢嘅稱呼已經俾我改咗，有以前專屬名嘅佢，係英國飛返嚟香港嘅途中就俾我轉咗。

就咁普通一個名：呀詩。

我拎起手機睇嗰陣仲要諗一諗呢個邊位嚟，但佢搵我嗰陣我個嘴角忍唔住跳動。

「點解你係度嘅？」呀詩問我。

估唔到佢會主動whatsapp我，我完全無諗過，中學嗰陣分開，再相遇返都係一件叫人措手不及嘅事。

呢次傾返，有種見返老朋友嘅感覺，因為有先前嘅對比，此刻嘅感覺先至強烈。

中學考完DSE嗰陣，依然有好多不捨、執著、想同呀詩再一齊返，無辦法接受呀詩就咁係之後日子都消失咗，先造就嗰陣嘅衝動。

但係今次安心嘅感覺湧上心頭，而唔係斷斷續續嘅不安與忐忑。

「我去買聖誕禮物咋嘛，等人中伏。」我秒覆佢。

「咁你呢？」其實我想問佢，最近點？仲有無唔開心？仲有無覺得大壓力？

「啱啱買完嘅姐。」佢覆咗個笑噏嘅emoji俾我，感覺上佢好似開朗咗咁？

本來呀詩嘅性格就比較開朗，喺係英國嗰陣鬱鬱寡歡姐。

「你幾時返咗嚟㗎？」我問返佢，實在太多嘢想問啦，我成程車就不停咁覆佢。

「暑假嗰陣囉，我都要搞實習啲嘅。」

呀詩個look都變唔少，變得有少少港女look？但又偏文青。MK妹？完全睇唔出啦已經。

新識嘅朋友仔問起我啲感情史，個個都好驚訝我竟然會同MK妹一齊過，而且仲一齊過咁多年。

佢哋話睇唔出，我個樣咁老實，同MK妹拉唔上邊，成日俾佢哋攞嚟笑。

就係呢班玩交換禮物嘅一伙人。

呀詩又剪短咗頭髮，佢之前都有剪短過，但係今次更加短，以前嘅佢頭髮有返咁上下長，瞓教成日都會俾啲頭髮整襯，依家爽朗好多。

我同呀詩忽然又熱絡咁傾返，停唔到落嚟，但無幾耐呀詩就無再覆過我，而我仲痴痴咁等緊佢。

嗰一剎那嘅錯覺將我拉返嚟現實。

係我哋已經分開咗，好矛盾，個感覺好混亂。

你話係咪仲有留戀，仍然仲係愛住？似乎又唔係，但關於佢嘅事依然在意。

感覺自己都仲要時間去思考下對呀詩嘅感覺，其實係咩一回事。

呀詩隔咗好耐先覆我，已經過咗頭先重遇，熱絡嘅對話。

接住落嚟嘅日子，我有keep住同呀詩慢慢咁傾偈，唔密，佢亦都唔抗拒，而且我哋都無提到之前嘅事，好似大家都有默契咁，想對以前嘅事隻字不提。

佢都忙緊實習，佢將個實習留咗係最後一年，就算係放緊假都好，佢都係要keep住實習，每日都忙到七彩。

佢同係英國嗰陣一樣咁忙，唔知點解，我唔夠膽問呀詩嘅感情狀況。

我好怕，怕我聽到我唔想聽到嘅答案，然後我會唔知點算。

嗰種唔知係唔知聽到嗰陣，自己究竟會係咩感受。可能聽到之後無乜事，坦然了；可能仲心有牽掛，聽完之後不是味兒；可能因為佢話無其他感情嘅，我會鬆一口氣？然後又有其他期待？唔知呀詩對我係咪仲有？

無論係邊一種，我都害怕。

係即使連重新開始，我都害怕。

害怕再loop，害怕再經歷多一次，亦無咁嘅自信可以之後都行落去。

每次係臨轉換新一個階段嘅時候，我哋都係捱唔到過去，都係分手收場。

所以我最近都好混亂，我需要冷靜去諗下，自己要點樣面對呀詩，同埋自己究竟係咩感覺，想要啲咩。

我同呀詩，係咪真係有做返嘅朋友嘅可能？

由啲次見面後，我哋由短暫而緊密嘅聯繫，變成隔一排先覆一次。

果然，交俾時間可以幫你做到決定。

我無乜點去理我同呀詩之間嘅關係，自從嗰邊見返後，心囉囉攣咗幾日，明白自己依家都做唔到啲咩嘅時候，亦都慢慢習慣咁樣嘅節奏。

真係㗎，混亂係好人之常情嘅事，但自己需要整理返自己嘅狀態、情緒、情感。

時間會話你知個感受，你係仲有嚟嘅，你會頂唔順，係無嚟嘅，就一路都係咁。

甚至乎自己思考完，就會知應該要點做。

我同呀詩，已經係普通朋友咁樣相處緊。

我嘅生活，始終如一，亦無新對象。好似人越大，就越難識到新嘅人，更加傾向隨緣吧。

幾個月好快就過，日子開始忙碌起嚟，畢業嘅季節，身邊啲同學都陸陸續續搵緊工，有啲已經有消息。

自己都開始急起上嚟，原來見身邊啲人開始向前行緊嘅時候，自己原地踏步，就唔想俾人掉低，想跟上大隊。

所以自己係臨畢業嗰排，都開始搵工，而我自己呢排都迷茫緊，自己究竟想做咩呢？

可能有人奇怪，呢啲唔係應該讀之前就大約知㗎咩？

只係我之前會俾心機，想向前行，都係有呀詩係度，當依家得返自己嗰陣，要思考自己想做啲咩嘅時候，我就企咗係度。

又好似無特別明確嘅方向，對呢科係有興趣，但談不上有熱情，我依家搵都係搵返呢行，只不過無辦法全心投入去做姐。

身邊啲同學胸懷大志，先不論有無能力做到，至少佢哋係雙眼發光，有動力、有目標咁去做。

係呢方面，呀詩一直都清楚過我好多

我只係當呢樣係一份工，而唔係自己有心想發展嘅嘢。

最終我係臨近畢業嘅季節，靠住intern嘅加成，有個唔錯嘅offer。

interview嗰陣我驚到仆街，前一晚都瞓得唔好，幾乎每次interview都係咁，在咗幾份，都算係咁。

不敢想像自己要做社畜了。

後面啲堂唔多，差唔多上曬出成績，剩低啲就得返畢業禮。

其他學校都陸陸續續搞緊畢業禮，我係ig見有啲fd都post緊畢業相，甚是快樂。

我都收到呀詩嘅whatsapp。

「Hey!!有無興趣嚟我畢業禮啊？」佢加咗個四方帽嘅emoji，覺得佢面對我哋兩個嘅感情，係對比之下，顯得更落落大方。

更估唔到嘅係會係佢問我先。

事關我仲猶豫緊叫唔叫佢好。

屌！男人老狗咁婆媽，我心入面屌咗自己一句。

「好啊！幾時邊度啊？」

「我喺個你都要嚟喎！」

我順道邀請埋佢。

【結局】

「一定會到啦！放心，哈哈哈！」呀詩毫不猶豫咁講。

「係咪啊？」我確認返，呀詩呢句我唔知佢係認真定還是講笑

「點會唔嚟喎，我又唔係唔記得以前啲嘢。」今次呢句說話，呀詩無加任何emoji。

老實講，我仍然習慣緊「前男友」呢一個身份。

我仲未好識面對呢段關係，間唔時面對佢嘅時候，仍然會浮起以前嘅回憶，所有嘅片段都係一閃而過，算唔上係留戀。

但就係有份對過往嘅尷尬係度。

「係呢你有無搵工啊？」我寒暄一下呀詩嘅近況。

我哋成日都係有一句沒一句咁傾偈。

「我都有睇緊啲工啊，但未搵得住，要得埋個牌落嚟先得，如果唔係我驚啲人唔請。」呀詩噃種穩重嘅口吻都似足一個專業嘅社工。

一個MK妹化身一個社工，幫返人轉頭，成個故事看似好勵志。

但喺我個印象入面，佢仲係周不時講粗口，性情大癲大肺嘅女仔。

我未適應佢社工呢個形象，佢以前係一個MK妹又好，點都好，其實都已經過咗去，我知佢為咗走到呢一步，付出咗幾多努力。

我帶住見證青春回憶嘅心態，去佢嘅畢業禮。

去到嗰陣，我自己當然都買齊嘢啦，我都寫咗卡片俾佢，畢業花啊，公仔嘅都有嘅，我認我儂仔嘅就係我以為去到得我一個熟人點知去到嗰陣，發現子晴同埋蕃薯仔都係度。

佢哋好似都知我會嚟咁，一啲都唔驚訝。其實都係，咁樣叫埋都好正常，況且我哋之前都咁fd，係我自己慳鳩姐。

「乜你咁遲㗎！」子晴見到我就一句撻埋嚟。

子晴係咁同我打眼色，因為蕃薯仔亦都在場。哇！我啱啱先進入狀況，睇怕佢哋頭先經歷咗一段尷尬嘅時光。

我陰陰嘴咁笑，用子晴聽到嘅音量，細細聲地講：「好彩我遲嚟㗎！」

「你個頭啦，係呀詩都差唔多影完要走啦。」子晴白咗我一眼。

我係人海中尋找呀詩嘅身形，雖然話子晴同蕃薯仔企係呀詩隔離等緊，但放眼望去，成堆人係度影相，個個都著曬畢業袍，霎時間又幾難搵到呀詩嘅蹤影。

終於，我認到佢。

呀詩著住件畢業袍，腳踏一對矮矮地嘅高踭鞋，然後戴咗頂四方帽，手捧好幾個花束。

然後有條仔搭緊佢膊頭！！！！係度影相！！

搞到我好想知佢係邊個嚟，係同我一齊前識嘅？定之後？

唉，人有時就係會不停咁樣去諗呢啲嘢，尤其是特別介懷曾經同自己有過一段關係嘅人，唔一定係情侶，even朋友都係。啲煩惱可以自己俾自己，但又無法停止咁諗喎。

呀詩係度同人影緊相，頭先一剎那介懷嘅感覺閃過後，就無停留太耐。

有啲關係開始咗，就返唔到轉頭

因為會不自覺地諗返起以前啲嘢，而呢啲屬於過去嘅事，係無辦法完完全全地消除。咁真係事實，仲要係存在過，無得呃，咁既然得接受，就好難去得返以前純正嘅關係。

我同呀詩有得去返未拍拖之前嘅狀態？真正純粹嘅朋友噃種？

無，返唔到轉頭。

最好嘅方法就係唔好開始，唔好破壞純粹嘅關係。現今個世界，追求純粹關係嘅人唔多，世人賦予咗關係好多唔同嘅意義同埋功用。有做兵、有SP、有開放性關係，有啲更係只係解決某一方面需要而存在嘅關係，呢啲已經唔再建基係純正嘅關係上面。

我似我同子晴咁，兩個對大家都無其他意思，單純嘅關係，但對我嚟講亦係一個重要嘅朋友，佢係我心入面嘅位置同蕃薯仔係一樣，待遇都係一樣，平等的。

我同呀詩嘅關係就唔同了，彼此之間嘅身分係「前男、女朋友」。

坦白講，我依家都仲適應緊「前男友」呢一個身分。好唔習慣對呢一樣嘢完全無概念，除咗嗰句咩最熟悉嘅陌生人之外，完全唔知咩嚟。

但諷刺地，我開始明呢一句嘢係咩意思。

喂！喂！呀詩對我做口型，仲係度揮手，叫我過去影相。

係我望緊佢同其他人影相嘅同時，佢都有周圍望，望到我之後，就無再搵人了。

我行過去，佢第一句就撻埋嚟：「咁鬼遲喺你。」

「我有啲做啊嘛。」我唔好意思咁講，然後用個畢業花塞住佢把口。

「唔好咁多哆啦，畢業快樂。」畢業花上面，有佢鍾意嘅米奇公仔。其實佢自己手上都有，唔知邊個送俾佢，佢兩隻手捧住嘅都係花。

「你仲記得我鍾意米奇啊？」呀詩雲淡風輕，霎時間我都唔太明佢咩意思。

「點會唔記得啊？」姐係佢覺得分開咗之後我就會唔記得？定試探緊我係咪已經放低咗？

呀詩輕輕哼一聲，然後似有若無咁講咗句：「點知你！」

就係呢啲默契位，好是熟悉，但大家都知其實要拉返開個距離。

「不過多謝你。」我哋兩個叫咗子晴幫我哋影相，子晴係度嫌棄蕃薯仔啲影相技術好差，我都知嘅，我都見識過蕃薯仔啲攝影技術，我都已經唔係好㗎啦，佢仲屎過我。

幾年後，點估到我哋兩對情侶，已經散咗伙，都真係發生咗好多事，我哋都有住令人感到尷尬嘅身份。

影相嗰陣我猶疑緊要唔要搭呀詩膊頭，無其他邪念，唔搭又好似好見外，我哋嘅關係又未至於咁見外，但搭又好似唔係咁好？

最後我為咗張相唔好望住咁奇怪，我都係搭咗呀詩膊頭，睇返啲相，我哋都望落幾close，咁就好了。

「你一陣有無啲做啊？」子晴問呀詩。

「唔知啊，做咩啊？」呀詩今日個look都好靚，本來佢直直嘅頭髮，今日見佢髮尾個位彎起咗。

同埋明顯地有化妝塗唇膏。本來大學已經覺得佢比中學成熟，依家更係有種進入社會嘅狀態。

「睇你陣間一唔一齊食個飯姐。」呢兩條女撓曬手咁，仲係仍然糖黏豆咁。

「好啊，我問下啲大同有無啲做先。」呀詩講完之後就去返人堆度。

「點啊你？仲有無啲？」係等待嘅途中，子晴靜靜雞咁問我。

點解佢成日問嘅都咁撲中嘅？中到我每次都唔知點應佢咁尖銳嘅問題，佢係咪有潛質做記者呢？

「哈！」我冷笑咁回應佢，「我啱啱先係度諗緊呢個問題。」

「咁諗成點呢？」子晴接住問。

蕃薯仔係側邊靜靜咁聽。

我哋貌合神離般相似。蕃薯仔好似係度聽緊結論，想從中知道答案咁。但其實佢唔參與好合理，如果唔係成件事好奇怪，會搞到更加尷。

雖然依家佢咁樣聽都尷喫啦，但子晴無乜嘢就得。

「對呀詩唔係鍾意噃一種感覺，感覺真係會慢慢變化，但唔知點解，我都仲好在意呀詩，好似係呢啲場合，比起其他人我會更留意佢。」

子晴個眼神有意無意咁飄向蕃薯仔，快閃咗一下，然後講咗句：「我明啊。」

蕃薯仔無留意到呢個舉動。

我笑咗出嚟，反問子晴：「你明啲咩呢？」

「明你哋之間再無啲種可能囉，係咪？」

呀詩帶住笑容咁返嚟，打斷咗我同子晴嘅對話。

「可以喎！佢哋都各自同另一半食飯，咁我哋食咩啊？」呀詩開心咁講。

「依家都晏啦，你快啲換衫先啦，我哋諗食咩得啦。」子晴講。

「好。」呀詩又再轉身跑走咗去，又消失係人海裡面。

我望住呀詩件畢業袍，諗起有句說話，係講好多情侶最難跨過嘅階段往往都係畢業季節。因為好幾個階段要面對嘅都唔同，可能因為種種情況而行唔到落去，或者出現更適合嘅人。

我同呀詩可以一齊經歷中學畢業，但捱唔過大學畢業，即使捱過大學，亦都唔知出社會撐唔擰得住，一切都係未知數。

見住可以拍好長拖嘅人就感到羨慕，因為佢哋就算面對種種未知數，都仍然可以堅定咁選擇對方。

今次嘅畢業禮，明白人哋所講嘅階段係咩一回事。因為中學畢業嘅我哋同大學畢業嘅我哋，已經唔同曬，經歷過嘅已經唔係同一個檔次。

我哋去返市區搵個地方食飯，我哋難得齊人，食咩都唔緊要，重要嘅係同咩人食飯。我都唔記得咗對上一次可以齊腳食飯係幾時了。

我哋好似返去以前咁，有講有笑，係條街度嘈到仆街。個個變曬口賤怪，但有默契地對以前大家一齊過嘅事，都絕口不提。

可能咁樣嘅相處先最舒服吧？

蕃薯仔由以為木納嘅性格，依家都變得識講嘢，其實佢叻仔嚟，純粹中學嗰陣唔太識同人相處姐。

「姐係你依家仲有一年先畢業？」蕃薯仔問子晴，食飯嗰陣，蕃薯仔關心著子晴。

「係啊，我Retake咗一年啊嘛，唉我都想快啲出嚟做嘢，見住身邊啲都一個個畢業，準備返工，自己仲要讀多一年，就唔知點。」子晴稍微抱怨。

「一年姐，有咩緊要喎，一年好快過咗嘛，你應該咁諗，我哋早你一年入地獄，諗起之後就要做社畜，我就想死了。」蕃薯仔安慰返子晴轉頭。

今次我好認同

「屌，不要再說了，搵工都辛鳩苦。」我最怕就係interview㗎啦。

「我都係聽講社工都忙到仆街實習過已經明啲種痛苦。」呀詩啲種壓力同情緒都唔是講笑的，係佢身邊我都感受過，親眼見識過。

我哋都不敢想像，咁快就要踏入社會，其實我哋都仲未準備好做一個大人

時間越嚟越少，要做嘅嘢越嚟越多，到時候更加難約，亦都無咁自由。

「飲杯啦！咪咁唔開心先，返工前有得癲就癲盡佢啦。」我舉杯叫佢哋飲杯。

「畢業快樂！」我鳩嗌下。

子晴同呀詩分別拎部手機出嚟影story，記錄一下生活，但俾我同蕃薯仔笑佢哋死港女，咩都要打卡。

餐飯係歡笑聲下，好快就過去，最後影張相，就回歸各自嘅生活。

原來大個咗，連特別嘅日子都过得特別快，轉眼間好快就剩底空虛。

啲樣嘢越期待，越快樂，之後就越是空虛。

第二日我都差唔多要準備返工啲嘢，無幾耐就要開始入職了，而入職後一排，就到我畢業禮，我都同咗公司啲邊擺假。

作為新仔，拎個假我都戰戰兢兢，好彩公司啲邊都好人，都明白事理，成個感覺都幾唔錯，至少唔係閂口閻面先啦。

我畢業禮無好似呀詩咁，咁多朋友仔，asso仔升上嚟識唔到咩朋友仔，不過唔緊要，本身都唔打算嚟識fd，最重要都係要讀完佢，唔係一件容易嘅事。

基本上我畢業禮淨係得屋企人，同埋呀詩佢哋，仲有一兩個asso比較熟啲fd，已經係我人生最重要嘅人了。

其他同學仔都係笑笑口，影下相就完，之前會再聯繫先再算啦。

但我同你講，最撲尷尬係我屋企人同埋呀詩

呢個情況我唔係無預想過，但係我就係唔知點樣同我老母開口講，佢到依家都唔知我同呀詩分咗手。

Er.....應該咁講，我無同佢講過呢件事，不過我估老媽子其實都知，唔多唔少都估到吧？

我諗佢都係諗住等我自己開口同佢講掛？

於是我就想畢業禮前一晚，我先同老母講。

「老媽，有樣嘢我想同你講」我好似細細個做錯事，同老媽認錯咁款。

「你唔係依家先同我講你畢唔到業啊？」我老母睥住我。

頂，我俾佢整到笑咗出聲。

「唔係囉，就算真係畢唔到業，我呃都呃到啦。」我真係唔識死。

差啲又引起家庭慘劇。

「咁係咩事啊？」老母都面色凝重，feel到陣爛味。

「我同呀詩分咗手。」我終於吐得出呢一句，好似自己終於可以面對到呢份事，可以主動同人講起呢件事咁。

老媽無出聲，靜靜咁望住我一陣。

「我都估到㗎啦，係咪驚我聽日會見到呀詩呢？」老媽嘅笑容真係好撲大殺傷力我同老豆都唔會夠佢鬥。

「你知就好啦。」呢個女人唔簡單。

「放心啦，我好識做㗎呀仔！」老母有力水咁拍一拍我膊頭。

「你會點識做法啊？我不知幾驚聽日會尷尬。」

「挑，驚乜春啊？咪當係朋友咁囉，我都當佢係你識咗好耐嘅好朋友咁咋嘛。」

「不過你搞到我無咗個好新抱，條數點計先？」

「有咩點算，搵個更好嘅俾你囉。」我同老母打趣地講笑。

「一開始我對呀詩個印象唔係咁好，好似啲飛女咁，但識落其實佢性格唔差嘅。」

「詳細情況我作為呀媽嘅都唔清楚咁多，但根據我觀察同埋了解你嘅程度啦，你有好好珍惜佢，你都有好好咁認真經營呢段感情，雖然我一開始唔睇好啲中學貨仔，但我無阻止你哋係因為你哋都有互相扶持，呀詩對你都認真嘅。」

「要搵到個可以互相扶持嘅人，真係好難，你唔知幾時、會係咩階段遇到。」

「中學之後遇到嘅人就會？唔一定㗎，所以點解中學唔可以遇到先？」

「老媽都係一個傳統嘅人㗎，我都想自己個仔可以行係個正確路途上，但你依家都行緊啊，所以我都

唔擔心咁多。」

「你之前傷心嗰陣你咪以為老媽子唔知先得㗎，我都睇得出嘅，但呢樣亦都係你必經嘅階段，我唔應該過多去保護你，因為經歷成個過程，感受足夠大先學得更多。」

老媽子一路以嚟嘅好都係慢慢咁樣顯露出嚟，好似紅酒咁香醇。反而老媽子嘅安慰更加入肉，我都估唔到，屋企人嘅重要性伴隨返工後，變得更加重要。

家庭真係好影響一個人嘅成長，我好感謝屋企可以俾足夠嘅能量我。

喲晚我同老媽講咗好多，好多係我中學階段，羞於開口嘅事，都講咗出嚟，當然唔係咩都講，但好多一啲深一層嘅感受都嘗試講。

唔知點解以前唔敢講，尤其是男仔，同屋企人講自己嘅就特別扭擰，可能驚唔知屋企人點諗，驚俾佢哋扁，驚佢哋會管住曬，想自己做決定。

驚下驚下，都慢慢大個了。

到畢業禮翌日，老媽見到呀詩都係客客氣氣，心照不宣咁無提起以往嘅事，老豆其實都將一切看在眼裡。

將啲畢業相擺上ig，開一個post，一個階段就此完成。

畢咗業後嘅嘢，過幾年就唔知飛咗去邊，好似中學畢業咁件寫滿人哋簽名嘅校服，我依家都唔知放係邊了。

果真幾年後，我今日畢業收到嘅畢業花同埋公仔，都消失曬。留咗係啲相入面。

之後就係返工嘅時間了，啲時間真係快到文字難以形容。每日要做嘅都好多，勁曬精神，而且多數都係重複的。放咗工淨係想抖同埋瞓，瞓都唔夠時間瞓，啲人話返咗工之後無咗一大半人生係正確的。

我間唔中都有同呀詩keep住聯絡，佢後尾都拎到牌，正式成為一名社工，然後加入呢個返工嘅大家庭。

不過佢仲忙過我，佢工時都幾長，仲要負責好多嘢，有壓力之餘仲有唔同層面嘅情緒需要接受。

有陣佢都會同我呻下，我每次都會聽。

我無過問佢啲感情生活，可能潛意識我驚自己知道之後，唔知會係咩感受，會怯懦去面對。

知道之後，可能會心痛，可能坦然釋懷，無感覺，均有可能；但就係唔知邊一樣先係自己真正諗法，先驚。

你問我此刻嘅我對呀詩仲有無感覺，係無嘅，但可能内心深處嘅我唔係想咁？

去到後來我慢慢明，到底啲種感受已經唔係愛，同呀詩之間早已經唔係愛情上嘅拉扯，早已不同，而

係佔有慾噃一種，同好朋友一樣噃感覺差唔多

明明之前好fd，但忽然間斷開咗，然後同其他人玩得好開心，剩底自己一個。除非自己都有其他人同自己好fd，可能會帶你行出個困境。若然仲係好在意對方嘅話，痛苦只會係自己。

依家對呀詩嘅狀態就類似係咁樣，如果佢有男朋友，我就好似被拋棄咗一個咁。

但其實唔應該係咁。

因為咁樣只係自私嘅表現，同埋好似要一個贏輸咁，愛情又邊有贏輸可言。

出咗社會之後，我暫時都無打算開始一段新嘅關係，一嚟唔易識人，同事之間唔係個個都做到朋友，更何況要有愛火花？

最重要嘅係，我放唔低上一段嘅回憶，仲未完全開得放，可以準備好進入下一段關係嘅狀態。我覺得如果咁樣開始一段關係，對啲個人都唔公平。

同埋依家咁樣都幾好啊，多咗好多時間同埋錢做自己想做嘅事。

我唔知呀詩係咪都咁樣諗，但一年後，我都得知咗呀詩有新嘅戀情。

與此同時，香港爆咗有史以來最勁嘅社會事件，我都有上街，呀詩都好黃喎嚟，佢本身MK嘅性格都好直，好敢言。

當然佢唔係好進取喎嚟，話曬佢份工嘅立場都唔允許佢咁做。

但佢ig成日share咗post，香港人日程啊，連農牆喎嚟啊，佢都好憎咗狗。

我哋進入咗搵餐廳都分藍黃嘅時期，我自己都係，唔撚食藍店。

呀詩都好有心，入親黃店見有連農牆都會寫低啲。

「依家係感受到香港人最齊心嘅時候。」呀詩食飯前同我講。

其實我同呀詩嘅事已經過咗去兩年半，佢要開始一段新關係都正常。

而呀詩拍拖呢件事，係佢親自同我講。

我哋呢一年間唔中都會約出嚟食個飯，當係老朋友咁。經過時間嘅洗滌，有啲我唔明嘅位，都漸漸明白，都習慣咗呢種模式。

呀詩佢返工之後，個人都越嚟越斯文，以前嘅相只能夠用嚟笑佢，佢估唔到以前嘅MK妹會成為佢依家嘅黑歷史。

一身飄逸嘅白色長裙，之前剪短咗頭髮都變返長了，淡妝嘅佢變得更女神feel。

「啊係，想同你講件事。」呀詩燒緊肉喺陣同我講。

「咩事啊？」我漫不經意咁講。

「我出pool啦。」聽到嘅當下，我嘅心情都真係有啲複雜，但無唔開心，無心痛，無覺得點解噃個
人唔係我。

「個男仔點㗎？」但我只能夠久久吐出呢一句。

「佢幾好㗎，幾錫我，中心啲同事㗎，佢都追咗我一段時間㗎啦。」呀詩講道。

「點解要同我講嘅？」我好想知。

「因為我覺得親自同你講，先係對你嘅尊重」呀詩係咁樣答我。

「我唔想你透過我ig story啲的post啊，或者其他人把口知道我拍拖，我覺得咁樣係對前任嘅尊重，畢竟我哋曾經都真係
真心相愛過，又唔係邊個對邊個唔住，無必要透過其他人知，可以有更好嘅方法去處理同埋面對。」

「多謝你，真心嘅。」我真誠地笑，的確我感受到呀詩嘅種種尊重，心入面都無乜好值得介意了。

「但你知啦，你身份咁尷尬，我男朋友係唔會鍾意嘅。」呀詩笑笑說。

「我知，我都識趣嘅，維持咁樣已經足夠，可以做得返朋友都唔容易。」

「儘管感情唔同咗，但你係我心入面嘅位置一直都好高。」佢嘅諺法同依家嘅我一樣。

「大家咁話啦。」大個咗要你接受嘅事，實在太多。

「最後想問下，你有無後悔嗰陣點解唔擰落去，可能個結局會唔同。」呢個問題實在繫繞係我心入面
太耐。

我見呀詩思索咗一陣，彷彿好多啲想講。

「我都有問過自己，如果俾自己再揀多次，會唔會都係咁樣選擇。」

「最後我都係會咁樣揀。」

「因為我唔想你因為我而咁辛苦，我都唔想搞到自己另一半唔開心，我都覺得嗰陣嘅自己好難頂。好多家庭另一半有情緒問題，導致好多問題出嚟，我老豆其實都有情緒問題，又唔肯食藥，最後搞到咁
噃田地。佢自己都唔肯自救，就無人救得到佢。」

「所以有咁嘅情況，我會選擇推開身邊最重要嘅人，再自己療傷。」呀詩頓一頓，我見佢有啲嗚咽

「我唔係無試過，靠身邊嘅人撐住，但唔得，只會令人哋更加痛苦，當自己見到咁樣嘅時候，你估自己會開心咩？只會更加唔開心，仲嚴重添。所以我都唔想累到身邊嘅人。」呀詩有少少抽泣，好快就
停止落嚟。

「我都用咗好長一段時間先整理返好自己，先同自己講可以一段新關係啦，但同時間都驚唔知會唔會好似之前咁㗎。」

我唔識反應，我明白佢嘅憂慮，成件事沉重到我嘔唔出半隻字。

「過咗去啦，依家無事就好。」我淨係識講埋啲廢話，但其實我心痛嗰陣時嘅佢，唔識點樣保護佢，可以做嘅亦好有限。

可能我後悔嘅位係我仲未做得夠好吧？

不過過咗去咁耐，我哋都需要向前望，糾結以前嘅事對依家無幫助。

呢一次係我同呀詩分手後，第一次再傾返起以前拍拖嘅事同感受吧？

之後我都見到呀詩ig上po佢拍拖嘅嘢，而我同佢都漸漸疏遠咗。

我都開始釋懷，起碼學識同一段關係好好地說再見，覺得自己都可以慢慢開始另一段關係。

但唔急。

【全故完】